





h







REA L D I
C O L V M B I
C H R E M O N E N S I S,

I N A L M O G Y M N A S I O

R o m a n o A n a t o m i c i
c e l e b e r r i m i,


De re Anatomica libri xv.



P A R I S I I S,

Apud Andream Wechelum, sub Pegaso,
in vico Bellouaco: Anno salutis,

1 5 7 2.



12 17 I 2

C O L V A R I

CHURCH OF THE

OF THE GYMNASIUM

OF THE GYMNASIUM

OF THE GYMNASIUM

OF THE GYMNASIUM



OF THE GYMNASIUM

OF THE GYMNASIUM



PAVLO IIII. PONT.

MAX. REALDVVS COLVM-

bus Cremonensis,

S. P. D.



AVDEO mirandū
in modū, Pon. Max,
me op⁹ illud de re A-
natomica, quod ab-
hinc multos annos in-
choauerā, tandē fœ-
licissimis tuæ sanctitatis tēporibus absol-
uisse. Quis enim pius Christianis omni-
bus non gratuletur? quis sibi ipsi ex ani-
mo non gaudeat se ad hæc usq; tempora
servatū esse, cū in sedem Petri succes-
serit sanctissimus, atque optimus senex,
qui tanta iā inde à puero vitæ sanctita-
te præditus sit, tāta optimarum artium

omnium cognitione, ut huic Sanctæ Se-
di meritò seruatus fuisse videatur: qui
tot integerrimorum morum exemplo,
doctrina, cōcionibus, sobrietate, ieiuniis
præsentes, absentésque Christianæ reli-
gionis amore inflāmare possit: qui abu-
sus omnes, omnes hæreses profligare, at-
que radicitùs euellere solus queat. nullus
enim unquā post hominū memoriam hæ-
reticos, prauósque homines acriùs in-
sectatus est. nemo religionem hæresibus
labefactatam meliùs erexit: literarum
studia libētius fouit. Quid, quòd tu hu-
manos affectus omnes ita domuisti, ut
nemini prorsus pepercisse palàm ostēde-
ris. Cū igitur adeò acriter vitia inse-
cteris, adeò potēter virtutes euehas, bo-
nísque artibus & disciplinis humano ge-
neri perutilibus libēs faueas, illásque pa-
terna charitate foveas, non dici potest
quantoperè gaudeam me meis, quos de

Ana-

Anatome cōscripsi libris, te Pontifice,
extremā manū imposuisse, quos humidi
propēsoque, ut decet, animo tibi hodie
nuncupo, tuisque sanctissimis pedibus
prouolutus, sanctitatē tuā supplex exo-
ro, ut illis, meisque omnibus benedicat,
amplexetur, ac eos protegat. Si enim tuæ
sanctitati licebit unquam per maxima
illa quæ sustines totius Reipū. Christia-
næ negotia, meos hosce qualescunque li-
bellos perlegere, eos non inutiles Medi-
cinæ caterisque artibus iudicabis. Deus
faxit, ut te quā diutissimè incolumen
videamus: te enim Pontifice Christia-
na Religio vel à remotissimis barbaro-
rum nationibus, atque illius acerrimis
hostibus bene audiet.

INDEX CAPITVLM TOTIVS DE RE ANA- TOMICA OPERIS.

LIB. I.

P Roæmium pagina	1
De ossibus in vniuersum	2
De appendicibus, atque processibus ossium	6
De compositione ossium	14
Tabula compositionis ossium	16
De diuisione ossium	17
De capitis ossibus, siue caluaria	27
De osse iugali	47
De ossiculis organi auditorij ibidem	
De maxilla superiore	51
De inferiore maxilla	58
De dentibus	61
De capitis foraminibus	67
De osse hyoide	76
De larynge	79
De dorso in vniuersum	84
De vertebrais ceruicis, et capitis motibus	88
De vertebrais thoracis	96
De lumborum vertebrais	100
De sacro & coccygis osse	103
De thorace	109
De osse pectoris	119
De scapulis	121
De clauiculis	126
De humero	128
De cubito	132

De brachiali	137
De postbrachiali	141
De digitis manu	144
De ilium osse	148
De femore	154
De tibia	159
De patella	163
De pedis ossibus, ac primum de talo	165
De pedio	175
De digitis pedis	176
De scaminiis	178

LIB. II.

De cartilaginibus	180
De palpebrarum cartilaginibus	181
De aurium cartilaginibus ibid.	
De nasi cartilaginibus	183
De maxilla inferioris cartilagi- nibus	184
De aspera arterie cartilagini- bus	ibid.
De spine dorsi cartilaginibus	186
De cartilaginibus in superiore pectoris parte	ibid.
De cartilaginibus in medio pe- ctore	187
De costarum cartilaginibus ibid.	
De scutiformi cartilagine	188
De cartilaginibus in scapula, co- xendicis,	

I N D E X.

coxendicis, ac tibia finibus 189

De cartilaginibus iuxta brachiale 190

De cartilaginibus inter pubis ossa — ibid.

De articularum cartilaginibus ibidem —

De unguitibus 191

LIB. III.

De ligamentis 192

De capitis ligamentis 193

De ligamentis capitis cum duabus primis vertebra 194

De hyoidis ac lingue ligamentis 196

De ligamentis brachialis 197

De ligamentis femoris tibiaeque 198

De ligamentis inter sacrum os, et coxendicis 199

De ligamentis transversis in pede 200

De ligamentis reliquorum articularum — ibid.

De ligamentis cubito, tibia, ac pubi appositis — 201

De ligamentis hepatis ibid.

LIB. IIII.

De scelecto 202

LIB. V.

De musculis 211

Quid sit musculus ac de muscutorum differentiis ibid.

De faciei musculis 219

De musculis frontis ibid.

De duobus musculis nasi 221

De musculis latis in collo positis

ibidem —

De quatuor musculis labiorum 222

De musculis supercilium trahentibus 223

De palpebrarum musculis 224

De oculorum musculis 225

De musculis aurium — 228

De musculus maxilla inferioris ibidem —

De musculis ossis hyoidis 231

De lingue musculis 232

De musculis laryngis 233

De musculis scapulas mouentibus — 240

De musculis humerum mouentibus 242

De musculis capitis 243

De musculis cervicis 247

De musculis dorsi 249

De musculis thoracem mouentibus 251

De septo transverso 255

De musculis abdominis 258

De musculis testiculorum 264

De musculis penis ibid.

De musculis uteri 265

De vesicae musculis 266

De musculis ani ibid.

De musculus femur mouentibus 267

De musculis tibiae mouentibus 271

De musculis in tibia extremo pedis deseruientibus 276

De musculis in extremo pede 281

De musculis qui cubito deseruiunt	284	lum, intestina, & asperam arteriam	406
De musculis summam manum mouentibus	286	De pulmone	409
De musculis externis, qui manui famulantur	291	De pleura, & mediastino	414
De musculis in extrema manu	294	De œsophago, & ventriculo	416
LIB. VI.		De intestinis	419
De iecore & venis	298	De mesenterio et omento	423
LIB. VII.		De liene	425
De corde & arteriis	322	De vesicula bilis	426
LIB. VIII.		De renibus	427
De cerebro	345	De vesica	430
De cerebro, eiusque membranis:		De peritonæo	432
De spinali medulla: Item de nervis	ibid.	De abdomine	434
De organis odoratus, & nervis	356	De vasis seminatiis	435
De nervis in vniuersum	357	De testibus	438
De nervis medullæ spinalis post caluariam	366	De pene	440
De nervis manus	374	De utero	443
De nervis thoracis	380	De vmbilico	448
De nervis lumborum	383	LIB. XII.	
De nervis ossis sacri, & pedis	386	De formatione foetus, ac de situ infantis in utero	451
LIB. IX.		LIB. XIII.	
De glandulis	392	De tegentibus fabricam humani corporis	466
LIB. X.		De cuticula, cute, pinguedine, membrana carnosâ	ibid.
De oculis	396	De pilis	469
LIB. XI.		De periostio	470
De visceribus	406	LIB. XIII.	
De vna, tonsillisque, necnon de tunica vestiente nasum, palatum, os, œsophagum, ventricu-		De viua sectione	471
		LIB. XV.	
		De iis quæ raro in Anatome conspiciuntur.	482



REALDI COLVMBI

CREMONENSIS

DE OSSIBVS

Liber Primus.



V MANI Corporis fabri-
cam descripturi, primùm
ab ossibus incipiamus: ab
ea nimirum parte, ad cu-
ius imaginem ceteras om-
nes effingi meritò conue-
nit: quandoquidem ossiũ
structura eandem in cor-

*Cyrosium A-
natome præce-
dat.*

*Gal. 1. de A-
nato. administ.
cap. 2.*

pore rationem obtinet, quam in ædificiis co-
lumnæ, trabes, ac fundamenta. Vt enim rusti-
ci humiles sibi casas ædificaturi, inuicem pri-
mùm ligna compacta intertexere solent, quæ
deinde ramis, cæmentisq; opplent, atque obli-
nunt, lutoque demum, ac palca incrustant &
obtegunt, quò se à cæli, ferarum, atque homi-
num iniuriis aliquo pacto tueantur: Sic prope-
modum se ossium strues habere videbitur, si
carne ab ossibus eximas, & denudata ossa eo

*Ordo in tractatu
da Anatomie.*

*Ossium Ana-
tomen sequitur
cartilagineus se-
ctio.*

*Post Cartilagi-
nes ligamenta.*

*De sceleti stru-
ctura post liga-
menta.*

modo componas, & tolligas, quem nos infra edocturi sumus, ubi de componendi sceleti ratione ex professo agemus. Enascentis etiam navis exordium si intueberis, carinam inquam, & costas, exemplum habebis huic eidem rei ac commodatissimum. Ossa igitur fundamenta corporis optimo iure dixerimus, quæ fulciant, stabiliantque partes alias: neutiquam enim per se consisterent, firmariue possent, nullamque, aut certè imperfectam functionē obtinerent, nisi solidis hisce partibus adnascerentur, atque adhærescerent. Quamobrem de ossibus agere primum expedit, ut cum alios anatomicos, tum Galenum ipsum ita iubentē sequamur. His ad- demus tractationem illam, quæ est de Cartila- ginibus: tertio verò loco de ligamentis differe- mus, particulis admodum necessariis ad ossa vnienda, compagemque ipsam ossium conti- nendam, ut ne à sua sede dimoueantur, aut huc vel illuc dilabi temerè possint. Et hæc sanè si- milia sunt vinculis, aut clavis, quibus trabes connectuntur tuguriis aut carinis exædifican- dis. Postremò tractatum hunc concludet ea pars, in qua sceleti faciendi artem quandam haud inutilem monstrabimus.

CAPVT I.

*Cur ab ossu no-
mine non exor-
datur.*

AB ossibus itaque cum sit exordium, ordo ipse rerum tractandarum à veteribus nobis per manus traditus exigere videretur, ut primò

primò explicaremus quid ossis nomine intelli-
gi velimus, nisi omnibus ea res esset quàm no-
tissima. Præterea dum ossium substantiam e-
narrabimus, id ipsum omnino docere videbi-
mur. Nominis igitur ossiū disquisitione præ-
termissa, quòd non ita in promptu sit cuius
ossium natura, seu substantia, nomina, diffe-
rentiæ, figuræ, & vsus, operæpretium fuerit de
his accuratè, quoad eius fieri potest, agere. Os-
sium igitur substantia terrea quidem est maxi-
mè: scire etenim licet corpora omnia aut esse
simplicia, qualia sunt prima quatuor elemen-
ta, aut ex iis composita: Compositorum au-
tem diuersam naturam esse pro varia quam su-
munt ab elementis portione: ea siquidem cor-
pora ignea dicimus, in quibus ignei plus ele-
menti viget, aërea verò, aut aquea, in quibus
aër, vel aqua dominatur: sic alia grauiora, alia
leuiora, cæterisque qualitatū differentiis præ-
dita magis nuncupamus eandem ob causam.
Cum igitur plus terræ, quàm reliquorum ele-
mentorū in ossium natura deprehendatur,
nō ab re terrestria illa, cum medici omnes, tum
philosophi appellauerunt, ac præterea durissi-
ma, frigidissima, aridissimaque partium om-
nium corporis, qualis est ipsa terra: qua limi-
tatione Galeno occurritur, qui pilos ossibus sic
ciores dicit, ac etiam frigidiores in fine primi
temperamentorum, quoniam pili excrementa
sunt, non partes corporis, si propriè loquamur.

*Ossium substan-
tia terrea.
Corporum diuer-
sia.*

Ossa eunt natura.

*Gale. in eabo
primi de tempo-
ramentis.
Contra Gal.*

Cur ossa non sentiant.

sunt etiam ossa immobilia suapte natura gra-
uia, alba, & sensus omnis expertia : quanquam
non ea ratione dicendum mihi videtur ossa mi-
nimè sentire , quòd plurimo abùdent elemen-
to terreo , sed quoniam per ipsorum substan-
tiam nulla nervorum portio diffeminetur, quo-
rum beneficio cætera omnia, quibus sensus in-
est, sentire pro còperto habemus. Id quod pru-

Natura est Dei voluntas.

dentissimè Dei optimi maximi volùtate, quam
naturam dicimus , factum fuisse intelligemus,
si animaduertamus ossa ea esse, quæ totam cor-

Ossium munus.

poream molem sustentent , quæ frequentibus,
ac variis motibus cieantur , quibus motis par-
tes reliquas secum vnà trahi , ac deferri necesse
est , quæ si sensu prædita essent, tantùm non as-
siduos labores non sine dolore persentiscerent,

Si ossa sentiret, quæ incouenientia sequeretur

& ea tristis , (vt vocant) sensatio aut maximam
actionum partem tolleretur, aut saltem frustra-
retur. Neque illi audiendi sunt, qui obstinatè

Contra credentes ossa sentire.

asserunt insignem in ossibus sensum inesse, qui
si adesset, cùm vruntur , secantur , franguntur,
ac grauiter percutiuntur, læuissimis cruciatibus
ægros angerent, quod tamen perrarè accidit,
tuncque dolor ab ossibus minimè proficiscitur
sed à membrana illa, quæ ossibus obducitur, at-

Quod ossa periostij gratia sentiant.

que ideo à Græcis vocatur *περίοστεος*. Quòd autem
ossa periostij munere, non spontè sentiant, hinc
patet. Hac etenim abrafa non modò sine do-
lore, verùm etiam sine vlllo prorsus sensu ossa
secabis, còbures , & quo lubuerit modo tracta-
bis.

bis. Quare cū Galeno, & aliis rectè sentiētibus
concludamus ossa omni prorsus carere sensu,
dentes tamē excipio, quos sentire omniū con-
sensu, magistrāque experientia comprobatum
est. Cuius rei rationem, ne omnia vbique con-
culcentur, in suum locum reiicimus. Atque hæc
prima sit ossium differentia ita obiter dicta,
quæ nō solū nominibus discrepant, cū sin-
gula suū sibi nomen vendicent siue proprium,
siue tralatum: sed differunt etiam magnitudi-
ne, cū alia parua sint, magna alia: quin &
forma, siquidem alia oblonga sunt, alia bre-
uia, alia triangulum, alia quadrangulum refe-
rentia, vel aliū figuræ, hæc leuia, illa aspera,
alia processibus munita, alia appendices habē-
tia, alia commissuris distincta, alia non item.
Vsu quoque distinguuntur, cū ad vnā tan-
tū functionem, aut opus commune omnia
non sint destinata, quod etiam tam multiplex
formarum diuersitas attestatur: videre enim
est nonnulla planè concaua, & ex his quædam
cauitatem amplam habēt, quædam angustam.
neque id pro magnitudine contingit ossium,
quando aliqua sunt grandia, nec tamen mani-
festam cauitatem habent, vt sunt ossa, quæ cum
sacro committuntur, & ipsum os sacrum, sca-
pulaque, & alia, de quibus suo loco dicemus.
Parua item sunt aliqua, & insigniter concaua,
sicuti sunt ossa digitorum, quicquid de hac re
Galenus senserit primò de partium usu. Ossa

*Prima ossium
differentia.*

*Ossa non sen-
tiunt.*

Dentes sentiunt

*2. Ossium diffe-
rentia à magni-
tudine.*

*3. Ossium diffe-
rentia ab usu.*

*Ossa quæ cū sa-
cro committun-
tur, os sacrum
& scapulae insi-
gni cauitate ca-
rent.*

*Contra Gal. 1.
de usu partium.*

*Ossa digitorum
sunt insigniter
concaua.*

*Ossana, sefa-
mina, & aud-
sum instrumenti
non sunt solida*

Corra Vesaliū.

*Brachiale, den-
tes & multa di-
gitorū ossa sunt
perforata. corra
Vesalium.*

*Cur foramina
in ossibus.*

omninò solida non ego numerauerim ossa na-
si, neque sefamina, neque ossicula organum
auditus constituentia, mihi enim prorsus non
sunt solida, quanquam Vesalius aliter sentiat:
nam si quis fracta hæc, vel recentia, neque dum
exciccata diligenter inspiciat, in iis apparebit
spongiosa quædam substantia pumici denso
perthnilis, linus quosdam perexiguos præ se
ferens: ad hæc ossa ipsa extrinsecus foramini-
bus referta sunt, sed alia magis, alia minùs, li-
cet omnino solida videantur esse. Huiusmodi
foramina non agnoscit Vesalius in brachiali,
dētibus, ac permultis digitorū ossibus, qui tamē
in hac parte parū oculatus fuit, vt infra ostēde-
mus: hæc autē foramina ne inutilia duxeris, nā
ideo à sapiētissimo rerū opifice Deo facta sunt,
vt per ea aditus pateret tum venis ad sanguinem
crassiusculū pro nutrimentō deferendū, tum etiā
arteriis ad vitalem calorem commodandum.
At illa, quæ nullis foraminibus donata sunt,
cū neque venas, neque arterias admissura ef-
sent, ab adiacentibus partibus & fouentur, &
nutriuntur: atque hæc in vniuersum, & quasi
per transfennam de ossium differentiis dicta
nunc sint. Reliquum esset, vt iam ad singulo-
rum enarrationem veniremus, vbi planiùs om-
nia dignoscentur.

CAPVT II.

*Cur statim sin-
gula ossa nō ex-
plicet.*

SED quoniam in singulorum ossium enar-
ratione nonnulla occurrunt nomina, quibus
in

in toto hoc tractatu de ossibus vtendum erit, quæ nisi prius cognita forent, dubio procul difficultatem aliquam, obscuritatẽque parerent, idcirco de his antea differendum mihi esse videtur, quæ, qualiaque hæc sint, quoue significatione accipi debeant: in hoc etenim præcipuos anatomicos imitari statui, qui & ipsi existimarunt horum nominum tractationem plurimum conferre ad ea percipienda, quæ de ossiũ natura, deque ipsorum compositione sunt dicenda.

Primum itaque videamus quid sit appendix, quam Græci ἐπίφυσιν vocant: ea nihil aliud est, quam ossi os adnatum, coagmentatũque, quemadmodum linea quædam ossium capita circumscribens apertè indicat: scito autem hanc in iunioribus animalibus facillimè deprehendi in grandioribus verò, ac ætate prouectis vix discerni posse. Nam si hædi, aut agni, vel alterius animalis nuper nati ossicula decoxeris, in eorum extremitatibus partes quasdam diuelli, ac concidere conspicias, siue id spontè, siue de industria fiat, & hæc particule superius inferiorisue appositæ adnexæque appendices dicuntur, quarum vtilitatem neque Galenus solertissimus alioqui naturæ inuestigator rectè descripsit, vt Vesalius optimè reprehendit. Sed neque ipse, quod magis miraberis, nouisse videtur, aut si nouit, scribere neglexit, quippe qui arderet cupiditate incredibili in Galenum in-

ἐπίφυσιν. l.
append. x. quid
sit.

Appendix in
grandioribus vix
cernitur.

Vesalius quan-
doque errat no-
mio studio re-
prehendit Ga-
len.

*Galenī ratio de
appendicibus 9
de Vſu Part.*

*Vesaliū ratio cō-
tra Gal. de ap-
pendicibus.*

*Quid intelligat
Ves. per ossa nō
medullosa.*

*Appendices nō
esse duriores of-
ſibus cōtra Ga.*

uehendi & eius errores adnotandi, vt ad Gale-
num redeamus, is I x. de partium vsu asserit,
naturam appendicibus ossa donasse, vt oper-
culi vicem gererent, ne scilicet medulla sinibus
contenta efflueret: quam rationem satis infir-
mam esse, ne insulsam dicam; ex eo patet (in-
quit Vesalius) quoniam ossa huiusmodi sini-
bus carentia, tamen appendicibus nō sunt pro-
pterea destituta, quin & scapulæ, & vertebræ,
& ossa nonnulla parua, quanuis minimè sint
medullosa, suas tamen appendices habēt. Hac-
tenus ille: etsi pluribus cum verbis, tum etiam
exemplis Galenum oppugnet: quo loco ani-
maduertere oportet ossa minimè medullosa
Vesalium intellexisse, non quæ prorsus me-
dulla careant, sed quæ cavitates, aut sinus in-
signes non habent, at solūm cauernulas quas-
dam perexiguas, fungosam substantiam refe-
rentes, in quibus medulla delitescit, & propte-
rea medullosa esse non videntur, si cum iis
conferantur, in quibus ampli sunt sinus, & ma-
nifesti, multa oppleti medulla. Illud etiā nullo
pacto omittendum est, quod Galenus eodem in
loco addidit. Appēdices scilicet, multò esse du-
riores ossibus, quod quomodo concedi possit,
non equidem video: nam appēdices ab ossibus
auulsas sæpius vnusquisque nostrum dentibus
compressit, atque attriuit, vt dulcem inde suc-
cum, & non iniucundum exprimeremus, qua-
re tantum abest, vt appendices ossibus duriores
sint,

fiat, vt contrà in his spongiosum corpus, & molle experiamur: nisi fortasse de parte illa sensisse Galenum opinemur, qua committuntur appendices cum ipsis ossibus: sed neque hac limitatione tueri Galenum possumus. Etenim quòd appendices frequenti, assiduòque motu articulorum non atterantur, non est vni appendici acceptum ferendum, quòd durissima sit, sed illud contingit propterea quòd inuestiatur cartilagine densa, ac molli, quæ sua duritie, atque (vt ita dicam) vnctuositate articulationem ipsam conseruat, ne dum lubricam magis, & ad motum promptiorẽ facit: id quod perspicuum magis tibi fiet, si consideraueris, nõ omnia ossa, quæ per articulum committuntur appendicibus esse munita, tamen crustam hanc cartilagineam præ se ferre, quippe quæ necessarium præsidium afferat, ne longo attritu ossa disrumpantur. Sed, his omissis, iam appendicum vsum dicamus, nemini adhuc, quod sciam, cognitum, licet res sit cùm scitu digna, tum verò pernecessaria. Ego cum scirem nihil frustra à natura factum, neque adeò nullius prætij in corpore particulam dari, quæ alicui vsui non esset addicta, peruestigare non destiti, quæ nam foret appendicum vtilitas: & cùm Galeni sententia mihi non probaretur, demum comperi appendices ossibus adnexas esse, vt ex ea coniunctione ligamenta prodire possent, quæ in articulis compositionem ipsam roborant, stabiluntque, qua-

Gal. defensio.

*Defensionis
Gal. oppugna-
tio.
Cur appendices
non atterantur
ex assiduo mo-
tu articulorum.*

*Appendicum
vsus verus à na-
ture ad hoc,
expressus.*

lis est femoris supernè cum osse coxendicis, infernè autem cum tibia, qualis etiam humeri cū scapula, & cum vlna atque radio, qualis denique aliorum articulorum, quibus cum etiam illos numerari velim, qui, vt paulò supra diximus, appendicibus non sunt donati, quibus

Quomodo articuli carentes appendicibus desinantur à ligamentis, dicitur in tractatu de ligamentis.

Ligamenta oriuntur etiā ex appendicibus vbi non est articulus

Ex ligamentibus cartilaginibus musculi saepe oriuntur.

Ligamentales musculorum cartilagine desinunt in Tendines.

Ligamenta oriuntur ex appendicibus.

Luxationum causa.

quomodo præstò sint ligamenta, per quæ vincti teneantur, infra proprio de ligamentis capite tractabimus. Neque verò id vnum tantum ligamenta præstant, cum ex his etiam appendicibus exoriantur, vbi nulla fit coarticulatio, vt in ossibus ilij, vt in scapulis, ac nonnullis vertebrarum processibus: inde enim fluunt ligamenta, quæ ad musculorum constitutionem necessariò concurrunt, sicuti proprio capite ostendimus. Quo fit, vt musculi inde plurimùm ortum ducant: vnde exeunt huiusmodi cartilagine ligamentales, sic enim appellare nunc libet, quæ quidem per musculos disseminantur, vim ac robur illis subministrantes, ac demum in tendines ipsos desinunt: quæ duo ligamentorum munera, cum tantopere sint necessaria, necessariam quoque fuisse appendicum generationē quis non videt? cum ea sublata vix reperias unde commodè prodire possint ligamenta. Quòd autem ea sint, quæ articulationem ipsam colligent, atque ita contineant, vt ne huc vel illuc dilabatur. præterquam quòd per dissectionem constare liquidè possit, animaduerrere etiam licet in luxationibus, cum ob nimiam molli-

tiem,

tiem, & humiditatem lenta fiant ligamenta, & protrahantur, aut aliquid glutinis calli cuiusdam instar interfideat, quo longius quàm necesse sit, ligamentum reddatur, aut tenella puerorum ossa validius imperiti medici manu fuerint attrectata, quandoquidem eousque extenduntur, vt secùm vnà appendices diuellant.

Luxatio manū facta.

Quam luxationem nunquam, aut summa quidem certè cum difficultate curari posse crediderim, propter sinuum, ac tuberculorum multitudinem, quibus vtraque pars, tam appendicis, quàm ossis cui adnascitur abundat, & eorundem mutuū ingressum postulat. sequitur

Luxationis species quæ difficillime curatur, et

ἀπόρρισις à Græcis dicta, quam Latini interpretes diuersis vocibus reddunt, nos autem vbiq; processum dicemus. Is autem est, cum os in aliqua parte prominet, quasi ramum, vel radicem iuxta trunci arboris ritum emissurum. Cum itaque pars aliqua gibbi aut tuberculi instar ex osse procedit, rectissimè processus nūcupatur, qui ab appendice differt, quoniam is vera pars est eius ossis, vnde prominet, appendix verò ossis, cui adnascitur, nullo modo. Item appendices plerunque processus habent, vt in vlna cernimus, & tibi e parte inferiore, atq; etiam in aliis quibusdā ossibus, de quibus infra. Rursus nonnullis processibus hærent appendices: nam interior scapulæ processus anchoræ imagine, & scapulæ spina, quæ itidem scapulæ processus est, appendices habent. Illud tamen adnotandum

ἀπόρρισις. i. processus quid sit.

Processus & appendix differētia prima.

Differētia 2^a

Differētia 3^a

Processus Trochanteres videntur appendices.

Vesalius male distinguit in rotatoribus processus ab appendicibus.

Differ. 4.

Quæ ossa appendicibus carcænt.

Styloides processus qui.

Coronæ processus qui.

Ancyroidis processus qui.

femoris processus, qui trochæteres, siue rotatores vocantur, appendices verius esse, quàm quòd appendicibus muniti dici debeant: tota enim pars illa, quæ protuberat, & iccirco processus dicitur, appendicis locum tenet, ut ibi idem sit processus, qui & appendix, licet Vesalius discrimen posuisse videatur. Nam si rotatores in nuper editis animantibus auellantur, ut ea ratione appendices abeant, nihil loci processibus relinquetur. Cùm itaque ablatis appendicibus, processus vnà auferantur, meritò partem vnâ atque eandem, processum & appendicem eo in loco iudicabimus. Sed hæc parui sunt momenti. Præterea differunt processus, & appendix, quoniam pauca sunt admodum ossa, quibus aliquis non adsit processus, cùm fieri vix possit, quin aliqua ex parte emineant: at multa tamen sunt ossa appendice destituta, ut ossa capitis, maxillæ superioris, brachialis, & quædam alia. Differuntque processus inter sese, cùm diuersas figuras sortiantur: alij enim tenues sunt, & acuti styli formam referentes, propterea Styloides à Græcis vocati: alij acuti quidem, sed non ita tenues, quales in cerui conspiciuntur & in arcu cornu, vbi neruus asidet. Huiusmodi processus in inferiore maxilla reperias. & hi sunt, quos coronas Galenus appellauit, quasi processus in acutum tendentes, alij anchoræ similitudinē præ se ferunt, ut interiores scapularum processus ancyroides, alij in caput

put desinunt, idq; bifariam, nam quidam illud depressum habent, vt postbrachialis, vbi cum brachiali iungitur, & pedij ossa vbi cum ossibus tarfi, & fibulae cum suprema parte tibiae: quidā verò oblongum, & prominens, vt femoris caput superius, quo articulatur cum ossē coxendicis: in aliquibus etiā caput rotundum est, quale est humeri cum scapula & osium postbrachialis, cum primis articulis digitorum: longi capitis processus ceruicem quoque habere dicuntur. Ceruicis autem nomine eam partem intelligimus, quae in ipso processu, tenuior est, & ab ossē vsq; ad ipsum caput pertinet, quod spatiū collo quā simillimum apparet, sicuti perspicuum est in superiore femoris parte, quē in coxendicē ingreditur. Et quoniam capitū facta mentio est quae ideo effecta sunt, vt aliorum sinus articulationis gratia subeant: sciendum est pro capitum varietate sinus quoq; varios esse, siquidem illis ipsis proportionē respondent. Nam si oblongū fuerit caput, oblongum æquē esse sinū oportet, in quem inseratur: sin autem depressum, humilē etiam, ac modicam cavitatem requirit. Sinum amplum, profundū & valde perspicuum Latini acetabulū, Græci verò κοτύλην siue κοτυληδώνα dicunt, planum autē, & obscurum γλήνην, qui sinus adēdō leuiter, superficiēque tenuis cauatus est, vt vix primo aspectu cōprehendi queat. At eorum sinuū, qui ampliter caui sunt, profunditates augere solent processus quidam circulares, quos

*Processus capiti
depresso.*

*Processus oblongi
& prominetes.*

*Processus capiti
rotundo.*

*Cervix in ossi-
bus quid vocetur.*

*Caput in pro-
cessibus cuius fa-
ctum fuerit.*

*Sinus propor-
tione respondēt
capitibus proces-
sum.*

*κοτύλην, vel
κοτυληδών. i.
acetabulum.*

*γλήνην in sini-
bus ossium quid
sit.*

*Sinus ossium quā-
doque a proces-
su & cartilagi-
ne amplificatur*

*Quid femoris
luxationem dis-
ficiliorem red-
dat.
Processus disse-
runt numero.*

*Processuum v-
sus triplex.*

in superficie positos labra, siue supercilia vocamus. Augent etiam huiusmodi cavitates, cartilagine, quæ in aliquibus inueniuntur, quæadmodum in scapula, vbi cohæret cum humero, & in coxædici articulatione cum femore: & hæc luxationem difficiliorem faciunt. Processus nō figura modò, sed etiam numero distant, quædam enim ossa pluribus, quædam verò paucioribus sunt donata, quemadmodum ex vniuscuiusque ossis descriptione patebit. Processuum verò utilitas non vna est duntaxat. Nam facti sunt ab opifice Deo, tum vt cōmodam ossium articulationem, compositionemque præbeant, tum vt inde quasi ex rupibus, aut collibus quibusdam muscoli prodeant, vel in eos ipsos implantentur: tum demum vt propugnaculi munere fungantur, quales sunt scapularum, vertebrarumque processus. Quid vertebra sit, notum tibi fiet tractatu de vertebris, quid verò articulus, sequenti tabula intelliges.

CAPVT III.

*Cur tabula de
ossium diuisione
hic posita sit.*

QUÆCUNQUE superiore capite complexi sumus, dedimus operam, vt quàm breuissimè perstringeremus: quando eadem repetere continget, & fusiùs fortasse alibi pertractare. sed nullo modo prætermittenda erant, præsertim vt ossium structuræ diuisiō faciliùs intelligatur: quæ nusquam aptius, quàm hîc locari poterat: & ob declaratas iam voces, & quia
vni-

vniversæ huic historiæ luminis multum afferet. Cum itaque constet sicuti initio dictum est, totam ossium molem esse veluti fundamentum animati corporis, cuius proprium est, ut sentiat, & moueatur: inutilis ea constructio fuisset, quæ continua esset ac solida, quid enim illius fabrica à lapidea vel ænea statua differret? Sed ossa, etsi natura per se immobilia habeantur, moueri tamen eadem apprimè necessarium fuit: ut ad ipsorum motum animalis motus cōsequeretur, ac præsertim hominis animantium omnium perfectissimi: cui ob infinitas propemodum artes, quas ipse tractat, innumerabilēsque actiones, quas edit, infinita penè motuum genera debebantur. Talem igitur cōpositionem ossa postularunt, ut neque omnino disiuncta ac dissoluta, neque prorsus continua essent modo venarum, ut malè Aristoteles putauit tertio de Natura Animalium Cap. vii. Ergo contigua ossa, coniunctaque esse oportuit, ut super aliquo quiescere moueri possent, tametsi ossium vnio, quæ ob motum præcipuè facta est, ob transpirationem etiam, transitumque corporum facta fuerit, ut futuræ in caluaria, quam & tutelæ causa ex pluribus ossibus efformatā esse suo loco audies, ac demū ob partium diuersitatē, vbi dura mollibus cōmittuntur. Cum autē in cōponendis ossibus sapiens natura non vnā rationem seruauerit, ut facillè quisque intelligat, quā variè sint inuicem cōposita, sequentē tabulam subiecimus.

*Cur homo non
constat ex ossi
bus continuo
& solido.*

*Ossium cōpo-
sicio qualis esse
debet in homi-
ne præsertim &
cur.*

*Cōtra Arist. 3.
de natura Ani-
mal. Cap. 7.*

*Sutura capitis
ob transpiratio-
nem facta sunt.*

*Cranium tutā-
menti gratia fa-
ctum.*

*Ossium cōposi-
tio varia est.*

Tabula compositionis ossium.

OSSA HUMANI CORPORIS inuicem componuntur.

Per articulum, qui est ossium
compositio cum motu, huius
duæ sunt differentiæ.

Diarthrosis,
quæ est dearticulatio ad
motum manifestum.
diuiditur autem in

Enarthrosim,
Arthrodiam,
Ginglymon.

Enarthrosis fit, ubi rotû
dû aut oblongû caput
in cauû aliquod inse-
ritur: vt est articulatio
femoris cum coxæ dîce
humeri cum scapula,
primæ aciei digitorum
cum ossibus postbra-
chialis.

Arthrodia est, quæ le-
niter cauum, & in su-
perficie, & capitulum
etiam depressum ha-
bet: vt prima ceruicis
vertebra cum secunda
& radius cum cubitio.

Synarthrosis,
quæ est coarticulatio cû
motu obscuro: in easdẽ
autem species diuidi-
tur, in quas & *Diar-*
throsis diuisa est, vide
licet in

Enarthrosim,
Arthrodiam,
Ginglymon.

Eo verò inter se tantû
differunt, quòd hæ ob-
scurû, illæ manifestû
habent motum.

Nec mirandum est eas-
dẽ res diuersimodẽ cõ-
sideratas, posse sub di-
uersis in eodem prædi-
camẽto generibus col-
locari, nam id quan-
doque in diuersis præ-
dicamentis contingit.
Exempla in hoc gene-
re sunt.

Enarthroseos. Tali os

Per Symphysim, quæ
est ossium inter se cõ-
iunctio, siue vnio si-
ne motu, hanc no-
bu visum est diuide-
re in

Suturam,
Gomphosim,
Harmoniam.

Sutura ea compositio
est, quæ in capite ha-
b. tur in serræ mo-
dum, vt est sutura co-
ronalû, sagittalis &
Lambdoidis.

Gomphosis est, cû ad
instar clauis os ossi
infigitur: vt sunt dẽ-
tes in maxillis.

Harmonia est ossium
structura per sim. pli-
cem lineam: vt sunt
commisura maxillæ
superioris, et ea præ-
cipuè, quæ in naso ha-
betur, quæque si cum
longitudinẽ pã-
latifer. ur.

Gingly.

Ginglymos ea est, in qua ossa sese inuicem ingrediuntur, & tum suscipiunt, tum suscipiuntur, ut *vlua*, siue cubitus cum humero, femur cum tibia, secunda, & tertia digitorum acies.

cum osse *cymbam* referente, & tertium os *brachialis*, cum primo & secundo eiusdem. *Arthrodiæ*. *Tarsi* ossa inter se, *cyboides* cum calce, & quædam ossa *brachialis* inter se. *Ginglymi*. Tali os cum calce, & nonnulla inter *brachialis* ossa inter se.

Omnia hæc inuicem committuntur.

Synchondrosi,
quæ est ossium unio
per cartilaginem
facta, ut videre
est in osse pubis,
pectoris, & ilei,
quæ sacro conne-
ctitur.

Syssarcosi,
quæ est ossium con-
iunctio appositio-
ne carnis resul-
tans ut inter dē-
tes, & maxillas
cernitur, atque
etiā in articulo,
quos muscoli cir-
cundant.

Syndesmosi.
quæ est eorundem
per ligamentum
compositio, ut in
articulis patet.

Plura sequenti capite vtriusque generis exempla adducemus, ubi explicanda nobis est huiusce nostræ diuisionis ratio, quam illa passim occurrent in vniuersa ossium tractatione.

CAPVT IIII.

NE fortè quispiam admiretur, quòd in superiore diuisione neque Galenum, neq; Vesalium in omnibus sequuti sumus, ratio reddē-

*Curtm osiū di-
uisione neque
Galenū in om-
nibus, neque Ve-
saliū sequatur.*

da est, quamobrem ab illis dissentiamus. Nam licet Galenum tanquam numē veneremur, Vesaliōque in dissectionis arte plurimum tribuamus, vbi cum rei natura cōsentiunt: tamen cū aliquando videamus rem aliter multò se habere, ac ipsi descripserint, veritas eadem, cui magis addicti sumus, nos cogit ab illis interdum recedere. A Galeno itaque nunc discedo, quoniam definiēs Synarthrolim, coarticulationē esse dixit ad motum quamuis obscurum. cuius deinde veluti species enumerat Sutura, Gomphosim, & Harmoniam, quæ omni prorsus motu carēt. Præterea Symphysi tantum adscribit coniunctiones illas, quæ media cartilagine, aut ligamēto, aut carne fiunt: cū tamen articuli quoque omnes ligamentorum ope vniantur, quos ad Symphysim referre non decet, quando ille hæc sibi inuicem opponit, per Articulū, ac per Symphysim. Postremò cū asserat fungosa ac mollia ossa nullius rei interuentu connecti: & aperte videamus ossa pectoris præcipuè & sacrum constituentia fungosa, & mollia per cartilaginem vniri. Addo quòd in Introductorio, siue medico, maxillæ superioris vnionem sub Symphysi ponit, quā in libello de ossibus ad Harmoniam retulit. Dicendum itaque aut harmoniam speciem esse non Synarthroseos, sed Symphyscos, sicuti nos fecimus, aut artem illū in hoc confudisse. Sed hæcenus de Galeno: ad Vesaliū trāsco, qui Symphysim cū Gomphosi, Sutura, atq;

*Galenī error,
vel contraditio
potius.*

*Galenī error
alius.*

*Gal. error ter-
tius.*

*Galenī error
quartus, vel cō-
traditio potius*

Vesaliū error.

Har-

Harmonia cōnumerat quatuor efficiēs differē-
 tias eius structuræ, vnde nullus omnino motus
 prouenire solet. At rectiùs poterat Symphyseos
 nomine genus intelligere innominatum quod
 tres illas sub se differētijs cōprehēderet. Quòd
 si diligentius structuram ipsorum ossiū confi-
 deremus, alia profectò videbim⁹ ita coalescere
 vt cōnata prorsus videātur, alia cōiuncta, & col-
 ligata rectiùs appellari. Quæ cōnata sunt, ea sub
 Symphysi ponenda vidētur, sicuti etiam ipsius
 vis vocabuli præ se fert. Vbi ossium autē cōposi-
 tio ad aliquem motū facta est, ad Articulū non
 referri non potest. Cū igitur quæ per Gom-
 phosim, Harmoniam, Suturaque vniuntur,
 eiusmodi sint, cuiusmodi Symphysim esse dixi-
 mus, quid obstat cur sub Symphysi, veluti sub
 natura quadam communi nō reducantur? Iam
 verò cū Vesalius ita distribuatur ossium com-
 missuras, vt alteram fieri dicat alicuius partis
 ope, alteram nullius (pace tanti viri dixerim)
 falsa, & rationi minimè consentanea protulit.
 Nam si quid ego in cadauerum dissectionibus
 diligenter obseruauī, id vnum præcipuè fuit,
 vt aliquando certò scirem, an vsquam reperiri
 posset ossium vnio, siue compositio nullius me-
 dij beneficio: quod equidem (vt ingenuè fa-
 tear) nusquam inuenire potui: sed mihi vel ca-
 ro, vel ligamentum, vel cartilago semper oc-
 currebat. Exemplum verò quod de appendici-
 bus attulit, absurdum mihi, ne dicam perridi-

*Ex ossibus alia
 cum alijs cōna-
 ta, alia cōiun-
 cta videntur.*

Vesalijs error.

*Os quodcumque
 cum alio vni-
 tur media car-
 ne vel ligamento
 vel cartilagine.*

*Vesalius malè
 putat appendi-
 ces nulla ve me-
 dia ossibus vni*

culum, videtur. Etenim vt appendices in natu-
grandioribus adeò coalescant, vt discernere
nequeas, an partes sint ipsorum ossium, quibus
adnatæ sunt, non ex eo tamen sequi debet nul-
lius partis ope fuisse coniunctas, cùm per car-
tilaginem vnitæ fuerint: quanquam ea tempo-
ris progressu tandem exicceretur, atque abolea-
tur. Quocirca aliam diuisionis formam exco-
gitauimus hoc pacto. Primùm diuissimus ge-
nus, Humani scilicet corporis diuisionem in
articulum, ac Symphysim. quid esset Symphy-
sis, ex superioribus patuit. Articulus Græcis
ἄρθρον. i. ar- ἄρθρον est ossium compositio alicui motui desti-
ticulus quid sit nata, (quanquam Hippocrates arctiùs articuli
Articuli nomi- nomen acceperit, pro ea commissura, in qua
ne quid intelli- pars aliqua ossis rotunda, caput inquam in pro-
gat Hippocra- ximum ossis alterius sinum committitur) nos
tes. articulum naturalem ossis compositionem om-
nem vocabimus voluntarij motus gratia factā,
siue is motus euidentis fuerit, vt femoris ad os
coxendicis, & capitis super collum: siue obscu-
rus, vt postbrachialis ossium ad ossa brachialis,
& calcis cum talo, atque aliorum id genus, de
quib⁹ alibi dicitur. Ergo pro duplici motu duas
articulationis differentias cōstituimus, alteram,
in qua neminē motus latere potest, Diarthro-
sim, alteram in qua difficilis est exploratu mo-
tus, Synarthrosim vocantes. Rursus vtrunque
speciem subdiuissimus, tres differentias vnicuiq;
tribuentes, nomine easdem, illa tamen ratione
disiun-

*Cartilaginee ap-
pendicum tan-
dem abolentur.
Proprie diuissi-
onum ossium com-
positionis cau-
sam reddit.*

*ἄρθρον. i. ar-
ticulus quid sit
Articuli nomi-
ne quid intelli-
gat Hippocra-
tes.*

*Motus perspi-
cui exempla.*

*Motus obscuri
exempla.*

*Diarthrosis
quid.*

*Synarthrosis
quid.*

disiunctas, qua differunt ipsorum genera. licet enim Enarthrosim tam sub Diarthrosi, quã sub Synarthrosi collocemus, non est tamen utrobique eadem: nam Diarthrosis motum perspicuum includet, quæ verò incerti, obscurique motus fuerit, ea sub Synarthrosi ponetur, id quod in cæteris duabus seruandum erit. Enarthrosim itaque esse dicimus, cùm sinus altus, atque profundus, quem acetabulum suprà vocauimus, caput ossis longum ac rotundum excipit: quæ articulationis species faciliè apparet in coxendice, & femore, in humero cum scapula, & postbrachialis, ac pedij cum primis digitorum ossibus. Atque hæc exempla illam Enarthrosim explicat, quæ Diarthrosicos species est: siquidem in his nõ modò manifesti motus, sed omnes etiam motuum differentia deprehenduntur: in talibus enim articulis planissimè cernimus extensionis, ac contractionis motum ad latera: nec non etiam in circulum multæ insuper aliæ dantur huiusmodi articulationes, de quibus cùm vsu venerit, separatim agemus. Verùm vt faciliùs intelligatur, quid intersit inter Enarthrosim sub Diarthrosi positam, & eam, quæ ad Synarthrosim pertinet, intueamini articulationem tali ossis cum osse cymbam referente, & septimi ossis brachialis, cum primo, & secundo eiusdem. Hæ namque articulationes, quamuis eo modo fiant, quem Enarthrosicos definitio præscribit, non ad Diarthrosim tamè,


Non est eadem Enarthrosi sub Diarthrosi quæ sub Synarthrosi

Enarthrosi quid.

Enarthrosicos sub Diarthrosi exempla.

Enarthrosicos sub Synarthrosi exempla.

B iij



*Arthrodia
quid.*

*In Arthrodia
differt motus à
motu per magis
& minus obscu-
ratus.*

*Arthrodia sub
Diarthrosi ex-
empla.*

*Costa constri-
guntur & dila-
tantur.*

*Arthrodia sub
Synarthrosi ex-
empla primæ.*

*Qui motus sit
proprius ossium
postbrachialis.*

sed ad Synarthrosim referendas iudicabitis: motus enim obscurissimus est, & nisi multa diligentia adhibeatur, vix animaduerti potest. Arthrodia ea est ossium coniunctio, quorum alterum capite sit depressio, alterum sinum habeat lenem, ac planum, quæ glenem appellant, alterius, quod suscipiendum erat, capiti respondentem, in quo difficile est dignoscere caput ab ipso sinu, cōtrà quàm accidit in Enarthrosi: quo fit, ut non ita euidēs sit motus in Arthrodia, qualis in Enarthrosi. Verū in ipsa Arthrodia motus datur alio euidentiore, quāquam omnes parum sint euidentes, vsque adeò, ut qui minus euidens sit, obscurus penitus esse videatur. si cum euidentiore comparaueris. Manifestioris motus Arthrodia, species erit Diarthrosicos, obscurioris autem Synarthrosicos. Prioris exempla sunt in ea coniunctione, quæ fit costarum cum vertebra, & earundē processibus. Se nui etenim patet costas constringi, ac dilatari, qui motus quemadmodum & quorsum fiat, non huius est loci explicare. Sed Arthrodiā paulò manifestiorem animaduertes in articulatione primæ vertebræ cum secunda, ac etiam radij cum cubito: obscurioris autem Arthrodiæ exempla sunt ossa postbrachialis cum brachiali, in quibus tamen motus quoquo modo observari potest: nam si ad pollicem minimum digitum sensim adduxeris manum ipsam inflectēdo, planè cōspicies postbrachialis ossa, quæ

quæ alioqui manu porrecta, atque in planum
 extensa, planam, ac rectam figuram obtinebāt,
 circumduci, atque obliquari: qui motus pro-
 prius est ipsorum postbrachialis ossium: at inul-
 tō aptiūs, obscuram Arthrodiā, exprimunt tria
 ossa tarsi, quæ cum nauiformi committuntur:
 & cyboïdes cum calce, ac etiam nonnulla alia,
 in quibus etsi motus aliquis omnino sit, est ta-
 men obseruatu valde difficilis. Ginglymos ter-
 tia articuli species est, vbi mutuus fit ossiū con-
 gressus, ita quod in alterutra extant partes pro-
 minentes, quæ alterius sinum exposcāt, par-
 tesque illæ gibbæ, ac protuberantes vnius ossis
 in alterius sinum immittuntur, & huius caue
 partes illius gibbas excipiunt. Itaque fit vtriuf-
 que partis mutuus ingressus. Hæc articulatio in
 motu manifesto, & obscuro inuenitur: mani-
 festus, & euidens Ginglymos erit femur cum
 tibia, cubitus cum humero, & alia: obscurus ve-
 rō tali cum calce connexus, & ossium brachia-
 lis: in quibus, si rectè animaduerneris, articula-
 tionis formam offendes. Atque hæc hæcenus
 de articuli partibus, ac differentiis. Nunc sym-
 physim persequamur, quæ ossiū structura om-
 ni penitus motu, cum obscuro, tum etiam ma-
 nifesto caret. Huius tres differentias diximus,
 Suturam, Gomphosim, & Harmoniam, in his
 enim nemo vnquam motum deprehenderit,
 quanquam non defuerunt, qui ausi sunt attri-
 mare cranij ossa, quæ per Suturam committun-

*Ginglymos
quid.*

*Ginglymi sub
Diarthrofi ex-
empla.*

*Ginglymi sub
Synarthrosi ex-
empla.*

Symphysis quid

*Symphysis subdi-
uisio.*

*Causa erroris in
istis articulis
cranij membris.*

tur, moueri motu, (si Dis placet) manifesto, inani specie meo iudicio delusi. Cùm enim cernerent frontis, capitísque cutim, quæ crassa est, & musculosa, altè atque insigniter in aliquibus moueri, motum illū ex ossium dimotione proficisci existimarunt: quemadmodum si quis nasi ossa, quæ per harmoniam vniuntur, motum cedere, cum narium pinnas moueri viderit, arbitraretur. Neque enim credendum est futuras capitis laxari, atque ita mouendis ossibus ansam præbere, quæ alio qui ad eò compactè inuicem inhaerent, vt nulla vi laxari possint, nisi quis scalpello diuellere, aut frangere tētauerit: ad eò vt in nulla Simphyseos specie motum inesse planè perspiciatur. Sed ad singulas ipsius species deueniamus. Sutura, quæ Græcis *ῥαφή* dicitur, confutarum rerum similitudinem præ se fert, vel contrarij ferrarum occurfus, quo mutuum ingressum faciunt, quando dentatæ vnius partes, alterius sinibus occurrant: quidam etiam vnguium commissurarum exemplum addunt, non quòd mutuò sese respiciant, sed interstitia illa occupent, ac stipent, quæ inter digitorum vngues resident. At propius ad rei naturam accedere videntur, qui ferrarum, quàm qui vnguium similitudinem in medium afferūt, quando quidem illa rara admodum est, hæc autem frequentissima: cuiusmodi tres sunt in capite. Sutura, quæ in senioribus appendicum more coalescunt, vt vix vestigia appareant: in iunioribus

Ad motū pin-
narum nasci, e-
ius ossa non mo-
ueri.

Calmaria Sutu-
ra vix scalpel-
lo diuelluntur.

ῥαφή id est,
Sutura unde di-
cta.

Sutura tres ca-
piti, in valde
senibus vix sunt
conspicue.

ribus autem maxime sunt conspicuæ. Vna quidē in sincipite στεφανεία dicta, altera verò in occipite dicta λαμβροειδής, tertia medio vertice resecta, ὀβελία, quasi sagittalis, de quibus suo loco latius agetur. Nō me latet apud aliquos plures tribus futuras dari, qui voluerunt squamosa temporum ossa per suturam copulari. Equidem non negarem in quibusdam caluariis talia ossa dentatim esse resecta, vt faciliē coniicere possis instar ferrarum esse coniuncta: sed id in paucissimis, ac in superficie tantum ipsorum ossium obseruauī. Quamobrem vera talium ossium vnio, vt in pluribus ad harmoniā potius, quā ad suturam referenda videtur. Est autem harmonia ossium structura per simplicem lineam, vbi scilicet neque adsunt sinus, neque tubera, & nonnunquam ne asperitates quidē reperiuntur: quod tamen non tollit, quin veteres suturarum voce Harmoniam quādoque intellexerint: cū videlicet ossa rupta sibi mutuo per harmoniam occurrunt: quanquam hic occurfus non ad amussim per simplicem sit lineam. Adsunt enim asperitates quædam sese mutuo ingrediētes: ideo iuxta potius est vnionis forma harmoniæ, futuræque particeps. Verū id obiter sit dictum, quando sermo institutus est, de naturalibus ossium compositionibus, nō de iis, quæ casu, vel arte, licet natura præuia fiunt. Simplici ergo linea, atque harmoniaca vnionitur nasi ossa, & illa, quæ palatum constituunt,

Sutura στεφανεία quæ.

Sutura λαμβροειδής quæ
Sutura ὀβελία quæ.

Ossa squamosa cum vniantur per Sutam, Sutura non est profunda.

Ossa squamosa ut in pluribus vniantur per harmoniā quæ per Sutam Harmonia quid sit.

Suture nomine veteres quandoque harmoniam comprehendunt.

Ossa fracta vniantur forma quadā harmoniæ, & Sutura particeps.

Harmonia exempla.

*Gomphosis ex-
emplum.*

*Alueoli den-
tium.*

*Maxilla quan-
doque instar os-
sis indurefcit
callo, itaque
dentis munere
fungitur.*

*Synchondrosis
quid significet.
Synneurosis
quid.*

*Nervi nomine
ligamenta com-
prehenderunt
veteres.*

*Syndesmosis
quid.*

*Syffarcosis
quid.*

*Synchondrosis
exempla.*

ac secundum totā ipsius longitudinem ferun-
tur. Huiusmodi etiam sunt reliquæ omnes ma-
xillæ superioris commissuræ, cuius ossa sola li-
nea distinguuntur. Porro Gomphosis in solis
dentibus locum habet. ita enim illos infixos in
maxillas videmus, quemadmodū clavi ligneis
tabulis, quibus reuulsis inania foramina con-
spiciuntur: sic dentes suos habent alueolos, ex
quibus extrahi solent, cū vsu venit. In viuo ca-
pite non ita apparent, siquidem carne obducū-
tur, aut gingiua contracta replentur, quæ sub-
inde callosa fit, atque ita indurefcit, vt dentium
munere plarunque fungatur. At inde mortui
caluaria nuda, atque exiccata conspiciuntur in
maxillis alueoli, è quibus leui opera dētes edu-
cūtur. Iam verò cū ossa omnia alicuius rei be-
neficio componātur, licet aliis aliter videatur,
rursus affirmamus ossa inter se tribus mediis iū-
gi: aut enim intercedit cartilago, quā vnionem
Græci Synchondrosin appellāt: aut nervi, liga-
mentiue ope coniūguntur, Synneurosisque di-
citur (nervi enim nomine ligamenta quoque
veteres intellexerunt) sed tamen differūt, ac re-
ctiūs dixeris ligamentum, quod Græcis Syndes-
mos est, & propterea Syndesmosis: aut carnis
appositione vnio ipsa fit, & Græco nomine Syf-
farcosis nūcupatur. Synchondrosi copulātur pu-
bis, ac pectoris ossa, vertebræ ipsæ, & partes sa-
crum os constituentes, & quæ cum sacro com-
mittuntur, ac demum appendices suis ossibus
per

per cartilaginem iunguntur. Synneurosi componuntur omnia illa ossa, in quibus cernere est ligamenta, quæ per eam partem prodeunt, quæ solent appendices suis ossibus adhaerescere. Talibus enim ligamenti inuestiuntur ossa ad articulos colligandos. Prominēt quoque, atque enasci quodam modo videntur valida ligamenta in mediis quorundam ossium capitibus, per quæ suis sinibus vinciuntur, vt tenaciùs inhaereant, qualia extant in articulatione femoris cū coxendice, atque etiam inter femur & tibiam, neque alibi reperire licebit nisi addideris ligamentum, quo dens secundæ ceruicis vertebræ occipiti neçtitur. Carne autem veluti glutine quodam firmatur dentes in suis alueolis, idquē per Syssarcosin fieri dicitur, semotàque carne neque coherere, neque stare vllò modo possunt. Aristoteles existimauit articulos quoque per carnem vniri, vbi scilicet assideant muscoli circumdantes, & valli instar illos muniētes: cuius sententia, si cui fortè arrideat, non multum laboro. Sed hæc de diuisione compositionis ossium sat sunt, ad singula describenda accedamus.

De Capitis ossibus, siue Caluariis.

CAPVT V.

ACAPITIS ossibus exordiemur, quoniam caput in corpore principem locum tenet, quod in eo residet cerebrum, cui principatus in re optimo debetur: quanquam Arist. multò aliter senserit: & quod hinc humanæ fabricæ de-

Synneurosis exemplum.

Ligamenti ex ossis capitibus enascentis exemplum.

Syssarcosis exemplum.

Aristotelis opinionem de vniōne articularum per Syssarcosin neque laudat, neque vituperat.

Cur ossis anatomia à capitis ossibus incipiat. Cerebrum est princeps membrum totius corporis contra Aristot.

scribendæ initium rectè sumi possit, vt à nomine ipso capitis, quasi principij cuiusdam admonemur. A capite igitur exorssi, illud primùm pro virili discutiamus, quod diu præclara ingenia fatigauit, oculorúmne, an cerebri causa caput natura construxerit? Oculorum gratia factum sensit Galenus, postquàm scarabeorum, cæcorum, ac quorundam aliorum id genus animalium oculos est contemplatus, quibus cùm nulum adesset caput, in quo tanquam in arce summa oculi collocarentur, vnde longiùs prospicerent, processus quosdam natura largita est, qui capitis vicem gererent. Veruntamen capitis figuram rectè considerantes secus iudicabunt. licet enim Galeno cōcedatur necessarium fuisse in suprema parte corporis, ceu in altissima specula oculos constituere, atque illos ideo, capitis sedem sibi tanquam propriam asciscere, in cuius sinibus manerent vndique tecti, ac muniti, ne ab externis iniuriis læderentur; non propterea tamen fatendum fuerit ad hos tantùm vsus caput ipsum ea magnitudine, ea figura, totque ossibus fuisse constructum: quam formam quis non videt cerebri etiam gratia fuisse conditam? Immodò verò cerebri potius quàm oculorum? quid enim obstabat cur summus opifex caput in duos duntaxat prominentes processus diduceret, in quibus oculi tanquam speculatores insiderent, atque hos ipsos quemadmodum in cæcis duriores efficeret? vel si molliores omnino

Quæstio vtrum caput sit gratia oculorū vel cerebri.

Gal. opinio oculorū gratia constructum caput.

Galenus impugnat.

Probat caput factum potius gratia cerebri quàm oculorū.

Cæcorum oculi duri.

nino futuri erant, quales humani, alia præstidia, ac munimenta pararet, per quæ tutissimi ab externis incommodis redderentur. Mihi igitur nunquam fiet verissimile oculorū causa caput fuisse conditum: ad cerebrum potius talem formam spectasse crediderim, nepe ad illud, quod futurum erat domicilium rationis, qua ratione homo diuinum propemodum animal iudicatur: est enim virtutum omnium, animaliumque facultatū regina, cui ut præstò esse possent sensus omnes, veluti satellites ac ministri, in ipso capite, suas singuli sedes obtinuerunt: quod quàm appositè factum fuerit, suo loco explicabitur. Cumque sentiendi vis per neruos deferatur, quorum fontem, atque originem esse cerebrū cum Galeno opinamur, quis non videt maiore inesse cerebro quàm sensibus dignitatem, cum à cerebro sensus dependeant, non à sensibus cerebri? Cerebro verò caluariae formam inferuire ex eo maximè patet, quòd pro eius figurae diuersitate cerebri constitutionem physici perspectam, atque exploratam habent. Sed ad alia vtiliora properamus. Capitis ossa neque prorsus sunt solida, neq; omni ex parte fungosa, rara, ac pumici similia, ex hoc enim fragilem naturam, & leuissimā cuique iniuriæ obnoxiam sortita essent: ex illo verò onere satis molesto premerentur. Præterea huiusmodi substantia minimè transpirabilis esset, sicuti expediebat. caput nanque futurum erat veluti operculum

*Cur cerebri gra-
tia conditum co-
puit.*

*Ratio est virtus
in omni re-
gina.*

*Cerebrum est or-
igo neruorum.*

*Cerebrum di-
gnius sensibus.
Cerebro craniū
inferuire.*

*Capitis ossa qua-
lia.*

*Capitis ossa cur
non fungosa.
Capitis ossa cur
solida omnino
non sunt facta.
Capitis ad ossa
operculum com-
paratio.*

quoddam ebullienti vasi superpositum, non secus atque calidæ domus tectum. Multis itaque vaporibus, atq; excrementis continenter ad cerebrum ascendentibus, nisi exitus pateret, ut reliqua omittam incommoda, nemo diuturnam

*Cur caluaria su-
peru, distincta
sit.*

sibi vitam polliceri posset. Idcirco prouida natura perforatam esse voluit caluariam, variisq; futuris distinctam, ut purgando à recrementis cerebro nusquam occasio deesset. Quòd autem futuræ hunc vsum inter cetera præstent, præter authorum probatissimorum, ac præcipuè Galeni testimonium, nos etiam ipsa experientia docuit, ut mox audietis. Patavij superioribus annis iuuenem quendam propinquorum voluntate ad me delatum domi in magna amicorum corona secui, qui diutino capitis dolore vexatus nullis remediis sanari potuerat: in cuius caluaria vix futurarum vestigia apparebāt, adeò erāt cōpacta, ut in vnum coacta capitis ossa viderentur. Quamobrè pro comperto omnes, qui tunc adcrant habuerūt, non aliundè ingentem ac ferè continuum capitis dolorem profectum esse, quàm ex arctissima illa ossium compositione, ex qua nullus exitus patebat fumidis illis crassisq; vaporibus, qui & perpetuò doloris causa fuerant, & tandem mortem intulerant;

*In viris & mulieribus capra-
ræ dolentibus
futuras ang-
mētatas inueni-*

Sed nequè semel id mihi contigit experiri: complures etenim secui, qui dū viverent, in frequentem capitis dolorem incidere solebant, in quorum caluariis exiguas futuras, & eas coagmen-

tatas

tatas inuenimus: neq; in viris modò, sed etiam in muliere: quod mirum fuit, vt vix credibile. nudatum enim, ac decoctum illius caput ferè sine futuris offendimus. & hæc pariter multo, magnòque capitis dolore quàm diutissimè affecta, atque afflicta, postremò phrenesi laborauit, & mortua est. Certissimum ergo argumentum nobis erit capitis futuras non modò conferre ad salutem corporis tuendam, verùm eò plus conferre, quò maiores, laxiorésque fuerint. Quare Cornelij Celsi sententiã ego nunquam approbare potui asserentis capita sine futuris non modò validissima esse, ac firmissima: sed etiam ab omni penitus dolore immunia, eaque reperiri in calidis, & æstuosis regionibus. Nam ille extrinsecas tantùm causas caput ledentes animaduertit. Quòd si Celsi vera esset sententia, imbecilliora essent capita, & ad patiẽdum promptiora, quę insignes futuras haberẽt, quàm quę aut exiguis essent prædita, aut eisde prorsus carerent. Cùm verò contrà res habeat, maiùsque impendeat damnum ipsi cerebro ab internis fuliginosis recrementis, quàm ab externis noxis, concludendum est à dolore longè tutiora esse capita futuris amplioribus, quàm iis ipsis destituta, aut exilibus admodum, arctissimisque interfecta. Præterea cùm cranium sit veluti galea quædam, ac propugnaculum cerebro, primò illud considera carnẽ, ac cute quàm parum munitũ fuisset, nisi obducto etiam ossẽ,

*Capitis futura
quo maiores eo
meliores.*

*Cornelij Celsi o-
pinio de bonita-
te capiti abs-
que futuris, re-
probatur.*

*Caput ampli-
oribus futuris est
dolore minus ob-
noxium.*

*Cut craniũ est
suum.*

*Cur os capitis
multiplex.*

*Cur suturas ha-
beat caput.*

Prima ratio.

Secunda.

Tertia.

*περιπαύριον
signatur à dura
membrana.
Arist. opinio de
canum caluaria
abjque futuris,
refellitur.*

quod durissimum, ac densissimum esset. Deinde cum caput alioqui osseum graui aliquo ictu percussum labefactari, frangique posset, ideo multiplex fieri oportuit, ut si quando pars aliqua frangeretur, aliæ partes integræ seruariëtur, cum ictus ille longius protendi nequeat, quàm quò fines percussæ partis pertinent, quod secus eueniret, si ex vnico osse caluaria constaret, id quod exemplo facili perspicuum fiet, si lapide, aut ligno fictile vas, vitreumue feriat: sæpe enim contingit, ut vna parte contusa, scissura ad alteram vsque permeet: ut penè totum ipsum vas abrumpatur. Ossa igitur capitis suturis non iniuria distincta sunt, ut illud iniuriis minùs pateret. Suturae autem non illud solùm præstant, ut per ipsas transmitti possint sumida recremèta, sed etiam ut prohibeant, ne vnico ictu, nisi illud grauissimum sit, petita caluaria vndique confringatur. Ad has utilitates accedit tertia, ut scilicet inde pendeat interna membrana, quæ durior est: ac rursus per easdem suturas effusa, membranâ alteram ex se gignat, quæ cõuexam caluariæ partem circumdat, & ideo à Græcis περιπαύριον dicitur. Sed de hac posterius. Illud interim non omittendum Aristotelem falsò tradidisse canum capita continua, ac sine suturis existere, cum vel lippi ipsi cernât in canum caluariis insigniores, atque elegantiores suturas, quàm in humanis apparere. Consimile illud est quod quidam literarum monumentis tradidè-
re, ho-

re, homines caluariis continuis, nullisque futuris distinctis in Perside reperiri. At nos eandem in eadem specie naturam semper esse existimamus: neque magni aestimamus, si in aliquibus indiuiduis aliquid euariet. Etenim quauis conspicabimur eorum, qui diutissime vixerunt, appendices, atque illas in ossium, quibus adnatæ fuerant, portionem abiisse planè perspiciamus, adeò vt neque separari, neque dignosci queant: futuras itidem in senum capitibus plerunque abolitas, ac deperditas; tamen negandum nullo pacto est appendices dari, vel sine futuris caluarias esse: quemadmodum in infantibus partes aliquæ tenerrimæ cartilaginis naturam sapiunt, neque dum ossæ, nisi aliquot post mensibus fiunt. Ecquis autè dicere audeat partes easdem, non ossa, verùm cartilagineas esse? Sed ad rem redeamus. Caput cum dicimus, partem supremam nostri corporis intelligimus, oculorum, cerebriq; gratia factam, cuius figura naturalis rotunda, oblongaque esse debet, nempe ad oblongam spheram vtrique depressæ similitudinem, eam ab vtraq; maxilla distinguimus, & modò caluariam, modò cranium appellamus ex pluribus ossibus, vt suprà attigimus, meritò constructum, atque ex iis, quæ interiùs atque exteriùs densam & lenem superficiem haberet, cum meditullium fungosum sit, ac pumici persimile. Nam si substantiam vndique asperam adpta essent, nihil impedimento futurum erat,

In Perside caluarias futuras carere falsum est.

Appendices in valde senibus non possunt ab ossibus separari

Sutura in valde senibus aliquando deperduntur.

Ossium partes aliqua in pueris ob molliorem cartilagineas videntur.

Caput quid significet.

Capitis usus.

Capitis figura.

Caluaria substantia cur non sit aspera.

quò minus adhærentes membranas læderent, atque eroderent:cauernosa verò inter vtranque squamam ossa capitis extiterunt : non modò vt leuiores forent, sed etiam vt medullam continere possent, suum ipsorum pabulum ac nutrimentum. Perforata verò sunt crebris foraminibus exiguis illis, nullúmque ordinem seruantibus, vt per ea pateat aditus venulis, atque arteriolis, quæ sanguinem pro alimento, spiritúmque pro calore fouendo, ac vita conservâda deferunt. Hoc autè interstitium pumicosum causâ fuit, vt nōnulli dixerint ex duobus parietibus caluariam conditam esse, quas tabulas vocant, duas illas crustas, seu squamas intelligentes, quæ duræ sunt, & aliquantulum crassæ, atque vndique spongiosam, ac medullosam illam substantiam claudunt. Ossa verò ipsa suis vndique seiuncta sunt terminis, quos ferè omnes lato vocabulo Suturas nominarunt: de quibus hîc nobis agendū est, cū plurimū cōferant ad capitis ossa explicanda. Suturarum aliæ sunt legitimæ, aliæ notæ, quæ cū potius commissuræ quædam sint, ad harmoniam magis, quàm ad Suturam referendæ videntur. Octo itaque omnes sunt, quinque spurix, propriæ ac veræ suturæ tres, ex quibus vna est, quæ in occipitio, & in eius basi, quæ vergit ad vtranque aurem, diuellitur, latèque disiuncta in ipso ascensu sensim angustior redditur, atque in cuneum coit græcæ literæ Λ formam constituens, itaque lab-

*Cur media pars
ossium calua-
ria fungosa est.
Cur ossa capitis
sunt crebra fo-
raminibus pra-
dita.*

*Duo caluaria
parietes.
Tabula ossium
capitis.*

*Due crustæ &
squama calua-
ria quæ.*

*Sutura quæ di-
cantur.*

*Suturarum co-
gnitio in ossium
capitis explica-
tione necessaria
est.*

*Suturarum di-
uisio.*

*Sutura non le-
gitima sunt har-
monia.*

*Suturarum nu-
merus.*

*Labdoidiu Sui-
ra descriptio &
usus.*

doidis

doidis nomen adhuc retinet : dirimit ossa sincipitis, & temporum ab osse occipitis. Altera in sincipite posita, è regione labdoidis, anteriorem supra frontem circuli speciem ambit, & quia vel similis est corollæ, vel quia coronæ ibi potissimum locari solent: ideo coronalem omnes vocant, & Stephanía à Græcis nominatur dirimens ossa sincipitis ab osse frontis. Tertia per verticem rectâ incedit, & quodammodo partem caluariæ dextram à sinistra sciungit. Hanc *ὀβελιαία* Græci, nos sagittalem, & rectam appellamus. *ῥαβδος* quoque vocant, cùm virgæ similitudinem referat. & ea est quam Gale-
n^o in libello de ossibus seruari semper affirmat: ubi ex professò agit de variis capitum figuris, Reliquas verò duas testatur deleri, aliquando ambas, aliquando alterutram tantum. Ego verò (pace tanti viri dixerim) vtrunque falsum esse affirmare ausim, sexcenta millia capitum inspicere manibusque attrectare mihi per otium licuit multis in locis, ac præsertim Florentiæ in Diuæ Mariæ Nouæ amplissimo Xenodochio, ubi per innumera propemodum secula demortuorum ossa in elegantissimas strues digesta seruantur: necnon Romæ in communi gentium omnium cæmeterio, quem Campum sanctum nominant, & tamen ne vnū quidem cranium cernere potui, quod figura non naturali constaret, aut cui Sutura illa deesset. Sciendū autem, ut suprà attigimus, caput eam figurâ à na-

Coronalis Sutura descriptio & usus.

Sagittalis Sutura nomina descriptio, & usus.

Gal. lib. de ossibus seruari sagittale in omni capitū figurā affirmat.

Gale. opinio de capitum diuersitate in futura experientia ducere probatur.

Sancta Mariae Nouæ hospitale Florentiæ.

Campus Sanctus Romæ.

Capitis figura naturalis quæ,

*Capitis figura
varia futurarū
non variat in-
tuentur.*

*Suturarum dif-
ferentia.*

*Sagittali in vi-
ru & mulieri-
bus quandoque
ad naves usque
descendit.*

*Aristotelē irri-
det qui mulie-
rum futuram
circulārē posuit
Squamosarum
suturarum de-
scriptio.*

tura obtinere: ut sphaeram vtrunque leviter com-
pressam referat: ita ut in longum aliquo pacto
protuberet: ab hac autem forma nonnullas eva-
riare comperies, ut modò vertice sint acutiore,
ac magis fastigiato, modò fronte prominentio-
re, modò preliis cōtracta, quod pari etiam ra-
tione de occipitio dici potest. Lateribus item
constat modò magis, modò minus compressis,
quę tamen formę omnes naturales sunt, neque
adeò differūt, ut has naturales, illas non natura-
les appellaverit: servariq; in his semper cogno-
sces futuras omnes, licet hæ quoque nonnihil di-
scerpent. Atque ut prætermittamus, quòd in a-
liquibus grandiores, ac laxiores appareant, in
aliquibus exiles, & compactæ magis, quemad-
modum suprà diximus: illud est tamen adno-
tandum, in quibusdam caluariis tum virorum,
tum mulierum, quidquid alij dixerint, isagitta-
lem ipsam per mediam frontem, usque ad nasi
summum descendere: sed hoc rarò admodum
accidit. Quamobrē vix satis mirari possum A-
ristotelis diligentiam, qui differentiam in viris,
& mulieribus quòd ad futuras, quæ nulla est, ob-
servavit. Sequuntur duę futuræ in declivi ca-
pitis longitudine sitæ, à sagittali æquè distantes,
quæ ab extremitate descendētis coronalis cir-
culari quodam ductu supra aures feruntur, & in
quibusdam humillimam labdoidis sedem per-
tingunt, in nonnullis verò os mammillare
non transeunt, à qua non magni refert, si alios
anato-

anatomicos sequentes principium sumamus harum futurarū. Sat enim esse debet, si cum rei veritate descriptio consentiat. Hæ duæ futuræ vtrinque scilicet vna cū squamosa ossa constituent, atque conglutinent, squamæ & ipsæ dicuntur: ossa verò hæc squamosa meritò nuncupantur, quoniam instar squamarū componuntur. Quod enim exterius ab aure ascendit, paulatim attenuatur: quod verò subest, descendendo fit tenuius: Aut alteri pars, tenuior parti alterius crassiori incumbat, & a quali proportionē hinc inde agglutinetur. Hæc forma tibi facillè occurret: si piscium squamas, aut ferreas lorice laminas aliis alias incumbentes & inherentes intueberis. Verū prius quā ab his ossibus discedas, illud adnotabis, quod extrinsecus affidet, illo durius esse multò, quod est suppositum, cū illi natura hoc ipsum tāquam propugnaculum cōstituerit. Quinque futuræ iam explicatæ ipsius capitis sunt propriæ: sexta futura illa erit, quæ ab extremitate labdoidis deducta per medium lapidosorū ossium fertur tendens ad capitis basim, vbi caput prima cum vertebra iungitur, quam partem Galenus additamenta labdoidis futuræ nuncupat. Inde itaq; incipiēs sexta futura sursum vtrinque repetit ad caua tēporum, vsq; ad fines coronalis, ac reflexa deorsum ad extremos dentes, atque ad palatum: & ibi capiti ac maxillæ superiori communis est, vniuersūque os cuneale in se comprehendit.

*Ossa squamosa
cur dicta sint,
& qualia.*

*Squamosorum
ossium figuram
aliū exemplū
illustrat.*

*Ex ossibus squa-
mosis cur superius
est durum.*

*Sutura sexta
descriptio.*

*Additamenta
labdoidis quid
sint Gal.*

*Vbi sexta sutu-
ra cōmuniū est
cap. & maxilla
superiori.*

*Septima Sutura
descriptio.*

*Octaua futura
descriptio.*

*Sutura extra
conspicua sunt,
intra uix appa-
rent.*

*De ossium capi-
tis numero.*

*Gal. lib. de ossi-
bus Aristot. de
Par. Animalis
Gale. 11. de V-
su partium.*

*Vesal. opinio de
numero ossium
capitis lauda-
tur.*

*Bregma quid
sit.*

*Aristotelis opi-
nio de bregma-
te.*

*In Bregmate
pueri Diastoles
& Systoles con-
spicua est.*

Septima propria os capitis, quod octauum nu-
merabitur, ab osse frontis distinguit, ab omni
parte illud separans. Octaua, & vltima futura
nobis fuerit, quæ à cauis temporum ortum ha-
bet, vbi sexta, quæ reflectitur, rectâ incipit de-
scendere, ac per mediam minoris canthi regio-
nem mediâmq; oculi orbitam serpit, & ad sum-
mum nasum transuersim delata maxillam supe-
riorem à fronte diuidit: at in interna caluaria
iuxta basim os cuneale ab osse fronsis disiungit.

Et hæc de futuris breuiter dicta sint: in quo vnū
illud animaduertendum est, futuras omnes ex-
trinsecus magis apparentes esse. Intrinsecus e-
nim futurarum imaginem non referunt, sed in
harmoniam potius degenerant. Reliquum est,
vt tandem capitis ossa explicemus. Ossium cal-
uariam constituentium numerus non est idem
vbique apud Galenū. Nam in libro de ossibus
sex enumerat, & hoc ei cum Aristotele conue-
nit: at in xi. de Partium vtilitatibus septem ef-
se dixit. Ego verò octo vnâ cum Vesalio nu-
meraui. Duo sincipitis siue bregmatis: bregma
enim dicitur pars superior cranij iuxta futuram
coronalem, quæ infantibus, ac nuper natis te-
nerrima est, paulatim autem durescit, ita vt tem-
poris progressu ossea fiat. Aristoteles obserua-
uit, pueros non prius vocem dearticulare posse
quàm vniuersa caluaria in os concreuerit. In
bregmate, cum adhuc molle est, Systolē ac Dia-
stolem planè perspicimus. id quod nobis opti-
mè

mè confirmat perpetuò constrictionis, ac dilatationis motu cerebrum donari. Præterea sciendum est vulnera in bregmate accepta lethalia esse solere: ossa autem hæc illa sunt, quæ inter labdoidem, coronalémq; suturam clauduntur, quæ sagittalis dirimit, atque interfecat: itaque vtrinque alterum constituitur, ambo verò descendunt in vnionem squamosorum ossium, & quadrilateram fermè formam habent, atq; hoc modo circumscribuntur, superiore parte per rectam penè lineam à sagittali, anteriore à coronali, posteriore à labdoide, inferiore autem à squamosis cōglutationibus. Tertiū os quod occiput vocamus, à sutura labdali fines habet, præterquàm quòd in basi per sextam suturam transuersim incidentem ab osse sphenoide disiungitur. Hoc os partibus constat inæqualibus, aliis quidē crassioribus, aliis verò tenuioribus: in media enim basi crassissimū est, necnō etiam ab eo foramine, per quod in spinalem medullam cerebrum deriuatur, insurgit prominentia quædam, quæ sursum ad summum vsque ascendit: vt vbi os validius fieret. Ergo si quando in supinum quis laberetur, minus ex eo casu pateretur ossis huius robore munitus. semper enim natura conseruādi operis sui studiosa vbi maius periculum impendet, ibi quoque maiora struit præsidia: cū itaque ictus occipitis neque propulsari possent, neque oculis præcaueri, ossis crassitiē munimēti instar esse voluit. Vt videatis

Cerebrum mouetur motu dilatationis & constrictionis. Bregmati vulnera lethalia.

Bregmati ossium descriptio.

Occipiti circūscriptio.

Cur in occipite prominetia sit.

Cur occipitis os crassissimum.

quàm lōgè erret Aristot. qui primo de animalium Hist infirmissimum, tenuissimūque ossium omnium occiput esse dixi: reliquę partes ab eo quod diximus, tuberculo tenuissimę quidem sunt: sed admodū densę ac solidę, neque excarnes, siquidem à musculis tegūtur posteriore collis sedem occupantibus. In hoc ipso osse cerebellum residet, neque vlllo pacto est inane: sicuti falsò asseruit Aristoteles. Vesalius Galenum inquit in calce libelli de ossibus temerè scripsisse in cerebro quoddam os dari, idque esse processum illum in canibus conspicuū qui inter cerebellum ac cerebrum iacet. Sed falsò Galenum citat hoc loco Vesalius. nusquam enim, quod ego viderim, huius ossis mētionem Galenus fecit. Occipitium iam à nobis descriptum non tribus lateribus, vt Galeno placuit, sed quinque mihi constare videtur: quorum duo prima incipiūt ab infima parte futurę labdoidis iuxta temporum ossa, & sursum à futura nunquam declinantes ascendunt, donec ad mucronem eiusdem futurę coēant: duo verò alia ab eiusdem futurę calce secundum os mammillare, ac deorsum tendunt vsque ad eam lineam, seu futuram, quę dirimit occiput à sphenoide, cuius futurę transversim deductę beneficio quintum occipitis latus necessariò conficitur. Scire insuper licet occiput in adultis vnicū esse: at in pueris ex quatuor, quinque & septem ossibus constructum videri. Ad amplum enim foramen,

Arist. opinio. 3. de hist. Animal. quod occiput sit tenuissimum reprobatum.

Aristoteles falsò putavit occiput esse inane. Vesalius falsò Galen. citat in lib. de ossibus.

Occiput constat quinque lateribus non tribus vt Gal.

Occipitis laterū descriptio.

Occiput in infantibus nunc quinque, nunc septem ossibus constructum videtur.

foramen, per quod medulla dorſi egreditur, quatuor diſcrimina apparēt, quibus in quatuor parres os ipſum diſiunctum dixeris. Ex his autē interſtitiis effluit cartilago, quę ligamenti vice caput primę, ac ſecundę vertebrę cōnectit, vt moles tanta capitis paruis oſsibus firmiùs hære poſſet: de qua articulatione miranda multa refert Gal. lib. de Part. Vſu XII. Sed de his ligamentiſ plura ſuo loco dicemus. Illud poſtremò animaduertendum eſt ab ipſo ſinu dorſalis medullę iuxta occipitiſ baſim prominere duo tubera, longa illa quidem, & cartilagine in cruſtę modum obtecta, verùm minus acuta quàm cenſuit Galenus, qui illa coronę aſſignauit, quę ideo facta ſunt, vt immittantur in ſinus primę vertebrę ad capitiſ articulationem conſtituendam. Quartum eſt os frontiſ, quod ſimplex atque vnicum eſt, exceptiſ caluariiſ quibus recta futura, ſiue ſagittaliſ vſque ad ſummũ naſi pertingit, quod tamen rarò inueniri diximus. Proinde vnicum os frontiſ, quale in omnibuſ ferè comprehenditur, circūſcribemus. Illud quidem primũ coronali futura à ſincipitiſ oſsibuſ diſiungitur, à cuneali autem diſſidet ea futura, quam ſextam fecimus, præcipuè quę per temporum caua ſubiugalibuſ tranſiens, & coronaliſ ſinibuſ accedēſ ad interna penetrat: vbi perſpicuum eſt, quod ponimus diſcrimen. Tertiò ſeiungitur per ſeptimã futuram ab oſſe capitiſ octauo. Vltimò à cuneali, ac etiam à maxilla

Occipitiſ multitiſ diſiunctiſ in pueriſ vtilitaſ.

Gal. 12. de Vſu Part. capitiſ cū primę & ſecundę vertebrę articulationem effert.

Tubera duo in occipite qualiſ & cur ſalia.

Tubera duo occipitiſ non ſunt vt corona, contra Galen.

Os frontiſ ſimplex.

Quibuſ os frontu duplex eſt.

Oſſiſ frontiſ circūſcriptio.

*Ossu frontis sub-
sta. tia qualis.*

*Sinus amplius
in osse frontis su-
pra supercilia.*

*Gale. ignoravit
cavitatē in osse
frontis.*

*Oss frontis ubi re-
nuius & cur.*

Ossa temporum

*Temporalium
ossium figura.*

superiore, cuius interuentu suturæ, quæ à cauis
temporum orta per medias oculorū sedes per-
reptat, vsque ad summum nasum peruenit, vbi
supercilia desinunt, os frontis crassum est, sed
non æquè ac ipsum occipitium, tenuius tamen
se ipso redditur, vt in oculorum regione atque
vbi cum octauo osse committitur, ac tandem
supra supercilia, vbi veluti duas in partes didu-
citur: vt sinum amplum ibi conficiat ad aërem
continendum, qui sinus ferè semper duplex re-
peritur, tam ad dextrā quàm ad sinistram ver-
gens: quod ita esse in publicis, priuatisque dis-
sectionibus obseruauit: hanc cavitatem Galenus
ignorauit. Frontis ossis figura rotunda est, qua-
lis sphæræ cōpressæ portio esse debet: os istud
quà committitur cum verticis ossibus, & sagit-
tali suturæ occurrit, tenuius est & infirmius:
neque mirum est, cū in nuper natis pars illa
membranca sit, qualem paulò suprā diximus
esse sincipitis portionem coronali suturæ finiti-
mam. Sequuntur ossa temporum, quæ superio-
re parte, quam sagittalem spectant, squamosis
agglutinationibus circumscribuntur. Postero-
re autem ab additamentis suturæ labdoïdis, & à
sexta futura, quæ infimam quoque eorundem
ossium partem à Sphenoïde, anteriorem verò
à maxilla superiore disiungit: ossa hæc ad trian-
gularem figuram Galenus reuocauit. Sed ego
cum Vesalio potiùs, circularia dicerem: cū
talìa maximè videantur superiore sui parte, nisi
hanc

hanc formam multi processus obscurarent, & primū mamillarīs, de quo etiam suprà meminimus, rupis similitudinem referens. Mamillarīs ideo nuncupatus, quòd vaccini uberis formam imitetur, Græcis *μασσοειδής* vocatur. qui processus nō solū musculorum insertioni deferuit, de quibus postea dicetur, sed etiā ut intus excauatus amplam sedem relinquat auditus organis apprimè necessariam. Ideo vacuum illud intus reperiās, ac diuersis veluti speluncis excauatum. Deinde non procul hinc erumpit processus alter in eiusdem ossis basin implantatus, pertenuis, longus ac durus, qui diuersis nominibus donatus est pro diuersarum figurarum ratione, quibus comparatur. Ab acus enim imagine *βελονοειδής*, à styli scriptorij similitudine *γραφοειδής*, vel *συλοειδής*, ac demum à galli calcaris specie *πληκτρον* appellatur, nos vbique styloīdem dicemus: cuius nomine, quidā perperam intellexit totam eam partem, per quam meatus auditorius in cerebrum ducitur, & hūc Galeni testimonio *βελονοειδή*, seu *γραφοειδή* nuncu pari assērit. Adest quidem processus alius iuxta hunc ipsū in longum protuberans interiore caluariæ parte, in quo effingitur labyrinthus, reflectendis aëris ictibus quā appositissimus, auditorium sinum excipiens: sed non is est, quē acui, aut stylo similē esse diximus. Ad hos processus accedit quart⁹, qui portio est iugalis ossis de quo sequēti capite agemus: & ab auris meatu

*Mamillarīs
processus etymo-
logia.*

*Mamillarīs
processus vsus.*

*Idem est βελονοειδής
processus.
γραφοειδής
συλοειδής
πληκτρον.*

*Error cuiusdā
de processu sty-
loide.*

*Processus ter-
tius ossis tempo-
ralis descriptio.*

*Processus quart⁹
ossis iugalis
descriptio.*

incipit, in primúmque maxillæ superioris definit, quo cùm per obliquam futuram coniungitur, & pontis quodammodò formam constituit superequitantis caua temporum. Ab ortu eiusdem processus iuxta meatum auditorium sinus est altus cartilagine incrustatus, non oscitanter omittendus, in quem inseri atque articulari solet processus alter maxillæ inferioris, qui longior est: quem sinum non rectè Galenus descripsit libro de ossibus. ponitur namque inter aurem, & processum constituentē iugalem. Iam verò temporum ossa infrà ad basim anfractuosa sunt, & aspera rupes ceu lapides imitantia, vnde Græc λιθοειδῆ, quasi petrosa, vel lapidosa vocarunt, supra autem leuigata: & quamuis tenuissima sint, ac præcipuè vbi assident musculi, durissima tamen existunt mirabili naturæ prouidentia, cùm vix frangi sine certo vitæ dispēdio possint. Locus admonet ne silentio præteream, quod felicissimè cessit prudentissimo, ac doctissimo ætatis nostræ chirurgo Ioanni Antonio Plato cognomento Lonigo, quo præceptore septennium vsus sum, adeò vt quātum in hac medendi arte profecerim: me nunquam pœnitere possit. Hic Patauij puerum in Diui Antonij collegio, qui ex alto cadens temporis os ad ocularis formæ magnitudinem fregerat: miro ingenio, atque arte sanauit, quamuis certa mortis signa omnia adessent. Eundem ego fortunæ, curationisq; exitum in Romano puerum sum

Gal. erit.

*Οσση λιθοειδῆ
qua.*

*Natura prouidentia in ossibus
petrosis.*

Lonigo præceptor meus.

Historia pueri cui os petrosum fractum erat.

Historia alia similis.

ro sum affecutus. Os capitis septimum varias formas præ se fert, propterea Græci πολύμορφον *Tertium os πολύμορφον* id vocauere, quod etiam σφηνοειδές alio nomine *σφηνοειδές.* dicunt, hoc est cuneiforme, quandoquidem inter ossa capitis, superiorisque maxillæ veluti cuneus quidam immittitur. barbari os basilare vocant, quod non secus ac basis quædam cerebro substernatur: nam in media capitis basi sedet circumscriptum vndique à sexta futura, quam diximus totum hoc os in se cōprehendere: præter quàm in anteriori parte, vbi terminum ab octaua etiam futura capit. In ipsa basi crassum est, atque intus antrum habet, quod cōtinuum est cum cauitate ossis frontis, in qua diximus aëreim iursum per nares attractū seruari, vsquequò in hoc ipsum antrum delabatur. Ex quo fortasse materia cerebro suppeditatur ad animales spiritus gignendos, quidquid alij de hac re senserint, vt infra ostendemus. Huiusmodi antrum in omnibus ferè amplum est, & vacuū, in aliquibus tamen spongiosæ cuiusdā substantiæ plenum. Squama itidem tectum est dura & densa, nec vllis foraminibus peruia, quanquam Galenus foraminibus refertum esse voluit cribri speciem referentibus, per quæ cerebri pituita percolaretur. In internæ caluariæ medio hoc os sinum quendam habet perelegantem, equi sellæ simillimum, in quo sita esse solet glandula quædam pituitam suscipiens, vnde postea defluit in palatū, ac nares per meatus ad palatum

Tertium os πολύμορφον

σφηνοειδές.

Os cuneale.

Os basilare.

Sphenoidis ossis descriptio.

Sphenoidis antrum.

Nota opinio de spiritibus animalibus.

Galeni error.

Sella in Sphenode.

Glandula suscipiens pituitam.

ea in regione utrinque tendentes, de quibus agemus tractatu proprio de capitis foraminib⁹. Ad latera, quæ temporum caua respiciunt, duæ sunt partes intrinsecus cõcauæ, extrinsecus verò conuexæ. Item ea parte, quæ cohæret cum extrema maxilla superiore, vbi molares infixi sunt, ad caluariæ basim geminos vtrinque processus inuenies alarū vespertilionum effigiem

*Sphenoidis
processus Ἰε-
ριγοδιδής.*

*Octauum ossis ca-
pitis delineatio.*

*ἡθμοειδὲς os
cuius ita dicatur.*

*Cur laborās co-
riza odorem nō
percipiat.*

exprimētes, propterea à Græcis dicti πτερυγοειδής. in horum processuum medio sinus est profundus, vnde exoriuntur muscoli in ore delitescētes, vt illud claudant. Octauum os capitis in media frontis basi positum à sphenoidē per septimam futuram, interna caluariæ sede seiungitur, extrà verò ad secundum, tertiumq; os maxillæ superioris terminatur. Tenuissimū id est, crebrisq; foraminulis distinctum: quamobrem Græcæ ἡθμοειδής dicitur, quòd imaginem cribri referat, per quæ foramina patere solet ascensus odoribus cerebrum petentibus: cuius rei argumentum inde sumimus, quòd coriza, vel graui destillatione laborantes odorandi facultatem interim amittunt. opplentur enim foraminula hæc pituita spirituum grauitate detenta, atque olfactitia organa ita impediuntur, vt ne vllum quidem odorem sentire queant, aut sensili virtuti suggerere. Media huius ossis regione prominet altus, subtilisq; processus sedem vtranque intersecans, quā olfactus instrumēta sunt sita, qui etiam in nares descendens nasi septum constituit.

constituit. Hoc os Galenus missum fecit in libello de ossibus, de quo tamen ix. de Partium Vsu meminit.

Gal. non meminit de isthmoide in lib. de ossibus

De Osse Iugali, CAP. VI.

OS Iugale Græcis ζυγωμα describi solet separatum ab ossibus capitis, ac maxillæ superioris, quamuis vtriusque portio existat: nam

ζυγωμα.

ex duobus processibus constitutum est, quorū alter à maxilla superiore sub paruo oculi angulo enascitur, alter verò ab ea parte ossium temporum, quæ auditorio foramini superposita est.

Iugale est portio ossium capiti & maxillæ

Hi duo processus committuntur per suturam, quam in medio obliquam habent, atque ita os vnum efformant, quod iugo simile est: ac etiam pontis cuiusdam instar esse videtur, quod sit propositum temporis musculo, ceu propugnaculum quoddam à natura paratum, propterea

Iugalis descriptio.

foris gibbū est, intus autē cauum, & vt extrinsecus occurrentibus pertinaciùs resistat, durissimum est ac penè solidū. Non enim omni prorsus cauitate destituitur, aut omnino expers est medullæ quæadmodū Vesalius existimauit. Id

Iugale instar pontis.

Vsus Iugali prius.

nāq; effractū cauernosum protinus apparebit, ac intus nutrimētū cōtinēs. Factū præterea fuit iugale os, vt ab eo māsorius musculus principiū duceret, sicuti ostendetur vbi de musculis agemus.

Iugale non caret medulla contra Vesalium. Secunda utilisitas Iugali.

De ossiculis organi Auditorij,

CAPVT VII.

ANTE QVAM maxillæ superioris ossa pertracto: operæpretiū est explicare nonnulla

Gale. ignorans ossicula organi auditus.

Vesalij laus.

Carpus ante Vesal. meminit ossiculorum meatus auditorij.

Inuenit tertium ossiculum.

Nemini praeclusa est philosophandi via.

Ossicula organi auditus membranis inuoluntur.

Quomodo inueniantur ossicula haec. Figura primi ossiculi.

ossicula, quorum cum apud Galenum mentio nusquam fiat, coniiciendum est veteribus anatomicis ignota fuisse, atque à recentioribus tandem inuenta, quis tamen inuentor fuerit, me planè latet. Equidem Vesalium horum inuentorem libenter agnoscerem, cum Anatomicæ artis studiosissimus sit, & de illa optimè meritus: nisi Carpus de his ante illum suis scriptis meminisset. Auditus organi constructionem ingrediuntur, de quo hîc non est scribendi locus, sed infrà cum reliquorum sensuum instrumentis. Ex his ossiculis recentiores duo duntaxat nouerunt, quæ etiam descripserunt. At ego cum hæc accuratè peruestigare, tertium præterea inueni, quod describam post aliorum duorum descriptionem: ut videas nemini præclusam esse philosophandi viam. Inter ossa temporum, ut suprà attigi, adest processus ad cerebri basim, qui in iugi modum extenditur, in acutum desinens, cauernamque intus habet instar labyrinthi, in cuius propè media regione adstant ossicula suis membranis adnexa. Ideo per auditorium meatum iter est ad horum ossiculorum inuentionem, quorum primum propinquius est foramini interiori, longiusculum, ac femoris figuræ quàm simillimum, à quo tamen aliquantulum euariat: siquidem parte inferiore nõ depressis est capitibus, ut femur, sed mucronis ritu in acutum tendit: parte verò altera capite est oblongo, rotundoque. Præterea duobus processibus

cessibus donatur similibus iis, quos rotatores in femore vocabimus: parte sui acuta, ac tenui in membranulam inferitur, quæ intenditur ipsi ac illi, quod succedit, ad quam pariter extenditur, & adhæret veluti ad eam stratum: parte altera, quæ crassior est, & capite insignita, illam ipsam membranam tympani modo quatit. Incirco ab usu magis, quàm à forma malleū hunc dixerunt: quemadmodum alterum, quod immeditatè sequitur, incudi simile esse voluerunt, quòd incudis vices gerat, excipiens quodammodo ictus permoti, ac percutientis malleoli iam descripti. Id secundum ossiculum, quod incudis nomine donarunt, parte superiore crassiusculum est, qua planam incudis partem refert: & in duos tenues, acutòsq; processus tanquam crura desinit: quorum alterum immititur in tertium ossiculum, de quo mox dicam, & in membranula ibi assistète detinetur, ac stabilitur. Ossiculum hoc me iudice molari denti aptius comparaueris, qui duas radices habeat, alteram longiorem ac tenuiorem, alteram verò crassiore ac breuiorem. Cæterum vsus gratia, vt dicebam, incudis nomine dictum est. Natura non temerè duo hæc ossicula ita construxit, vt crassiore parte mutuò se respicerent, ac penè contingerent. Nam cum ex aëris motu auditio fiat, ictus aëris in meatum ad hæc ossicula defertur: fitque ibi quædam repercussio ad eum ciendum sonitum, qui sentitur. Hæc igitur

Cur primū ossiculum dicatur malleus.

Cur secundum ossiculum dicatur incus.

Incudis ossiculi descriptio.

Secundum ossiculū simile est denti molari.

Vsus duorum ossium organica audientia.

*Situs tertij of-
ficuli.*

*Stapha compa-
ratur figura ter-
tij officuli.*

*Officula tria au-
ditus organo ser-
uiunt.*

*Officula organi
auditus nō sunt
solida contra
Vesal. tertio
excepto.*

*Administratio
officulorum.*

tur ossicula cedente membrana moueri, atq; in-
uicem confricari necesse est: vt cum primum os
aëris ictu percussum in alterū impingat, illudq;
feriat, meritò malleoli, secundum verò incudis
officio pariter, & vocabulo donatū est, vbi ista
articulata sunt, cartilagine incrustantur. His ter-
tium accedit nemini, quod sciam, ante nos co-
gnitū. Iacet hoc, vel latitat potius in cauernula
quadam fermè rotunda intra sinum auditoriū
exculpta, quo fit, vt ad organi auditus fabricam
nō pertinere nō possit: cauum est, & perforatū
egregiè, ferrei instrumēti naturā imitatur, quod
stapham nouo vocabulo nuncupamus, in quo
equeorum sellis insidentes pedes sistunt. Vna re
tamē à stapede differt, quòd caret eo foramine,
in quod lora immittuntur ad stapedem sella v-
trinq; alligandā. At huius loco capitulū quod-
dam extat rotundum, quo ad incudis processum
accedit. Quocirca cū ossicula hæc inter se con-
iuncta sint, & colligata: ex eo coniectare haud
dubiè possumus auditus organo simul omnia
deseruirc. Ossicula hæc cum minima sint: ideo
Vesalius illa more suo solida esse affirmauit: at-
tamen in iis cauernulis quamuis exiguas reperi-
mus: intus enim spongiosa sunt, & medullā pro
magnitudinis proportionē cōtinent: præsertim
illa duo, quæ ab aliis descripta fuere. Etenim ter-
tiū propter nimiam suā tenuitatē solidum omni-
no esse crediderim. Si quis hæc ossicula inueni-
re cupiat, leuiter, paulatimq; incidat, quæ circa
meatum

meatum auditorium cōsistunt: & sensim meatum aperiat, donec cavitatem illam detectā, patentēmq; videat: & vbi deuentum fuerit ad mediam ferē ipsius sinus regionem iuxta membranam, quę ibi obducitur, ac implet cauernulas in eo sinu existentes, statim perquirenti occurrent forma à nobis descripta. Quę administratio cū *Officiorum organi audiens ad optimum & maximum Dei amorem inuitat.* est incunda visu, tum etiam admirabilis, & quę nos in sapientissimi opificis amorem volentes, nolentēque trahit, rapitque.

De Maxilla superiore,

CAP. VIII:

QUÆ nam sit maxilla superior, facillimè *Difficilis est explicatio maxillæ superioris.* quidē vel digito demonstratur: ad nihil fortasse difficilius est quā verbis explicare, qualē figurā habeat, quot, quibusq; ossibus cōstet, quomodouē à cæteris capitis partibus distinguatur. Maxilla superior animātibus omnibus motu caret Crocodilo excepto, cui mobilis existit inferiore quiescente, & psitaco, qui vtrāq; eodem tempore mouet, separatimq; alterutrā: quod ego primus, quod sciā, obseruauī. Ex penitissimis naturæ arcanis perquirendum esset, cur hoc solū animantium genus ab alijs euariet: satis tamen interim nobis esse debet effectum nosse: etiam si causa ignoretur. Verū in hominibus venustati est, ne dum commodò inferioris maxillæ motus: nam maxillam superiorē hominibus, æquē ac Crocodilo moueri, quid ridiculū magis, ac deformius humana facie fiat?

Crocodilus mouet maxillam superiorem. Psitacus mouet maxillā vtrāque.

Cur homo maxillam superiorem non mouet

totam siquidem cōtrahi, rugarūque oporteret: unde ea vultus forma, atq; indoles corrumperetur, qua nihil intuentibus gratius, nihil iucundius offerri potest. In humana autē fabrica decus, & ornamentum cōsiderari quis admittetur, cū illa Deus Opt. Max. nihil absolutius crea-

In hominis fabrica ornamenti ratio habetur.

Cur maxilla superior sit inferior breuior.

Cur maxilla superior cōstet ex pluribus ossibus

Causa secunda.

De numero ossium maxille superioris.

Gal. nō constat sibi in numero ossium maxille superioris.

uerit, perfectius nihil? Adde quōd breuior facta est superior maxilla, vt rotundior, atque elegantior esset facies, nec promineret quēadmodum in brutis. Ex pluribus etiam ossibus constructa fuit, non ob eam causam tantū, quam Anatomici tradunt, ne si partes illius omnes in vnum coactæ vnicum os efficerent, parte vna laborante labor in vniuersam maxillam diffundi posset: verum etiam vt ex eis futuris prodirent ligamenta musculorum constructionem ingredientia, per quæ illi firmitus principiis suis inhaerent. Neque id obseruatu est difficilē, quando ex ipsa sectione, si musculos ita persequare, vt eorum ortum inuenias: cū ad principiū ventum fuerit, non obscuræ tibi erunt ligamentorum propagines ex mediis futuris prodeuntes, in musculorum substantiam dispergendæ, quarum beneficio cū muscoli tenacius ossæ parti, vnde ortum ducunt, alligantur: tum etiam validiores fiunt, vt suprā dictum est in appendicum vsu. Cū igitur ex pluribus ossibus construi maxillam superiorem necesse fuerit: videndum est, quot ea sint, & quibus finita terminis. In variis Galeni locis varius horum nume-

rus traditur: nam libello de ofsibus quindecim enumerat: x i, de Partium Vsu nouem: in Introductorio, siue Medico, Galeno adscripto, duodecim, cui numero Vesalius subscribit: at ego tredecim semper esse obseruauim. Nam quinque in vtraque parte perspectis vnum sine pari adinueni, quod vltimo loco explicabitur. Ossa igitur hæc tribus futuris à capitis ofsibus separantur: sexta, quæ ab extremitate coronalis deorsum subiugali ad dentes extremos delata ad palatum terminatur: octaua, quæ à cauis temporum principium sumens sursum repit transuersim faciem in summo naso interfecans, demum ea futura breui, atque obliqua, per quam duo processus cōmittuntur temporali musculo superpositum os, quod vbique iugale dicimus, constituentes. Hæc itidem ossa priuatim suis terminis ad hunc modum circumscribuntur. Primum, cuius figura varia est, quatuor habet ossa contigua, quibus cōmittitur, nam posteriore parte processum emittit, alterā iugalis portionem efformantem, atq; ibi cum altera eiusdem portione, hoc est cū tēporis processu per obliquam futurā coniungitur, deinde in cauis temporum cuneiformi cōmittitur sextæ futuræ beneficio, vbi sese illa reflectit, vt deorsum ad postremos dentes feratur. Siquidem descriptione nostra sexta futura totū illud os ambit, quod est veluti cuneiformis brachium in vtrunque latus subiugali extēsum, per quod ipsum cuneiforme

Gal. lib. de ossibus.

Gale. 11. de Vsu Parr.

Gale. in Introduct.

Contra Vesal.

Ossa maxilla superioris sunt tredecim.

Ossium maxilla superiorum descriptio in vniuersum.

Primum os maxilla superiorum.

Sexta futura quid sit.

temporali musculo in mediis cavis subsidet, ac ferè ad coronalè vsq; protenditur. Huius igitur particula ad oculū vergens tātū cū primo maxillæ superioris ossè cōtinetur, quantū futura ipsa recta descendit. Parte autē superiore iuxta supercilij extremitatē idem os cum frontis ossè coalescit per octauam futuram, quæ per mediā oculi cavitatē ducta transuersim summū nasum ab imia fronte fecat: inferius à tertio maxillæ ossè disungitur quadā futura, quæ sub temporis cauo à sexta recedens sursum ad faciem repit: ac per mediā ipsam ductu sinuoso lata in oculi orbitam intrat: per quā ascendit, donec octauum attingat, ibiq; desinēs exteriorem oculi angulū circumscribit, quem totum os istud in se cōprehendit. Secundū omnium minimū in magno oculi sedis angulo iuxta nasum assidet, ac statim eiusdem anguli initio sese offert, vbi foramē est in nares peruium, cui præsidet caruncula glandulæ vice pituitam à cerebro manantē ad oculos excipiens, vt illa ad ipsas nares exprimat.

*Secundū os
maxille super-
rioris descriptio*

*Gal. opinio de
medicamentis
in oculos im-
missis ad nares
refluentib; re-
probatio.*

*Vbi sunt egilo-
pe.
Egilope si ne-
gligantur, tran-
seunt in fistu-
las.*

Quam rem vt apertiū comprobaret Galenus, addidit medicamenta in oculos immissa per nares effluere solere. Id quod hactenus mihi experiri minimè licuit. Et mirū profectò est quomodo membranā, quæ ibi assistit, ocularia hæc medicamenta penetrare possint. Animaduertendum tamen est hoc loco abscessus illos fieri, quos Græci ἀγίλωπας nominant: qui si negligantur, in fistulas lachrimales abeunt ad os vsq; penetran-

penetrâtes. Officulum id superiore parte octaua futura terminatur, quia sæpe iam dictū est, os frontis à superiore maxilla diuidere. Idem quoq; ab illo diuidit, & simul etiā à tertio, quibus pari ratione cōmissum est. Tertium, quod à Galeno os malæ dicitur cæteris lōgè maius, varium est, ac variis futuris definitur: illud autem est, quod omnes sui lateris dentes cōtinet: quam Galenus incisorios excipiat: cū futurā ponat inter caninum, incisoriōsq; dentes, quæ licet in hominibus nusquā reperta sit, in simiarum tamen, canūmq; maxillis conspicua est: distinguitur autem id os tertium à primo maxillæ osse communi futura per mediam faciē sub genis in oculi orbitā repente, qua itidem diximus primum os huic ipsi tertio committi. Superius per octauam futurā ab osse frontis terminatur. in interno oculi angulo à secundo dissidet linea totum id officulum ambiente. Quā verò nasum spectat, ab eius ossibus per futuram ab octaua descendente disiungitur sub palato ab eo osse, quod quintum numerabimus, insigni futura, quæ transuersim per palatum incedit: vbi quoque lineam reperiās per palati longitudinem deductam, sursumque inter incisorios dentes vsque ad imum nasum assurgentem, cuius opera tertium os in dextrum, sinistrūque diuiditur. Illud præterea notare libet, aliam sub palato ipso futuram dari transuersim, & ad vtrunque caninum dentem terminatam, quæ

Os male est tertium os maxillæ superioris.

Galenī error in osse male.

Gal. dictum verum est in simiis & canibus. Finis ossis male.

Sutura transversa sub palato in primæ.

*Ossis mala sub-
fractura qualis.*

*Sedes oculi ex-
quibus ossibus
constat.*

*Orbita cur dici-
tur oculi sedes.
Orbita dimissio.*

in pueris conspicua est, in adultis autem sic a-
boletur, ut nullum sui vestigium relinquat. Po-
stremò sphenoïdi finitimum est os istud, ubi
sexta futura, postea quàm diremit primū à tem-
porum ossibus, in amplam cauitatem discedit,
ibique disperditur, vsque dum extremis denti-
bus appropinquat, hoc insuper de tertio hoc os
se adnotate, illud præter quàm quòd multis par-
tibus perforatū est ac etiam spongiosum, amplā
in se cauitatem continere intus, extrāq; ab osse
veluti ampulloso, attenuatōque obtectā: quod
fortassis à natura leuitatis gratia factum fuit. Ex
his ossibus, quæ hæcenus descripta sunt, omnia
colligere potes, quæ ad oculi sedē cōstituēdam
necessariò cōcurrūt. Nam partē superiorem, atq;
etiam interni anguli dimidium os frontis: reli-
quum tertij ossis portio, quæ cū nasi ossibus cō-
mittitur, inferiorem, ac simul externum angu-
lum totum primum os struit. Quod autem ad
interiorem ipsius sedis partem attinet: secun-
dum os ithmoïdes, & demum cuneiforme suā
operam, materiāque subministrant, quam o-
culi sedem, quòd in orbem exculptam cerne-
rent, ideo posteriores orbitam nuncuparunt,
eāque ab omnibus in magnum angulum inte-
riorem nimirum, & in paruum, qui exterior
est angulus, nec non etiam in superiorem par-
tem, quæ superciliis subiacet, atque inferiorem
diuisa est, quæ genis supereminet. Verum ad
reliqua maxillæ superioris ossa, vnde digressa
est

est oratio, reuertatur. Quartum itaque sequitur os, quod alterū ex duobus nasi ossibus Vesalio est. Nos verò nostrum ordinem sequētes quartum illud esse dicimus, quod ille pro sexto, atque vltimo accipit. Idq; repositum est iuxta palati extremum, cuius non minimā portionem occupat, distinctum ea sutura, quam dictum est transuersum palatū secare, terminatur quā nares in fauces pertinet. Dirimitur præterea sphenoidis processibus, quos alis Vespertilionum comparauimus, sextæ futuræ beneficio ad intimos dentes decurrentis. Quintum os partem nasi superiorem, quæ verè ossea est, geminum existens constituit. Inferior verò nasi pars cartilaginea est, vt cum ictibus, casibúsque maximè exposita foret, non ita faciliè frangi posset, quæ admodum assiduè contingeret, si ossea facta esset. Quod igitur osseum est nasi, cum duplex sit communi sutura in dextrum, ac sinistrum distinguitur, ac frontis ossi inter supercilia committitur per octauam suturam, de qua sæpè meminimus. In descensu autem ab vtraque parte cum osse tertio per futurā communē vtriusque coniungitur. At in interna parte, vbi ambo hæc ossicula communi linea iunguntur, adhærent septo illi, quod ossis cribri speciem referentis partem esse diximus, & hæc dicta sint de maxillæ superioris ossibus: quæ cum in vtroque latere quina sunt, omnia simul erunt decem. Cæterum his vnum mihi addere libet vndecimum,

Quartū os maxilla superioris quid sit Vesalio.

Quid sit quantum os maxilla superioris eius termini.

Sphenoidis processus similes alis Vespertilionum.

Quintū os maxilla superioris.

Cur nares sint cartilagineæ.

Terminus ossis quinti.

Vndecimi ossis descriptio.

*Vndecimi ossis
descriptio.*

*Vndecimum os
aratro simile.*

*Ossa spongiosa
in naso facile
eroduntur in
morbo gallico.*

quod supra medium, intimumque palatum, intra nasi fauces positum est: atque ab ea parte, qua caput pertingit à lata rimula secundum totam longitudinem dissecatur, cuius bifurcata basis, quæ crassior est, in cuneiforme incūbit, extenditurque per nares septi partem imam constituens, quod tamē ab altera parte leui momento diuellitur, huius formam aratri vomer imitatur, quod imaginem cultri seruat, præter quàm quod & manubrio caret, & sinuosa, atque inæquali existit acie. Præter vndecimum addi potest duodecimum, & tertiumdecimum. Duo scilicet ossa spōgiosa in interno naso sita, satis in æqualia, vbi mucus retinetur. quæ ossa gallica lue laborantibus faciliè eroduntur, vt praxim ex ercentibus videre faciliè est.

De inferiore maxilla, CAP. IX.

*Epilogus præce
densu capituli.*

*Cur brutis sint
maxilla oblon-
ga.*

*Cur homini sit
rotunda facies.*

PRÆCEDENTI capite maxillam superiorem in animantibus omnibus, Crocodilo excepto, immobilem esse dicebamus: addidimusque inferiorem in homine solā moueri, in psittaco vtrunque. Causa verò, quamobrē hominis ac brutorum maxillæ figura non eadem sint, ea esse potest: quod animalia cætera manibus destituta inclinari oportebat ad cibum ab humo capiendum: proinde sapientissimus rerum opifex Deus maxillis oblongis, ac prominentibus illa muniuit, quibus manuum vice vterentur. Caterum homo cum manus obtinuerit, quarū opera ori cibum ad mouere potest, breuiorem
ac pe-

ac penè orbicularem maxillam est adeptus: itaque elegantiorē, venustiorēque: cui maxillarum figuræ, & elegantia simia proximè accedit, quippe quæ non multum ab humana facie recedat, cum manibus & ipsa quodammodo vtatur. Verum inferior maxilla ex durissimo osse, magnaque ex parte penè solido cōstare debuit, vt validior esset, ac variis, fortissimisq; motibus in mandendo, mordendoque sufficeret: & in arcum veluti obducta amplum sinum reliquit, vt leuior fieret, minúsque incommodi motibus musculis præberet. In hominibus simplex, atque ex vnico osse cōstructa, quanuis duplicem esse Galenus scripserit, eamque in summo mento laxari. Talem fanè reperiās in canibus, equis, bobus, atque id genus animalibus, quando longo ductu adhærere possunt. Homini verò maxillam bipartitam nusquam reperiās. At Galenus hoc, vt alia etiam multa, ex simiæ simulachro in hominem non transtulit. Et enim nullum inuenias discrimen inter humanam, simiaque maxillam inferiorem. Verum sanè oportet in pueris lineam à summo mento protendi, ac mediam quodammodo maxillam superficietenus peruadere, quæ nō multo post tempore cum prorsus aboleatur: ideo huic geminum esse maxillæ os coniici non potest. Hæc autem linea futura rationē interim habet, dum ex ea producantur, atque exeunt ligamēta, quæ musculos ibi existentes ingrediuntur. Inferior

Simia facies simili humane, Simia manibus vtitur.

Maxilla inferior ex osse duro constat.

Sinus maxilla inferioris cur.

Os maxilla inferioris non est duo decimū contra Galen.

Simia maxilla inferior unico osse constat.

Ex quo coniecturint maxilla inferioris os esse bidentum.

Linea in mento puerorum vsus

Processus duo inferioris maxilla.

*Acuti proces-
sus usus.*

maxilla in duos processus vtrunque desinit, quo-
rum prior in mucronem tendit, posterior verò
capitulum, ceruicemque habet. Acutus proces-
sus factus est, ut excipiat temporalis musculi tē-
dinem, qui in illum validissimè implantatur.

*Alterius pro-
cessus maxilla
inferioris deseri-
ptio.*

Alter autē, qui oblongo transuersim capite do-
natur, in sinum sibi proportionē respondētem
inseritur: atque ita cum temporum osse inter
iugalis radicem, auditoriūque foramen arti-
culatur. Hunc sinum, & capitulū maxillæ pro-
cessus cartilago crustæ modo obducit: sed in-
ter sinum, ac processus caput intercedit quædā

*Cartilagine in
sinu & processu
secundo maxilla
inferioris usus.*

cartilago mollis & mobilis, quæ non modò li-
gamenti munere fungitur, ad continendum in
suo sinu processum: verum etiam lubricum ma-
gis eius articulationis motum reddit, ac simul
efficit, ne assiduo motu confricata ossa vel rum-
pantur, vel saltem atterantur. hunc sinum Gale-
nus posuit sub mammillari processu, cum tamē
à mammillari distet. Maxilla inferior parte an-
teriore aspera est, atque inæqualis, ut ibi inserti
musculi tenaciùs hæreant: suāque habet fora-
mina, per quæ arteriæ, venæ, ac nerui transmit-
tuntur, de quibus in capite de foraminibus ca-
pitis agemus. Præter hæc foramina sunt quam
plurimi sinus tanquam alueoli, in quibus den-
tes insident: ita in maxilla inferiore infixi, quē-
admodum in superiore, quos aliquando cerni-
mus in seniorū maxillis penè deperditos: cum
scilicet erutis, aut delapsis dentibus maxilla ea
parte

*Gal. error in si-
nu maxilla inf.*

*Cur maxilla in-
ferior sit aspera
ante.*

Foraminū i sinus

Alueoli dentium

*Quando alueo-
li dentium in
senibus obse-
ruantur.*

parte

parte comprimitur, vsque adeò vt os ipsum vndique cohæreat, cōstipetur, ac tandem vniatur. Id quod præter cætera mihi obseruare contigit in vetulæ cuiusdam caluaria, in cuius maxillis vix bini, aut terni dentes prodiisse videbantur: adeò erant oppleta alueolorum vestigia, & in vnum solidè coiuerant. Quot autem esse debeât alueoli in vtraq; maxilla, sequenti capite de dentibus planum fiet.

De Dentibus,

CAP. X.

QUEMADMODUM reliqua ossa omnia minimè sentire, ita dentes ipsos sensus participes esse, rerum magistra experientia docuit. Vtriusque autem causam perquirentibus facillimè constare potest, ex neruorum id propagatione euenire. Etenim molles quosdā, ac tenues neruulos à tertia neruorū cerebri coniugatione ad dentes deriuari, ac per ipsorum radices ingredi, liquidò apparet, qui cum per interna dentium disseminentur, ita eorum substantiam efficiunt, vt notatu dignam sentiendi facultatem inuehant. Verùm ad cætera ossa nulla neruorum portio pertingit, per eorum substantiam transfundenda, quanquā per illa nonnuncquam, quemadmodum per capitis, ac vertebrarum ossa nerui transeunt, sed aliorsum tamen sensum laturi. Quamobrem sensus omnino expertia esse fatèdum est. In quo familiaris meus ac ciuis Io. Baptista Mazzolarius, egregius sanè iuuenis, moribus ac literis perornatus, vix satis

Dentes sentiunt.

Cur dentes sentiant.

Tertia coniugationis nerui ad dentes.

Cur ossa non sentiant.

Nerui transcurrentes per caluaria ac vertebrarum ossa alio sensum deferunt.

Ioan. Baptista Mazzolarij Cromonensis opinio quod dentes sentiant experientia confirmata.

mitari poterat illorum amentiam, qui aut ossa cuncta sentiri aiebant, aut ne in dentibus quidem sensum inesse oportere, quos aut sensum negantes indignos penitus iudicabat, qui audirentur: atque ipsis precabatur, quod ipse per multos annos summo cum suo malo expertus fuerat, quando à septimo ætatis suæ anno ad vigesimum sextum usque dentium dolore adeò graviter laboravit, ut cum frustra reliqua medicamenta adhibuisset, ad ignem sæpe confugere sit coactus: addebátque quod pars illa dentis, quæ

Dentis quæ prominet pars non sentitur: sed quæ sacet in alveoli, & cur.

Probatio quòd dentis pars desnudata gingivæ non sentiat.

Gal. dentium dolore laborant.

Dentium dolorem pulsatiliter sentiri posse eum Galeno probatur.

extra gingivas extaret, nihil penè sentiret: pars verò, quæ in alveolis delitesceret, atque à gingivis tegeretur, acerrimi esset sensus, cum scilicet nervus, nervique virtus ad eam usque regionem extenderetur, ubi cavitas dentis interna desinit, & gingivarum terminus est. Quòd autem pars dentis, quæ nuda cernitur, atque à gingivis prominet, insensibilis existat, ex eo probari potest, quòd dentes in ea parte secantur, limis atteruntur, æquari, decurtari, ac lævigari solent: necnon etiam candentibus ferris vri, & tamen vix sensus indicia deprehenduntur: quanquam ab iis animus abhorreere videatur, qui aliquam inde lesionem non potest prima facie non pertimescere. Dentium dolore Galenus & ipse vexatus diligentius investigans num dentes dolerent: non modò eos ipsos dolere, verum etiam pulsare deprehendit: nec meherculè iniuria, quando certum est, sicuti ego in publicis dissectionibus

bus ostendere solitus sum, vnà cum neruo venam, atque arteriam valdè exiguas ad singulos dentes perferri: quo factum est, vt quemadmodum per neruos sentire dentes cognoscimus: ita quoque credamus per arteriam pulsare, & per venam nutriri. Vnde alterum inter ossa, & dentes non leue discrimen habetur, quòd scilicet dentes perpetuò aluntur, & augentur, ossa verò alia nō secus ac reliquæ corporis partes ad statum vsque annorum numero augentur, ad quem vbi deuentum fuerit, protinus cōsistunt, atque ab auctione ipsa cessant. Quamobrem videas dētes exemptis oppositos crescere, & aliis qui in eadem sunt serie, prominentiores, exercitōsque magis fieri, cæteri nanque oppositorum è regione mutuo congressu, atque attritu, quantum augentur, tantum pariter imminuuntur, id quod læuigandis cibis potissimum euenit. Dentes, etsi numero euariāt, cum modò plures, modò pauciores reperiantur: attamen triginta duo plurimum sunt, nam sexdecim in vtraque maxilla continentur. Atque hi tres in partes diuidi solent, in molares, seu maxillares, caninos, atque incisorios: quatuor primi anteriores incisori dicuntur, propterea quòd ea figura præditi sunt, vt incidendi munere fungi possint: latissimi enim sunt, & acutam aciem præ se ferunt, vt cibum oblatum cultri modo secent, quod facillimè præstant; cum in totidem sibi aduersos, & ad eundē vsum fabricatos impinguntur, ac com-

*Per arteriam
dentes pulsan.*

*Dentes semper
crescunt, ossa
non semper.*

*Cur exempto
dente, qui illi à
regione respon-
det alios sui ora-
dis: excedat.*

*Dērium nume-
rus variat.*

*Dentes pluri-
mum triginta
duo.*

D. triū diuise.

*Incisori dentar,
qui & cur ita
diti.*

*Canini dentes
qui & eorum
usus & etymo-
logia.*

*Dentes molares
quot.*

Molaris usus.

*Cur molares as-
peri.*

*Cur dentes du-
rissimi.*

*Cur molares
magni.*

*Dentes artien-
lantur maxillis
per Gomphosim*

*φάρυα quid
Græci vocent.
De dentium ra-
dicibus.*

primuntur: iuxta hos molares versus tendenti-
bus canini occurrunt, qui utrinque singuli pa-
res sibi, ac respondentes habent, ampli ea parte,
quæ gingivis proxima est, in apice verò acuti
sunt: ut ad frangendum quàm maximè idonei
reddantur. Itaque fit, ut cum incisoriis aliquid
offertur, quod præ eius duritie ab iis diuidi ne-
queat: tunc caninis traditur ita dictis, quoniam
exertis canum dentibus quàm simillimi existunt.
Postremò succedunt maxillares quini ab utro-
que latere tam superioris, quàm inferioris ma-
xillæ, qui & molares nuncupantur, quoniam fa-
cti sunt ad terendos, læuigandósque cibos mo-
larum exemplo, quibus cereales fruges molun-
tur. Itaque ampli, duri, magni, atque asperi cō-
structi sunt, alioqui cōminuendis cibis ineptio-
res futuri. Cur enim asperi esse debeant molæ
ipsæ satis demonstrant, quæ cum diu molendo
asperitatem deposuerint: rursus arte solent exa-
sperari. Iam verò durissimos forè dentes neces-
se fuit: ut cibis conficiendis sufficerent, neque
ab iis contererentur: ampli quoque, & magni
facti sunt: ut diutiùs, & cōmodiùs munus suum
obirent. Dentes in maxillis per Gomphosim
veluti clauis infixi inhærent, dentiùmque sinus
in maxillis tanquam alueoli interstitiis suis di-
stincti sunt, atque ita præsepia quædam esse
videntur. Ideo Græci φάρυα dixere. Sciendum
insuper est non paribus omnes radicibus im-
plantari: siquidē aliqui vna tantum, aliqui dua-
bus,

bus, nonnulli tribus, quidam etiam quatuor radicibus inferuntur. Anteriores dentes, vt canini atque incisori j vna tantum radice donantur, molares autem pluribus. Verum ex ijs, qui inferioris maxillæ sinibus continentur, binas, qui in superioris ternas radices possident. Nonnunquam etiam videre est & inferiores tribus, & superiores quatuor radicibus donatos : sed id rarissimum est. Ad hæc quandoque inuenias molares duos superiores canino deti proximos ex binis radicibus constare : inferiores autem illis utique ipsis respondentes singulis. Ex quibus varietatum formis in vniuersum percipito molares inferiores vna semper radice à superioribus sibi oppositis superari, radicisque ipsas inferioribus breuiores esse : superioribus autem longiores, neque id sine consilio. Quando quæ pendunt, cum facilius labi ac discuti possint, quam quæ in imo quasi solo insident : ideo illa tenacius atque altius insigi debent, vt firmitus validiusque hæreant. Obseruatu quoque dignum est, intimos, atque omnium postremos maxillares breuissimas radices obtinere, tum quia minimum cæterorum in leuigandis cibis exerceantur. Adde etiam quoniam illa maxillæ portio profundiorē insertionem non admittit. Hos genuinos appellari libuit quæ plerunque in caula sunt, cur varius dentium numerus habeatur : modò enim vno superaddito triginta tres constituuntur : sicuti mihi sæpe videre contigit in

*Caninis & incisori
radix vna*

*Molares dentes
maxilla inferiori
habent plures
radices quàm
superiores.*

*Dentes superiores
quatuor radicibus
prædictis
videre rarum
est.*

*Cur radices dentium
maxilla superioris
sint longiores.*

*Molaribus postremis
breuissima
radix &
cui.*

*Molares postremi
à pubertate
enasci solent.*

*Molares postremi
genuini dicuntur.*

*Dentes quandoque
triginta tres.*

*Dentes viginti
octo.*

*Cardialis Ar-
dinghelli dentes
viginti sex.*

*Radices denti-
um perforate.*

*Ufus foraminis
radicis dentium.*

*Membranula ex
vasis in radicē
dentium.*

*Cui dolores ve-
hementissimi
sunt quandoque
in dentibus.*

*Dentes in ma-
tri aluo gigni,
licet non pro-
deant.*

viro quodam nobilissimo: modò duobus detra-
ctis, aut vno, numerum decrefcere: in aliquibus
etiam viginti octo, quod minimum est, inuenti
sunt. Licet ego obseruauerim Nicolaum Ardin-
ghellum Cardinalem, quem honoris causa no-
mino, in ore sex tantum supra viginti dentes ha-
bere, neque tamen vllus desiderabatur. Præter-
ea animaduertendum est dentium radices om-
nes esse perforatas, quæ foramina deducuntur
ad ipsorum cavitates, quas intus habet, exiguas
quidem, verum notatu dignas, vt scilicet leui-
ores sint, & commodius nutrimentum sumant.
Admittunt autem foramina hæc venâ, arteriam
& neruū, de quibus suprâ dictum est. Quæ tria
vasa ad cavitatem illam, vsque ad dentis basim
penetrant, ibi complicantur, & ex se membra-
nulam quandam gignunt, quæ imbibi nōnun-
quam solet materia à cerebro defluente, vnde
pariuntur dolores illi ingentissimi, qui perseue-
rant, quousque humor in membranula detine-
tur, vel purgato cerebro fluxionis causa tolla-
tur. Quod autem ad dentium generationem
attinet: scito non paucos putare eos tunc gigni,
cū ex gingiuis prodeūt, qui manifestè errant.
Nam dentes in ipso matris vtero efformari cer-
tò comperi, sicuti ego persæpe ostendi magna
astantium admiratione, dum ex demortuorum
infantium in matris aluo gingiuis ex suis aluco-
lis perexiguos dentes cruerim. Idem in nuper
natis, quod in extractis ex vtero, atque etiam in
abo-

abortibus septem & octo mensium explorare mihi licuit. Ea autem diligentia rem hanc perquisiui, quòd de his plerique ne verbum quidem, re nondum illis fortasse cognita, aut perquisita. Puerorum dentes appendices habent, quæ temporis processu, quanquam non omnes laxari, ac vacillare solent: itaque vel sponte decidunt, vel vnguibus, aut filo non difficili negotio eximuntur: quæ autem manent, vt in molaribus frequenter accidit, ita cum dētibus committuntur, atque coherent, vt ipsorū partes esse videantur, nec ita facilè demi possint. Dempta itaque appendicè cū seruata sit radix: non mirum est, si nō multo pōst tempore dens denuò crescit, & deperditæ appendicis locum occupat. Quamobrem cauendum est, ne cū pueris dentes casu aut aliquo ictu effringuntur, quæ reliqua sit portio, eruntur. Sed accuratissimè radix ipsa; quoad eius fieri potest, seruari debet. In ea enim veluti in semine quodam, ipsius dentis regenerandi spes residet, eaque radicitus euulsa, dentes non ampliùs vel rarissimè renascuntur. Dentes humani ordinem vnicum seruant, etsi aliquando duplex ordo inueniatur: licet raro in hominibus, triplex tamen in puero meo Phæbo conspicuus, qui rarus est, quemadmodum & ipse rarus est ordo.

De Capitis Foraminibus, CAP. XI.

DE foraminibus capitis acturi Galeno duce vti non possumus: nam cū in libello de

Dentes in utero matris gigni.

Dentes habent appendices quæ decidunt.

Molarium appendix non decidunt frequenter

Radix dētium in pueris non eximenda.

Radice dētium euulsa raro emergūt denuò.

Phæbus filius habet triplicem ordinē dētium. Phæbus puer rarus.

Gal. nō scripsit quod ex ter de foraminibus ca.

ossibus tractationem hanc consultò prætermisisset : deque huiusmodi foraminibus in libro de neruorum, ac reliquorum vasorum dissectione acturum polliceatur: in libello de neruorum anatome, qui Galeni nomine circūfertur, nihil de his scriptum reperitur. Quamobrem hic foraminum descriptionem cum Vesalio instituemus, ut cum hæc ipsa fuerint explicata, faciliorem nobis viam relinquant ad ea scribenda, quæ tradere opus fuerit de venis scilicet & arteriis, ac neruis per caput ipsum meantibus. Cum igitur natura reliquarum corporis partium gratia ossa construxerit, sicuti primo capite adnotatum fuit: ita illa efformauit, ut non modò illis adhærescere partes aliæ, verum etiam per eadem sine læsione transire possent. Idcirco ossa tanquam infimas nostri corporis partes aliis cedere necesse fuit, alioqui sua duritie multa incommoda allatura, & quod proposito nostro nunc deseruit, vasis transmittendis perforata sunt, ac præcipuè ossa, quæ vndique foraminibus scatent: per quæ tum nerui à cerebro demittuntur, tum venæ atque arteriæ sursum feruntur ad cerebrum, partésque alias in capite positas: ea primùm commemorabimus, quæ septem neruorum coniugationibus famulantur: quarum coniugationum cum nobilissima illa sit, quæ opticos constituit: non immeritò ab eius foraminibus exordiemur. In interna itaque caluariæ sede, quæ cerebri est basis, ubi exculptū est

Ex hoc posset aliqui coniecere de neruorum dissectione librum non esse Galen.

Vesal. scripsit de foraminibus capitatis.

Tractatio de foraminibus capitatis quam sit utilis.

Ossa sunt facta gratia aliarum partium.

Ossa sunt partes ignobiliores.

Ossa cur perforata.

Foraminum officium.

Prima neruorum coniugatio oculi deseruit.

De foraminibus seruiantibus primæ coniugationi neruorum.

est os cuneale in sellæ modum iuxta processus ipsi sellæ supereminentes: adsunt duo foramina in eodem cuneali, dextrum scilicet ac sinistrum rotunda, & in oculorum sedem tendentia, quæ ad ipsorum radicem iuxta latus interni anguli penetrant: ibique oculi orbitam introspectanti primo occurrent. Per hoc foramen à cerebro nervus insignis emanat, & in medium oculum radice instar implatur opticus, & visorius appellatus: siquidem ad oculum ipsum virtutem visilem defert. Post hæc ad fines doctorum sinus est semicircularis perfectum aliquando orbem efficiens, per quem fertur secunda nervorum coniunctio. Atque inde per magnam rimam, quæ mox describetur, in oculos deducitur ad motum ipsorum musculis largiendum. Rima verò hæc ea est, quæ in ima oculi orbita apertè perspicitur: ac versus externi anguli regionem infernè foraminis rotundi formam imitatur, quod tamen superiore parte effractum in lōgam, amplamque cavitatem extenditur, ut non solum aditum præbeat secundæ nervorum coniunctioni, quæ per oculorum musculos dispergitur ad ciendum motum: sed etiam aliis nervorum ramulis, qui à tertia proueniunt, & ad faciem per id foramen exeunt, quod est in superciliis supra internum oculi angulum. Itemque rima hæc musculis oculorum cedit, qui inde ortum ducunt, ac demum admittit & venas, & arterias transmissas ad oculos, oculorumque musculos enutriendos,

Sphenoides instar sella in basi capiti exanatum.

Foramen nervorum opticorum

Opticus nervus cur dicitur.

De foraminibus deservientibus secunda coniunctioni nervorum.

Secunda coniunctio nervorum movet musculos oculorum.

Rima magna in ima orbita descriptio & usus.

Ramuli à tertia coniunctione

Foram. quod est in supercilio visus.

Oculorum musculi unde ortum ducant.

*Quomodo gi-
gnatur lachry-
ma.*

Foramen in sphenoid.

*Masseteris or-
tus ubi.*

*Ramus octavae
coniugationis ad
musculos mas-
seteras.*

*Ramus tertiae
coniugationis ad
faciem per oculos.*

*Foramen aliud
in sphenoid.*

*Ramus tertiae
coniugationis ad
dentes & mus-
cul. temp.*

*Quarta coniu-
gatio nervorum
ad palati tuni-
cam & supre-
mam partem
linguae.*

& fouendos. In hac itidē ampla rima parte inferiore, vbi rotunda est, versus internum angulum latitat foramen, quod caeco quasi ductu ad palatum, narēsque tendit, per idque à cerebro per glādem suscepta pituita naturaliter ad ipsas nares, atque ad palatum descendit. Et quoniam pituita haec in rimam illam prius decidit, quae ad oculos pertinet: hinc fortassis via est gignendis lachrymis, cum scilicet fluidus ille humor excernitur in oculos emanans, & ab oculis postmodum in genas delabitur, sub eadem rima in decliuore sphenoidis regione modico intervallo discernitur foramen in vtraque parte, vbi à sella declivis fit recessus, quod orbiculare est, ac longiusculum, idque in oculi sedē rectā tendere videtur: sed tamen flectitur ad latera, vbi temporalis est musculus, ac masseteris ortus, quando per hoc foramen ramus octavae nervorum coniugationis ad hos ipsos musculos transit: quem pariter comitatur tertiae coniugationis ramus, qui ad faciem per oculos parte inferiore fertur, & cum musculis temporum, atque etiam cum massetere permiscetur. In ipsomet sphenoidē aliud est foramen, quod ad extremitatem alarū vespertilionis pertinet, penē ovale: per id portio tertiij nervorum paris ad dentes transmittitur, atque etiam cum temporali musculo miscetur: per idem foramen, una cum illa portione quarta nervorum coniugatio cum ad palati tunicā, tum etiam ad superiorem linguae partem gustus gratia de-

mitti-

mittitur. Iuxta foramen iam cōmemoratum ad radicē tēporis ossis, quod iugi modo eminere diximus auricularis labyrinthi efformādi gratia aliud residet maius quidē, sed perfractum, atq; inæquale rectā deorsum tendens, per quod tertiæ neruorum coniugationis portio permeat, quôdque nō minus patet iugularis venæ ramulo ad partes anteriores repenti. At vbi à superiore foramine paululum versus temporis os recesseris, tibi occurret foraminulum, quod propter sui paruitatem in nonnullis caluariis, vel altera saltem parte deficit, peruium exigua arteriola, & venula per crassam menyngem disseminanda: verū vbi obturatū est ac prorsus deletum, arteriola hæc, & vena viam sibi struit per foramen amplū, & inæquale, quod paulō antè descriptum est. Non procul ab amplo illo foramine aliud videre est, interna caluarie parte vix conspicuum, ac rotunda tamen cavitae, oblongaque in suprā dictum foramen desinente notatur, & sub interiore styloïdis radice insigniter apparet: obliquum versus anteriora ductū præ se ferens, qualis debebat esse soporalis arteriole progressus, cui foramen id natura parauerat. In eodem tēporis osse, quia occipitium versus declinat, foramen inest, quod in superficie oblongum, ac veluti ouale vilitur cæco ductu in labyrinthum: ac demū ad extremum auris regionē finitur, iccirco cæcum appellatū, aditum præstat quinto neruorū pari, facultatem sensificā audi-

*Foramen tertia
neruorum con-
iugat. portioni
& iugul. ante-
rioru ramo ser-
uiens.*

*Foramen par-
uū quod quan-
doque deletur.*

*Vide Natura
industriam.*

*Foramen sopo-
ralis arterie.*

Foramen cæcū.

*Quinta neruo-
rum coniugatio
sensum auditus
organo deservit*

tus organo suggerenti, sub quo foramine inter os temporis, atq; occipitium abrupta sedes conspicitur, magnū item & inæquale foramen constituens, per quod deducitur sextum neruorū coniugium, qui ad viscera tendunt, atque interrim recurrentes cognominatos efficiunt, vnde formadæ vocis virtus penè omnis depromitur.

Sexta coniugatio ad viscera. Quintum par neruorum efficit neruos recurrentes.

Nervi reuersimū formant vocem

Hoc itidē foramē internę iugulari venæ famulatur, dum per idem ingressa ad vniuersam cerebri molem enutricandam cōscendit, simulq; menyngi crassæ insidet gemino sinu euecta: ac denique in partem posteriōre delabitur, osse illi plurimū cedēte, in eo siquidem profunda est

Iugularis interna vniuersum cerebrū nutrit

Vbi cedat os crauci crassa menyngi.

cauitas in hac formam ꝑ-curuata versus labdalem occipitis futurā. In occipitis osse prope foramen omnium internorum capitis maximū vnum adest, haud amplum obliquè ad interiora vergens, per quod defertur septima neruorum coniugatio, quorū partem laryngis, & linguæ, parte temporū muscoli sibi vëdicant. In eodem occipitis osse inest foramen illud, quod paulò antè diximus interna omnia capitis foramina magnitudine superare, cū tamen externa oculorum orbita sit minus capax, quod cū sit sine pari, mediam occipitis regionem occupauit: spinalique medullæ a cerebro defluenti destinatum fuit Ex reliquis foraminibus in anterioribus spatiis primum illud est, quod cū vnicum, parūūque sit neq; admodū penetrās, sinus fortasse potiùs quàm foramen dici debet:

Septima coniugatio neruorum per quod foramen feratur.

Septima coniugatio neruorum.

Foraminis in occipite max. v. sui.

inter

inter os frontis, ac medium ithmoïdis interuallum iacet, quo terminatur, ac pertinaciùs incùbit tertius duræ cerebri mēbranæ sinus, de quo aliàs dicitur. In ithmoïde ad utrunq; dicti interualli latus iuxta frontis os assident duo longiuscula foramina rimulæ speciem referentia, quæ odoratus organorum terminis opplentur. Cæterùm ithmoïdes quamplurimis foraminibus in cribri morem effingitur, quæ odorum ne, an aëris, an superfluitatum causa facta sint, non est nostri instituti disputare: sed ubi opus fuerit non prætermitemus. In ossē frontis in regione superciliorum duo foramina utriq; vnum, per quod tertię portio neruorum coniugationis ad musculos frontis, & palpebrarū disseminatur. Foramina hæc tamen semper sunt orbicularia, sed aliquando sunt media, ac si quis ungues in ceram immitteret, detraheretque. Media fronte supra nasi summitatem eo nempe spatio, ubi spongiosum interstitium gemina caluarię tabula disiungitur, cavitates reperiuntur, quæ in nares penetrant antiquis (vt opinor) prorsus ignoratæ, illæq; nunc binæ, nunc ternæ: in quibus cū nihil vnquam præter membranam repererim, licet aliquando & mucus reperiatur, aërem tantum per nares attractum detineri existimaui, de cuius usu quid sentiamus alibi plenum fiet. Os malæ, quod tertium diximus, sub regione inferiorū palpebrarum, quatenus in genas dilabitur, foramen habet rotundum,

Vsus foraminis inter os frontis & ithmoïdis.

Ithmoïdis foramina.

Ithmoïdis figura.

Tertia coniugationis portio ad musculos frontis & palpebrarum.

Cavitates in fronte à veteribus ignoratæ.

In cavitatibus mediae frontis plurimum aer solus quādoque mucus reperiatur.

Foramina ossis malæ.

*Tertia coniuga-
tionis portio ad
nasi musculos
& labri.*

*Vnde humidi-
tas ad nares &
oculos descendit.*

*Glandula exci-
piens humidita-
tem oculorum.*

Gal. error.

*Locus in quo a-
gilops nascitur.*

*Cur oculi labo-
rante afficiatur
musculus tem-
poralis.*

*Orbita oculorū
sedes.*

quod ab interna, inferiorēq; parte orbitæ ocu-
lorum principium sumit ex rima longa, profun-
dāq; in foramen ipsum desinente ē regione pri-
mi molaris dētis, per id transmittitur tertiæ ner-
uorum coniugationis portio, quæ ad nasi mus-
culos, & ad eos pariter, qui labrum constituunt
defertur. In oculorum angulo maiore parte in-
feriore, quæ inter tertiū & secundum os maxil-
læ superioris intercedit, non modicum inest fo-
ramen, cui sinum facit secundum os, ut illi quo-
dammodo cedere videatur, hinc descendit ad
nares humida materia internam oculorum par-
tem obsidens, cui excipiendæ præstō est glan-
dula quædam instar spōgiæ ad ipsum foramen
assidens. Vnde Galenus falsò arbitratus est me-
dicamenta oculis apposita, tum in nares, tum in
palatū defluere, uti suprà attigimus, ubi de ma-
xillæ superioris ossibus loqueremur. Hoc loco
ægilops gigni solet, quam lachrymalē fistulam
Latini vocarunt. Verū in exteriore angulo,
quī minor dicitur, parte item inferiore ampla
rima sita est, quæ partem ossis temporum, par-
tem etiam maxillæ superioris perforat, cui adfi-
gitur temporalis musculus, qui cū maximam
cum oculo affinitatem habeat, non mirum est, si
laborante oculo temporalis iste musculus sæpe
afficiatur, quemadmodū crebrò experti sumus,
cum ratione experientiam coniūgentes. Faciei
foraminibus si oculorū sedes, orbitas dictas an
numerare libeat, scito illas temporum, frontis,
maxil-

maxillæque superioris osse conflatas. Inter eas
 si descenderis, duo reperies nasi foramina ad pa- *Nasi foramina.*
 lati fines, & ad fauces penetrantia. Iugale etiam *Iugale instar*
 os ex duobus veluti ossium processibus pontis *pontu.*
 instar constitutum, magnum foramen, oblon-
 gúmque efficit, in quo temporalis ipse musculus *Temporis mu-*
 residet. In anteriore palati regione inter inci- *sculorum sedes.*
 sorios dentes medium est foramen, per quod *Palati forami-*
 vena, arteriæque pertrāsīt: & descendit pituita *Quæ descendat*
 ad humectandā palati membranam, quæ in eo *pituita ad hu-*
 ipso foramine illigatur, non secus quàm duram *moctandā mem-*
 cerebri membranam, paulò supra ithmoïdis in *branam palati.*
 terstitium foramini modico innecti dixerimus.
 In extremo palato non procul à postremis den-
 tibus vtrinque foramen videre est in eo quinto
 osse, quod quartum maxillæ superioris feci-
 mus. Id autem foramen in geminos, acutósque
 angulos producit: admittit cū venulam, at- *Quarta coniu-*
 que arteriolam, tum verò quartæ neruorū con- *gationis portio*
 iugationis portionem, qua palati tunica gustā- *tunicam pala-*
 di sensus particeps redditur. Inferior maxilla bi- *ti gustandi sen-*
 nis vtrinque foraminibus donatur, totidem in- *su donec.*
 tus, quot extrā: verū interna foramina ma- *Foramē maxil-*
 iora multo sunt externis, per quæ vena, arteria, *la inferioris.*
 nervus demittuntur ad singulas dentiū radices *At singulas ra-*
 nutrimentum, vitam, sensumq; illis adferētes, *dices dentium*
 vt suprà Cap. De Dentibus memorauimus. *ferunt vena, ar-*
 Nerui tamen eiusdem portio extra mentum e- *teria & nervus*
 greditur, & ad musculos inferioris labri per-
 meat, cui aditum præbent bina illa foramina

*Quinta nervo-
rum cōiugatio-
nis portio ad
musculum tem-
poralem.*

externa iuxta circularia. In capitis basi, in ea temporum ossis parte, quæ cuneiformi proxima est, datur geminum foramen, vnde quintæ nervorum cōiugationis portio ad temporalem musculum trāsmittitur: ad posteriorem styloïdis processus radicem, qua os mammillare respicit, foramen intueberis, per quod vena, & arteria antrum ingreditur ad auditus organū enutriendum. Iuxta processum mammillarem parte posteriore aliud foramen est, aditum venæ & arteriolæ præbens, ossa nutriendi gratia. Tam superiori, quàm inferiori maxillæ insunt foramina multa, quæ præsepiliolis aliàs cōparauimus, in quibus dentes fixi sunt, quæ non solum

*Alueoli dentiū
respondent nu-
mero radicū
numero.*

*Quæ foramina
neque sedē ne-
que numerum
seruant.*

dentiū numero respondent, verūm etiā pro eorundem radicū diuersitate variant. Ideo certus eorum numerus vix assignari potest. Habes insigniora foramina capitis: alia verò per quæ venulæ, atque arteriolæ ad internam ossiū capacitatem, & ad membranā crassā pertranseunt: quoniam neq; firmam sedem habent, neque ordinē vllum obseruant, minimè digna nobis visa

*Quandoque fo-
ramina os inci-
pitu penetrant.*

sunt, quæ describerentur: aliquando nonnulla reperies, quæ à latere ad latus perforant ossa sin-
cipitis.

De Ossē Hyoïde,

CAP. XII.

Ossium usus.

*Lingua vociar-
ticulanda præ-
cipuè utilis.*

SA T I S constare arbitror ob hanc præcipuè causam genita fuisse ossa, vt super his muscoli consistere possent. Quamobrem cum in ore linguam natura formasset organū apprimè necessarium

cessarium tum voci articulandæ, tum aliis quoque functionibus, opus erat os aliquod parare, in quod ea commodè infereretur: nam cùm sit corpus molle, facilè concideret, nisi ab aliquo duro, stabilique sustineretur. Proinde os conditum est, quod linguæ peculiare esset, illique vni deseruiret, quando non potuit neque in occiput, neque ad dorsum, neque ad latera vtriusque maxillæ implantari, quin aut fauces tege-
ret, impedirétque: aut certè magnam suarum vtilitatum partem amitteret. Hyoïdes id Latini cum Græcis appellant: idq; voce contractio-
re ὑψιλοφίδες siquidem dicendū esset, quod ὑψιλον literæ formam exprimat: à nonnullis quoque vocatum est λαβδολοφίδες, sed quoniam vbi coniunctum est, ac sinum facit, non ita acuto angulo terminatur, rectius illud υ figuræ quàm λ simile dicemus: quod si quis os istud maxillæ inferioris imagini comparare velit, non malè fortasse fecerit, cùm non modò in arcum eiusdem maxillæ more curuetur, verùm etiam in duos, sicuti illa, processus desinat: quanquam hi non omnino eandem cum illis speciem seruēt. Hyoïdes os ita hac figura fuit à natura exculptum, vt quamuis faucibus, ac laryngi præpositum esset, liberum tamē cùm inspirationi, tum etiam cibo, potuique transitum relinqueret. Quocirca medium ipsius ossiculū aliud maius anteriore parte, qua os respicit connexum est: & in valde obtusum angulum coit: posteriore

Hyoïdes os linguæ peculiare.

Causa situs hyoïdis.

Hyoïdes os & hypsiloides & labdoides idem.

ὑψιλοφίδες rectius dicitur os lingua quam labdoides.

Ossis hyoïdis cū maxilla inferioris figura collatio.

Cur ea contiguit figura ossis hyoïdi.

Hyoïdis ossis descriptio.

autem, quæ interna magis, & ad fauces vergit, concavum, superiore item gibbū, inferiore verò sinum pars anterior: ac superior linguæ insertionem suscipit ex duobus musculis constructam, quorum discrimen exiguum quodam processu terminatur, qui in superiore huius ossis regione ad flexionis mediū eminet: at posterior inferiorq; eiusdem ossiculi portio caua, & in sinum adducta fuit, ut cederet aperienti, ac sese attollenti lingulæ, quæ tanquam claustrum laryngi supereminet, atq; ob id Epiglottis Græcè est appellata, ad laterum fines huius medijs ossiculi duo alia cōmittuntur in duos longiusculos processus diducta, qui extremas appendices habent, atque ij cum superioribus laryngis lateribus suis ligamenti innectuntur. ab horum processuum appendicibus nasci solēt musculi, qui linguæ motibus deseruiunt, quemadmodum in libro de musculis dicitur. Iam verò cū os istud veluti pensile existat, satis firmitudinis, ac roboris habiturum non erat, si vnam tantum quam diximus, in ipsam laryngem insertionem habuisset. Ideo natura duos alios eidem ossi processus addidit: non ita prolixos tamen, ut qui iam descripti sunt: iuxta quos hi pariter exurgunt: at superiore parte, quā maius ossiculum, quod in medio situm est, hinc inde terminatur, nam per hos processus oshyoïdes processui stylium referenti, qui temporū ossi vtrinque affigitur, insigni ligamento connectitur, atque

*Epiglottis cur
ita dicitur.*

*Musculi linguæ
motibus unde
oriuntur.*

*Cur hyoides ha-
beat plures pro-
cessus.*

*Quomodo hyoi-
des ligetur sty-
loïdis.*

atque ita firmat vt in medio facilè consistat, ac neutram in partem distrahatur. Ad hunc itaque modum ex quinque ossibus hyoïdes constructum habes, quod tamen aliquando priuatim inuenies processibus: nunc verò altero tantum quorum locum tunc subeunt ligamenta lógius à medij ossiculi finibus ad processus styloides prætèsa, & hæc de Hyoïde sat sint, quod in libello de ossibus missum fecit Galenus, fortè eius descriptionem parum necessariam arbitratus. Nihil igitur mirum est, si quidam de hoc ipso nihil meminerit, quem sicuti certò affirmare ausim cuncta, quæ de Anatome scripsit, ex Galeno transtulisse: ita dubito nunquam humanum corpus secuisse, aut aliorum sectionibus minimè interfuisse. Galenus tamen de Hyoïde lib. xi. de Partium Vsu nonnihil meminit, huius dicta excipiens Oribasius suo de ossibus libello in proprium caput redegit.

Hyoïdes ex quinque processibus.

Sagacitas Naturæ deficientibus processibus hyoïdis.

Gale. in lib. de ossibus non describit os hyoïdes.

Gale. xi. de Vsu Part. meminit de hyoïde.

Oribasius caput habet de hyoïde

De Larynge,

CAP. XIII.

SCIO non paucos admiraturos, quòd in hoc libro, vbi de ossibus duntaxat agere instituimus, laryngis explicationem interseramus: de qua in tractatu de cartilaginibus cæteri Anatomici meminere, à quibus veluti cartilagineum corpus describi solet. Ego verò cum in his anatomicis nomen meum profitear, qui in nullius placitum iurauerunt, licere mihi arbitrator, meam, quæcunque fuerit, sententiam

Cur in Tractatu de ossibus tractetur de larynge.

Anatomici cōplures describunt laryngem tamquam corpus cartilagineum.

in medium proferre, vt vobis cum re ipsa licebit conferre. Cum igitur ex innumeris prope modum sectionibus obseruauerim humanā laryngem in profectioris ætatis corporibus ossē esse, non cartilagineam: (quanquam à teneris annis cum nondum ad suam duritiem, soliditatemque redacta est, ex cartilaginea substantia constructa esse videatur) non possum non opinari eam magis ex ossēa natura, quàm ex cartilaginea cōstare. Hoc igitur in causa fuit, quamobrem in ossium numero laryngem adiudicantes de illa in ossium tractatu agamus. Vt igitur alios nunc omittam anatomicos, ac de Galeno, & Vesalio tantum dicam, ambo sunt accusandi: Galenus quidem primo, quòd neglecto humano corpore simias dissecandas curauerit: deinde quòd vel in simiis ipsis laryngis substantiam ossēam prorsus non animaduernerit. Vesalius autem, quòd cū humanorum corporum sectionem profiteretur, non humanam tamen laryngem, sed bruti secare semper solitus est: idque publicis theatris, quibus ego sæpe interfui. Nos igitur laryngem inter ossa connumerantes dicimus eam esse asperæ arteriæ caput, quod ad os, atque ad fauces pertingit, in cuius postremam superficiem præcedenti capite diximus, Hyoïdes os duobus processibus oblongis implantari, atque ita cum larynge ipsa committi. Organū est, per quod spiritum admittimus, ac eundem reddimus, nec nō etiā vocis formādæ, quemad-

Larynx hominis senis ossēa est.

Larynx in tenera ætate cartilago videtur.

Gale. reprehenditur.

Gale. simias secuit non homines.

Larynx simiæ ossēa est.

Vesalius secabat laryngem bruti non hominum.

Laryngis descriptio.

Larynx ossēa est.

Larynx est caput tracheæ.

Laryngis situs.

Laryngis usus.

quemadmodum ex eius descriptione patefiet, quam licet ossileam dixerimus, ad eius tamen compositionē concurrunt non ossa tantum, verum etiam cartilagine, ligamenta, muscoli ac membranae: ut interim missas faciam venas, arterias, & nervos. Ceterum ossa ex quibus larynx praecipue conficitur, quinque sunt, ex quibus duo maxima corpus ferè ipsius laryngis constituunt. Parte posteriore latè disiuncta sunt, anteriore verò testudinis ritu per acutum angulum vniuntur, cuius imaginem scuto, quod fortasse veteres in praeliis gestabant, assimilantes, Anatomici scuti formem cartilagine, siue scutalem, siue peltalem, Graecè θυρεοειδῆ vocarunt. Eius posterior pars supra infraque processus habet, quos ex suis utrinque lateribus singulos educit superioribus processibus, qui inferioribus longiores esse solent. Primi committuntur hyoidis processus, ac membraneis vinculis inuicem firman- tur. Inferiores autem, scutiformis processus posterioribus lateribus eius nēpe partis quam reliqui secundam cartilagine innominatam appellant, nos verò tertium os innominatum facimus, cuius forma circularis est similitudine referens illos Parthorū anulos, quibus pollicem muniunt, ut validè sagittas eiaculentur. nam parte posteriore gulam, seu stomachum spectante latius est, & in acutum spinæ modo extenditur. Deinde quo magis ad anteriora pergit, magis extenuatur, donec quā

Quot concurrant ad laryngē componendam.

Ossa laryngis quinque.

Scutalis cartilago ab Anatomicis dicta quae pars sit laryngis

Quomodo processus hyoidis & laryngis committantur.

Tertium os innominatum quod alij secundam cartilagine innominatam appellant.

Tertij ossis innominati figura.

*Asperitas in
osse pro in-
ser-tione musculo-
rum.*

*Cur tertium os
circulare.*

*Quartum &
quintum os la-
ryngis appella-
tur tertium carti-
lago ab alio &
cui.*

*Rima qua vox
modulatur.*

diximus figuram effingat. Vnde quaque teres est, nec ullam asperitatem præfert, præterquam quod posteriùs nonnihil eminet: vt duorum ibi existentium muscutorum insertioni subseruiat, qui ab hoc tertio osse in quartum, ac quintum recto ductu feruntur, vt in libro de Musculis docebimus. Id autem os perfectè circulare natura fabricauit, vt esset basis, ac firmamentum laryngis, nec non etiam quoddam asperæ arteriæ propugnaculum, cuius est initium: nam nisi interna parte coalesceret, neque ea duritie præditum foret, periculum immineret, ne deglutendo re aliqua crassa vel dura, arctiùs respirationis via comprimeretur, vnde fieret suffocatio. Vndique igitur continuum os istud factum est, vt asperam arteriâ validiùs tueretur. Quartum, quintumque os laryngis nobis erit, quod alij vnâ, ac tertiam cartilaginem numerarunt: nam si partem hanc membranis, quibus obtegitur, liberatam sedulò intueberis: & laxari deprehendes, & in duo diductam cognosces. Quamobrem visum est nobis in duo partem hanc ossa distinguere, quæ ab apice tertij ossis intrò spectantis exurgunt. Huic enim tuberculo inarticulantur, atque inde à sua basi duas veluti pinnas emittunt, quæ ad imam scutiformis regionem parte anteriore copulantur, ac rimam constituunt modulandæ voci quàm maximè accommodatam: sursum verò in duos processus tendunt, qui mutuò dexter cum sinistro vniun-

vniuntur, & vasis cuiusdam imaginem præ se
 ferunt, quo abluendis manibus aquam affun-
 dimus. Idcirco Græci partem hanc laryngis *Quid significet*
 ἀρυταινας, & ἀρυταινοειδή vocarunt. Hæc duo os- *ἀρυταινοει-*
 sicula inæqualia sunt, atque inuicem per liga- *δή.*
 mentum, ac per cartilaginem vniuntur: & su-
 pernæ membranæ ibi copiosissimè assidētis be-
 neficio molliuscula esse videntur, vbi in duos
 processus desinunt, quibus scilicet natura ve-
 luti lingulis quibusdam vti voluit, non modò
 ad claudendum laryngis amplitudinem, & as-
 peræ arteriæ meatum, ne quid, ex vomitu præ-
 fertim, quod lædat in internam illius capacita-
 tem decidat, atque ad pulmones deferatur: *Duorum proces-*
 sed etiam vt rimam illam moderetur variarum *suum quarti &*
 vocum efformandarum gratia, non secus at- *quinti ossis la-*
 que in fistulis, aut tibiis lingulæ quædam im- *ryngis vsum.*
 poni solent, ex duabus arundinum laminis cō-
 pactæ. Propterea istòrum processuum id ge-
 nus lingulam constituentium vnio Γλωττίς nun- *Γλωττίς*
 cupatur. Quòd autem ossa hæc sint, quæ ha- *quid vocetur.*
 ctenus exposuimus, non diu anceps ille fue- *Quomodo ossa*
 rit, qui eorum ipsorum colorem, duritiémque *esse non cartila-*
 considerarit, ac præterea medullosam substan- *gines, qua la-*
 tiam conspexerit, qualem ego sæpenumerò de- *ryngem consti-*
 prehendi, quo vno potissimùm cartilagines *tuunt, cognos-*
 ab ossibus differunt. Siquidem cartilago o- *cas.*
 mnis ex omnium sententia medulla penitus
 caret. Ad hæc succedit cartilago vna, pro-
 pterea illa quoque explicabitur. Hanc ἐπιγλωτ-

Differentia præ-
cipua ossis &
cartilaginis.

ἐπιγλωττίς
quid significet.
Epiglottidis v-
sus.

Epiglottidis fi-
gura.

Cur de mēbra-
nīs & musculis
laryngis nunc
non doceatur.

τίση Græci vocant, quòd lingulæ modò enar-
rata superemineat, atque operculi vicem ge-
rat, ne quid cibi, potúsue in laryngem de-
fluat, nec non etiam vicissim clauditur, ac re-
feratur ob mutuam inspirationis, & expirationis
operam. Hæc modicè curuati scuticuli for-
mam imitatur, superiore parte ampla est, ac
sensim arctatur in mucronem desinens, quo
anteriori ac superiori scutiformis parti, vnde
ortum habet, inferi videtur. Reliquum esset,
vt describerem, quibus membranīs, & quomo-
do larynx intus, forisq̃ue inuestiatur: ac præ-
terea quot, quive sint musculi motum hisce of-
sibus largientes: verùm ne doctrinæ ordo in-
terturbetur, congruè magis alibi hæc declara-
buntur.

De Dorso in vniuersum,

CAP. XIII.

Dorsi structura
admirandi di-
gna.

Vertebrarum
compositio in-
star carinæ.

Dorsum dat ro-
bur corpori.

NIHI in vniuersi corporis humani fabri-
ca, quòd ad ossa pertinet, magis quàm dor-
si contextus admirabilis parentis nostræ indu-
striam attestatur, in quo vix satis mirari possu-
mus quàm incredibili vsa sit artificio, vbi tot
vertebrarum situm, varietatem, ordinemq; in-
tuemur, quarum compositio instar carinæ cu-
iusdam esse videtur. Etenim si oculos in nascē-
tis navis exordium conieceris, facillimè perci-
pies, cum navis fundo rectè dorsum com-
parari posse, ad quod ipsæ costæ veluti curuatæ
trabes

trabes affixæ adhærescant : atque ita corpus efficiant : quo fit, vt dorso corporis ipsius stabilitamentū, & robur non immeritò tribuatur *Dorsus significatio.* Dorsum autem totam regionem interim nobis significet, quæ à basi occipitis vsq; ad extremum coccygem pertingit quæque triginta quatuor *Dorsum 34. vertebræ.* vertebriis perficitur. Vertebre verò siue spondyli nobis erunt ossa quædam egregia, formæ varietate distincta, ex quibus tanquam partibus dorsum cōflatur, quemadmodum infra plenius *Dorsum hominis describitur.* demonstrabitur. Dorsi beneficio præsertim hu- *Dorsi usus.* mani (hoc enim duntaxat describendum suscepimus) recti stare, rectique ambulare possumus *Ambulatio est legitimus motus homini.* qui legitimus est hominis motus, ac præterea *Cur dorsum constet ex pluribus ossibus.* antè, retrò, ad latera, & in gyrum quoquo modo flectere corpus valemus. Quamobrè ex vnico, integròq; òsse constare minimè debet: quavis enim ita promptius dorsalem medullam ab externis iniuriis vindicasset: homo alioqui diuinum animal quoddā veluti lapideū, lingneūm-ve animal, neque sese erigere, inclinaréque potuisset, neque tam varios motus edere, qui ad multos vitæ vsus maximè sunt necessarij. *Cur dorsum ex paucioribus ossibus non constet.* Iam verò minus debuit ex paucioribus, vt quatuor, aut quinque ossibus cōstare. Nam licet motus iidem fierent, diffcilius tamen fierent, ac deinde dorso luxando occasio præberetur, id quod *Dorsi vertebra rui luxatio quæ pertimescenda.* citra vitæ periculum vix vnquam euenire posset: quod luxationis genus animaduertens diuinus Hippocrates lib. de Articulis inquit. Si

*Luxata una
vertebra spina-
lis medulla redi-
gitur in acutū
angulum.*

*Spinalis medul-
la sapit naturā
cerebri.*

*Pluribus verte-
bris luxatu spina-
lis medulla
redigitur in se-
micirculum.*

*Cur dorsum con-
stat ex tot ver-
tebris.*

*Vertebra tuen-
tur medullam.
Spina situs &
causa.*

*Cur spina ita di-
sta.*

*Cur vertebra
dorsi habent pro-
cessus in spina
& lateribus.*

plures vertebrae, quæ ordine se consequen-
tur luxari contingat, graue quidem: sin verò
vnam, exilire, & à reliquarum compage dimo-
ueri, perniciosum fore, neque id iniuria. Nam si
vna vertebra luxetur, spinalem medullam ita
secum diuellit, vt in acutum penè angulum il-
lam cogat. Iccirco vel frangatur ipsa, vel com-
minuatur necesse est, id quod lethale est: siqui-
dem medulla hæc cerebri natura prædita est.
sin autem plures vertebrae simul luxentur, in an-
gulum obtusum, vel magis in semicirculum di-
duci eandem oportet, ex qua distractione pa-
titur quidem, verum non aded, vt mors neces-
sariò consequatur. Ergo ex pluribus ossibus ve-
luti crebris, breuibúque intermediis constru-
ctum est dorsum: vt, quoad eius fieri posset, im-
mune redderetur ab eiusmodi luxatione: nec-
non etiam vt vertebrarum corpora sic affabre
facta in quencunque motū procliuiora forent.
At hæc vertebrae spinalem medullam, quam
intus habent, mirum in modum tuentur, hinc
non spinam modò tot processibus conspicuam
habuere, qui mediam dorsi regionem extrin-
secus occupant, quod præcipuum est medullæ
propugnaculum, vnde à potissima dorsi parte
totum Græci ἀκανθα hoc est spinam vocarunt:
verumetiam ex lateribus hinc inde processus a-
lios producant promprioris, maiorisque tuta-
menti gratia, quos interim tamen musculorum
implantationibus subseruire natura voluit: quæ
æquē

æquè sollicita fuit de spinali medulla, ac de cerebro muniendo. quoniam huic ex cerebri substantia productæ, & oblongo tanquam cerebro, gignendi erant nerui. In medijs vertebribus foramen extat, in quo dorsalis medulla sedet. ipsæ vertebræ quò magis à ceruice recedunt, cò magis augefcunt, & processus longiores, ac robustiores habent: sustinent enim superiores. Quæ igitur in imo positæ sunt, aliarum maximæ corpore constituerunt: vt vniuerso oneri ferendo sufficerent. Nam rationi consentaneum est, vt quod gerit, re lata maius existat. Præterea vertebrarum, processuumque magnitudo conferre plurimum videtur ad tuenda maxima vasa, venam scilicet concauam, arteriamque magnam, quæ sub ea regione resident. Dorsum quinque in partes diuiditur: in ceruicem, collumve, thoracem, lumbos, sacrum os, & coccygem. Quinque hæc suis vertebribus constituuntur, quæ in vniuersum triginta quatuor numerantur. Nam collo septem tribuuntur, thoraci duodecim, quinque lumbis, sex sacro ossi, postremæ quatuor coccygi. Cæterum ex his viginti quatuor iure optimo vertebræ nūcupantur: quippe quarum munere corpus in varias partes vertatur, & hæc ad sacrum terminantur. quæ autem ad os sacrum cum coccyge attinent, potiùs à similitudine, quam cum superioribus aliqua ex parte obtinent, quàm quòd vertebrarum munere fungantur, vertebræ sunt

*Processus laterales vertebra-
rum musculi
etiam seruiunt.
Natura est sol-
licita de spinali
medulla vt de
cerebro, & cur.
Spinalis medul-
la est cerebrum
productum.
Locus medullæ
spinalis.
Cur vertebra
inferiores habe-
ant corpora ma-
xima.*

*Vertebra corpo-
ra & processi-
bus magnæ ve-
næ tuentur ve-
nam caxam &
arteriam ma-
gnam.
Dorsi diuisio.*

*Collivertebra 7
Thoracis verte-
bra 12.
Lumborum ver-
tebra 5.
Ossis sacri ver-
tebra 6.
Coccygi verte-
bra 4.
Vertebra pro-
pria qua &
quor.*

Differentia vertebrarum abusu qua per similitudinem ita dicuntur.

appellatæ quæ pariter alio articulationis genere a superioribus inuicem componuntur, illæ namque Arthrodia articulantur, hæ verò postremæ per Synphysim vniuntur. Sed clariùs hæc in priuata singularum tractatione sequentur quatuor capitibus.

De vertebra cervicis, & capitis motibus,

CAPVT XY.

Quæstiones quas omittit dedita opera.

Cur cervix constet ex vertebra.

Septem vertebra colli à se ipsis differunt & quomodo.

Cervicis usus.

AC PRIMVM ab illis vertebrais supremis dorsi exordientes illud disputare omitemus, cur omnibus animalibus cervix non conveniat: & an illam pulmonum, vocisve gratia natura finxerit, quando hæc, atq; id genus problemata ex Aristotelis, aliorumque rationibus abundè discussa sunt. Quòd autem cervix ex vertebrais constare debuerit: rei natura nobis apertissimè demonstrat. nā cū emanet à cerebro spinalis medulla, in vertebraisq; cōtineatur, capiti vertebrais contiguas esse oportuit, totum id spatij occupantes, quod à capite ad summum thoracem interest, colli siue cervicis nomine donatū. Caterum hæ vertebrae septem numero sunt, nō solū à cæteris, verumetiam à se inuicem differentes: prima namq; à secūda, & hæ rursus à subsequētibus diuersæ sunt. At quatuor à secunda ad septimam vsq; sibi similes in figura conspiciuntur, verū septima ab omnibus distincta est, sicuti ex singularum descriptione patefiet. Cervix autem non modò hunc
vsum

vsu præstat, vt caput fulciat, sed etiam vt eius motibus potissimum conferat. Quamobrem operæ precium est cognoscere, quinam sint capitis motus, quóque illi ipsi modo fiant. Nam quod Galenus de iis scripsit, prorsus à veritate alienum existimatur, quemadmodum summus Anatomicus Vesalius longè hac in parte Galeno diligentior ex rei natura deprehendit: neque verò Galeni error librariorum incuriæ, aut inscientiæ ascribi potest, cum pluribus in locis idem repetat, vt in x i i. de Part. Vsu. in lib. de ossibus, & i i i i. de Aggressibus Anatomicis, quos mira diligentia se conscripisse profitetur. Cum itaque caput pluribus motibus moueatur: cum illud Galeno teste x i i. de vsu Part. nullo motu careat, scire oportet illud partim suos ac proprios motus edere, partim ad alienos motus cõsequi. Peculiares capitis motus duos esse non semel eodem lib. Gal. asseruit, vnum, cum caput antè retróque flectitur annuendo renuendóq; alterum cum ad latera circumducitur, hosque fieri manente ceruice: cum autem caput valdè in prouum ac supinum demittitur, atque etiam ad humeros vehementer adducitur, tales motus non sunt ipsius capitis proprii. siquidè cum tota ceruice fiunt: neque vllò modo ea quiescente cieri possunt, & ceruix moueri nequit, quia simul etiam caput ipsum moueatur, nimirum qui est proprius ceruicis motus, hũc pariter capitis communẽ iudicamus. Iam verò proprios

Gale. errauit in capitis motibus

Ves. in describẽdu capitis motibus Gal. diligentior.

Gale. errores de capitis motibus non possunt excusari.

Gale. est sibi similis in doctrina de motibus capitis, libro de Vsu part. de oss. Et quarto de Anat. Agres. De motibus capitis.

Gale 12. de vsu part.

Diuisio motuum capitis.

Proprii motus capitis qui.

Quod motus Gale. fiant manente ceruice.

Motus capitis & ceruicis communis.

Quomodo motus ceruicis proprii fiat capitis communis.

*Motus proprii
capitū sunt su-
per prima, &
secunda verte-
bra.*

*Prima & secū-
da vertebra
cap. alligantur.
Cur occiput in
puerū sit ex plu-
ribus ossibus.*

*Caput cernici
firmissime iun-
gitur.*

*Articulatio oc-
cipitis cum pri-
mis duabus ver-
tebris collī quo-
modo habeat.*

Gal. error.

*Qua circum-
aguntur axillae
iunantur.*

motus super primam, secundamque vertebra-
tantum fieri certum est, cum hæ duæ cum capi-
te potissimum colligentur. Ab occipitio enim
multis partibus ligamenta fluunt, propterea di-
stinctum est in rimas ab initio, aded ut puerorū
occiput ex pluribus ossibus constructum sit, quæ
postmodum ætatis processu ita coalescunt, ut
ne vlla quidem diuisionis nota appareat, atque
ideo vnicum ab omnibus censeatur. His liga-
mentis vndique annectuntur occipitio primæ
duæ vertebrae, ne caput huc atque illuc temerè
delabi possit. quo fit, ut firmissimè cum ceruice
cohaereat. At suos ut motus commodius effice-
re queat, pereleganti artificio cum primis dua-
bus vertebrais occiput articulatum fuit, quæ arti-
culatio ac hunc habet modum. Ad eam occi-
pitij partem, ubi amplum est foramen, per quod
in dorsum spinalis medulla descendit, anterio-
ra versus duo assident prominentes, & in lon-
gum diducti processus, vtrinque videlicet vnus
qui primæ vertebrae sinus subeunt, quos in supe-
riore sui parte ascendentium processuum media
fede exculptos cernimus. Huius articulationis
ope Galenus falsò putauit caput in gyrum verti
posse. Nam huic sententiæ aduersatur eiusdem
articulationis forma, quandoquidem illa, quæ
verti, ac circumagi debent, rei vni veluti axi in-
niti solent, non autem duabus oppositis parti-
bus infigi. Nam si caput moueretur, ut censuit
Galenus, circumduci non posset, nisi alteruter
proces-

processus semper è sua sede exiliret: vnde luxari caput perpetuò necessum esset, quod nunquam sine vitæ dispendio accidit. Ergo solùm ex hac articulatione colligere possumus eũ motũ, quo caput modò inclinatur modò reclinatur. Circumducitur autẽ ad latus altera articulatione, quæ in secundæ vertebræ cũ prima cõpositione miro modo celebratur. Exurgit enim è medio corpore vertebræ secundæ processus quidã rotũdus, ac longus crassitie mediocri, quẽ non inuenuitè Græci ὀδοντοειδὴς & ὀδόντα nuncuparũt, quoniam caninũ hominis dentem quodammodo referat. Propterea Hippocrates huius partis gratia totam secundam vertebram dentem nominauit, quod perperam intelligens quidam processum posteriorem huius dentis loco accepit. Huiusmodi itaque dens primæ vertebræ sinu suscipitur, qui eo exculptus est loco, qui vertebræ corpori destinatus fuisset: nisi eius ipsius finis gratia corpore priuatũ iri oportuisset. Quotidẽ loco teres, ac solidũ hinc atq; hinc ligamentũ ducitur, dentem adedò claudens, vt ne ibi dorsalem medullam appositam cõuulneret, aut certè comprimat, & tamen laxam articulationẽ illam relinquat, cuius beneficio circumagi vertebra superior possit, in quam infixum, ac persistens eo quo diximus modo caput simul ad latera circumuertatur. Qua in re Galenus quoq;

Caput sine vita discrimine non luxatur.

Caput inclinatur & reclinatur ope articulationis eius cũ prima vertebra. Caput circumducitur articulatione secundæ vertebræ cum prima.

Quid sit processus odontoides.

Cur Hippocrates vocat secundam vertebram dentem.

Error cuiusdã. Describitur articulationis secundæ vertebræ cũ prima.

Ligamentum processus ducitur di. 31.

Gal. error.

*Valvarum car-
dinibus articu-
lationem com-
parat.
Epilogus.*

*Prima verte-
bra cum aliis
comparatio.*

*Vertebra diui-
ditur in corpus
& processus.
Corpus in ver-
tebra quid.*

*Processus in ver-
tebra quid.*

*Prima verte-
bra anterioris
figura.*

*Tuberis prima
vertebra usus.*

*Sinus prima
vertebra usus.*

qualem in valvarum, ostiorumque cardinibus
intuemur, quibus ostia ipsa, valvæque sustinen-
tur, & tamen non sursum, neque deorsum mo-
uentur, sed solummodo circumaguntur. Ex his
iam tandem constare puto qui sint proprii, qui
ue communes capitis motus, & quomodo cum
hi, tum illi fiant: quanquam ad hos ciendos
necessaria sit vertebrarum cum capite coniun-
ctio: ac demum veritatis cultoribus cum Gale-
no errandi occasionem sustulimus: nunc reli-
quum est, ut ad vertebrarum colli descriptionem
redeamus. Prima ceruicis vertebra aliis quidem
tenuior, verum densior, ac solidior existit corpo-
re: processumque superiore caret. Etenim scien-
dum est vertebram in corpus, ac processus mul-
tiuges diuidi solere, corporis nomine partem
magnam, ac veluti corpulentam intelligimus.
reliquum verò, quod à corpore superat, partim
foramen dorsali medullæ paratum constituit:
partim in processus absumitur. Processus autem
cum dicimus, eas vertebræ partes intelligimus,
quæ ex iis qualibet sede protuberant. Parte igitur
anteriori primæ vertebræ, ubi corpus esse
debit, adest portio quædam pertenuis, quæ in
trinfecus, quæ respicit foramen, per quod spi-
nalis medulla pertransit, in sinum excavatur:
extrinfecus verò in œsophagum pertinens tuber
quoddam emittit, quo tanto crassior firmiorque
redditur, quanto ob posteriorem dictam cavi-
tatem gracilior, ac imbecillior facta fuerat. Hoc
sinu

sinu (sicuti paulò suprà dictum est) dentem à secundæ vertebræ corpore productum excipit, cui crustæ modo cartilago innititur, cuius beneficio & lubrica magis in edendo motu fit articulatio, & cauetur ne nimio motu atterantur ossa, id quod in omnibus aliis vertebrarum articulationibus obseruatū cernimus. Præterea operæpretium est, ut diligenter annotes ascendentes, ac descendentes processus, quibus æquè omnes vertebræ donatæ sunt. Nam in aliis altera tantum parte sinus habentur, quemadmodum suo loco dicam. In prima verò utrinque sunt excavati: ut supernè quidē admittant occipitij processus, infernè autem superiores secundæ vertebræ, vnde colligere potest primam vertebram nulla ex parte suscipi: sed utrinque tam superiorum, quàm inferiorum ossium insertionem suscipere. Item è lateribus eiusdem primæ vertebræ versus anteriora erumpunt duo alij processus prælongi, ac perforati, qui & maiores sunt, quàm in cæteris vertebris, & foramen quoque maius habent, per quod vena, arteriaque transeunt ad caluariam, & ex se propagines aliquas ad medullam dorsalem transmittunt. Ad processus superiores & inferiores, quos ascendentes & descendentes nominauimus: versus posteriora, si primam spectes, sin autē reliquas anteriora versus sinus utrobique singuli iacent, quibus effingendis non modò vertebræ os, quod ambit foramen dorsali medullæ paratum, sed postre-

Cartilagini in prima vertebra articulum secundæ vsus.

Observatio in omnibus vertebrarum articulationibus.

Omnes vertebrae habent processus ascendentes & descendentes.

Cur prima vertebra processus sint utrinque excavati.

Prima vertebra utrinque suscipit non suscipitur.

Processus laterales prima vertebra quales.

Foraminis processus laterales talium vsus.

Processus superior & ascendens idem, & processus inferior descendens.

Vertebra penè omnes dorſi in- ciſe ſunt ubi cō mittuntur.

Sinus inter pri- mam & ſecun- dam vertebram ab aliis differen- tia.

Thoraci verte- brarum ubi cō- mittuntur ſi- nis quali.

Sinum verte- brarum ubi cō- mittitur uſus.

Coniugia neruo- rum tot ſunt quot vertebra.

Primi neruorū coniugij & ver- tebræ ortus.

Secundi cōiugij neruorū ortus.

Vena & arteria ortus in ſinibus neruorum con- iugij communibus.

Secunda verte- bra deſcriptio.

Dens oritur in ſecunda verte- bra ex corpore ipſius.

Dentis ſuperſi- cies cur aſpera & acuta.

Tuberculi aſſe- ri in ſecūda ver- tebra uſus.

ma quoque proceſſuum portio ceſſit : id quod cōmune eſt omnibus ferè dorſi vertebris, quas inciſas eſſe comperies, vbi inuicem committun- tur, ita vt tam ſuperioris, quàm inferioris verte- bræ ſubſtantia participant. Hi ſinus in prima, & ſecunda vertebra oblongæ rimæ ſpeciem ſer- uant, in reliquis orbiculari ſunt figura, præter- quàm in Thoracis vertebris, vbi in longum ex- cauantur. Per hos ſinus eſſluunt neruorū con- iugia numero diſtineta, quemadmodum & ipſæ vertebrae diſtinguuntur. Quamobrem è ſinibus ſuperioribus primæ vertebrae producitur primū neruorum coniugium : ab inferioribus autem, qui nihilominus ſunt ſecundæ vertebrae com- munes, exeunt ſecundæ coniugationis nerui, ex aliis verò alia paria pro vertebrarum ſitu, ac numero. Hi verò ſinus, quos diximus, non mo- dō neruis, verū etiam venarum atque arteria- rum ramis aditum præbent: vnde nutrimentum tam dorſali medullæ, quàm vertebrarū oſſibus ſuppeditetur. Secunda vertebra præter cæteras dotes, quæ primæ tribuuntur, & corpus, & pro- ceſſum poſteriorem habet. Ex ſummo corpore dētem illum promit, de quo ſatis ſuprà dictum eſt, cuius ſuperficiem aſperā quoquomodo, a- cutāque natura conſtruxit, vt inde commo- dius vinculum prodiret, quo occipiti alligare- tur ea parte, quæ ab vtroque occipitij proceſſu memorato æquè diſtat, vbi adnatū eſt exiguum aſperūque tuberculum, cui tenaciùs adhæref- cat.

cat. Processu item posteriore insignita est, vt inde enasci possint musculi duo in occiput inferendi, quibus musculis sursum petentibus ne quicquam posterior primæ vertebræ processus officeret, illum prorsus natura ademptum voluit: posterior autem secundæ processus in extremitate scinditur, ac vt ita dicam, bifurcatur: vt commodiorem musculorum nexum efficeret, quam bifurcationem in reliquis etiam colli vertebris obseruabis. Hanc Galenus ignorauit suis delusus simiis, in quibus integri sunt: & si postrema nonnunquam illum integrum, nec bifidum gerat. Præterea secunda vertebra laterales processus longè breuiores obtinuit, quàm prima, in quibus peculiare illud est, quod foramen obliquè, non autem rectè vt in aliis exculptum est. Dantur item huic & ascendentes, & descendentes processus: sed ascendentes leuiter extuberant, ideo in humiles inferiorum primæ vertebræ processuum sinus immittuntur, ac descendentes exilibus pariter sinibus præditi sunt, vt sequentium processuum insertionem admittant. Iuxta hos processus adstant illi sinus, siue illa foramina, de quibus antea dictum est, quæ transmittitur secundum neruorum coniugium à spinali medulla descendendum. Iam verò scire oportet ceruicis vertebrarum corpora, prima tamen excepta, quam corpore destitutam esse diximus, in longum aliquo modo extendi, ac partem anteriorem planam exigere: cùm illi

Cur secunda verteb. habet processum posteriorem.

Cur prima vert. careat processu posteriore.

Cur posterior processus secundæ vertebræ sit bifidus.

Processus posteriores vert. colli omnes sunt bifurcati contra Galen.

Processus laterales secundæ vert. sunt breuiores & foramine obliquo.

Processus ascendentes.

Processus descendentes.

Sinus per quos exeunt nerui vena & arteria sunt iuxta processum.

Corpora vertebrarum colli qualia.

Cur anteriora corpora vert. colli sint plana.

*Oesophagus de
finis in ventri-
culum.*

*Aspera arteria
tendit ad pul-
mones.*

*Committuntur
corpora verte-
brarū colli pene
ut ossa repositū.
Prima vertebra
caret appendice.
Omnes vert. col-
li præter primā
habent appen-
dices.*

*Cartilago cras-
sa & mollis cur
sit inter appen-
dices vertebra-
rum.*

*Cur processus la-
terales verte-
brarū colli post
secundum sint
bifidi.*

*Septima verte-
bra colli qualiū.
Posterior proces-
sus septima ver-
tebra nō est sem-
per bifidus.*

*Cur plana sit in-
ferior pars po-
sterioris proces-
sus septima ver-
tebra.*

substratus sit œsophagus in ventriculum desi-
nens, ac simul assidet aspera arteria ad pulmo-
nes tendens. Harum itaque committen- is cor-
poribus aliam à cæteris rationem natura exco-
gitavit : nam præcedentis pars inferior decliue
sensim exciditur, superior verò sequentis mo-
dicè quoque declivis est, ut portio illius portio
nem excipiat modo haud ab simili à temporum
ossium commissura. Colli vertebra-
rum corpora prima tamen excepta, appendicibus vtrinque
decorantur : inter quæ locum habent cartilagi-
nes crassæ ac molles, ut flectendi munere in
quamcunque partem liberius fungantur. Cæ-
terum, vertebra, quæ secundæ succedunt, pro-
prium id habent, quod earum laterales proces-
sus bifidi sunt, quod ob musculorum implanta-
tionem factum fuit, ut etiam in posteriore pro-
cessu suprâ adnotatum est. Septima vertebra,
cùm finitima sit thoracis vertebri, non nihil
est earum naturæ particeps : itaque à superiori-
bus distinguitur. Aliquando enim illius poste-
rior processus integer est, non bifidus. Præter-
cà inferior huius corporis pars, quæ spectat pri-
mam thoracis vertebra, non obliquè, nec de-
clivè extenditur, sed plana est aliquantulum :
quod sequētis corporis parti equaliter cohercat.

De Vertebra Thoracis, CAP. XVI.

*Thoracis verte-
bra 12.*

THORACI descriuientes vertebrae duode-
cim numero sunt, quibus singulis binæ
costæ articulantur, ita ut numero sint viginti-
quatuor.

quatuor. Tametsi quandoque superesse vna, quandoq; deesse inueniatur: rarissimū quidem vtrunque est, verū rarius multò est, vt desit. Variant hæ à ceruicis vertebris, si quidem maiore sunt corpore, quanquam ab illis densitate, ac soliditate substantiæ superantur: & profectò maius corpus sortiri debebant, quādo maiores non esse non poterant superioribus sustinendis addictæ: verū obseruabis ea, quò magis mole augmentur, eò rariore, ac fungosiore substantia prædita esse, ac prætereà foraminibus quamlibet exiguis referta, vasorum nutrimentum deferētium excipiendorū gratia. At corpora hæc, præterquā quòd & rariora, & fungosiora sunt: figura & situ à ceruicis vertebrarum corporibus non parum discrepant. Etenim minimè lata sunt, nec depressa, qualia illa esse dicebamus: sed in medio protuberant, & in rotundum adducuntur: præter duas primas, quæ ob colli vicinitatē quoquo modo corpore sunt depressæ, ac lato. Horum itidem corpora suprà infrāque plana existunt, & multam cartilaginem interiectam possident. In eo prætereà ab iisdem ceruicis vertebris diuersæ sunt, quoniam posteriores processus nec bifidos, nec rursus latos, atque in extremitate rotundos gerunt: sed oblongos, & acutos quadrangularis pyramidis ritu, ac deorsum decliues, neque transuersis sunt processibus bifurcatis, sed longis & magnis, nec non in rotundum, & crassiusculum

Costa quandoque 24. Costæ quæ loquuntur etiā 23. vel 25.

Rarius est vt ex costis vna desit quam super sit.

Differentia vertebrarum thoracis à vertebris colli.

Cur corpus vertebrarum thoracis sit maius corpore vertebrarum colli.

Corpora vertebrarum quanto maiora eo sunt: gestiora.

Foram in corpore vertebrarum vsus.

Figura corporis vertebrarum thoracis lata.

Plana.

Processus vertebrarum thoracis quales.

Costarum tubera articulantur cum cavitatibus processus vertebrarum thoracis.

Thoracis vertebrae primae deorsum, tres posteriores sursum respiciunt media medio modo.

Processus transuersi undecimae & duodecimae vertebrae quales.

Costae non habent quadoque intestinis tumentibus.

Quomodo vertebrae costis validissime alligantur.

Prima vertebra undecimae & duodecimae quales sinus habent.

caput desinentibus, qui primo exortu sursum feruntur, inde verò flectuntur deorsum tendentes, partéque interna excauati costarum tuberibus commodam articulationem praebent, quæ cavitates in tribus primis inferiorem regionem, in tribus autem postremis superiorem occupant, adeò ut illæ deorsum, hæ verò sursum respicere videantur: at quatuor mediæ medio se habent modo. Cæterum transuersi undecimæ, ac duodecimæ processus non sunt eiusmodi: namque iis nothas costas veluti breuiiores atque intumescuntibus intestinis plerumque cessuras, tam valide alligari minus expediebat. Quamobrem vnica illa, & mediocri articulatione vertebrarum corporibus duntaxat committuntur. Reliquæ omnes validissimis ligamenti nectuntur: atque ut firmior sit huiusmodi nexus, ad latera corporum vertebratum sinus adsunt costarum capitula excipientes, qui tamen non in omnibus eundem feruant situm. Nam præter primam, undecimam, ac duodecimam sinus isti communes sunt, siquidem ad corporum extremitates, quæ vertebrae mutuo vniuntur, iacent iuxta foramina transmittendis nervis parata: sed prima, undecima, & duodecima hos sinus in suis ipsarum corporibus exculptos habent, quos omnes cartilaginea crusta oblitos licet animaduvertere. Iam verò thoracis vertebrae aliis quoque nominibus inuicem distinguuntur. Etenim posteriorio-

steriores processus, qui spinam constituunt, neque ita longi, neque acuti in tribus postremis conspiciuntur: sed lati quodammodo sunt, & in extremitate in orbem circumscripti, nec ablimiles vertebrarum lumborum processibus in eadem serie constitutis, vbi adnotare operę precium est, posteriorem duodecimę processum omnium breuissimum, & minus alijs dorsum spectantem. Hic non est pratermittendum, quod quę nos cum recte sentientibus duodecimę tribuimus, ea Galenus decimę ascribit: verum illi canes & simia imposuere, in quibus decima est dorsii vertebrarum medium ac veluti punctus & axis quidam: quo omnino quiescente ceterę hinc inde moueantur. quod in duodecima hominis verum deprehendes, quę parem articulationis speciem ab vtraque parte est consecuta: infra namque supraque processus medię extuberantes habet, vt vtrunque suscipiatur, contrā quā primę ceruicis vertebrę vsu venit, quā vtrunque suscipere capite superiore demonstrauimus. Quod si quis huius articulationis varietatis diligentius rationem requirat, animadvertere oportet eandem motus rationem in superioribus vertebris ad duodecimam vsque seruari: inde verò à subsequētibz nempe lumborum vertebris contrariam. Quocirca contrarius quoque in illarum superioribus, inferioribzsq; processibus articulationis modus reperitur, & fortē præcedentiũ

Processus posteriores vertebrarum thoracis quales.

Decima vertebra in cane & simia est medium vertebrarum dorsii, sed in homine 12.
Gal. error.

Duodecima vertebrę vsus & figura.

Duodecima vertebrę vtrunque suscipitur.

Prima vertebra vtrunque suscipit.

Cur non sit eadem in omnibus thoracis vertebris articulationis.

Dorsum quomodo in anteriora flectatur. Quaeque dorsum ad posteriora continetur.

Vertebra thoracici habent quinque processus & quos.

articulatio aptissima est ad dorsum in anteriora flectendum: cum verò illud ipsum ad posteriora toto penè corpore curuatur, id muneris tunc lumborum vertebrae praestiterint. Thoracis vertebrae illud postremo commune habent, in quo à superioribus maximè differunt, quòd quinque appendicibus sunt donatae, binis ad ipsorum corpora supra infraque, totidem ad transversos processus, ac demum singulis ad extremitatem spinæ.

De Lumborum Vertebra,

CAP. XVII.

Vertebra lumborum 5.

Substantia vertebrarum lumborum qualis. Processus superiores & inferiores quales. Cur vertebra lumborum committantur diverso modo.

Processus transvers.

Prima & quinta vertebra.

Ex ijs, quæ supra de colli, ac thoracis vertebra dicta sunt, non pauca eliciuntur, quæ ad vertebrarum lumborum explicationem attinent; quæ repetere nullo pacto est opus. Lumborum igitur vertebrae quinque numero sunt, atque hæc superiorum omnium maximæ: verum substantia rarissima, & foraminibus crebris peruiæ constant. Harum superiores processus sinus speciem referunt, inferiores autem in hos immittendi paululum eminent, atque ita sua & ipsi cartilagine recti committuntur, contra quàm in superioribus fiat, quoniàm hæc articulatio oppositam motus rationem præstat. Transuersi processus longiores multò his, quàm thoracis vertebra, attamen tenuiores, atque inter se dispares. Prima enim & quinta lumborum vertebrarum breuiores illos habent, quàm medix: qui à se inuicem prætereà dissident, quoniam

niam superiores deorsum, inferiores sursum, v-
 nius verò, quæ media est transuersi processus,
 nec sursum, nec deorsum vergunt: quicquid
 de his senserit Vesalius. Tales autem processus
 costularum vicem quodammodo gerunt pecu-
 liare maximis vasis propugnaculum allaturi.
 Non enim eo loco iustæ magnitudinis costæ
 produci potuere: siquidem non conducebat
 eam intestinorum regionem ossium mole, ac
 duritie comprimi, quam ad immodicam ex-
 tensionem nonnunquã deuenire oportet, præ-
 fertim in fœminis, quando vterum gestant. Cui
 rei natura consuluit accuratiùs: cùm duas po-
 stremas costas, & breuissimas efformarit, & sen-
 sim à pectoris osse abduxerit: satis fore existi-
 mans si transuersos lumborum vertebrarũ pro-
 cessus tantum porrigeret, quantum venæ caua,
 magnæque arteriæ muniendis opus foret. Non
 procul ab his processibus duo alij, utrinque sin-
 guli, exoriuntur exigui admodum iuxta nerui
 exortum, quos Vesalius in homine nunquam,
 in canibus verò, ac simiis se animaduertissè as-
 seuerat. Cui ego hac in parte subscribere nullo
 pacto possum, & verissimã esse sententiam Ga-
 leni cogor fateri, cùm sæpe in cadaueribus pu-
 blicè sectis Patavij, Pisis, Romæque eius gene-
 ris ossa animaduenterim: & pleno theatro attre-
 ctanda proposuerim, quæ haud dubiè nuper
 dictis processibus abundabant. Quid? quòd a-
 pud me sceletos adhuc perstat, in cuius lumbo-

*Transuersi pro-
 cessus media
 vertebra lumborum
 quales.
 Error Vesalij.
 Transuersorum
 processuum v-
 sus.*

*Cur in loco pro-
 cessuum trans-
 uersorum costa
 non sint produ-
 cta ad maiorem
 longitudinem.*

*Productio trans-
 uersorum pro-
 cessuum verte-
 brarum lumbo-
 rum quanta sit.*

*Processus alij
 duo.
 Contra Vesa.
 pro Galeno.*

*Processus est a-
 natomen. Para-
 uij, Pisis, Roma*

*Sceleton habet
 domi.*

Galeno & Vesalio in rebus Anatomicis veritatē præfert.

Processus posteriores lumborum quales.

Vertebra lumborum habens appendices.

Cartilago inter corpora vertebrarum qualis.

Vsus foraminū ante processus inferiores ac superiores.

Differentia foraminum vertebrarum lumborum ab aliis.

rum vertebris tales processus insigniter apparent. Hi tamen non in omnibus apparent. Aliquando inveniuntur vertebræ, in quibus obscurissimi sint. Atque hæc prolixius dicta sint, ut omnibus perspicuum sit, me in rebus Anatomicis non tanti Galenum & Vesalium, quos plurimi facio, quàm veritatem ipsam facere: veritatem appello, ubi cùm rei natura oratio maximè concordat. Dantur præterea lumborum vertebris posteriores processus, neque longi, neque acuti, neque ita deorsum tendentes, quales in superioribus vertebris visuntur: sed validi sunt, crassi, ac lati, & in extremitate circuli lineæ definiti. Hæc tandem vertebræ aliarum more appendicibus exornantur, quæ quanto cæteras magnitudine antecellunt, tanto etiam cartilaginem, quæ inter ipsarum corpora mollißima intersidet, maiorem, & crassiorē adeptæ sunt, neque foraminibus illis destituuntur ante inferiores, superioresque processus exculpis, per quæ tam patet ingressus vasis nutrimentum afferentibus, quàm exitus nervis ex dorsali medulla progredientibus. Hæc autem foramina à superioribus differunt: non enim verè orbiculata sunt, neque magis in unius, quàm alterius vertebræ parte excavantur, sed parem utriusque portionem exemptam postulant, quemadmodum videre est in quibusdam cervicis vertebris: id quod si minus observatum videris, non magni referre putato, si humilior

isto-

istorum foraminum sedes inferioribus vertebris tribuatur. Illud autem omnium vertebrarum dempta ceruicis prima commune fuerit, quòd in posteriore corporis parte, quam utique spinalis medulla parte sua anteriore attingit, adfuit foramen patens, ac peruium subintrantibus venis, atque etiam arteriis, vt alimentum abundè suggerant. Atque hæc hac tenus de ceruicis, thoracis, ac lumborum vertebris: quarum descriptio à Galeno tradita, omnino reiicienda est, quando cum brutis potius, quam cum humanis conuenire videtur. In sacro item, & coccygis ossè Galenum eadem ratione non sequemur, vt sequenti capite palàm erit. Illud insuper adnotabis posteriorem processum, quem spinam vocari diximus, deorsum tendere à secunda ceruicis vertebra vsque ad ultimam lumborum, quamvis secus Galenus senserit, qui dixit processus sub decima fursum vergere.

Commune omnibus vertebris, præter primam ceruicis.

Gal. errat in vertebrarum sacri & coccygis descriptione.

Spina tendit deorsum a secunda vertebra colli ad ultimam lumborum.

Gal. errat.

De sacro, & Coccygis ossè,

CAP. XVIII.

DO R S I dux iam postremæ partes restant, quarum alteram sacrum, alteram verò coccygis os nuncupamus, vtroque à Græcis sumptum vocabulo: siquidem illi hoc *ἱερὸν*, illud autem *κόκκυξ* dixere, nonnunquam etiam sacrum *πλατὺ* vocarunt: latum id, amplumque intelligentes: superat enim non modica amplitudine reliquas omnes vertebrae, quibus veluti basim

ἱερὸν.

κόκκυξ.

*Κιτ πλατὺ
vocant os sacrum*

ἰερόν, id est, magnum.

Etymologia sacri ossis quod ita vocetur quia in partibus dilatatur absurdissimum est.

Gal. descripsit os sacrum bellunium.

Vesalii sermonis prolixitas.

Authoribus legendu rudium adhibendum.

Pythagoricu sacru erat αὐτὸς ἱφά.

Gal. quandoque dormitat.

Galenii error.

substratum animaduertimus: idem verò apud veteres ἰερόν, quod magnum sonat. Illud de hoc osse satis absurdum est, atque à rei natura maxime abhorrens, quod nonnulli magni etiam nominis authores commenti sunt: os istud foeminae, dum pariunt, ita dilatari, ac retrocedere, ut percommode foetus edi possit: ac propterea sacrum appellari. Neque mihi adducenda videntur, quae Galenus variè de hoc osse tradidit, cum satis constet, non humanum os sacrum, sed bellunium, quale est canum, ac simiarum, ab eo fuisse descriptum, quemadmodum pluribus verbis quam fortasse necesse fuit, Vesalius ostendere conatus est. Verum enimvero haec, atque alia quandoque in medium afferri debent, ut nonnulli discant legendis authoribus iudicium adhibere, neque Pythagoricorum more satis est ducere, quod ipse dixerit. cuius tantum opinio praëiudicata poterat, ut etiam sine ratione valeret autoritas. Quis enim non videt magnum Galenum quandoque dormitare, cum ossa non distinxerit, quantum à brutorum ossibus humana distarent? Illud enim ne à sacro osse discedamus, quod scripsit Galenus in sacro osse tria tantum inueniri foramina, quae in osseum, ex quibus id ipsum constat, compage exculpta sunt: videre non possum quo pacto verisimile sit tribus foraminibus donari posse, cum duas tantum commissuras obtineat, quandoquidem vult ex tribus id ossibus constru-

constructum, quem simia, vel canis, vel leonis os sacrum inspicienti non obscurum erit, minus verò tria hæc foramina sacro ossi humano tribuentur: quòd videlicet non ex tribus, neque ex quatuor (vt ille arbitratus est) verū ex quinque, & sex plurimum ossibus constatū est. Quæ tametsi in ætate adhuc tenera laxari, ac separari possunt, neque tunc multum à reliquis vertebribus differre videantur: tamen cū facta sint, vt consistant, ita coalescunt, vt nisi interna parte, quæ anterior est commissurarum notæ seruarentur, vix quisquam crederet ex pluribus illud ossibus constare. Cæterum ossa hæc nō secus inuicem commissa sunt, atque superiores vertebrae, præterquam quòd interstitio cartilagineo carent, quo minimè opus erat immobilibus futuris. Quamobrem in vertebrarum numero habentur, non quia vertebrarum vsum præstent, cū nulla ratione moueri possint, verum quia similitudinem quādam retinent, per quam cum illis coauenire videntur. Nam si à teneræ ætatis corpore sumpta hæc ossa decoxeris, & à se inuicem diuulsa consideraueris, & corpus in iis, & processus, ac demum eandem penè figuram obseruabis, quàm vertebra ipsæ præ se ferunt. Porro non aliam ob causam os istud à natura paratum fuit, quàm vt super eo quiescente reliqua ossa inferiora, æquè ac superiora mouerētur: licet enim ad ossa partes corporis vniuersæ adharescant, atque iis motis ex-

*In simia, cane
& leone verum
est quod scribit
Galen. de ossa
sacro.*

*Os sacrum ho-
minis ex quin-
que vel sex os-
sibus.*

*Os sacrum in æ-
tate tenella la-
xatur & sepa-
ratur.*

*Vbi seruetur ve-
stigium commis-
suræ in osse sa-
cro.*

*Quomodo intel-
ligatur os sacrum
haberi in nume-
ro vertebrarum*

Ossis sacri usus.

*Os sacrum cur
vnum.*

*Cur in medio si-
tum est.*

*Cur in medio
ipsius sunt fora-
mina.*

*Spinalis medul-
la transiens per
os sacrum nervi
naturam sapit.*

*Nervi à sacro
osse ad nates &
aliquot muscu-
los feruntur.*

*Os sacrum ad la-
tera ante & re-
tro est perfora-
tum.*

*Si ossa sacri
sunt sex forami-
na, utrinque
sunt quinque.
& qualia.*

*Foramina utrin-
que in os sacrum
extra minora,
intus maiora
sunt.*

dem simul moucantur, ex naturæ tamen lego-
vnum præcipuum os esse debuit, ad quod reli-
qua ossa stabilirentur: quod profectò commo-
diùs alibi, quàm in medio penè corpore locari
non potuit: vt tam superioribus, quàm inferio-
ribus mouēdis assisteret. At quoniam dorsalem
medullam admittere debebat, transmittendisque
ab illa nervis vias recludere: iccirco in eo fora-
mina sunt incisa, per quorum medium spinalis
medulla descendit, quæ adeò dura, solidaq; exi-
stit, vt nervi magis, quàm medullæ naturam sa-
piat. Quapropter in nervos plures, ceu in ramu-
los definit, qui extra fines sacri ossis parte poste-
riore progressi ad nates, & aliquot vtriუსq; fe-
moris musculos deferuntur: ad latera item antè,
retroq; perforata sunt ossa ista, quæ scilicet inui-
cem cōmittuntur: foramina verò rotunda sunt,
& æquè superioris, ac inferioris ossis portione
occupant, vnde nervi fluunt. Cùm autem sex
ossa (totidem enim illa sepe numerò esse solent)
quinque necessariò commissuris vniantur, qui-
nis etiam vtrinque; foraminibus donari oportet:
quorum duo prima maxima sunt omnium: re-
liqua verò quo longiùs à primis abscedunt, eo
minora fiunt: verùm extrinseca omnia si cū in-
trinsecis conferantur, minora cernuntur. Quòd
si etiam addas partem illam, qua cum postre-
ma lumborum vertebra superior primi sacri os-
sis portio coniungitur, cùm illic extent duo al-
ia foramina: dicendum est sacrum iis pariter
forami-

foraminibus abundare. Ex quibus omnibus qui nerui transmitti soleant, suo loco docebi-
mus. Huius ossis figuram non video cui rei cō-
ferre possim, nisi protuberantis propugnaculi
formam imitetur. Etenim supernè planum ha-
bet corpus, cui incumbit quinta neruorum ver-
tebra, & se in bina latera protendit, crassa illa
quidem, ac geminis processibus parte postero-
re munita, atque ita respondet secundo: post-
modum descendens semper fit angustius, quò-
usque in acutum ferè tendat, vbi primum os
coccygis coalescit. Præterea parte anteriore le-
ue est ac finum, vt organis, quæ subsunt, cedat,
neque abesse vilo pacto possit: posteriore verò
parte gibbum est, vt firmiùs hæreat, ac eas par-
tes, quas munire debet, validiùs tueatur: nec
minus asperum quoque est, multòsque sinus,
ac processus facit, quæ potiùs tubercula quæ-
dam mihi esse videntur. Posteriores item pro-
cessus breuiiores sunt, nec secus atque ossa, vn-
de prodeunt, inuicem committuntur, ac vnā
veluti spinam constituunt. quod tamen in qua-
tuor, vel tribus primis ossibus obseruabis. At
quæ sequuntur posteriores processus in duas
quodammodo partes diducunt: vt exerenti se-
se medullæ, ac in plures, vt dictum est, pro-
pagines diuisæ finum parent, qui tamen hinc
inde prominentes aliquantum illam tueri vi-
dentur. Primum os sacri hoc habet pecu-
liare, quòd superiores emittit processus leui-

*Neruarum de-
scriptionem aliò
reueniendam.
Figura ossis sa-
cri.*

*Os sacrum cur
anterior sit le-
ue ac finum.*

*Cur posteriore
gibbum.*

Cur asperum.

*Sinus ac proces-
sus ossis sacri.*

*Os primum sa-
cri quid habeat
peculiarè.*

*Tres sinus in in-
timum lateribus
trium ossium
superiorum sa-
cra.*

*Connexio iun-
ctum sacro qua-
li.*

*Ossa iliorum &
sacri neque mo-
uentur, neque
moueri possunt*

*De coccyge.
Coccyx.
Cauda.
Os cauda.
Coccyx os cur-
ta dictum.
Descript. coccy-
gi.*

*Coccyx aliquē
quādoque mo-
tum edit.
Parturiētes cru-
ciantur cū coc-
cyx fluitat.*

ter cauos, quibus immittuntur inferiores po-
stremæ lumborum vertebræ processus modicè
protuberantes. Demum notandi sunt tres si-
nus in extimis trium superiorum ossium lateri-
bus, quorum medius maior est, ac profundior
cæteris, in hos tenaciùs inseruntur prominen-
tes iliorum partes, atque ita cum tràsuerfis pro-
cessibus eorundem cartilaginis, ac ligamenti in
teruentu coherent, vt vix diuelli possint: quin
etiam videre est iliorum ossa adeò sacro ipsi cō-
nexa, vt connata quandoq; videantur. Nec mi-
rum id cuiquam videri debet, quando hisce o-
culis vidi os sacrum, cui sinistrum os ilij connat-
um erat deficiēte dextro, ac illud ne ferro qui-
dem cōuelli poterat vnde firmior redditur sen-
tentia, neque ossa iliorum, neque sacrum mo-
ueri vlllo pacto posse. Quinta, & vltima dorsi
portio ex quatuor ossiculis constructa, ab ossis
sacri extremitate veluti cauda quædam pender:
ideo caudam recentiores, siue os caudæ dixere,
Græcè autem coccyx nūcupatur, quoniā cucu-
li auis rostro persimilis apparet, rubescit enim
os istud præsertim in iunioribus, & ductu ad
interna obliquo in mucronem tendit. Primum
coccygis ossiculum, quod cæteris latius est, ac
maius, supernè sinum habet, quò imam postre-
mi sacri ossis partem mediā cartilagine excipit,
atq; in eo vertebrarum inter se compagem imi-
tatur ad aliquem fortè motū, cū tempus po-
stulat, edendum. Quocirca verò simile admo-
dum

dum videtur, os istud à sacro laxari, ac versus posteriora flecti, cum mulieres fœtum emittunt: id quod nō sine aliquo parientium cruciatu cōtingit. Huic primo ossiculo datur quatuor processus, duo è lateribus, ac totidem posteriores acuti, & superiora spectantes. reliqua verò tria ossicula rotunda quodammodo sunt, ac sensim in acutum tendunt: vt rostri illius, quod referunt, mucronem constituent. Hæc inter se adeò arctè compacta sunt, vt vnicum os esse videantur, nonnullis foraminibus peruia: fungosa tamen existunt, qualia sunt ossa pectoris.

Processus quatuor primi ossis coccygis figuram reliquorum ossium coccygu.

Ossa coccygis sunt fungosa vt ossa pectoris.

De Thorace,

CAP. XIX.

A VERTEBRARVM descriptione ad explicandam thoracis naturam aliorum exemplo aggredi decet: quando illæ duodecim, quæ inter ceruicem, ac lumbum locum habent, ad thoracis constitutionem necessariò cōcurrunt, etenim costæ præcipuæ thoracis partes, cū exactiorem illius figuram efficiant, maiorem firmitudinem, ac robur à vertebrais, quàm ab ossè pectoris fortiuntur, quibus omnes gemino ferè nexu copulantur. Quamobrem si pectoris os thoracis partem censemus, multò certè magis fatendum est, vertebrais iam commemoratas ad thoracem pertinere. Non immeritò igitur ex vertebrais, costis, ac item ex ossè pectoris integra thoracis constructio constat, quod descripturi, de costis, pectorisque ossè tantū agemus. Nam satis, supérque de vertebrais meminimus.

Quæ vertebrae concurrant ad constitutionem thoracis.

Thoraci maior à vertebrais quàm ab ossè pectoris inest robur.

Thorax ex quibus constat.

Transitio de vertebrais prolata oss.

*Cor membrum
princeps in tho-
race.*

*Pulmonum fi-
gura, & usus.*

*Cur thorax mo-
dò attollatur
modo compri-
miatur.*

*Occurrit obie-
ctioni.*

*Cur thorax non
est totus ossis.*

*Cur nulla parte
ossis.*

Cur ex costis

Caterùm in thorace cor princeps membrum contineri nemo est qui nesciat, cui veluti calidissimo, & assiduo penè feruore æstuanti partem aliquam adesse oportuit eius refrigerandi gratia. Propterea in thorace geminos pulmones natura fabrefecit, vt hinc inde assideant ceu cor ipsum medium complexuri: quorum perenni motu, atque agitatione tâquam flabello ventiletur, vt ita dicam, & æstus ille ingens mitescat: cùm verò pulmones per aërem vicissim inspiratum, atque expiratum continenter moueri necesse fuerit, Thorax modò attolli, modò cõprimi debuit, prout respirationis beneficium postulabat. Quâquam dixerit aliquis, thoracem cõmodissimè huic necessitati obtemperare potuisse, si musculis tantùm, ac pelle abdominis more tegeretur. Verùm enim uero salui pariter ac tutelæ tam nobilis, & principis membri consulendum fuit: parandùmq; etiã, vnde musculi eiusmodi motui famulantes exoriri, aut quo inseri quàm appositissimè possent. Sapientissima ergo rerum cunctarum genitrix natura eam constructionem molita est costis tali figura, atque inarticulatione conflatis, vt leui momento contrahi, ac rursus dilatari possent: nec non etiã per commodam pulmonibus, & cordi sedem struerent: hinc faciliè sibi quisque rationes comparare potest, quò satisfaciat sciscitantibus cur Thorax non totus ossis, aut nulla ex parte ossis: vel denique cur ex costis,

ita

ita per interualla distinctis fuerit efformatus. Verùm costæ vigintiquatuor numerari solent: quando vtrunque latus duodecim admittit, qui tamen numerus non semper idem reperitur: in aliquibus enim aliquando tredecim, aliquando vndecim costæ insunt: multò tamen rariùs deesse videas, quàm superesse. Abundantem vna tantùm costula mulierem Sanctam nomine à me publico Pisarum Theatro dissectam, ac demum ad sceleti formam compositam, apud se detinet familiaris meus Bartholomæus Stratenfis, medicinæ Pisæ publicè professor, quam aliquando expositam memini cernentes idiotas penè iureiurando affirmare solitos, illam ipsam costam esse, qua fœminæ viros superant: cum tamen idem sit numerus costarum in viris pariter & mulieribus. Quòd si quandoque aut in his, aut in illis vel deficiunt, vel superant: id nimia materiæ copia, vel eiusdem inopia certum est prouenire: quemadmodum contingit, cum natura aberrans plures in manu, paucioresve quinque digitis producit. Verùm quod de thoracis vertebris superiùs dictum fuit, idem quoque de costis affirmandum est. Cùm enim singulæ vertebræ geminas costas excipiant, & illæ, si modò variari numerum contingat, rariùs pauciores, quàm plures duodecim existant, ita rariùs imminuitur costarum numerus, quæ quidem varietas, æquè in maribus, ac fœminis deprehendi solet. Quamobrem non

*per interualla
distinctis superi-
rioribus patet.
Costæ non sunt
semper 24*

*Costæ 13.
Costæ 11.*

*Sancta habebat
viginti quin-
que costas.*

*Sceletus Bar-
tholomæi Stra-
tenfis.*

*Tot costæ sunt
in mulieribus,
quot in viris.*

*Cur costæ quā-
doque deficiant
vel superent
numerus.*

*Costarum nume-
rus pro portione
respondet verti-
bris.*

Aristoteles præcipuus natura filius.

Aristotelis in numero costarum error.

Vndecim costas videt Patavi.

Quando primus Anatomicus Patavi publice professus est.

Ioannes Antonius Leonicus præceptor.

Sceletum misit ad Ioannem Baptistam Picinardum.

Duodecim ut plurimum sunt costæ in Thorace utrinque. Quot sunt costæ veræ & vnde dicuntur.

Uniri per Arthrodiarum.

Costæ spuria cur dicantur.

possum satis mirari Aristotelem alioqui præcipuum naturæ filiū, scribere ausum esse octo costis homines constare, atque apud aliquas nationes septem solummodo costis donatos esse. Vndecim mihi semel tantum dinumerare licuit cum primū Patavi Anatomicā administrationem publicè profiteri cœpi. Etenim cū Vesalius abesset, ac diutius in Germania detineretur, ut opus suum de Humani corporis fabrica imprimendum curaret: me tum Venetiis primario Chirurgo, ac præceptorī meo Ioāni Antonio Leonico, graui morbo laborāti, omni officio, ac potiùs pietate assistentē vniuersa Schola Patavina dignum iudicauit, quem in Vesalij locum sufficeret, ac non contemnēdo præmio accersiuit. In ea igitur dissectione cadauer vnū vndecim costis munitū fortè fortuna obtigit, cuius deinde ossa decocta, & æneis vinculis cōpacta, ad præstantem medicum Ioānem Baptistam Picinardum Cremonam misit. Verumēnimvero ad ea, quæ ferè semper talia sunt, respiciētes dicimus duodecim utrinque costas thoraci constituendo adesse oportere, quarum aliæ veræ sunt, ac legitimæ nominatæ, aliæ verò nothæ, ac spuria: septem superiores veræ ideo dictæ sunt, quoniam verè pectoris ossi media cartilagine per Arthrodiarum vniuntur. Quinque verò aliæ sequentes nothæ sunt: quādoquidem cum ossē pectoris non coniunguntur: nam suis cartilaginibus ad os pectoris non pertingūt, sed superiorum

superiorum verarum cartilaginibus cōmittuntur, ac eo pacto inter se iunctæ vniuntur, præter duodecimam, quæ omnino ab vndecima, sicq; *Costa duodecima vbi alligatur.* à cæteris abscedit: neq; tamen proprio adminiculo destituitur, nam cum septo trāsuerso colligatur, id quod interdum vndecimæ contin- *Costa 11. quandoque colligatur cum septo trāsverso.* gere solet. Costæ cum vertebris etiam duplici (vti antea diximus) nexu coarticulantur, vt validiùs ibi inhæreant: tamen si nō omnes duplicem hunc articulum obtinent, quando postremæ duæ, vndecima scilicet ac duodecima vno tantum loco suis vertebris cōmittuntur. Desi- *Vertebra vndecima, & duodecima cū vertebris articulatione qualis.* nunt omnes posteriore parte in processum quēdam capitatum, sed acutum potiùs, quàm rotū- *Processus costarum posteriore parte.* dum, quod caput in uertebra- rum corpus im- *Sinus in lateribus costarum.* mittitur, quā latera sinus quosdam habent, sed diuerso modo celatos: non enim admodum al- *Processus alteri.* tère excauati sunt illi sinus trium inferiorum costarum inarticulationi subseruientes. Habent præterea nō longè à capite processum alterum: si quidē illæ vbi à capite progrediuntur, nō parum excauantur, eo præcipuè latere, quo protuberare rursus incipiant, atque alterū hunc processum emittere, qui cum trāsuersis vertebra- rum processibus validis vinculis alligatur. Quæ nihilominus vniēdi ratio minimè omnibus est communis. nam vndecimæ, & duodecima hoc *Costa vndecima & duodecima peculiare.* secundo articulo priuantur: id quod etiam in prima costā frequentiùs obseruatur: & quoniam huiusmodi processus, tam qui ad extre- *Processus cum appendicibus.*

mitates costarum prominent, quàm qui trans-
uersis processibus vertebrarum inharèt appen-
dicibus sunt præmuniti. Vbi etiam cartilago
posita est, excipiendæ erunt, quæ vnico articu-
lo committuntur: singulos enim appêdices hæ-
tantùm habent. Constant costæ omnes partim
osseæ, partim cartilaginea substantia: nam to-
tus earum ductus à vertebris versus anteriora
prope os pectoris osseus est, quà verò cum osse
pectoris legitimæ, aut cum aliarum cartilagi-
nibus nothæ coniungi debent, cartilaginem
multam producunt, vt ne dura cum molliori-
bus immediatè cõponantur. Iam verò substan-
tia illa osseæ non vsquequaque est persimilis,
aut æqualis: siquidem costarum extrema tene-
ra quodammodo sunt, ac etiam fungosa: me-
dia verò ipsarum regio durior est, ac intus me-
dullofa. Porro ab ea parte, quæ vertebris vici-
nior est, graciliores existunt, ac veluti teretes:
quantò autè magis ad pectus adducuntur, tan-
to quoque latiores fiunt. Præterea pars supe-
rior crassior est inferiore: vnde certam prope-
modum notam colligito, qua dextras à sinistris
secernas: hanc verò tenuitatem, ac latitudinem
in omnium ferè animalium costis deprehende-
re licet leone excepto: cuius quidem costæ
crassiores, ac prorsus teretes visuntur, quæ ni-
hilominus insignem cavitatem habent, in qua
nisi medulla contineatur, inanem omnino eam
ipsam fore necesse est. Quod eò dictum est, vt
obiter

*Costarum sub-
stantia.*

*Cartilaginis in-
costarum con-
iunctione usus.*

*Costarum ex-
trema.*

Media.

*Costæ latiores
pectus versus.*

*Quo signo di-
stinguantur co-
stæ dextra à si-
nistris.*

*Leonis costæ
quales.*

obiter animaduertant operum naturæ studiosi, quàm verè dicat Aristoteles leonum ossa penitus esse solida, nec medullam intus continere: vt scilicet incredibile horum animalium robur hoc argumento probaret. Equidem dum Florentiæ cum Mazzolario Academiæ Pisanae moderatore ad visendos leones adducti essemus, quos florentissima illa ciuitas suis claustris, & publico loco, publico etiam sumptu alit, idque in signum maiorum suorum, ac perpetui cuiusdam hominis ergò: in cum sermonem deuenimus, an verum id esset, quod Philosophus de hisce animalibus, ac præsertim de ipsorum ossibus tradidit: cùmq; ille me dubium, ancipitèmq; cerneret, quid (inquit) obstat cur id oculis nostris nō exploremus: quādo hic demortuorum leonū sepulchra adsunt? Itaque custodiæ præfectum rogauimus, vt per illum liceret ex leonum sepulchris ossa tantisper effodere, dum quod maximè cupiebamus intueremur: ille comiter non modò eruendi sed exportandi etiam quotquot voluimus copiam fecit: quamobrem nostro illa arbitrato fregimus, ac medullosa conspicati sumus, quid quòd non modò grandiora ossa amplis cauitatibus prædita, sed minora etiam caua offendimus? Tales ergo leonum sunt costæ, quales antea diximus: cartilagines item in quas costæ ipsæ parte anteriore desinunt, diuersæ sunt. Et enim verarum cartilagines non adeò molles

Ossa leonis non sunt solida contra Aristot.

Mazzolarius præfectus academiae Pisanae.

Florentia aluntur leones.

Florentia ad sunt sepulchra leonum.

Leonis ossa maiora omnino in fregit medullasque reperit.

cognoscuntur, quales sunt spuriarū : quod non sine consilio factum intelliges, si prius consideraueris illarum cartilagine duriores fore, quæ cum duriore substantia, nempe cum ossæ pectoris coniungendæ fuerint : inferiorum verò, quæ nothæ dicuntur, ideò molliores, quoniam cum cartilaginibus copulari debebant: id quod nobis res confirmat: cum in senio affectis corporibus intuemur superiores illas cartilagine, quæ cum pectoris ossæ cohærent, iam penè totas in ossium naturam abiisse. Ad hæc costarum sextæ, septimæ, octauæ, nonæ cartilagine cæteris sunt longiores: at spuriarum tenuiores, angustiores, & in mucronem tendentes. Postremæ tamen cartilago breuissima est, quemadmodum esse solet primæ, ac legitimæ: quam in eo differunt, quòd acuta illa est, & gracilis, hæc verò lata, & ampla: sicuti etiam ipsa reliquas omnes costas latitudine superat: quæ amplior etiam redditur, quòd propius ad os pectoris accedit: secus autem aliis contingit, nam earum cartilagine initio sunt, quàm in progressu ampliores. Costis autem tam longæ cartilagine appositæ fuerunt, ut ex assiduo motu minus læderentur, ac vel dormientibus sursum attolli, itémque deprimi pro pulmonum naturali agitatione possent. Quæ quidem cartilagine cum sint veluti vincula, quibus pectoris ossi costæ alligantur: non immeritò costarum interualla constituunt, quæ tamen inter se positione,

Cur cartilagine costarū quæ cum ossæ pectoris coniunguntur sint duriores.

Cartilagine costarum notharū quales & cur.

Cartilagine costarum ut arū in valde senibus penè ossæ.

Cartilagine costarum comparantur inter se.

Cur costa habeant tam longas cartilagine

Cartilagine costarum ligant costas ossæ pectoris.

Intervalla costarum.

tione, ac situ variant: nam sex superiorum costarum cartilagines aq̃uis à pectore spatiiis dehiscunt, atque eo modo aqualia costarum interualla efformant. Sextæ autem parte solummodò inferiore, qua septimam respicit, & septimæ, octauæ, ac nonæ varius est ductus, & earum cartilagines sic adhærent, vt continuæ fiât, nec quicquam spatij, quo separentur, relinquât.

Præterea costarum verarum cartilagines in tuberculum, ceu capitulum quoddam terminantur, quo pectoris ossi vbi sinus est, committi atque inarticulari debuerunt. Costarum figura

*Quomodo vera
costæ articulan-
tur ossi pectoris.*

Figura costarum.

semicircularis esse videtur, vt duplici veluti medio, hoc est continuo duodecim vertebrarum ductu, ac pectoris ossè circulare formam tho-

raci suggerant, quæ cum validior est, & constantior, tum ad plura continenda accommodatior: primæ superiores, ac postremæ inferiores, cum breuiiores sint mediis, hanc sphericam thoracis non minimùm adiuuant: in quo illud obseruatu dignum est, quòd superiores curuæ

*Vnde adueniat
circulari figura
thoracis.
Cur thorax spha-
ricus.*

magis, postremæ autem lentiores, ac minus gibbæ sunt. Iam verò tam superiores, quàm inferiores arctiores existunt: mediæ verò longiores, ac latiores: primam tamen excipito, quæ utique omnium latissima est, ac breuissima, verum quia costæ interna sui regione membrana

*Costæ superiores
sunt magis cur-
uæ.*

succinguntur, quæ Græcis πλευρά dicitur, non decebat partem illam asperitatem vllam obtinere, quæ membranam hanc sensu non modi-

*Mediæ costæ
quibus sunt la-
tiores & longio-
res.*

*Primæ costæ la-
tissima & bre-
uissima est.*

*πλευρὰ suc-
cingit costas.*

Interna pars os-

*statum cur non
sit aspera.*

*Vena, arteria,
nervus quo si-
costarum susci-
piuntur.*

*Nature indu-
ctia.*

*In empimaticis
vbi sit secunda.*

*Cur costæ sint
asperæ extrinse-
cæ ubi verte-
bræ iunguntur.*

co præditam lādere potuisset. Ea igitur parte
levissimæ sunt, quamvis sinus ibi adsit, qui ad
inam earum regionem secundum longitudi-
nem iacet, vt susciperet venam, arteriam, &
neruum illac vnà repentes: hæc autem interna
cavitas costis omnibus æqualiter haud inest. ea
enim longius protenditur, ac profundior est in
mediis costis: in primis verò ac extremis par-
uus inest sinus: quoniam admittere debuit va-
sa, quæ minora essent pro costarum paruitate.
Quanquam iste sinus non ita conspicuus est in
duabus ultimis costis, atquæ etiam in prima, cu-
ius locum interdû maior subit costarum tenui-
tas, vt vasis ipsis cessisse quodammodo videat-
ur. Huiusmodi vasorum ductus maximè ani-
maduertendus est propter affectum quæ Græci
ἐμπύημα vocant: in quo si quando per musculo-
rum intercostalium incisionem pus exhaurien-
dum fuerit, sectio administranda est ad super-
nam costæ regionem, non autem sub ima eius
parte, vbi resident vasa ipsa, quæ facilè incidi
possent: nam maximum incommodum conse-
queretur. Cæterùm costas extrinsecus parte
posteriore, qua vertebris alligantur, asperas es-
se, ac inæquales necesse fuit, vt inde commo-
diùs prodeant ligamenta, quibus vertebrarum
corporibus, ac earundem transuersis processu-
bus alligantur: nec non ibidem tubercula emit-
tunt, quæ vertebrarum sinibus articulationis
gratia vniuntur, ac postquam à vertebrarum
processibus

processibus non procul recedunt, tuberculo alio donantur, qui musculo dorsalium longissimo est destinatus: eadem item costarum fede, qua distant ab iisdem vertebrarum processibus trium propè digitorum interuallo, asperitatem ac propemodum extuberantiam habent, quo ibi aptius inferi posset musculus thoracem mouentium quintus. Illud addendum ab ea parte, vbi costarum radix est, atque illæ in vertebrarum corpora implantantur, vsque ad transuerforum processuum nexum costas superiora petere, inde verò deorsum flecti, ac tendere, atque ad pectus conuersæ cartilagini appropinquare, rursus sese attollere, & ita ad medium os pectoris, atque ad anteriora ferri. Sed hæc hæctenus de costis.

Inserio musculo dorsali longissimo.

Inserio quinti musculi thoracem mouentis.

Qua parte costa superiora petant, qua deorsum ferantur, cum qua rursus attollantur.

De Osse Pectoris, CAP. XX.

PECTORIS OS, quod Græcis στήνον, & στήθος nuncupatur, quanquam στήθος ea regio potius intelligitur, quam ipsum os vnà cum costarum cartilaginibus circumscribit, quam partem propriè pectus appellamus: in humanis latum est, ac breue, ex paucioribusque os constructum, quàm Galenus sensit: quando ille putauit tot in eo ossa esse oportere, quot essent legitimæ costæ, vt singulis esset, cui adhærescerent. Septem igitur illa sanxit: cum tamē plurimum sint quatuor, minimū verò tria: quod in simiis, & canibus falsum non est, in quibus verum & illud est, quod Aristoteles ait: cor mediam om-

στήνον, id est, pectus.

στήθος regio pectoris.

Figura pectoris in homine.

Gal. error denumvero osium pectoris.

Ossa pectoris plurimū quatuor, minimū tria.

Gal. sententia de ossibus pectoris verificatur in simiis & canibus.

Aristotelis opinio cor esse in

*medio pectoris
vera est de ca-
nibus & similibus.
Substantia os-
sium pectorum
qualis.*

*Ossa pectoris v-
niuntur per sym-
physim.*

*Ossa pectoris mo-
uentur ad mo-
tum costarum.*

*Sinus cedens as-
pera arteria.*

*Quibus sinibus
costarum iugu-
lorum capita
excipiuntur.*

*Cur asperum sit
superne os pec-
toris.*

*Sinus excipien-
tes cartilagine-
costarum.*

*Cur cartilag. co-
starum in super-
ficie protube-
rent.*

*Figura cartila-
ginis quæ est in
uno pectore.*

*Nomina carti-
laginis uni pec-
toris.*

nino pectoris regionem tenere, quasi rectam in medio positionem habeat. Sed de hoc infra, ubi de corde agemus. Pectoris oslium substantia minimè solida est, qualis est reliquorum, verum molli, & fungosa: attamen ipsa ossa inuicem cartilaginis ope uniuntur per symphysim, cum nulum ne obscurum quidem motum edant: licet costarum elatione, & depressionem sequantur. huius pars superior cum cæteris amplior est, tum etiam crassior: ubi parte interna, quæ in medio residet, sinus exculptus est, ut cederet asperæ arteriæ illac descendenti: eiusdem partis superioris latera sinibus pariter duobus abundare oportuit, extrinsecus tamen celatis, quibus exciperent iugulorum capita, quæ cum iis articulantur. Pectoris os intus, extrâque læue apprehenditur, præterquam supernè, ubi asperitas quædam existit, unde nascitur, detineturque musculus longus & validus, tendens ab huius ossis summitate ad mammillarem processum, in quem utrinque implantatur: habet præterea alios sinus ab utraque parte descendentes, quos subeunt costarum cartilagine, modicè quidè illæ in superficie protuberantes, sicuti supra diximus, quod iccirco factum est, ut aptius, ac tenacius inhærerent. Ad imam eius partem extat cartilago quædam longa, & triangularis, nonnunquam bifida, aliquando etiam leuiter mucronata, quæ ideò plura obtinuit nomina, nam Græcis Xi-phoïdes dicta est, à Latinis autem clypealis, gladi-

dialis, ensiformis, & mucronata nominatur. Alij malum granatum appellant, propterea fortasse quòd vnius balaustij formam referre videtur. Hanc nonnulli credidere pro ventriculi oris munimento stare, & illud ab extrinsecis tueri, cùm tamen os ventriculi ab ea regione multum distet: quod ad dorsum vergit, ac iuxta illud prorsus situm est. Cùm ergo mucronata hæc cartilago vsum hunc præstare nequeat, dicere in subditorum propugnaculum esse, ac præcipuè septi transversi, quod eo loco maximè nerueum est, siue tendinosum: cuius partis læsio ad cor ipsum ibi pene substratum penetrare potest: namque humani cordis inuolucrum, quod pericardion Græci vocât, diaphragmati adnexum est, pectoris ossis figura gladij, vel pugionis imaginem retinet: iccirco non defuere, sicuti Galienus libro de ossibus testatus est, qui totum id os gladiale nuncupauerint.

De scapulis, CAP. XXI.

ANTE QUAM ad scapularum enarrationem aggredieremur, dicendum nobis esset de cordis ossiculo. Cæterum quando in humanis id minimè reperitur, nihil huius interesse negotij arbitrati sumus, cuius tamen si quis nimium curiosus fuerit, illud in grádioribus animalibus quærere poterit, nempe, bobus, equis, elephantis, ac fortasse etiam in ceruis senioribus, & si quidam negant, atque illud, quod pro ceruini cordis osse venale circumfertur, bubulum di-

Cur malum granatum appellatur cartilago imi pectoris.

Cur Xiphoides non potest tueri os ventriculi.

Os ventriculi situm est iuxta dorsum.

Verus vsus Xiphoidis.

Lesio septi transversi potest penetrare ad cor.

περικάρδιον, id est, involu-crum cordis.

Pericardion est annexum cum septo transverso. Gal. lib. de ossibus.

In corde hominis non est os.

En numero animalium in quorum corde est os.

Os de corde bubuli pro ceruino venditur.

Galenus error.

Cor simiarum caret osse.

Simia quid habeat in corde loco ossiculi & ubi.

ὁμοπλάται, id est, scapulae.

Numerus scapularum.

Situs.

Visus.

Forma.

*ὀνυχοειδὴς in-
stō.*

Spina scap.

*Scapulae articu-
lantur cū iugu-
lu & humero.*

*Nexus scapula-
rum cū aliis
partibus.*

*Scapularum ne-
cessitas.*

cant: mirari profectò licet Gal. viii. de Admi-
nistrat. Sectio. libr. & vi. de Part. Vtilitatibus,
ac demum infine libelli de ossibus mentionem
huius ossis fecisse, cū nec in simiis quidem,
quas crebrius secare solitus fuerat, os istud cer-
nas: cuius loco membranas duas propè cartila-
gineas offendes, quæ inter arteriæ magnæ, &
venæ arterialis radices instar firmamenti iacēt.
sed de his alibi. Cordis itaque osse dimisso, ad
scapularum explicationem deueniamus. Scapu-
læ quas ὁμοπλάται Græci vocant, geminæ sunt,
altera dextram, sinistram altera parte obsidet,
ambæque posteriùs in superiore regione sum-
mis costis adherent propugnaculi vicem geren-
tes, non secus ac si tergum aliquod hinc inde
porrigatur ad extraneos ictus propulsandos.
Propterea scapulæ scutatam formam obtinue-
re: ac roboris maioris gratia interna parte, qua
costas respiciunt, concavæ sunt, externa verò
prominent, & spinam quandam veluti iugum
producūt, quod eminet, inque superiorem par-
tem assurgit ad earum validitatem augendam:
cum iugulis, atque humero aliorum ossium mo-
re articulantur: verùm ad thoracis, ceruicisque
vertebras, ad os hyoïdes, ad occiput, ac tandem
ad costas musculorum, de quibus postea dice-
mus, interuentu adnectuntur. Ex quibus omni-
bus colligitur necessaria scapularum constru-
ctio, quæ non modò posteriorem partem mu-
niret, sed musculorum etiam tum ortum, tum
infer-

insertionem susciperet, ac denique quod caput est, brachij articulationem exciperet, quæ apprimè infirma, imbecillisque futura erat, nisi scapularum nexum, compositionemque habuisset.

Brachij articulus absque scapula infirmus esset.

Scapulæ triangularem figuram præ se ferunt,

Scap. figura.

non tamen æquilateram: pars enim supera longè breuior est duabus hinc inde ad inferiora tendentibus, quæ pariter in angulum obtusum de-

Quid sit basis in scapulis.

sinunt: ita quod ima hæc portio tantum spatij occupat, ut ego magis eam pro basi accipiendam putem, quàm latus illud, quod ad spinam vergit.

Processus scapularum.

tribus processibus donatæ sunt, quorum vnus breuissimus est in caput latum, sinuatúmque desinens, excipiendo summo humero paratus. Pro-

Quomodo natura augeat finem scapulæ excipiendo humero dicatum.

pterea cum hic sinus longè minor sit, ac depressior, quàm altum, & rotundum humeri caput requirat: operæpretium fuit, ne humerus quo-

cunque leui momento exiliret, huiusmodi sinum adaugeri. Neque enim magis scapulæ sub-

stantia poterat excuari. Ergo cartilago crassior ad internam sinus labiorum partem obducta,

atque exprorecta magnam, & idoneam profunditatem constituit. Id verò sinuatum scapulæ

Cervix capituli scapulæ.

caput sua ceruice non caruit, quamuis ea modica, & brevis appareat. Ab hoc processu nõ lon-

gè alter est coruini rostri, aut anchoræ persimilis, quæ ideo anchyroides, aut coracoides appel-

Processus anchyroides sive anchoræ usus.

lant, per quem brachium à costis diducitur, ac distat. hic os humeri in sua sede continet, atque

ad eius partis validitatem confert: in hunc tan-

Processus acromionis cur dicatur.

Hippocrates quid vocet Acromion.

Clavicula iungitur cum acromio.

Claviculæ cartilago non habent acromion.

Opinio Galeni de osse inter acromion & scapula.

κατακλιδα quid vocet Gal. Hippocr. lib. de Artic. Galeni excusat.

Galenum inexcusabile reddit.

Usus Acromij.

Scapularum inæqualitas in re naturæ & crassiss.

dem inferitur musculus, qui ad anteriora scapulam trahit, & qui cubitum flectit. Tertius processus ille est, quem iugi, seu spinæ speciem referre diximus: longior ac prominentior: quocirca dictum fuit à Græcis ἀκρόμιον, quasi humeri apex, & summitas. Atque ita ab Hippocrate superior hæc articuli sedes perpetuò nuncupatur: cum hoc processu clavicula coniungi debuit: quamobrem illo ferè omnia animalia carere videas, quæ claviculis priuantur. Inter acromion & claviculam Galenus voluit quoddam os dari, idque in solis hominibus, addens acromion à nonnullis & κατακλιδα vocari; quod mihi adhuc non est compertum, nisi si quis Galenum Hippocratis auctoritate tueatur, qui lib. de Articulis idem sensisse videtur: quem tamen fortasse non ineptè dixerimus per tertium illud os appendicem quandam intellexisse, quæ ad Acromij extremitatem assidet, & in iunioribus facile deprehenditur. Quod & si detur, nescirem tamen cur Galenus asserere potuerit solos homines eo ipso osse abundare: cum nihil omnis in simiis reperiatur. Cæterum, acromion scapulam validiorem reddit, & locum claviculæ constituit, cui commodè annectatur, nec minus etiam tutam, atque aptam musculis inferendis sedem parat. Scapulæ non undique sunt æquales, nam toto eo ductu, qui ab ancyroïde processu versus spinam flectitur, ac descendit ad basim usque tenuissimæ sunt, ac multo etiam in medio

medio tenuiores. At in ipsis processibus, atque eo latere, quo brachium respiciunt: insignem crassitudinem ostendunt: vbi eorum substantia medullosa, fungosâque conspicitur. Neque etiam defunt foramina venarum, arteriarumque ingressui destinata, quæ ipsis scapulis nutrimentum deferant. Interna scapularum regio sinus transuersim obliquè tendentes habet, longo temporis progressu ad crebrum costarum motum, quibus adhærent, celatos. Extra tametsi gibbæ sunt, ac protuberant, non minimos tamen sinus obtinuerunt, quatenus musculos excipiunt, quâquâ iis ipsis cedere illos omnino oportuit. Vbi animaduertendum est prudentissimæ naturæ artificium. Etenim ne propter istos sinus scapulæ nimium tenues fieret: cernere est ab altera parte os succreuisse ad augendas, firmandasque partes huiusmodi sinibus è regione subiectas. Iâ verò in scapulis appendices quinque sunt. Appendices verò discernuntur. Tres enim ad latus internum iuxta spinæ deductū, atque ad basim adhærescunt, vnde musculorum quorundam origo trahitur: reliquæ duæ ligamenta suggerunt, quibus vinciuntur humerus acetabulo, clauicula acromio, nimirum acromion harum duarum appendicum alteram sibi vendicat, alteram acetabulum. Præterea in summitate, nempe inter acromion, & supremam scapulæ partem concauitas non minima reperitur, facta ut musculus commodè cunctos circumactionis humeri motus

Scapula vbi fungosa & medullosa.

Foramina venarum & arteriarum.

interni sinus scapulae.

Naturæ artificium in sinibus externis scapularum.

Appendices quinque scapularum.

Appendicum scapulae usus.

Canitatis inter acromion & supremam scapulae usus.

efficiat. In ea item regione foramen ferè orbiculare vasis celsurum reperitur.

De Claviculis, CAP. XXII.

Cur tractandū erat de iugulis post os pectoris. **D**IGNUM profectò nobis videbatur, vt ab eo capite, in quo de osse pectoris egimus, statim illa ossa explicaremus, quæ à Græcis κλειδικες, id est *clauiculae*, à nostris autem claviculae, siue iugula dicuntur: propterea quòd illæ ad superiorem pectoris partem adhærent, & cum primo eius osse vtrinque coarticulantur: scapulae verò nullum peculiare munus habet cum pectore. neque nisi mediantibus claviculis eidem vniuntur: verum quando id parum refert: neque rei naturam hic ordo tractationis immutat, ab aliorum instituto minimè recessimus. Scapularum itaq; præmissimus descriptionem, quam nunc iugulorum enarratio sequetur. A supremo pectoris osse singula hinc inde ossa discedunt flexuosa, & rotunda, quæ transuersim delata sensim supra summum humeri caput ad scapulae processum ascēdunt, quem acromion vocari diximus. Hæc ossa clauicularum nomen obtinere: quoniam humerum cum scapula coarticulatum ita claudunt, vt ne ad thoracem, pectusue brachiū delabi possit: atque adeò dehiscat, distētque, vt ad pectus manus admoueri, suasque innumeras propemodū actiones edere valeat. quod quàm utile, atq; necessarium sit, vnicuiq; constare potest, si vel ab humano pectore clauiculas demerit, vel bruta claviculis priuata accuratè fuerit con-

Clauicula habent superiori pectori.

Alios sequitur in ordine tract. de claviculis.

Iugulorum descript.

Cur dicta clauicula.

Vju.

cōtemplatus, quo factū est, vt vulgares furculas
 appellent ad egregium hoc ipsarum munus al- *Cur furculæ dis-*
 ludentes, cū veluti fulcra quædam ab osse pe- *cuntur clauicula.*
 ctoris deducendo, sustinendóque humero pa-
 rata sunt: alterum eisdem iugulorum nomē La- *Ingula cur dis-*
 tinis inditum est: quia fortasse iugi, quod boum *cuntur.*
 collis alligatur, similitudinem referāt. Vnde iu- *Ingulari.*
 gulari animal tunc dici solet, cū venæ, atque
 arteriæ diffecantur, quæ sub his iugulis posite
 sunt. Clauicularum substantia intus fistulosa, *Substantia cla-*
 fungosáque tenui crusta ossea obtegitur: ma- *uicularum qua-*
 ximè reliquorum ossium frangibilis est, earum *li.*
 figura non multum differt à nostro sita deli-
 reato, bis enim clauiculæ curuantur, bis gibbæ,
 bis etiam sinuæ fiunt: nam ab eo ductu, qui à pe-
 ctoris osse incipit, ad mediam vsque regionem
 intrinsecus cauæ sunt, extrinsecus verò conue-
 xæ tuberis in morem. At à media regione ad A-
 cromion opposito se habent modo, vbi latiores
 apparent, & capite sunt depressiore, quo cum
 acromij summitate coniunguntur. Verùm alte-
 rum caput rotundum quodammodo existit, &
 magis ea parte, quæ sterni sinu excipitur. ad v-
 trunque caput appendices assident suis obdu- *Clauic. append-*
 ctæ cartilaginibus: adnotaréque oportebit alte- *lices.*
 ram superaddi cartilaginem illi capiti tantum,
 quod in summo pectoris osse residet: quāquam
 vterque articulus ad Arthrodiam sit referendus. *Articuli clauic-*
 Cū autem ex clauiculis muscoli partim exo- *ularum refe-*
 riantur, partim ad eas terminetur: iccirco non- *runtur ad Ar-*
 throdiam.

nulla in eisdem tubercula, nonnullas lineas, atque asperitates cernimus inferiore præsertim parte, qua costas respiciunt, atque hæc omnia musculorum gratia. Quod verò parte anteriore potius, quàm posteriore extrorsum promineât, summo consilio factum intelliges, si diligētius inspexeris ea regione subiecta esse non minimi momenti vasa: nempe arteriam insignem, ac venas cum axillarem, tum etiam cephalicam, quas comitatur nerui quinque ad manum progressuri, quibus omnibus incuruata claviculæ pars nō inconcinnè cedere, ac simul propugnaculi vicem præbere videtur, claviculæ suis foraminibus non caruere: vt illac penetrarēt vascula nutrimentum transmittentia.

Cur antè, quàm retrò promineant magis clavicula.

Clavicula tnetur arteriam, venam axillare cephalicam, & quinque neruis

De Humero,

CAP. XXIII.

Manus quid sit Hippoc.

MANVM Hippocrates totum id appellat, quod à scapula ad extremitatem vsque digitorum porrigitur: quod ex pluribus ossibus constat: primum inter scapulam, & cubitum residet, humerum omnes vocāt: deinde cubitum constituentia vlna & radius, his succedit pars illa, quam propriè manum dicimus, quæ brachialis, postbrachialis ossibus, ac summis digitis constituitur. Verùm à summo humero ad extremam vsque manū, totus ille ossium ductus humeri scilicet radij atque vlnæ, brachium nuncupatur. His hoc modo distinctis ad singulas partes explicandas accedamus. Ergo humerus illud os erit, quod parte superiore cum scapula, inferiore

*Humeri situs.
Cubitus constat ex vlna & radio.
Brachiale.
Postbrachiale.
Summi digiti.*

Brachium quid vocetur.

feriore cum radio, & inaq; coniungitur: vnicum est, teres, longum, ac manus ossium maximum, non tamen omnium, femore excepto, maximū, vti Galenus scripsit: quandoquidem neque magnitudine sacrum, neque latitudine iliorum ossa, neque longitudine tibiā superet, à qua ceteris quoque dimensionibus faciliè vincitur: & quamuis teretem figuram ostendat, tamen sinibus non est expers, quasdam planities, ac summitates in longum producit, & inæqualis est ob musculorum nexum, vt alij inde ortum ducant, alij ibidem implantentur. Pars superior in caput magnum, rotundūque desinit, cui adnata est appendix non exigua, ex ea parte maxime cartilaginea crusta oblita, quæ in scapulæ acetabulum inseritur. Quoniam verò caput id altum necessariò profundum sinum postulabat quod in scapula fieri minimè poterat: ideo circa scapulæ sinum natura addidit alteram cartilaginem, atque eminentem, quæ sinum ipsum maiorem efficit, & articulationem hanc in omnem ferè motum proniorem reddit: supra id caput rotundum duo processus eminent, qui oblongo, insignique sinu dirimuntur: ex his anterior posteriore minor est: amborū maxima portio in appendice continetur: illa verò inter ipsos interiecta cavitās musculo cedit, qui à scapula duplici principio fluens hac iter habet deorsum ad cubitum flexendum delatus inferior humeri pars capite haud rotundo sua appendice do-

Humeri descript
Teres longum.

Galeni error.
Sacrum os est
humero maius.

Ossa iliorū sunt
latiora humero
Tibia est longior
humero.

Sinus
Cur humerus
est inæqualis.

Humeri appendix.

Cartilago augens
sinum scapulæ
exspientem caput
humeri.

Processus.

In appendice
processus humeri.

Caput inferius
humeri habet
appendicem.

*Gale. & Vesalij
error.*

*Inferioru hume-
ri descriptio.*

*Trochlearum
forma.*

*Vlna & cubi-
tus quomodo
articulatur
humero.*

*Vbi sit excava-
tum caput infe-
rius humeri &
cur.*

*Extensio cubiti.
Flexio.*

*Sinus utilitas.
In magna cubi-
ti contrahione
quo pertingat
secundus vlna
processus.*

Alius sinus.

*Vfus propria ar-
ticulationu ra-
dy cū humero.*

natur, quicquid sentiat tum Gal. tum etiā Vesa-
lius, qui opinatus est hanc humeri partem appē-
dice omnino priuatā esse: at mihi semper cōspi-
cua fuit in natu minoribus. Caterū pars hæc
inferior ampla est, ac in tria veluti capita exur-
git, iisque in æqualibus, ac distinctis, quæ ideo
trochlearum formam effingunt, quòd à lateri-
bus eminent duobus sinibus leniter cōcauis ap-
posita: tertio, quod est in medio, eosdem sinus
diuidente: in quorū sinuum alterum incumbit
vlna, & circa eundem flectitur, extenditurq; cu-
bitus: qui motus vt commodiùs fieri possit, pars
huius humeri capitis posterior ampliter excava-
ta fuit: vt superior vlnæ processus ibi considē-
ret: vt absoluta fieri posset cubiti extensio: sicuti
cū flectimus, ne quicquam impedimento esse
possit: sinus quoque paratus in anteriore, atque
internā eiusdem capitis sede, quòd pertingit se-
cundus vlnæ processus, dum cubitus ita contra-
hitur, vt extrema manus ferè humerum contin-
gat: externo humeri capiti assidet sinus, qui po-
situs est in superficie radij, cui inheeret multa ob-
ductus cartilagine: at eius caput, cū sit depres-
sum, & expanlas oras habeat, interna ora sinum
alterum obsignat, circa quem & ipse agitur: ac
demum vlnæ validitati confert, quando illi ita
annectitur, vt sinum quendam subeat in inter-
na secundi eius processus regione. At propria
radij cum humero articulatio maximè spectat,
vt manum obliquè ad latera deducere valea-
mus.

mus: cùm verò vnà cum brachio extenditur, aut flectitur: talis vtrique motus ab vna prouenit sequente radio: hanc humeri cum cubito coniunctionem nō bene Aristoteles nouisse videtur: quādo existimauit articulum illum, quo cubitus cum humero connectitur, contrā se habere in quadrupedibus, atque in humanis habere. Siquidem affirmauit homines antrorsum, quadrupedia retrorsum cubitū flectere. At nō rectè animaduertit, quem situm hæ partes in brutis teneant: non enim cubiti, atque humeri illa est articulatio, quam ipse putat: sed cubiti, ac brachialis compositio, de qua sequenti capite dicemus. Latet autē in brutis ipse humerus, quem si rectè consideres, non aliud tum articulationis, tum motus genus in brutis reperies, quàm in hominibus: aut statuendum erit eiusmodi animalia humero destituta esse: quod omnino falsum est. Hæc tria humeri capita sua cartilagine crustæ ritu munita sunt: quorū protuberantius est internum, ac externum maius quodammodo cernitur, præter hæc extant duo processus ad vtrunque latus, quorum internus longè maior est. His hærent principia musculorum tendentium ad extremam manum: quod autem humeri os tota sui longitudine modò gibbum, modò sinum conspiciatur: talem formæ varietatem varius musculorum vsus postulat, sicut clariùs ostēdemus, vbi musculos manum mouentes explicabimus: os idem intus ca-

Qui motus ab vna proficiscitur.

Aristotelis error.

Cubiti flexio diuersa in nomine & tractu Aristot.

Cubiti & brachialis compositio est quæ Aristoteles esse cubiti & humeri. Humerus in brutis latet.

Trium humeri caput in anteriore humo, descriptio.

Processus duo & eorum vsus.

Cur humerus in longitudine suamodo sit gibbus modo sinum.

*Humeri canites in medulla.
Foramina per qua vena.*

Cubitus quid significet.

Structura cubiti qualis.

Cubitus habet appendices utriusque.

Superior appendix cubiti brevis fit ossis.

Gale. & Vesalii error.

Appendix inferior cubiti & radius diu durat

Ulna dicitur etiam cubitus. Radius.

Ulna & radius committuntur inter se, & cum alio.

Ulna inferior se committit radio.

Superior ulna qualis.

Galenus error in processibus ulnae.

Sigmoidis usus.

uum est, ac medulla refertum, quam pariunt venæ per foramina in eo sita subeuntes.

De Cubito, CAPVT XXIIII.

CUBITI nomine totam illam partem intelligimus, quæ inter humerum & brachiale ex duobus ossibus constituta est, longis illis quidem, sed humero minoribus: appendicibus utrinque donatur: verum parte superiore, quæ cum humero articulantur, appendices breui coalescunt, atque in ossium portiones transmutantur. Tam hîc, quàm in ima humeri parte Vesalius Galenum sequutus perperam putauit appendicem non adnasci: parte autem inferiore diutissimè in ambobus appendices seruantur. horum os alterum, quod est inferius, vlnam, quod etiam cubiti nomine sæpenumero donatur: alterum, quod superius existit, radius appellamus. Hæc cum inter se, tum maximè humero, ac brachiali iunguntur: quanquam vlna parte inferiore radio tantum committitur, sicuti mox dicem⁹. Superior ergo pars vlnæ crassior in duos processus oblongos triangulares, sed obtuso potius, quàm acuto angulo, tæcti Galenus acutos eos accipiens coronas appellauit, terminatur. Hi processus ita prominent, atq; attolluntur: quoniam sectum est id spatij, quod in medio residet, ac in semicirculi speciem excauatū, qui sinus protuberantibus hîc processibus conclusus C Latinum refert, quod nō absimile est, c Græco, propterea Galenus Sigmoides nuncupauit.

pauit. Factus autem fuit iste sinus, vt aptissimè
 processus ipsi sinum imi humeri complecti, &
 circa illum verti possint. Quamobrem cernere
 est in medio Sigmoidis lineam prominentem,
 quæ funiculi modo, vt in trochleis contingit,
 rimam insistit, ne huc illucue vlna dilabatur,
 vnde mutuus exoritur vtriusque partis ossium
 ingressus: ita quòd huiusmodi articulatio Gin-
 glymo iure tribui potest: ad priorè processum,
 qui posteriore minor, interna parte, qua radiū
 respicit, sinum offendimus, in quem incumbit
 radij caput: verū cū ab his processibus re-
 cesseris, vlna fit accliuis, ac sensim attenuatur:
 vsque dum in caput desinat, quod ad internam
 partem magis aliquantulò propendet, vbi le-
 uem radij sinum subiens cum eodem articula-
 tur. Quòd autem Galenus senserit eiusmodi ca-
 put cum brachiali coniungi: id ego nullo vn-
 quam modo assequi potui, cū videam nullā
 brachialis portionem ad infimum vlnæ caput
 adhærescere. Præterea cū ex hoc ipso capite
 extrinsecus producatur processulus quidam te-
 nuis, oblongus, & acutus, quem ideo styloïdem
 Anatomici vocarunt. Hunc Galenus iudicauit
 in extremum brachialis os infigi, atque caratio-
 ne conferre ad manum in obliquum agendam.
 Quod à veritate alienū esse omnino experimē-
 to cōprobatur. Hic enim processus tantum ab-
 est, vt hūc vsum præstet, vt impedimento sit, ne
 manus ad eum modū moueri queat: sicuti opti-

*Linea in medio
Sigmoidu vsus*

*Humerus & ul-
na articulantur
Ginglymo.*

*Sinus excipiens
caput radij.*

*Quomodo vlna
cum radio par-
te superiore ar-
ticulatur.*

Galeni error.

*Styloides proces-
sus non agit ma-
num in obli-
quum.*

Vesalius laudatur in explanatione usus styloidei.

Dicitur Galen. in simia versicatum.

Cartilaginea crassa, & mobilis utilitas.

Processus ulnae utilitas.

Ulna exterioris qualis.

Sinus ex quibus musculi.
De Radio.

κερκίς, id est, radius.

Radius situs.
Capitis superioris & inferioris in radio comparatio.

Caput superius cubiti articuletur cum humero, inferius cum brachiali.

Radius agit manum in primum & superius obliquè.

mè Vesalius probavit, ubi cubiti historiam recēset: neque non hic processus à quarto brachialis osse multum distat, licet Gal. octauum innuere videatur, quod in simia veritatē habet: at in homine tertium quoque brachialis os respicit. Interfidet tamen quædam crassa, mobilisque cartilago, que cum spatium id repleat, quod interpositum est, vlnā cum brachiali cōiungi innuere videtur, cum tamen minimè cōiungatur. Verum hic processus nōnihil roboris ipsi brachiali addit, ne prorsus in eam partē decidat: quando tantum ab ipso vlnæ capite dehiscit. Iam verò vlna parte exteriori levis est, & admodum teres, parte verò qua radio respondet, in tenuē asperamque lineam secundū sui ipsius longitudinem extenditur, & humiles quosdam sinus habet: ex quibus locis nascuntur musculi pollicis famulantes, necnon musculus ille, cuius beneficio indicem à pollice abducimus. Alterum sequitur os superius, quod Græcis κερκίς dicitur, nos radius vocamus, exteriorem ferè totam cubiti partem occupat, in capita crassiora desinit, sed superius minus est, ac rotundius inferiore: inferius autem & maius est, & latius: quod non temerè factum intelligitur, si perpendatur, quomodo superius cum humero, inferius cum brachiali articuletur. Nam cum humerus ibi desinat in caput quodammodo rotundum, depressius, ac sinu præditū radij caput exegit, qui quoniam in primum, atq; superius obliquè manum

agere

agere debuit : rotundum sui capitis sinum rotundo humeri capiti inharere oportuit, quo circumagi commodè, munúsque id obire possit. cui rei non parum deseruit sinus ille, què diximus insculptum esse ad internam vlnæ prioris processus regionem, cui assidet interna radij capitis portio. Nec minùs fit, vt per hanc geminam articulationem leui momento cùm sequatur, tū etiam adiuuet cubiti flexionem, & extensionē. Id caput copiosa obductum est cartilagine ad motionis agilitatem augēdam. In cervicem descendit teretem, oblongamque, ad cuius extremitatem, quā vergit in vlnam, tuberculū emitit, quo terminatur musculus primus flectendi cubiti auctor: necnō etiam recipit alterius portionem eodem munere fungentis, qui ferè totus in superiorem vlnæ partem implātur. Cæterum inferior pars radij (vt diximus) capite est maiore, depresso, ac lato, appendicis ope nō minimum aucto, quod vel in grandioribus conspicuum est: in superficie non modò deprimatur, sed etiam in amplum, ac geminum sinum excauatur, in quo insident, atque inarticulātur duo suprema brachialis ossa: quibus quoniam reliqua brachialis ossa arctissimo ceu vinculo vniuntur, meritò dicere possumus totū brachiale eius vnus articulationis opera cum ipso radio copulari: vnde manum ipsam modò sursum, modò deorsum inuertere licet. eamque itidem ad latera ducere: cùm verò in primum, ac supi-

Sinus ad internam regionem prioris processus vlnæ vsus.

Cartilaginis multa circa radium vsus. Cervix. Tuberculum.

Appendix capiti inferioris radij vel in gradibus videtur.

Sinus excipiens duo summa ossa brachialis.

Quomodo manum sursum & deorsum inuertamus.

Quomodo manum pronum ac supinum oblique vertamus.

Quomodo radii adiuvant flexionē & extensionē cubiti.

Ab ulna est præcipuus motus cubiti.

Quomodo radius ferat opem ulnæ in ducenda manu.

Radius supra suscipitur ab ulna, infra etiam suscipit.

Compositio ulnæ & radij sub artrodia.

Inferius caput radij cur planam, & in declivē tendat anterius.

Cur plures sint sinus in posteriore parte inferioris capitis radij.

Processus mammillæ in radio vñs.

Radius extra quælis.

Lineæ in radio comparat lineæ cubiti.

Lineæ in radio & cubito vñs.

num oblique manum flectimus: id radij meritò consequitur, quādo is solus quiescente ulna mo-
uetur. At quemadmodum radius cubiti flexio-
ni suppetias laturus ab ulnæ sinu, cuius præci-
puus est cubiti motus, supernè suscipiebatur. ita
etiam quasi mutuam ulnæ operam requirens in-
ducenda manu, dum cubiti motum sequitur,
eius inferioris capitis insertioni sinum ipsa quo-
que paravit. Quamobrem supra suscipitur ab
ulna, infra verò ulnam suscipit, quā tamen com-
positionis speciem sub Artrodia ponendam
existimo. inferi⁹ radij caput parte anteriore pla-
num penè redditum est, atq; in declivē tendit,
ut ita substratum esset, liberumque aditum præ-
beret musculorum tendinibus, qui secundū, ac
tertium digitorum articulum flectendi partes
sibi vendicant: eodē modo posterior pars ten-
dinibus cedit, musculorum ad exteriores articu-
los tensionis gratia trāseuntibus, propterea plu-
res in ea sinus conspiciuntur. exterior eiusdem
capitis portio pollicem spectans maxillarū quē-
dam processum promit non aliam ob causam,
quā ut ea parte brachialis luxationem diffi-
cillimam redderet. Ad hæc radius extrā non
secus atque ulna teres est, ac leuigatus: intus au-
tem acuta acie, quæ longo ductu extenditur è
regione alterius lineæ, quam eidem persimilem
in interna ulnæ parte descripsimus. Ex harum
linearum alterutra fluit membrana quædam in-
alteram lineam inserenda, qua ambo hæc ossa,
quæ

quæ laxiùs à se inuicem dehiscunt, colligentur, confirmenturque: quæ membrana simul etiam *Membrana.* interstitium quoddam exhibet, quo interiores cubiti muscoli ab exterioribus separantur: ambo hæc ossa cubitum constituentia caua intus *Ossa cubiti cur cana.* sunt, ac medullosa, vt & leuiora sint, ac debito pabulo minus frustrentur.

De Brachiali, CAPVT XXV.

SUMMA manum alibi tres in partes diuisimus in brachiale, postbrachiale, ac digitos: *Summa manum diuisio.* qui & ipsi suis articulis constant. A prima igitur parte exordientes dicimus brachiale, quod Græci κάρπρον appellant, totam eâ ossium struem *κάρπρος, id est brachiale quid. Brachiale ossis 8.* intelligi, quæ inter cubitum, & postbrachiale sita est, quæ octo ossibus constat: & ea duplici ordine iuncta duas veluti acies cōstituunt, quarum utraq; quatuor ossa capit. Prima ossium *Prima acies brachiali ex quatuor ossibus.* acies parte superiore radij capiti ita committitur vt primum, secundumque ossiculum in sinum ipsius capitis inferatur: tertium autem paulum inhxere videtur: sed quartum nulli alteri ossi iungitur, præterquam tertio, cui soli pertinaciter annectitur. Secunda item acies parte posteriore cum postbrachiali articulatur, priore autem cum cæteris brachialis ossibus, quæ inter se cartilagineis ligamentis ita connectuntur, vt *Ligamenti cartilagines in ossibus brachiali usus.* connata esse videantur: quæ ligamenta cū nonnulli detrahare minimè studuissent, hæc ossicula nō inuicem iuncta, sed cōnata prorsus creditere. *Cur aliqui crediderunt ossa brachiali esse connata.* Ossa hæc adeò varia sunt, vt nulla ex parte

*Ossa brachialis
non conveniunt
inter se figura.*

*Ossa brachialis
carent proprio
nomine.*

*Primum os bra-
chialis.*

Secundum os.

Tertium os.

Quartum os.

*Quintum os
brachialis.*

*Sextum os, se-
ptimum, & oc-
tauum.*

*Comparantur
in magnitudine
ossa brachialis
inter se.*

*De unione os-
sium brachia-
lis.
Primum.*

conueniant, ac singula quæq; variam formam præ se ferant, vt, quanquam nō facile inuenias quibus illa rebus rectè compares, non ideo tamen difficilè sit discernere, & quæ, qualiâque sint, diiudicare: cū verò propriis nominibus singula careant, solo numero, atque ordine dignoscuntur: eaq; ratione perdiscitur, quomodo inuicem, ac etiam cum aliis ossibus componantur. Is ergo erit ordo istorum ossium. Primum brachialis os illud est, quod in priore acie constitutum ab interno latere versus pollicem nobis occurrit. Secundum, quod illi statim succedit. Tertium, quod cum secundo cohæret ad externum latus versus minimum digitum, aut cubitum vergēs. Quartum, quod omnium minimum vni tertio annectitur. Quintum, quod in posteriore acie iuxta pollicem primo assidet. Sextum præterea, septimum, atque octauum ita numerantur, vt ordine consequuntur. Iam verò non solum numero, ac figura, sed etiam magnitudine differunt. Maxima omniū sunt primum, ac septimum, quorum vtrum maius sit, vix discernere queas. His minus est secundum, quod tamen cæteris maius est: deinde sequitur octauum. Postea quintum, cui succedunt sextum, ac tertium, quartum minimum est omniū, vt paulò antè diximus. Quod autem ad ipsorum vnionem attinet, sciendum est primum os præterquam quòd cum radio articulatur (superius enim cum in rotundū protuberet, in illius capitis

capitis sinum subintrat) inde sensim adhærere secundo, eiúsque sinum subit, deinde cauo admodum sinu septimi tuber rotundum admittere, ac inferiore parte quinto, sextoq; cohærere.

Cæterum secundum & ipsum supernè radij sinum ingreditur, parte anteriore cum primo: inferiore autem, quâ cauum est, cū septimo, posteriore cum tertio connectitur, ac ita tertium

Secundum.

secundo iungitur: ac præterea inferiore latere octauum attingit, posteriore sed interno versus vnam quartum: quod quidem quartum alteri

Tertium.

ossi non committitur. Quintum superiore parte primo, posteriore sexto, ac prominenti secundi postbrachialis (vt interim quinque eius ossa constituamus) processui adhæret. At inferior eiusdem portio primum postbrachialis os,

Quartum.

quod Galenus primum articulū pollicis facit, excipit. Sextum primo, quinto, ac septimo, quâ

Quintum.

illa respicit, nititur: inferiore autem tubere in angularem postbrachialis ossium sinum inseritur, ac subinde vergit ad tertium eiusdem postbrachialis, cuius primam, & longiùs productam

Galen.

portionem sustinet. Septimū omnium ceu medium primum, secundum, sextum, atque octauum, terminos habet, cisdémque non pari ratione committitur, cum aliis firmis, aliis gibbis lateribus existat. Verum latere inferiore cū tertij, tum quarti, postbrachialis ossium portionē

Sextum.

fulcit. Demum octauum, quod est altissimum: reliquis lateribus secūdo, tertio, ac septimo co-

Septimum.

Octauum.

*Epilogus.**Brachialis ossa
obscure mouen-
tur.**Brachiale mo-
uet manum ad
latera in pronū
& supinum re-
cta.**Articuli bra-
chialis cum ra-
dio secum, &
cū postbrachia-
li qualis.
Totius brachia-
li descriptio &
usus.**Ligamentum ex
processu octavi
ossis.**Brachiale exte-
rius quale &
inter tale.*

pulatur: at inferiore parte basim præstat quar-
to, & quinto postbrachialis ossibus, quibuscum
idem coarticulatur. Atque hi sunt veluti qui-
dam termini, quibus brachialis ossa discernun-
tur, ac etiam cum inter se, tum verò cum aliis
vniuntur. Brachialis ossa motu non carent, ta-
met si nullus iis adest musculus peculiaris eorū
motus auctor: & ob id obscurus censetur, ac
sensus nostros omnino latet. Totius verò bra-
chialis motus in agendo extremā manum, tum
ad latera, tum in pronum, atque supinum rectā
consumitur. Huic edendo motui præstò sunt
musculi, de quibus loco agetur suo. Quamobrē
dicimus Brachialis ossa cū radio per Diarthro-
sim secū inuicem, per Synarthrosim cum post-
brachialis ossib⁹, partim per Synarthrosim, par-
tim verò per Diarthrosim esse coniuncta. Cæte-
rūm brachiale parte interiore latum, ac profun-
dum sinum habet, quo excipit non paruos mu-
sculorum tendines in digitorum articulos inse-
rendos: ibique claudit, ac ne defluant quodam
modo continet validum ligamentum, quod ex
processu longo octavi ossis producitur, ac in la-
tiusculum quinti ossis portionem è regione illi
positam inseritur. Hic autem processus intror-
sum pendet, ut ad hoc veluti munus paratum
sefe ostendat. At exterior brachialis pars tendi-
nibus quidem substrata est ad digitos extrinse-
cus adeuntibus, nihilominus gibba est, neque
cavitatem vllam insignem præ se fert, quando
illi

illi ipsi tendines cùm longè minores interioribus existant, minus quoque spatij occupare debuerūt: ac praeterea decuit externam regionem in circularem formam diduci, internam verò in planum redigi. Veruntamen ab extrinseca brachialis regione prodeunt quatuor ligamenta, quæ dictos tendines vinciunt, ac in sua sede continent: de quibus alibi dicemus. Scire licet hæc ossicula, quamuis exigua sint, ac dura: non tamen solida prorsus existere: cauernulas enim intus habent medulla oppletas, inter quæ durissimum, ac penè solidum est, quod quarto loco numeratum fuit: cui addendum existimo, quod Gal. asseruit, nimirum ossiculum id sinu quodam esse præditum, in quem immitteretur processus ille styloides ab vlnæ capite productus: de quo superiore capite mentionem fecimus. Sed hoc in humanis locum minimè habet, in quibus neque ossiculum id vllò sinu donatur, quod propè sphaericum est, neque styloides ad illud pertingit. Vtrunque tamen in simia perbellè obseruatur.

De Postbrachiali,

C A P. . X X V I.

PA R T E M, quæ cum Brachiali sequitur, & ad digitos terminatur: nos cum cæteris Anatomicis postbrachiale dicemus, quam Græci μετακάρπιον vocant, quāquam nonnullis hac voce libuit manum vniuersam brachiali excepto intelligere. Postbrachiale autem ex Gal. ac Vesalij sententia quatuor ossibus constituitur, qui-

Quatuor ligamentorū à brachiali parte extrinseca vsus.

Ossa brachialis non sunt solida.

In simia verificatur quod Gal. dicit de sinu quarti ossiculi.

μετακάρπιον id est, postbrachiale quid. Metacarpium quid aliquibus significet Postbrachiales ossa sunt quatuor Galen. & Vesal.

Primus articulus pollicis postea numerari et os brachialis.

Tractat de primo pollicis articulo hoc cap.

Primus articulus pollicis ungitur quinto os si brachialis per arthrodiam sub diarthrosi.

Quomodo refertur ad Arthrodiam sub Enarthrosi posita horum ossium articulatione. Secundum os postbrachialis.

Tertium os postbrachialis.

Quartum os postbrachialis.

bus tamen si quis adnumeret primum pollicis articulum, non incongruum fuerit: quando & illud os statim brachiali succedit, ac non minus eidem committitur, quàm faciant reliqua postbrachialis ossa, licet laxior sit huius, quàm ipsorum articulatione: ex qua item euidentialior motus editur. Verùm quicquid est, siue quinque ossa hæc, siue quatuor numerentur, nobis placet in horum explicatione tractare quoque de prima pollicis articulatione, ut ostendamus illum cum quinto brachialis osse per diarthroseos specie, quæ arthrodia dicitur, coarticulari: quanquam pro ratione ipsorum ossium, quæ parua sunt, huiusmodi articulatione ad enarthrosim referri posset. Nam quintum brachialis os ea parte sinum satis insignem habet, atque in angulum excavatum: in quem caput articuli quoquo modo oblongum, & versus anteriora protensum immittitur. Secundum postbrachialis os, quod Gal. primum est, in angularé sinum altum terminatur parte quidem superiore, qua excipit protuberantem sexti ossiculi brachialis partem: atque interim latus coniungit quinti ossis lateri, cui eo modo adhærescere videtur. Tertium in sinum definit, ac parte interna, quæ ad pollicem spectat, in processum veluti oblongum protenditur: cuius superficies affidet sexto brachialis ossi: quod reliquum est eius sinuati capit, cum septimo coniungitur. At quartum capite est quadrato, quod duobus insidet ossibus.

nam

nam cum septimi, tum etiam octauæ partem occupat : quæ iunctæ planam sedem quodammodo huic plano capiti efformant : licet intrinsecus id aliquantulum decliue fiat. Vltimum similiter caput quadratum habet: paulum tamen ad exteriora tendit, atque ad extremam vltimi brachialis ossis portionem adhærescit: atque ad hunc modum postbrachialis ossa cum brachialis ossibus componuntur. Verum infra cum digitorum articulis vno, ac eodem modo articulantur. In caput enim rotundum omnia desinunt, quo leuiter excauatam subsequentiū articulorum superficiē laxa articulatione subeunt. Ossa hæc quatuor primo pollicis excepto à capite priore intus, extrâque attenuantur ad mediam vsque regionem: inde verò crassiora fiunt, ac interna præsentī regione angularem lineam constituunt, quæ per medium secundum longitudinem ipsorum ducitur, quæ facta est pro musculorum ibi existentium ratione, quibus musculis parare etiā oportuit commodam sedem, ne vola nimia mole ad comprehendendum minus idonea redderetur. Idcirco ossa hæc hinc inde attenuata sunt, & ita intervalla non modica musculis occupanda præbuere: quorum musculorum enarrationem suo loco trademus. Ad hæc postbrachialis ossa intus sima sunt extra verò gibba, infra supràque appendicibus muniuntur: ex quibus ligamenta fluunt, quorum gratia ossa hæc inter se vtrinq̃ue necantur:

*Vltimum
postbrachialis.*

*Postbrachiale
supra cum ossibus
brachialis
infra cum articulo
digitorum
iungitur.*

*Descriptio quatuor ossium postbrachialis pollicis excepto.
Linea angularis
visus.*

*Cur ossa postbrachialis sint
attenuata hinc
inde interna
parte.*

*Figura ossium
postbrachialis.*

*Appendicibus
ossium postbrachialis
visus.*

intus quoque cavitatem nō paruam, & medulla refertam habent.

De Digitu, CAP. XXVII.

SUPEREST vt de digitis iam dicamus: vt tandem absoluta ossium manus fabrica tradatur. Digitorum ossa quindecim illi numerabant, qui primum pollicis articulum à postbrachiali disiungūt, singulis digitis terna internodia tribuentes: qui verò eundem inter postbrachialis ossa recēsent, sicuti nos fecimus, duobus tantum articulis pollicem donāt, atq; quatuordecim solummodo statuunt digitorū ossa: vt interim ungues missi fiant, quos in tractatum de cartilaginibus coniiciemus: atque etiam sesamina ossicula, quibus postremum caput dedicauimus. Ossa igitur digitos constituentia substantia dura sunt: vt innumeris functionibus, quibus manus parata esse debuit, prompta & absq; noxa vteretur. Non prorsus tamen solida sunt, quemadmodum Galeno placuit: cum non minus insignem cavitatem habeant, quàm diximus inesse in postbrachialis ossibus qua cavitare simiarum quoque digitorum ossa minime destituuntur, & quam in leonibus ipsis adnotauimus. Galenus verò solam ipsorum paruitatem considerans solida esse certò putauit: neque articulum aliquem fregit, vt periculum faceret, an internus sinus adesset, in quo medulla seruaretur. Ex his alia sunt longiora, alia breuiora: quædam crassiora, quædam etiam tenuiora

Ossa digitorum quibus quindecim sint, & quibus quatuordecim.

De ungibus tractabitur libro de cartilaginibus.

De sesaminis hoc lib. cap. ultimo.

Digitorum substantia qualis, & curtalus.

Ossa digitorum non sunt solida contra Gal.

Ossa digitorum in simiis & leonibus cavitatem habent.

Quid Gal. decepit in substantia ossium indicanda.

Differentia ossium digitorum.

nuiora conspiciuntur, pro digitorum, articulo-
rumque ratione : nam digitis crassioribus cras-
siora quoque ossa meritò obtigerunt : atq; etiã
quò lōgiore iidem, aut breuiores sunt, eò bre-
uioribus, longioribúsue ossibus donātur. Simi-
liter articuli primi maiores sunt secundis, secun-
di verò tertiis, tertij autem omniū minimi sunt.
Præterea ossa hæc duplici forma sunt prædita:
in quarum altera articuli omnes conueniunt,
alteram verò, & multum priori dissimilem, sibi
tamen communem articuli vltimi obtinēt. Et-
enim horū ossa ceteris sunt depressiora. Cúmq;
initio latiuscula sint, quò magis progrediuntur,
eò magis attenuantur, angustioraq; fiunt : do-
nec ceruicem superposito capitulo, in quod de-
sinunt, præparent : id autem capitulum longū,
ac rotundum vnà existit, verū primus pollicis
articulus, itémq; primus, & secundus aliorum
digitorum, initium ac finem crassius habent,
quasi duobus extremis capitibus cōstent, quo-
rum superius maius est inferiore : at in toto de-
ductu, qui à priore ad alterum fit caput, semper
tenuiora redduntur. Iam verò ossa exteriùs cur-
ua sunt, ac teretia, sed interna regione plana, &
quodammodo sima : neque id temerè factum,
siquidem interna veluti cauitate opus erat, cui
superstrati esse debuerunt tendines nō exigui,
ac rotundi, qui & magnitudine, & rotundita-
te sua cuiusmodi planitiem implēt, atque eo mo-
do teretem digitorum formam faciunt: alioqui

*Forma ossium
digitorum.*

*Ossa digitorum
desinunt in ca-
pitulum.*

*Cur ossa digito-
rum interna re-
gione sint pla-
na.*

*Cur digiti sint
teretes & pla-
ni interna re-
gione.*

*Cur ossa digito-
rum extra sint
curua & tere-
sia.*

*Ortus ligamen-
torum ex lineis
quæ sunt in in-
terna regione.*

*De articulatio-
ne digitorum.*

Gal. error.

*Ossa digitorum
iunguntur cum
postbrachiali
per Enarthro-
sim.*

*Articulationis
digitorum ratio.*

*Vesalii error
confutatur.*

nimia moles indidem extuberasset, illósque mi-
nus idoneos ad apprehédendū reddidisset: præ-
terquam quòd nō æquè commodè suis sedibus
tendines, eò porrecti adhæsisserent, sed in hanc,
atque illam partem potius declinassent, siqui-
dem gibba fuisset interna hæc digitorum regio.
Secus autem in externa contingit: nā illuc mē-
branę ritu tendines subtilissimi producuntur:
propterea curua, & teres esse debuit, vt digi-
torum quam præ se ferunt venustatati consulere-
tur. Interna item regione notabis lineas quas-
dam vtrinque per longitudinem ductas, vnde
ligamenta ortum habent, quæ iam commemo-
ratos tendines complectuntur, vt firmiùs in sua
sede maneant. Et hæc quo ad ossium digitorum
figuram. Porro sic illa articulantur, vt alia sus-
cipiant tantum: alia tum suscipiant tum susci-
pianur: vt obiter colligamus veram non esse
Galení sententiam, cū voluit prioris ossis ca-
put in subsequenti sinu semper inseri. Nam
prima digitorum ossa supernè per enarthrosim
cum postbrachiali iunguntur: etenim ipsorum
capita sinuata sunt, & cartilagine incrustata,
quibus rotunda postbrachialis ossiū capita suc-
cedunt: quo articulationis genere faciliè præsta-
tur, vt digiti in omnes partes moueri possint:
necnon etiam circularem motum edere, quan-
quam Vesalius minimè concedit: at leui opera
quolibet experiri potest, si digitum circulari li-
nea circini more obducatur. Inferiore parte duo
paruula

paruula capita vtrinque; prominent angulari quodam sinu illa dirimente. Hunc sinum media sequentis ossis capitis portio protuberans subit: capita verò in illius sinus vtrinque excultos inferuntur. Quò fit, vt hæc internodia & suscipiantur, & suscipiant, cum priora duntaxat susciperent. Illum ideo articulum ad enarthrosim retulimus, hunc verò ad ginglymum, quod articulationis genus in aliis pariter internodiis obseruabis, quæ omnia cartilagine sua infarciuntur: vt quouis momento prompta, & lubrica magis in edendo motu articulatio reddatur. Ad hæc digitorum ossa suis vtrinque appendicibus munita sunt, exceptis vltimis, quorum pars inferior cum articulatione non egeat, neque egiuit appendice: cuius tamen superficiem ungues ipsi obtegunt. Horum ossium, simul etiam digitorum vius, præterea cur ex tot, tamque variis articulis constructi fuerint: neque ex pluribus, paucioribusue, aut alius modi constare potuerint, longum esset recensere: quæ tamen si quis nosse velit, Galenum legat primo & secundo de Part. vsu, ad amussim hæc multa cum admiratione tractantem. Illud verò obiter scias eiusmodi ossa talem inter se structuræ portionem adepta esse: vt licet, alia breuiora, alia sint longiora: ad rectam tamen lineam, & æqualem digiti omnes perducuntur: cum ad aliquod sphericum apprehendendum mutuam operam conferunt.

Quæ internodia per enarthrosim, & quid per ginglymum articulantur.

Cur internodia sint cartilagine obducta.

Quæ ossa digitorum appendicem habeant, & quæ non erunt.

Ungues quid faciant.

Galen. primo & secundo de Vsu Part. docet exacte constructionem & usum digitorum.
Gal. laus.

Digiti licet inæquales coeunt tamen cum aliquod sphericum est apprehendendum.

De ilium Offe. CAP. XXVIII.

Os illud, quod transuersis sacri ossis processibus committitur, et si vnicum in adultis esse videatur, cum id nulla linea interfecet: perinde tamen censetur, ac si triplici ex osse constaret. Constare autem cernitur in pueris, & iuuenibus triplici linea cartilagine oppleta illa tunc distinguente: ea propter tres in partes diuidi solet, triaque diuersa nomina sortiri: nam suprema eius pars omnium latissima, quæ cum sacro coniungitur, ilium os ab omnibus appellatur: anterior, quæ & ipsa lata, minus tamen quàm superior, ac vtrinque foramen amplum habet, pubis os vocatur: quæ verò media, & angustior quidem, sed crassior, & extrinsecus in magnū, ac profundum sinum excisa, coxendicis os dicitur. Duo autem sunt huiusmodi ossa singula scilicet vtrinq;: quæ quanquam sacro apposita sunt, dorsi tamen scapulæ vsui proportionem videntur respondere. Hæc enim femur non aliter, atque ille humerum, excipiunt, nec non etiam variam musculorum originem, insertionemq;. Verum sacro iuncta vniuersæ ossium cōpago per necessariam illam basim suggerunt, de qua capite de sacro osse loquuti sumus: nā cum hæc perpetuò maneant, ac nullo vnquam motu sint prædita, circa ipsa reliqua omnia moueri iure optimo debuere: id quod faciliè attestari possumus, cum videamus superiorum partium, ac inferiorū motus sigillatim percurrentes omnes,

Idem os in pueris & iuuenibus triplex videtur, in aliū vnum.

Os ilium quid vocetur.

Os pubis quid vocet.

Os coxendicis quid vocetur. Vfus ilij, pubis, & coxendicis.

Basis ossium.

Tria ossa quæ cum sacro committuntur non mouentur, sed alia circa ipsa.

nes tãdem in hæc ossa veluti ad centrum quod-
dam terminari. Enimuero ilium ossa ita ipsi sa-
cro committuntur, atque adeò pertinaciter in-
hærent, vt connata prorsus esse videantur: &
nos adhuc ostendere sacri ossis compagem pos-
sumus, quam domi data opera diligenter in stu-
diosorum gratiam asseruamus: cui sinistrum i-
lium os vsque adeò connatum est, vt nulla ra-
tione diuelli possit: eadem quoq; inter se parte
antere vniuntur, ac pleuis imaginem elegan-
tissimè conformant, quæ vtero, vesicæ, ac inte-
stinis tutiùs continendis à natura parata est. At
que hos potissimùm vsus ilium ossa præstant, a-
liis interim omissis, quos opportuniùs alibi re-
censebimus. Horum ossium figura varia est, si-
quidem parte posteriore lata sunt, duobùsq; la-
tis sinibus insignita, in quos tamen curuari po-
tiùs, quàm excindi videntur: quando videre est
partes ab altero latere hisce sinibus oppositas
protuberare, ac gibbas fieri, vbi multæ asperita-
tes visuntur, extrinsecus præsertim musculorũ
nexibus percõmodè seruientes. Huius partis su-
prema regio semicirculari linea obducitur: quæ
secundũ totã sui circumferentiã appendice mu-
niture: cuius sedes quoniã aliquantũ extrà præomi-
net, ideo spina dicta fuit: ab hac præcipuè liga-
mẽta fluunt, & eorũ musculorũ exortus, qui na-
tes constituunt, deorsumque in femur, ac tibiã,
& etiã sursum ad thoracem, ac dorsum ferun-
tur. Quatenus autem cũ ossẽ sacro copulantur,

*Ilium ita sacro
hæret, vt con-
natũ videatur.*

*Ossa ilium pel-
ui similia.*

Iliorum vsus.

Iliorum figura.

*Asperitarum
in Iliũ vsus.*

*Superioris par-
tis ilij descrip-
tio.*

*Spina in Iliũ
quid & eius
vsus.*

*Natura indu-
stra in contun-
dione iliorum
cum sacro.*

natura mutuum ipsorum congressum excogi-
tauit, vt is validior, ac pertinacior foret. Quam-
obrem transuersi sacri processus sinibus partim
amplis, ac profundis, partim etiam leuibus ex-
cisi sunt, inter quos extuberant partes. Similiter
ilium ossa & sinus, & tubera præ se ferunt. Ho-
rum ergo sinus sacri tubera excipiunt: eminen-
tes autem partes illius pariter sinus ingrediun-
tur, quam unionem intercedens levis cartilago
glutinis modo continet. quæ quanquam eodem
habet modo, quo solet, cum ossa ginglymo arti-
culantur: cum tamen nullus ex ea motus profi-
ciscatur, symphyssi magis subiiciemus: & hæc
est partis superioris descriptio. Quæ autem ab ea
versus anteriora discedit, mediūque ossis spa-
tium occupat, cui nomen os coxendicis inditū
est, crassissima facta fuit, vt commodè sinus il-
le amplius, ac profundus fingeretur, in quem im-
mittitur longum, ac rotundum femoris caput:
ideo sinus iste acetabulum nuncupatur, qui ta-
men cum non adeo profundus esse potuerit, vt
plenè femoris caput contineret: cartilaginem
eo modo adiacere oportuit, quo adhibita est,
vbi humerus cum scapula coniungendus fuit:
sinus iste non solum partem coxendicis, verum
& ilij, & pubis occupat. Nam præter eam car-
tilaginem, quæ crustæ ritu circumdatur tam fe-
moris capiti, quam acetabulo: exurgit ex labris
ipsius sinus crassa quædam, & circularis carti-
lago, quæ acetabuli capacitatem auget, atque
ita

*Cartilago gluti-
ni modo.*

*Cur ad symphy-
sim potius qua
ad Ginglymon
redigenda sit
compositio ilij
cum sacro.
Coxendicis de-
scriptio.*

*Cur crassissi-
mum.
Vbi coxendicis
acetabula.*

*Cartilago ve-
stiens acetabu-
lum.*

*Articulatio fe-
moris cum co-
xendice propor-
tione respondet
articulo hume-
ri cum scapula.*

ita complectitur altum femoris caput, vt ne de sua sede egredi, luxariue tam facile possit: atque vt huiusmodi capitis insertio firmitus in eodem acetabulo resideat, è medio eius incrustatæ appendicis teres, ac validum ligamentum nascitur, quod in medio sinu figitur, sicque articulationem hanc alioqui laxam maximoperè colligat, continéque. Pars inferior, quæ ilium, coxendicisque os intersidet, ingenti sinu donatur, qui ad vtrunque latus patens, & peruius, ac infernè abruptus dehiscit: atque hic vtriusque ossis communis esse videtur, quem ideo paratum animaduertimus, quòd illac pateat aditus pluribus, nec exiguis neruorum furculis à spinali medulla per sacri ossis foramina profluentibus: qui non inde procul in vnum coeunt neruum omnium nostri corporis neruorum maximum, qui per penitissimos femoris musculos delatus ad crus disseminatur, sicut alibi ostendimus. Ab hoc sinu cùm recesseris versus anteriora, exurgit processus quidam acutus: vnde ligamentum prodit in sacrum os inferendum, paratum vt claudat anum, atque neruum illum maximum, de quo paulò antè diximus. Præter hunc processum iuxta coxendicis basim alter adest sinus, latus quidem, sed humilior, ac rimis quibusdam intersectus, cui inhærent tendines quatuor in suo ipsorum musculo, tanquam in crumena recòditi: qui tandè in vnum coeunt in femur inferendū. Inferior coxendicis

Acetabuli descriptio.

Cartilago circumlatis augens acetabulum & cur.

Ligamenti in acetabulo situm & vsus.

Sinus inter ilium & coxendicem.

Sinus vsus.

Nervi maximus & iter.

Processus acutus.

Sinus iuxta basim coxendicis vsus.

Tendines quatuor contenti in suo musculo, tanquam in crumena.

*Cur craſſiſſima
ſit pars inferior
coxendicis.*

*Cur baſis coxen
dicis habeat ap
pendicem.*

*De oſſibus pu
bi.*

Foramē pubis.

*Quomodo os
dextrum pubis
cum ſiniſtro
iungatur.*

*Oſſa pubis in
partu dehiſcere
ridiculum eſt
dictū.*

*Oſ coccygū in
partu retrahi
tur.*

*In oſſe pubis di
ſſerunt maris a
ſæminis.*

*Quomodo di
ſtinguantur oſ
ſa pubis ſæmi
nis a maribus.*

portio craſſiſſima eſt, quā baſim propterea pau
lò antè nuncupauimus. Hæc vna ex omnibus
coxendicis oſſis partibus appendice donatur,
vnde tres muſculi tibiā flexcentes enaſcūtur.
Super eſt nunc, vt anteriorem partem, quæ os
pubis nominatur, abſoluamus. Ergo pubis oſ
ſa ſuprà, infrāque tenuiora ſunt cæteris: quò
autem magis ad medium accedunt, eò magis
attenuantur, vſque dum in ampliſſimum fora
men deſinunt: ſupernè iunguntur, ac dextrum
cum ſiniſtro multæ cartilaginis interuentu co
aeleſcit: quem nexum adeò tenacem, ac ſoli
dum offendimus, vt diffiſſimum ſit cultro,
aut ſcapello abſcindere. Propterea riſu magis,
quàm reprehensione dignam illorum ſenten
tiam iudicamus, qui proferre in vulgus non
verentur, oſſa hæc in partu laxari, atque dehi
ſcere, vt faciliùs exeat fœtus. Nulla enim ratio
ne dimoueri poſſunt: tantùm abeſt vt laxiter a
periantur: verum autem id eſt de coccygis oſſe,
ſicuti ſuprà ſuo loco dictum fuit. Illud enim
certum eſt retrahi, ac eo modo parientibus nō
parum auxiliari: neq; de hac re ambigere quiſ
quam debet, quando vtrunque facili experimē
to comprobare licet, ſi tactus adhibeatur. Por
rò ſcitu dignum eſt, oſſa hæc in maribus nō ita
ampliter produci, vt in mulieribus, in quibus
latius hæc patent, & capaciōra multò ſunt, &
quam diximus peluis ſimilitudinem tenere.
Animaduertendūque eſt hinc faciliè discerni
poſſe

posse fœminarum ossa à virorum ossibus. Horum enim suprâ, infrâque strictiora, angustiora que sunt, illarum verò ampliora: vt faciliùs credatur ossa pubis minimè dilatari, quando si aperiri possent, frustrâ ipsa natura differentiam hanc constituisset, vt latius hæc, quàm illa parent. Cæterùm ab ea, quæ fit per cartilaginem coniunctione, quò magis deorsum tendunt, eò etiam magis, ac magis disiunguntur: vt vacuum ibi sedem subsistentibus testibus, ac peni relinquunt. Ex superiore parte, qua ossa pubis coniunguntur, quâque aspera sunt, ac gemino tuberculo abundant: exoriuntur tum recti abdominis musculi, tum etiam illi, qui ad femur, tibiamque deferuntur. Nec non illuc inseruntur abdominis musculi obliquè descendentes, inferiore verò, quæ munitur appendice, producuntur musculi penem sustinètes, cuius corpus statim sub ipsa ossium vnione affigitur. At foramen illud, quod in medio est amplissimum, leuitatis potius, quàm alijs rationis gratia factum implent duo musculi internus, atque externus, qui deorsum tendunt, & in femur implantantur, eius circummagendi munere fungètes: inter quos media est membrana non levis, & foramen identidem obturans, & alterum muscolum ab altero distinguens. Per huiusmodi foramen Anatomici imperiti putant seminaria vasa ad testes descendere: sed falluntur, quando illa musculum abdominis perforant, ac super hæc ossa ferunt.

Ossa pubis non dilatari.

Cur ossa pubis deorsum disjunguntur.

Qui muscoli ex superiore parte pubis oriuntur.

Pubis inferior pars appendicem habet.

Situs & origo musculorum sustinentium penem.

Foramen in medio ossium pubis factum.

Membrana inter musculos circum agentes feruntur.

Error anatomicorum de usu foraminis pubis.

*Iter vasorum
feminatiorum.*

*Sinus vasorum
feminalium nō
est in ossibus pu-
bū mulierum.
Substantia os-
sium quæ com-
mittuntur cum
sacro quali.
Foramina pro
nutrimenti de-
latione.*

tur, ubi sinus quidā obliquè declivis adest, per quem demittuntur simul tam deferentia, quàm præparantia vasa: qui sinus in mulieribus non reperitur: & hæc potissimum differētia ossa mulierum à virorum distinguuntur. Atq; ad hunc modum se habent ossa, quæ cum sacro committuntur, quorum substantia non multum ab ipso sacro diversa est: fungosa enim plurimum sunt, nec nimis dura, foraminibus crebris referta, per quæ nutrimentum allatura vasa perducuntur.

De Femore.

CAP. XXIX.

*Homo & Simia
habent os femo-
ris minus aliis
ossibus.*

*Femur est bre-
vius tibia in a-
liis animalibus
ab homine &
Simia.*

*Femur in ani-
malibus iuxta
clunes.*

*In animalibus
quod vulgo fe-
mur creditur
est tibia.*

*Aristotelis er-
ror, qui ponit
humerum loco
cubiti.*

*Aristotelis er-
ror existimāti
aves catere fe-
more.*

*In avibus ubi
sit femur.*

*Cur in omnibus
fere quadrupe-
dibus femur est
brevius tibia.*

FEMORIS os tum humanum, tum etiam simiarum reliqua ossa omnia magnitudine superat. Cætera verò animantia femur ipsum brevius multò quàm tibiā habent, in qua fortasse nonnulli decepti sunt, existimantes in brutis femur illud esse, quod extra primum articulum constituit, neque considerarunt id ipsum in animalibus iuxta clunes latitare. Ea verò pars quæ primò sese exerit, non femoris est os, sed tibiā. In quo item errore versatus est Aristoteles, qui non contentus cubiti loco humerum ponere, sicuti suprà etiam capite de Humero diximus, propriam & femoris, & tibiā sedem ignorasse, palam fassus est: quando asserere non dubitavit, aves femore destitutas esse, quod omnino falsum est: siquidem illæ femur habent, verum id delitescit, quemadmodum in omnibus ferè quadrupedibus, in quibus brevius esse oportuit, cum longius situs, in quo residet, minime

nimè patiatur: secus autem in simia, hominèq;
contingit. Propterea os tibiæ & his duobus fe-
moris, & cæteris ossibus longè maius existit, il-
lud suprà cum osse coxendicis, ilij, pubis: infra
verò cum tibia articulatur, cuius figura longa
est, & teres, at non vsquequaque recta. nam me-
dia propè regione curuatur, anteriore quidem
gibbum, posteriore autem, ac exteriorè simum,
superne in caput crassum, rotundum, & cartila-
gine incrustatum desinit, longiorem ceruicem
obtinens, quæ sursum altè protenditur ad inte-
riora plurimum incumbens. Caput autem huius
prepositum ceruici ab orbiculari appendice fe-
rè totum efformatur, & coxendicis acetabulum
subit: que articulatio validissima esse debuit,
propter immensum pondus, quod femori susti-
nendum fuit, Idcirco natura non modò altio-
rem insertionem effinxit, & cum profundo a-
cetabulo cartilaginem composuit, vt ipsum ad-
auctum, altiùsque redditum femoris caput faci-
lius susciperet: verumetiam teretem, ac robu-
stam copulam parauit, quæ è sinu quodam non
leui in medio penè capitis vertice, magis tamen
versus interiora produxit: atque id in aceta-
buli fundum immittendum curauit vinculi, ac
firmamenti validioris gratia. Quæ cum ita ha-
beant, eos refellere merito possumus, qui huius
articuli luxationem minus integram putantes,
notham illam, mentitamq; vocarunt: cum per-
fecta, veràquæ sit, in qua sæpenuerò accidere

*Cur homo &
Simia habeant
femur maius
tibia.*

*Femur cum qui-
bus articuletur
Femoris figura.*

Ceruix.

Caput.

*Cur articulus fe-
moris cum co-
xendice sit va-
lidissimus.*

*Cartilago vestit
profundum ace-
tabuli coxendi-
cis.*

*Ligamentum fe-
moris cum ace-
tabulo quale.*

*Luxatio articu-
li femoris cum
acetabulo legi-
tima est contra
quosdam.*

*Cui difficile re-
stituitur luxa-
tio articuli se-
mori.*

*Processus femo-
ri in super na-
tis videntur ap-
pendices.*

*Processuum fe-
moris descri-
ptio.*

*τλατὸν quid.
τροκαντήρις
quid.
Processuum fe-
moris utilitas.*

*Processus femo-
ri quomodo
iungantur.
Unde femur
iuvet.*

*Quid efficiat
cap. interiora
femori.*

solet, ut ligamentum illud laxius, & prolixius fiat, unde restitutio difficilis admodum redditur. Ab ipsa ceruice statim os istud in portionem quandam latiusculam descendit, ex qua processus duo veluti nodi educuntur, qui in nuper natis appendicum naturam tenent, cum facile diuellantur. Temporis autem progressu ita cohaerent, & cum partibus unde prominent, confunduntur: ut ne signum quidem appendicum ostendant. Itaque femoris processus numerantur, qui ad posteriora magis vergunt: alter tamen altero superior est. Superior extrorsum spectat, & maior existit, inferior vero longe minor est, ac in interna sede potius: maiorem quidem Græci dixerunt: ambos vero τροκαντήρας, quasi rotatores dixeris, cum videlicet rotando femori facti esse videantur. Etenim eorum musculorum insertionem admittunt, quorum opera femur tum extrorsum flectitur, tum circumagitur: quanquam præterea octavo musculo tibiam flectenti originem suppeditent. Parte posteriore linea quædam eminens ab externo ad internum ducta hos ipsos processus simul iungit: hinc femoris os teretem formam sumit. Cumque medianam regionem transierit, crassum magis efficitur, quod magis descendit: necnon etiam dilatatur, atque intorsum magis deprimatur, ac tandem in duo magna capita exit: aspera illa quidem extrinsecus, at in superficie lævia, læui quodammodo crusta peruncta, quæ magnam appendi-

appendicis interuentu constituuntur. Non par-
uus (inquit Galenus) sed ingens quidā, ac pro-
fundus sinus, & asper, capita ista, parte postero
re non exiguo interuallo disiungit: parte item
anteriorē sinum leuiter depressum communem
habent, cui innititur os quoddam orbiculare,
quod Molam nominant, de quo suo loco dice-
tur. Hæc capita à se prorsus inuicem differunt:
nam interior crassius est, exterior autem latius,
ac depressum magis, idque vt ne ambo cum ti-
bia æqualiter inarticularentur, atque obliquus
motus edi posset, cū tibia præsertim ad exte-
riorā flectenda veniret: cui motui destinatus
est musculus sub poplite delitescens, qui ab ex-
terno iam commemorato capite nascitur, ex-
trinsecus scilicet versus posteriora, vbi pars quæ-
dam inest aspera, & sinulis quibusdam impres-
sa. Atque hæc diligenter intuearis Lector opti-
me; nam huius musculi munus non satis rectè
perpendit Vesalius, cū minimè nosse posset,
quomodo tibia in obliquum adduceretur: iam
verò femur infra cum tibia per Ginglymum cō-
ponitur. superius enim tibiæ caput duobus sini-
bus refertum est, inter quos educitur tuber e-
minens. Capita verò infimi femoris tibiæ sini-
bus inhaerent: at eiusdem femoris posterior si-
nus mediam portionem tibiæ eminentiorē ex-
cipit, vnde fluit ligamentum validum, quo ar-
ctissimè femur cum tibia colligatur, non secus
ac superiore articulo fiebat, vbi per Enarthro-

*Galen. de vima
in femore.*

*Vesalius decipi-
tur in musculo
flectente tibiā
ad exteriora.*

*Femur compo-
nitur cum tibia
infra per gingly-
mon.*

*Origo ligamēti
femoris cum ti-
bia infra.*

Femur copulatur coxædici per enarthrosim.

Cur ligamentū femoris supra infraque sit dignum annotatione.

De ligamentū priuatim ager.

Linea quæ est in posteriore femore delinatio.

Octauus musculus femoris est omnium maximus.

Quomodo recti femur.

Asperitates ab insertione musculorum.

Femoris usus.

Cur cauitas femoris sit magna. Vena.

sim femur coxædici committitur eo, quo, supra diximus modo. Hoc autem ligamentum teres, quo femur supra infraque insignitur, articuli detinendi gratia, in aliis articulationibus minimè reperitur. Idcirco obseruatione dignum est: neque enim ob id hisce defunt eommunia cæteris ligamenta, quæ extrinsecus obducta partes coherentes inuestiunt, & vndique colligant: sed de his priuatim agemus. Præterea notanda est linea quædam insignis, multumque aspera, quæ in posteriore femoris regione prominet, nec procul ab interno rotatore incipit, ac per longitudinem eiusdè regionis defertur: deinde ultra medium in duas partes scindi, & eaput vtrunque petere videtur, sed ad externum euidentius terminatur. Huic lineæ inseritur, ac tenaciter adhærescit octauus femoris musculus omnium nostri corporis maximus, cuius beneficio recti stamus. Aliæ nihilominus ibi adsunt asperitates, ac nonnullæ etiam impressiones, musculorum tantum occasione fabrefactæ, ut suo loco patebit, vbi musculi tam femur, quam tibiā mouentes describentur: femur & sistimus, cum recti stamus, & quaque versum agimus: nullum enim motionis genus illius cum coxendice articulatione excludit, quemadmodum in seipso quicunque experiri facile potest. Os id amplissimum siuum habet intus, quod leuius sit, & medullam multam pro nutrimento seruet. Huc scilicet pertingunt venæ per summam, imamque

præ-

præsertim ipsius ossis partem plurimis locis perforatâ. De femore satis: nunc de tibia, fibulâq;.

De Tibia, CAP. XXX.

QUEMADMODVM inter humerum, ac summam manû ossa duo descripsimus, quæ iuncta cubitum constituebant: ita à femoris osse ad extremum pedem regio duplici osse constructa pertinet: quæ modò tibiæ, modò cruris nomine donatur. Alterum os, quod maius est, totius nomine tibiam nuncupamus: alterum verò longè gracilius quandoq; suram, quandoque fibulam vocamus. Tibiam Græci *κνήμην*, fibulam verò *περόνην* appellât. Tibia ea magnitudine prædita est, vt vel humerum superet, quem tamen Galenus omnium ossium maximum, excepto femore, credidit. Hæc infra, superâque appendicem habet: superior ipsius pars latior est, & crassior: duos sinus leuiter inque superficie sortita est, inter quos currit tuberculum quoddam prominens atque asperum. Hisce sinibus excipiuntur ima femoris capita, in quibus ne incommodiùs insiderent, cum præsertim depressiores sint, quàm capitum altitudini cōueniat. Natura præter cartilagineam crustam vtrique sinui affixam, alteram apposuit mobilem: cuius figura lunam imitatur, & nostrum C similitudine refert, nitidè ac circa sinuum oras crassior: quò verò introrsum magis centrum recipitur, eò tenuior semper fit, prius quidem desinēs, quàm centrū attingat: ita sinuū

Tibia & fibula proportionē respondent cubito & radio.

Tibia idē quod crur.

Cruris os maius tibia quoque dicitur.

Fibula est os gracilius cruris. Idem sura & fibula κνήμην περόνην.

Tibia est maior humero.

Humerus non est maior tibia contra Gal.

Femur reliqua ossa magnitudine excedit.

Tibia habet appendicē vtriusque.

Sinus.

Tuberculum.

Sinuum vsus.

Crusta cartilaginea.

Cartilaginius lunare figura & vsus.

profunditatem maiorem relinquit: ad quam augenda potissimum facta esse videtur: quanquam quod lubrica est, lævis, mollis, & vinctuosæ humiditatis plena, ligamenti vice fungitur, & articuli mobilitatem plurimum adiuuat. Accedit etiam non minus firmandi huius articuli adiumentum. Nam id tuber, quod è media tibiæ superficie emergere, & alterum sinum ab altero dirimere conspiciamus: in amplum sinum immittitur, qui partem posteriorem vtriusque femoris capitis intercipit, ibique valido ligamento vincitur: quod ligamentum ex tuberis apice prodit, & in medio sinu impensè admodum infigitur, atque ita articulus omni ex parte probe munitus in sua sede continetur. A superiore hac parte deorsum procedens tibia sensim attenuatur longioribus lineis, ac sinibus variis distincta ita ut triangularem formam imitetur: at oblique tendit, ac tribus præcipue partibus incuruatur, perspicue cedens musculis illac descendentibus. Ibidem extrinsecus versus posteriora iacet sinus quidam lævis, & cartilagine obductus, cui adiacet internæ fibulæ capitis portio, itaque supernè fibula tibiæ agglutinatur. Educitur præterea è media posterioris partis summitate sinus declivis, quæ transeunt vena, arteria, & nervus, ac deorsum feruntur: verum antrorsum non procul à summæ appendicis fine, extat eminentia quædam horrida musculorum in primis insertionem admittens tibiam extendentium.

Cartilago lunata ligamenti vicem gerit in tibia.

Quomodo articulo tibiæ cum femore robur datur.

Tibia deorsum versus triangulum imitatur. Cur tibia tribus præcipue partibus incuruetur.

Quomodo fibula tibiæ agglutinetur.

Sinus vasa excipiens.

Musculorum tibiæ extendentium insertio.

tium. Inde verò producta linea in media regione acuta prominet, veluti cultri aciem effingēs, propterea quibusdam spina vocata est. Hinc tibiæ latus internum excarnē deprehenditur, i-circo regio hæc crea dicta fuit contrario sensu, cū locus ille omni prorsus carne sit denudatus: alia autem tibiæ latera, maximēque posterius multa carne opplentur. Secunda item linea quæ fibulæ subest, illique è regione respondet, ideo facta est, vt ex ea ligamentum producat-ur, quo fibula cum tibia cōnectitur, ac interim anteriores muscoli à posterioribus seiungūtur. Inferior tibiæ pars rursū crassescit, & in caput desinit, quod superiore minus est, verū in superficie vnico, amplōque sinu excisum, qui sua cartilagine obducitur, & tali insertionem suscipit. Huius capitis pars interna producit-ur, ac in processum crassiusculū euadit, qui sinui iam commemorato prominet, ac talum sinui inhærentem claudit: qui cū alterā in partem protrudi, & è sua sede dimoueri posset, alterū processum postulauit, quem tamen externæ tibiæ regio capere non potuit: quando in ea cælari debebat sinus oblongus sensim latescens, & in duo supercilia desinens, quem subiret, cūque incumberet extrema fibulæ portio. Quod igitur tibia præstare non potuit, fibulam eam sedem occupantem præstare oportuit: quamobrem eius caput in acutum tendens, tantò declin-ius tibiæ ossē descendit, quantum tibiæ caput

*Spina tibiæ
quid.*

*Circa quæ pars
tibiæ, & cur di-
cta.*

*Ubi tibia multa
carne vestia-
tur.*

*Secunda linea
in tibia vsus.*

*Inferior tibia
describitur.*

*Vide naturæ ar-
tem miram.*

*Malleoli duo
qui internus &
qui externus.*

*Cur in luxatio-
ne malleolus in-
clinat magis ad
internum mal-
leolum, quàm
externum.
Interni malleo-
li figura & u-
sus.*

*Tali cernix ti-
biæ necitur.
De fibula.
Fibula non at-
tingit femur
suprà.*

*Arthrodia sub
Synarthrosi.*

*Asperitatum
Processuum fi-
bulæ unus.*

superius fibulam excedit. Vnde inferius fibulæ caput non aliter, quàm processus quidam, alterum tali latus comprimit. Hæc autem duo tubercula malleoli dicuntur, quorum qui à tibia promittitur, internus: qui verò à fibula prouenit, externus vocatur. Ambo hinc inde talum tibiæ inarticulatum obsident, ut neutram in partem delabi possit, adeò ut si quando huiusmodi luxatio cōtingat, ad internum magis, quàm externum malleolū talus inclinet necesse sit: quoniam externus longiùs quàm internus producit: tibiæ processus, quem modò internum malleolum vocari diximus, parte posteriore finem habet, unde ligamentum educitur, quo tali os tibiæ alligatur: cui etiam firmiùs necitando non minimum adiumentum præbet sinus ille oblongus, asper, & transversim ductus, què exigit anterior inferioris tibiæ appëdicis sedes. Etenim hinc ligamentū nascitur tali ceruicem ossi tibiæ necitens. Cæterùm fibula tibiæ nō secus inhæret, ac radiū cubito adiungi diximus: parte tamen superiore femur nusquā attingit, verùm sub tibiæ capite eo, quo suprà diximus, modo connectitur: infrà verò longum tibiæ finem subit, utriusque tamen partis structura per Arthrodiam fit, quæ sub Synarthrosi ponitur. Ambo fibulæ capita in processum acutū exeunt, quæ nonnullis asperitatibus prædita sunt, horū superius, quod est rotundius, musculorum tibiæ mouentium insertioni deseruit: inferius autem

autem, quod depressius est, ac extrinsecus gibbum magis, musculos emittit, extremo pedi famulantes. Verùm quatenus bina hæc capita finibus excipiantur, cartilagine obtenduntur. Fibula, etsi recta est, aut saltem modicè curua, plurimùm tamè ab ipsa tibia dehiscit, parte præsertim superiore. quoniam ibi tibia in sinum flectitur. In eo autem interuallo ligamentū cernes, de quo supra meminimus, fibulam, tibiāque medio spatio complectens, ac præterea ligamentum id musculos destinguit, per quos spatium illud hinc inde repletur: quorum insertioni, ac nexui maximè inseruiunt inæqualitates fibulae finibus ac lineis comparatæ: huius muneris ergò hisce pariter fit, ut fibula æquè ac tibia angularem propemodum figurā adipiscatur. Vsum horum ossium in se ipsis omnes, si experiri non pigeat, perdiscere possunt. Fibula verò in pronū ac supinum non mouetur, quòd musculis huic obeundo muneri dicatis caret. Sed tam fibula, quàm tibia intus cauitatem habet medullam asseruantem, nec foraminibus deficit.

De Patella.

C A P. XXXI.

OS quoddam genu præponitur, quod à femore, tibiāque separatam, utrique tamen communem veluti operam præstat, sicuti mox dicemus. Ideo separatim de hoc ipso osse agendum fuit post femoris ac tibiæ descriptionem, quando neque cum hoc, neque cum illo commisceri, neque etiam ante hoc, vel illud tra-

Vbi dehiscat fibula à tibia & cur.

Vsum tibiæ ac fibulae potest quilibet in se experiri.

Cur fibula in pronum & supinum non moueatur.

Fibula & tibia habent medullam in cauitate, habent & foramina.

Patella vsus communis est femori & tibiæ.

Cur tractatur de patella separatim à capite de femore & tibiæ.

- Patella nominū explicatio.* ſtari commodè potuit. Id autem eſt, quod Græci ἐπιρύνδα ſeu ἐπιρύναντι vocarunt: Latini autem patellam genu molam, vel ſcutum, vel ſcutiforme os, vel genu rotulam nominarunt. os eſt, non cartilagiноſum, ſicuti nonnullis viſum eſt, neque rurfus adeò durum, vt ſolidum exiſtimari debeat, vt alij exiſtimarunt: at ſubſtantia eſt, qualis duræ cuiuſdam appendicis, quæ tamen prona ſit, vt nutrimentum per omnes ſui partes ſuſcipiat. Verùm intrò cartilagine lubrica inuoluitur, idq; magis parte, qua femur ac tibiā reſpicit, cū altera parte muſculorum tendinibus inueſtiatur. Patella hæc facta fuit, vt tegeter femoris, & tibiæ articulum, alioqui nimis patentem, ac proniorem, vt antrorſum procūberes facillimo luxationis genere: præſtat item, vt in rectum angulum genu flecti poſſit: mobile præterea, nec pertinaciter adherens eſſe debuit, vt ne difficile articuli huius motum redderet aut longum in genu decubitū præpediret. Suis tamen ligamentis cū femoribus, tum etiam tibiæ neſtitur, quicquid alij dixerint, ſibi perſuadentes ſolis muſculorum tendinibus contineri.
- Patella utilis prima.* nam ex appēdicibus femoris, & tibiæ ligamēta naſcuntur, quibus manifeſtò molam vtrinq; vinciri planè perſpicimus, at cū femore ſolū articulatur eo modo, quē ſibi Ginglymos vindicauit.
- Patella non eſt cartilagiноſa neque ſolida.* Etenim anterior imi femoris pars in duo, vti diximus, capita deſinens in medio ſinum habet, in quem media protuberantior patellæ portio immi-
- Subſtantia patellæ qualis vere ſit.*
- Vbi inuoluitur cartilagine lubrica patella.*
- Patella habet propria ligamēta contra communem.*
- Ortus propriorū ligamentorum patellæ unde.*
- Patella articulat ſe femori per Ginglymon.*

immittitur : quem vt magis impleat , commo-
diùsque inhæreat , hinc inde & ipsa sinus natu-
ra dedit protuberantibus femoris capitibus re-
spondentes : quamobrem femur patellam exci-
pit , & ab eadem pariter excipitur . Formam
penè orbicularem nacta est : verùm in acutum
quodammodo desinit , quatenus tibiæ assidet :
propterea scuti nomine donatur : in extrema-
tibus tenuior , quò magis ad medium tendit ,
eò crassior efficitur , vbi prorsus eminet , vmbon-
némque imitatur .

*Patella figura
qualis.*

*Vbi patella est
similis vmbonæ.*

De Pedis ossibus, ac primùm de Talo.

CAPVT XXXII.

SUPEREST nunc vt extremi pedis ossa
describamus, quæ sex supra viginti sunt : vn-
de pes vno minus constat , quàm summa ma-
nus. Cæterùm in pede tres ordines similiter, ac
in manu constituere placet : idque clarioris do-
ctrinæ gratia : vt prima pars , quæ statim tibiæ,
fibulæque succedit , quæque tarsum nomina-
mus, brachiali respondeat : secunda verò , quam
pedium cū cæteris appellabimus, postbrachialis
ossibus. Tertia sit digitorum articulis destina-
ta : cū interim tamen eo solo inter se differe-
rant , quòd septem nobis erunt tarsi ossa , bra-
chialis autem octo : quo fit , vt vno eo osse , quo
brachiale tarsum superat , manum pariter ex-
tremā extremo pedi præstare dicere possimus.
Quinque verò pedij ossa , quot etiam postbra-
chialis numerabuntur : quæ itē supererūt vtro-

*Ossa pedis 26.
Manus ossium
numerus.
Tres ossiū pha-
langes in pede.
Comparantur.
tres ordines os-
sium in pede cū
tribus ordinibus
ossiū in manu.
Tarsus quid.
Tarsi & bra-
chialis conformi-
tas.
Pedij & post-
brachialis con-
formitas.
Tarsi ossa septē
Brachialis ossa
octo.
Pedij ossa
quinque.
Ossa postbra-
chialis quatuor-
que.*

*Ossa digitorum
tarsi manus et
pedis quatuor-
decim.*

*In ossibus Tarfi
differt ab aliis
anatomicis et
quomodo.*

*Prima classis
premi ossium Tar-
fi in pede respon-
det brachiali.*

*Singula Tarfi
ossa non habent
nomen.*

Talus.

Calx.

Scaphoides.

Cyboides.

*Quomodo dis-
tinguatur tria
ossa Tarfi caven-
tia nomine.*

*Idem est à-
σφαλας, à σπι-
ρι & Talus.*

Tali situs.

*Talum habent
homo et ani-
malia pede mu-
tistido.*

*Aristoteles de-
cipitur in Talo.*

bique, in digitorum articulos quatuordecim di-
stinguuntur. Neque video cur à tarfi ossibus tria
illa priora sciungi debeant, sicuti ab aliis Ana-
tomicis factum fuit fatentibus quatuor poste-
riora, quæ sola tarfi appellatione dignantur, ad
brachiale tantum referri oportere, tribus primis
absque relatione designatis. Per me itaque sem-
per licebit cum hæc tria, tum etiam quatuor se-
quentia tarfi vocabulo complecti: ut cum à ti-
bia, suraque recesserimus, descendentes protinus
ad unam ossium compagem, veluti classem de-
ueniamus, quam brachiali comparemus, quod
quidem post cubitum, unamque nobis occur-
rit. Verum hæc tarfi ossa singula peculiari no-
mine non sunt donata: nam prima tria alij à tar-
so secernunt, & unum ex quatuor sequentibus
proprium nomen obtinuerunt: at postrema tria ad
huc sunt sine nomine. Primum igitur omnium
talus, secundum calx, tertium scaphoides, quartum
cyboides nominabitur: quæ supersunt tria, quæ-
quæ innominata sunt; attamen numeri, situs, ac
formæ ratione distinguuntur. Primum ergo ta-
lus erit, quem Græci ἀσφαλας, & ἄσπιον vocant: ti-
biam, fibulamque illic subit, quippe cui illarum
appendices incumbunt: quanquam tibie soli
substratus esse videtur. Id os homini cum cæ-
teris commune est animalibus, quæ multistido,
seu in digitos scisso pede incedunt: quicquid
dixerit Aristoteles atque illum sequuti, à quo-
rum sententia rei veritas omnino abhorret. Ta-
li for-

li forma ea fuit, vt suprà emineat, vt orbicula-
 re tuber, ceu rotulæ partē imitetur, quæ in me-
 dio sinum leuem possidet lateribus hinc inde
 prominentioribus, qua scilicet cum tibiæ ossē co-
 pulatur: sic enim tibiæ ossis appendicem, quē
 admodum capite de tibiæ, suræque ossibus di-
 ctum fuit, natura insculpsit, vt excipiendo talo
 percommodam sedem præberet, tutiorem ni-
 mirum articulationis speciem constituens, quæ
 ginglymos dicitur. Subseruit autem hic articu-
 li modus pedi flectendo, ac reflectēdo, qui mo-
 tus ab ingrediente animali continenter heri so-
 let: qui motus vt faciliior foret, minúsque mem-
 brum ex eo laboraret, aut ne ossa attritu multo
 tandem deficerent, naturæ solertia pars vtra-
 que cū tarfi, tum tali appendicis vberiore cru-
 sta leuigauit. Tali latera vtrinque sunt decliua,
 ac figura veluti plana, vt illis internus tibiæ pro-
 cessus ac fibulæ appendix malleolos ambos con-
 stituentes adhærescerent: at externum latus
 longiùs descendit, magisq; est excauatum, quo
 inferiùs procedentem fibulæ appendicem ex-
 cipiat, ad externum malleolum construēdum,
 qui propterea deorsum magis quàm internus
 protenditur. Inferior tali pars sima est, ac sua
 cartilagine obducta: tota calcis ossi inhæret, ita
 tamen, vt anterior eius portio semicircularem
 sinum habeat, cui inseritur media se offerens
 calcis regio: at posterior quodammodo promi-
 net, quæ scilicet ab interna, atq; posteriore calcis

Tali figura.

*Cur appendix
tibiæ solum ex-
cipiat.*

*Talus articula-
tur tibiæ per
ginglymon.
Ginglymi vsus
in talo & tibiæ.*

*Cur tali car-
tilagine incern-
fctur.*

*Cur tali latera
sint decliua &
plana.*

*Quid cōstituat
malleolos.*

*Cur malleolus
externus disse-
rat ab interno.
Tali pars infe-
rior quali.*

*Per anteriorem
partē quid in-
telligendum.
Quid per poste-
riorem.*

*Cur natura ca-
uitatem magnā
in talo finxerit.*

*Vbi sint liga-
menta calcis &
tali.*

*Anterioris tali
parvis figura &
vfu.*

*Quomodo per
obscuro motu
moueat. . .*

*Descriptio par-
tu prioris tali.*

*Cur tali os sit
sinuatum.*

*Tali os su sub-
stantia qualis.*

portione suscipitur: nos anteriorem partē semper intelligimus, quæ à capite descendantibus primò se offert: posteriorem verò, quæ sequitur, remotiorque est: sed inter illa duo spatia cavititas admodū profunda iacet, quam etiam augere videtur calcis sinus in ea parte cavitati huic è regione respondens. Hanc ipsam non aliorum factam fuisse coniicio, quam vt mucosam quandam substantiam, ac pinguedinem simul contineat humectandis inungendisque hisce ossibus paratam, ne scilicet crebro motu exicarentur: atque ita suo munere frustrarentur, præterquam quòd ligamenta ibi præstò sunt, calcem, ac talum arctissimè colligantia. Anterior eiusdem pars in ceruicis formam producit, qua in caput rotundū, & sua crusta obrectū definit, quod ab osse scaphoïde in amplum rotundūmq; sinum cælato excipitur. Is articulus præstat, vt pedem obscuro quamlibet motu introrsum, extrorsūmq; moueatur, necnō etiā ali quo modo circūducatur. Demum parte priore talus decūbit, & in geminū quasi processulum supra calcem extenditur, quā scilicet ad internam regionem vergit. Atque in hunc modū se habet tali os: quod tamen adeò sinuatum conspicitur, vt non modò ligamentorū insertionē, ortūve admittat, sed tendinū, musculorum digitos mouentiū deductui cedat: huius substantiam solidā nō inuenies, vt aliquis opinatus est: verum intus spōgiosa est, ac multis foraminibus peruia:

peruia. Secundum quod sequitur calx, siue calcis os dicitur, alij calcaneum, vel pedis calcar appellant, Græcis πτερνὴ vocatur: magnitudine ideo omnibus summi pedis ossibus antecellit, non multum à tali substantia dissidens, quam fungosius esse videtur: neque adeò duro cortice vndique munitum, supernè tali ossi ad eum, quem paulò suprà diximus, modum cōmittitur, cum scilicet media versus anteriora regio partim rotundo tubere turgcat, partim verò ingentem sinum habeat, vt talum excipiat, & ab eodem per Ginglymō excipiat. At quæ prior est, in tergum tamen vergit: oblonga, rotundaque est, quodammodo caput in superficie habet, & in ea regione appendice munitur, ac tota portiōe à tibiæ rectitudine excedit: quod ideo factum fuisse existimo, ne pes cū tibia posteriora versus delaberetur, minúsque sic illa pedi, pes verò humi hæreret: inferiorē calcis partem, qua progredimur, latiusculam esse oportuit: vt tutiùs ibi pes consisteret: eandem præterea asperam, & transuerso processu abundantem, vt inde oriretur musculus flectendo quatuor pedis digitorum articulo deferuiens: vbi præterea ortum habet materia illa musculosa, vnde emergunt quatuor musculi, qui lōgo tendine in internam quatuor digitorum regionem implantantur, & propterea eminentes hinc inde processus cavitatem quandam relinquunt, vt cōmodiùs in ea tam musculus, quàm muscu-

Error cuiuslā existimantis os tali esse solidū. Calcis nomina. Calx est manus os in summo pede. Calcis substantia qualis.

Cur calx à tibia rectitudine excedat.

Cur inferior pars calcis sit latior.

Cur aspera, & processu transuerso.

Materia musculosa ex qua quatuor exeunt musculi.

Cur inter processus eminentes sit cavitās.

*Asperitas in ca-
pite calcii cur.*

*Articulationis
forma sub Gin-
glymo ad Syn-
arthrosim re-
ferenda.*

Processus vsus.

*Cur internum
latus calcii sit
insigniter exca-
uatum.*

losa illa substantia locum habeat : ne, dum pes humi validiùs incumbit, eiusmodi musculorum capita nimia compressione lædantur. Iam verò calx ea parte, quam in caput euadere dictū est, impressionem quādam habet leui, ac paululum elata asperitate donatam, quo meliùs in eā tendo omnium maximus, ac robustissimus inferretur: qui à tribus musculis pedem mouentibus in vnum tandem coëuntibus conficitur: parte quā minimū digitum respicit, cum cyboïde cōiungitur: ita quidem, vt supernè, vbi leuiter effertur, plano propemodū cyboïdis sinui aptetur: infernè autem obliquo ceu sinu, atque ad interna vergente æquali ductu procedentē cyboïdis portionem excipiat. Quamobrem sub Ginglymo ad Synarthrosim referenda talem articuli formam rectiùs posueris: quā verò maximum digitum spectat, (quam tamen regionem ad internum calcis latus concinnius referas) processum non modicum emittit, quo sinum in interno latere celatum adaugeat, ac propterea propugnaculo sit cū musculorum tendinibus, tum etiam venæ, arteriæ, ac neruo illac transeuntibus. Non enim ob alios vsus latus id tam insigniter excauatum est, quàm vt hisce vas, tendinibûsq; cederet, quibus omnibus tam confert processus iste, quàm etiam præstat, vt talus ibi aptiùs cum calce cohæreat: externum denique calcis latus depressum est, asperum, & inæquale: cui prope partem posteriorem paruus adest

adest sinus sub exiguo processu conditus, vbi cartilagineam crustam offendes, quàm nimirum petit musculus septimi tendo, pedi extendendo subseruiendis. Tertium tarfi os à Græcis *σκα-*

Os Tarfi vel
Nauiforme.

φοῦδης, à nostris autem nauiforme, siue nauiculare, siue cymbā referens nuncupatur: quoniam scapham, aut phaselum imitetur. Id os

Sinus nauiformis.

in interna pedis parte positum est: anteriore sui sede sinu est profundo, in quem oblongum, rotundumque tali caput inferitur, qui articulus

Articulatio nauiformis cum

ad Enarthrosim nihilominus obscuram referri debet, quando ab eo non nisi obscurus motus prouenit: posterior pars priori quinti, sexti,

talo ad Enarthrosim.

ac septimi ossium nomine carentium sedi committitur ita quidem, vt non facilè sit iudicare,

Posterioris cymbae descriptio.

ab illisne ossibus excipiat, an illa ipsa excipiat. Etenim hæ sedes non prorsus cōmonstrant,

sinusne, an tubercula sint: tametsi leuiter demum protuberare videntur: externum eiusdem

Externi lateris cymbae descriptio.

latus amplum, rotundum, sinuatumque est, quàm præsertim cum quinto ossè coniungitur.

Vnde simulatque disceditur, sensim in angustum redigitur, & in internū processum finitur:

veluti nauis rostrum referens: ita internum latus prominet, vt insigne tuber constituat, cuius ope dextrum à sinistro leui momento secer-

nimus: inferiorémque sinum, cui eminet, maiorem efficit, quàm tendo sexti musculi pedē mouentis percōmodè reflectitur, multis asperitati-

Reflexio tendinis sexti musculi pedē mouentis.

bus cū superiore, tū etiā inferiore parte scætet,

*Cyboides os
quartum.*

*Cyboides non
est quadratum
Cur cyboides di-
catur πολύ-
μορφον.
Os gradinosum.
Situs cyboidis.*

*Cur iunctura
ad sit cartilago.*

*Sinus viam præ-
bens tendens se-
ptimi musculus
pedis.*

vt idoneam ligamentis sedem præbeat, quibus ossa hæc inuicem connectantur. Quartum os, quod cæteri primùm tarfi faciunt κυβοειδές Græcè, Latinè autem cubiforme, seu cubum, tesserae imitās, dicitur: & licet quadratum esse videatur, ita quòd tesserae figuram referat, multiplici tamen forma insignitur: ideo πολύμορφον quasi multiforme nuncupatum est. Arabes gradinosum vocarunt. Id quidem ad extimum pedis latus iacet, & cum calce parte anteriore eo articuli genere iungitur, vt non magis suscipere, quàm suscipi videatur: sicuti antea asseruimus, vbi de calce loquebamur. In posteriore autē illius parte duos similes sinus cernere est, quibus suscipit extrema duo pedis ossa, quibus fulciendis veluti basis paratum esse videtur. At internum latus cum externo septimi ossis coheret, vbi non secus atque aliis partibus, quæ cum cæteris ossibus copulantur, leui cartilagine incrustatum animaduertas: cùm tamen alibi nulla cartilagine obducatur: solis siquidem iuncturis talis adest cartilago, ne nimis impacta sint ossa: ac motui quamuis obscuro resistent: extrema sedes bifida est, ac duos processus exerit sinu medio illos dirimente, qui ad inferiora obliquo ductu tendit, vt obsequatur tendini septimi musculi pedem mouentis, cui substratus est ac viam præbeat: superior pars planior est, sed extrorsum accliuus fit, quando talis reliqua pedis forma futura est, vt scilicet in medio clatior,

in

in vtrunque latus, ac maximè in externum sensim declinet. Propterea videre est pedis ossa, præsertim postrema tarfi quatuor in orbicularem formam diducta, vt parte superiore conuexa sint: infernè autem cōcaua fornicem imitentur. Validior nempe constructio hæc futura erat, ac roboris plus habitura, quæ sufficeret tum figendo pedi, tum demum corporeæ moli sustinendæ. At hæc prominere huiusmodi ossa necesse fuit, vt infernæ cavitati relinquerent idoneam sedem, tutum iter exhibituræ tēdinibus ac musculis sub inferiore regione positis. Verùm hæc obiter dixisse sufficiat, vt patere possit: quare in superficie protuberantem pedis formam, ac in ima parte simam, cauāue, non planam natura construxerit. Cæterùm ad tarfi ossa reuertamus, è quibus reliqua iam sunt tria, quæ adhuc nomine destituuntur: horum quintum è regione pollicis situm est, cuius figura talis esse videtur, & antè sinuata conspicitur, & cum posteriore navicularis portione prominente coniungitur: retrò verò primi pedij ossis, quod pollicem sustinet, sedes efficitur, quā partem si per se spectes, difficile iudicatu sit, sinuatane sit, an promineat: quod quatuor hisce tarfi ossibus cōmune est, quatenus inuicem, aut cum pedij ossibus vniuntur: obscuri enim adedò in iis sunt sinus, vt planis seu superficiebus in modū glenes committi rectè dici possint. Attamen si consideres partem illam pedij ossis, quæ huic

Cur tarfi ossa postrema præsertim sint fornicem imitantur.

Cur prominens ossa tarfi.

Pedis forma in superficie protuberans in ima parte sima est.

Per Glenam committi.

*Plana planis,
vel sima protu-
berantibus com-
mittuntur non
cava cauis.*

*Cur quintum os
innominatū in-
fra sit crassius.
Sexti ossis tarsi
innominati de-
scriptio figura.*

*Sexti & septi-
mi ossis tarsi u-
tilitas.*

quinto ossi incumbit, ubi eam videris duplicem
cavitatem præ se ferre, procul dubio iudicabis
necessum esse, ut altera hæc pars in duo quam-
libet exilia tubercula turgeat: nisi geminas hinc
inde sinuatas partes committi fateamur: quod
mea quidem sententia perridiculum foret, quā-
do ubique tum naturæ, tum etiam artis naturæ
prorsus æmulæ ordo postulat, ut vel plana pla-
nis, vel sima protuberantibus, nusquam verò
cava cauis committantur: superior pars modi-
ca est, & ad intimam sedem, quæ latissima vi-
situr, descendit: hæc autē quoquo modo gibba
est pro eius cavitatis ratione, quæ in externa re-
gione cernitur: quæ ad inferiora pertinet, cum
interim latus id parte sui superiore internum
sexti ossis latus modico sinu contingat: verum
inferior crassior existit, quo firmiùs terræ inha-
reat. Sextum os quadrilaterum apparet, si supe-
riorem eius faciem intueamur: quæ utiq; plana
est, & quadratis lateribus respondet. At si par-
tē inferiorem, cum illa angustissima sit, & in
aciem abeat: hoc ipsum os cunei tantum ima-
ginem referte dicemus, quale item esse dixe-
ris septimum, quod illi proximum est os, de quo
mox dicemus: ac mehercule ambo hæc ossa sic
inter alia, quæ circumstant, posita sunt, ut cu-
neorum more ad ea veluti cōstipanda immissa
fuisse videantur. Verum sexti huiusce ossis pars
anterior cum scaphoïde, posterior leuiter pro-
minens cum secundo Pedij osse, intima cū ex-
terno

terno quinti tarſi offis latere, ac demum externa cum intima ſeptimi eiufdem ſede cōpulatur. Quibus partibus ſua nō deest cartilaginea cruſta. Septimum medium eſt inter ſextū, ac quartum, quod cyboïdes nuncupauimus: quadrangulare id quoque videtur, ſed longiuſculum eſt: anteriore ſui parte ad nauiforme declinat, eiufque tuberculum exiguo admodū ſinu excipit, itaque illi committitur: parte verò poſteriore tertium pedij os admittit: at ſuis lateribus latera tum ſexti, tum quarti offis attingit: atq; hæc de tarſi offibus: quorum ſubſtantia dura quidē eſt, non omnino tamen ſolida, nec à foraminibus vacua recipiendi alimēti gratia conſtitutis.

*Septimi offis in
nominatiſſus.*

*Offiū tarſi ſub-
ſtantia qualis.*

De Pedio. CAP. XXXIII.

SECVNDA pedis pars, quam Græci *πῆδ'ος* Idē eſt *πῆδ'ος*,
appellant, Latinis modò plāta modò pectē, *planta, pecten,*
modò pedis veſtigium: ea eſt, quā poſtbrachia- *veſtigiumque*
li reſpondere diximus, quinque offibus cōſtans *pedū.*
articulos digitorum imitātibus oblongis, ac te- *Planta reſpon-*
retibus, quorum extrema capita mediam regio- *dei poſtbrachia*
nem ſubtiliorem relinquūt. Etenim initio craſ- *li.*
ſiora, ac ſinuata quā cū quatuor poſtremis tarſi *Oſſis planta*
offibus eo quo dictum eſt modo componūtur: *quot.*
inde verò quā cum primis digitorum articulis *Oſſium planta*
iunguntur: in rotundum caput non ſecus atque *figura.*
poſtbrachialis offa, eminent. Ex his offibus pri- *Primum os*
mum maximū eſt, verū aliis longitudine cedit: *planta de-*
ſcribitur.
ſiquidem omnium breuiſſimum eſt, cuius pars
inferior, quæ ſub capite eſt anteriore, in tuber-

Tuberculi in primo osse plantæ vsus. Secundi ossis planta descriptio & vsus.

Tendonu octauæ musculi pedis insertio.

Situs musculorum qui flectunt primum articulum digitorum. Ossa plantæ habent appendicem.

Ossa plantæ cur sunt foraminulenta.

Digitisunt tertia pars pedis. Ossium digitorum numerus.

Pollex habet duos articulos in manu pedæque.

culum prominet, quo duo sesamina ossicula ibi assidentia disiungit. At secundum os, quod sustinendo indici est efformatum, omnium longissimum, quantum illud quoque esse videtur, quod minimo subest: eius enim longitudinem adauget prominētior, & in externū pedis latus producitur, in quem octauæ musculi pedis moventis tendo inditur. Cæterum omnia parte anteriore tarsi ossibus vniuntur, atque etiam sibi inuicem inhaerent, sensim deinde dehiscunt, & à se mutuo abscedunt, tenuioraque fiunt, ut in medio interualla constituent, in quibus musculi sunt primos digitorum articulos flectētes. Tam anteriore, quam posteriore parte appendicem obtinere cartilaginea crusta obtectam, verum appendix posteriori parti adnata rotundum illud, de quo diximus, caput effingit, quod in sinum primorum articulorum profundum, atque orbiculare immittitur: caua intus sunt, ac medullosa, & habent foraminula, per quæ cum venullæ, tum arteriolæ ad ea nutrienda, fouendaque subintran.

De Digitis. CAP. XXXIIII.

TERTIAM pedis partem explent digitorum articuli pedion subsequentes. Hæc ossa quatuordecim numero sunt: nam singulis digitis terni sunt articuli, præter pollicem, cui duo tantum obtigere, id quod in manu quoque, obseruauimus. Qui enim maximi digiti primus articulus esse deberet, utrobique pari passu incedere videtur,

videtur, in postbrachialis videlicet ac pedis ossibus: adeò vt meritò in eorum numero collocetur: licet in manu id genus os à cæteris postbrachialis ossibus differre faciliè deprehēdatur, cū in eo motus quodāmodo manifestus fiat. In pede autem os istud non alio motu mouetur, ac reliqua pedij ossa. Idcirco rectiùs id ipsum inter illa connumeratur, atque ita duo tantū articuli pedis maximo assignantur. Quemadmodum ergo digitorum pedis ossa cum iis, quæ in manu sunt, numero conueniunt: ita quoque parum ab eisdem discrepant substantia, structura, ac situ, præterquam quòd prima internodia parte sui anteriore sinu constant profundiore, in quem inseruntur prominentiora ossium pedij capita: quod articulationis genus Enarthrosim dicimus. Cæterum in mutuis ipsorum articulationibus Ginglymon semper obseruabis. Hæc itidē internodia breuiora sunt, quàm in ipsa manu, supernè gibbā, infernè verò sima, vt musculorum secundum, ac tertium digitorum articulum flectentium tendines tutissimè admittant, nec appendice vtrunque ipsorum caput destituitur: vbi cartilago etiam obducitur firmiorem, lubricamque magis articulationem reddens (summam extremorum articulorum partē excipio) vbi neque appendicem, neque cartilagineam crustam inuenias: quandoquidem nulli alteri ossi ibidem coarticulatur: medulla & ipsa in-

Collatio ossium digitorum pedis cum ossibus digitorum manus. Vbi ossa digitorum pedis articulantur per Enarthrosim cū ossibus planta. Enarthrosim quid.

Mutua articulatio ossium pedis & digitorum sit per Ginglymon.

Tendines musculorum flectentium secundum & tertium articulum digitorum.

Appendix. Cartilagini in articulatione utilitas.

Cur summi digitorum articuli careant appendice & cartilagine.

Ossium digitorum cavitates medullam habent.

tus referta sunt, neque inani cauitate prædita.

De Sesaminis. CAP. XXXV.

*Sesam. ossium
figura & situs.*

*Ossium sesami-
nis vsus primus*

*Sesam. vsus se-
cundus.*

*Mola in genu
vsus.*

*Sesam. vsus ter-
tius.*

*Sesam. vsus
quartus.*

*Cur sesamina
sint dicta.*

*Differētia duo-
rum sesam. ab
aliis.*

*Sesam. ossium
substantia qua-
li.*

*Medullæ sue
eius continetur
in sesaminis.*

DANTVR ossicula quædam orbicularia, depressaque sub infimis digitorū non modò pedis, verumetiam manus articulis inter ipsa internodia iacentia. Quæ quanquam non aliorum à natura fabricata esse videantur, quàm ut infartiant vacuum illud, quod iisdem articulis reliquum est: alios tamen vsus longè maiores præstant: quippe quæ non secus propugnaculo sint articulis, quàm soleat genu mola eam partem munire, qua cum femore tibia articulatur: & apprehendentis rebus firmitatem non modicam, & in pede humi æqualiter aptando commodum maximū afferant. Præterea facta sunt, ut articuli in ipsa flexione in acutum angulum non dirigantur. Hæc ossicula, quòd parua admodum sunt, nō formæ tantum ratione veteres sesami semini compararunt: unde Græcis σισαμοειδῆ, Latinis verò sesamina ossicula, vel sesami figuram præ se ferentia, dicta sunt. Excipi ab aliis iure possunt gemina illa, quæ sub interiore primi pedis ossis parte, quæ cum primo articulo pollicis articulatur, reperiuntur: siquidem maiora sunt, & cartilagine quadam incrustata, quatenus videlicet articulo inhareret, cum cætera multò maiora sint, omnia substantia sunt penè solidiore, quæ tamen intus fungosa est, ac poris scatet, ubi succus quidam medullosus pro nutrimento seruat. Numerus

merus ossiculorum incertus est, in nonnullis viginti, in aliis quindecim, in quibusdam decem, in aliis plus minúsue. Hic obiter dictum illud velim, horum ossiculorum causa nonnunquam euenire, vt luxati præsertim primi digitorum articuli minus commodè reponantur. Nisi enim quis difficultatis rationē optimè nouerit, nusquam plenam restorationem molietur. Atque hæc de ossibus, quibus explicandis tum breuitati, tum etiam perspicuitati studuimus: vt quoad eius fieri potuit, discipulorum vtilitati consulere-
remus, eandem operam in cæteris, quæ sequuntur, præstaturi.

*Non est certus
numerus ossi-
um sesaminorum.*

*Cur luxatio in
pede sit quan-
doque repositum
difficili.*

*Breuitati &
perspicuitati
studet.*

REALDI COLVMBI

CREMONENSIS

DE RE ANATOMICA,

Liber secundus.

DE CARTILAGINIBVS.

*Ordo tractan-
dorum.**Cartilagini de-
scriptio.**Cur cartilagini
sentiendum non
fuit.**Cartilaginū v-
sus multiplex.*

EQVENS hic liber car-
tilaginum naturam expli-
cabit, ligamentorūque
fabricam, ac postremò
sceleti componēdi ratio-
nem. A cartilaginis igi-
tur, quod ea primò no-
bis proposita sit, descri-

ptione exordiamur. Cartilago substantia quæ-
dam est media inter ossa & ligamenta. Nam
ossibus tantò mollior existit, quanto ligamen-
tis durior: albedine tamen cum vtrisque maxi-
moperè conuenit, ac sensus penitus est expers.
Etenim nervos sentiendi authores nullibi cō-
gnoscit, quod summa cum ratione factum esse
fatebitur, qui cartilaginum vtilitatem callebit.
Nam cartilagines sentire minimè decuit, siue
operiendi, ac sustinendi munere fungantur: si-
ue propugnaculorum vices gerant: siue præ-
stent, vt ne ossa inuicem atterantur: siue effi-
ciant, vt eadē simul annexa firmiùs cohæreant-
siue

siue sinus augeant: siue articulorum motus faciliiores reddant. Iam verò easdem sic natura cōposuit, vt nullo vsquam modo frangi possint vbiq; sua mollitie cedentes: neq; adeò resistunt sicuti ossa, nec impetu aliquo decidunt, aut extenduntur attractæ, vt ligamenta plerunq; faciunt: verùm in sese redeunt semper, neque sedem suam, vel formam facillè commutant.

De Palpebrarum Cartilaginibus,

CAPVT I.

PRIMUM locum inter cartilagine*s* illæ sibi vendicât, quæ oculorum palpebris cōtigere: binæ quidē vtrinq; suprà, infrâq; , at superiores maiores longè sunt homini, atq; iis animantibus quibus palpebræ superiores mouëtur inferioribus immotis. Quibus verò contrà, vt auibus penè omnibus, inferiores superioribus maiores existunt. Cæterùm has cartilagine*s* inuestiunt intus membranula, foris autem cutis, licet in palpebrarum extremitatibus tantùm sita sint, quas validiores efficiūt, vt arctiùs conniueant, ita propugnaculi vicem oculis præbent: cui rei non minimum adferunt adiuumentum pili in vtraque cartilagine nō secus, ac in duriore solo infixi, vt ne molliùs iaceant, aut languidiùs pendēat, sed stent erecti ad ipsam oculorum aciem dirigendam.

De Aurium Cartilaginibus. CAP. II.

His proximæ geminæ illæ sunt, quæ vtrancq; aurem constituunt, auditus foramini sic

*Cur crassiores
supernè.*

*Vbi duriores, &
cur.
Os tēporum ubi
sit asperum, &
cur.*

*Figura carti-
lag. auris quā-
lis & cur talis.*

*Cur aures osseæ
non sunt.*

*Cur aures sint
cartilagineæ.*

*Cur aurium cu-
tu sit pertinax.*

appositæ, ut ipsarum ope, atque opera longiùs id extendi, ac latiùs quodammodo patere videatur ad sonos promptiùs percipiendos. Crassiores supernè cartilaginee hæ factæ fuerunt, ac præsertim iuxta foramen, unde ortum habent, ubi duriores quoq; sentiuntur ob temporis ossis, unde prodeunt, vicinitatem. Nimirum id os ad meatus auditorij circumferentiam asperum redditur, ut cartilaginee educat, ea ratione accommodatiùs: ubi etià ita affixæ sunt, ut nullo momento, neque deorsum labi, neq; sursum propelli possint. Intus, extrâque partibus constantum simis, tum etiam gibbis, ut prominentes partes externæ internis cavitatibus respondeant. Suprà rotundæ sunt, infrâ verò in pinnam desinunt: quæ licet ab ipsis cartilaginum finibus dependeat, cartilagineis tamen omnino est expers, cum neutiquam eius ipsius indigeat. In promptu nemini esse nō potest, cur non osseas aures natura efformauerit: quoniam si subtilitatem respexisset ex osse illas fabricatura, fractu faciles, & paulo momento defecturas nouerat. at si crassas, & solidas, quales esse debuerant, nimis profectò capiti onerosas. Rectissimè ergo ex cartilaginea substantia leui, atq; ob sui mollietatem ab externis ictibus minus lædenda construxit. Quibus præterea non tam munimenti, quàm decoris gratia pertinacè cutim aduoluit.

De nasi cartilaginibus,

CAP. III.

Extrema

EXTREMA nasi portio cartilaginea facta
 est magna naturæ prouidentia, vt facillimè
 claudi, malorum odorum ascensus prohiberi,
 ac rursum aperiri dilatarique possit aëris attra-
 hendi causa. Præterea hæc narium substantiæ
 ratio, vt de auribus dicebamus, cōfert, vt vix læ-
 datur ab extrinsecis, quibus sæpe occurat: pref-
 sa enim cedit, frangi omnino nescia. Quæ utili-
 tates adedò necessariæ sublatæ forent, si narium
 fabrica vniuersa ex osse constaret. *Cur extremus
 nasi sit carti-
 lagineus.*

Quamobrem
 optimè huic parti, sicuti cæteris sapientissimus
 rerum opifex consuluit, dum imas nasi partes
 cartilagineas condidit superioribus osseis anne-
 ctens, vt inferioribus superiores veluti basis, ac
 firmamentum forent, quādo hæ ab illis pende-
 re debebant. In tres ergo cartilagines nasi ex-
 ti mitas distincta est, quarum duæ latera con-
 stituunt, quas pinnas, seu alas vocarūt, quasque
 tertia cartilago interfecat, vnde nasi foramina
 duo conficiuntur. Hæc media osseo nasi septo
 finitima respondet. Pinnae autem ipsæ solæ sunt
 quæ mouentur, cū propriis donatæ sint mus-
 culis extrorsum illas ipsas trahentibus, vt dilatē-
 tur: sed introrsum nullo peculiari musculo ad-
 ducuntur: tamen si Ves. internos quosdā mus-
 culos somniauit, qui mihi nusquā reperti sunt.
 Cæterum labiorum beneficio clauduntur, quæ
 admodum loco suo vberius ostendetur. *Cur superior na-
 si pars sit ossea.*

*Tres nasi extra-
 mi cartilagi-
 nes.*

*Cur sole pinna
 in naso mouean-
 tur.*

Vesaliij error.

*Quomodo pin-
 nae narium clau-
 dantur.*

De maxilla inferioris Cartilaginibus.

CAPVT IIII.

M iiij

Situs. PRIORE libro, vbi de maxilla inferiore loquuti sumus, duarum cartilaginum obiter meminimus, quas inter superiores eiusdem maxillæ processus, ac temporum ossa haud dubiè reperies: mobiles quidem illæ sunt, nec alia de causa fabricatæ, quàm vt frequentem maxillæ motum tâquam in lubrico ponerent. *Vsus.* Vix enim verisimile sit articulum illum quamlibet laxum sufficere posse: quin etiam inter edendum, loquendum, atq; oscitandum ossa hæc attererentur, aut saltem labore nimio fatigata ab ipso tâdem motu desisteret: nisi cartilaginee istæ mobiles adessent, quarum beneficio, quando cūque opus foret, maxilla promptiùs moueretur, nullū ferè quietis, aut cessationis tēpus requirens.

De Asperæ Arteriæ Cartilaginibus.

CAPVT V.

Trachea & larynx antiqui ex cartilag. constas.

In brutis substantia laryngis cartilaginea est

Homini in consistente ætate constituit larynx ex ossibus constituitur.

TRACHEAM Arteriam, atque eius caput laryngem ex cartilaginibus, nō ex ossibus constructam esse cū veteres, tum recentiores Anatomici existimauerunt: quorum auctoritati subscribere nō grauarer, nisi rei natura multò aliter haberet. Neque mirum videri debet, tot celebres viros hallucinatos esse in substantia laryngis: facilis enim est error, si brutorum, vt bovis, & huiusmodi aliorū laryngem intueare, qualem Vesalius publicè semper secare, atque ostentare consuevit. Verū si humanam inspexeris, præsertim in consistente ætate, procul dubio ossicula omnia, ex quibus conficitur, agnosces

sces epiglottide excepta, quæ fistulam tegit. *Epiglottis quid sit.*
 Ea verò linguæ formam referens lingua nūcu
 pari latinè solet. Græcam vocem magis amāti-
 bus Epiglottis dicitur. Quā cartilagineam esse *Cur Epiglottis sit cartilaginea*
 oportuit, vt sine vlla noxa continuum motum
 admitteret, qui expirando, inspirandōque con-
 tinenter editur, præterquam quòd moueri quo
 que illam necesse est, dum aliquid deglutimus,
 dūmque loquimur, vbi modò attollitur, modò
 deprimitur, ac præterea in vomitu ad contraria
 reuellit: quos motus facillimè cōsequitur car-
 tilagine in quamlibet partem cedente. At reli-
 quas laryngis parres, quoniam ossæam naturam
 vt antea diximus, sapiunt, nos inter ossa connu-
 merauimus proprio de illis capite. Quod autē *Cur de laryngis partibus plerisque loquatur in libro de ossibus.*
 laryngem sequitur, asperæ arteriæ tractu finitur,
 idque totum cartilagineum est, & crebris anu-
 lis distinguitur: qui tamen anuli non ex con-
 tinua cartilagine constant: siquidem parte po-
 steriore vertebrae versùs, vbi œsophag⁹, siue gu-
 læ canalis iuxta extenditur, intersecti sunt, mē-
 branula tamen eos illic copulante. Nō enim ab-
 rupti esse poterant: at nihilominus ipsi œsopha-
 go cedere illos operæpretium erat, ne deglutiē
 dis cibis, cartilaginis compressione pateretur.
 Hanc membranulam si detrahas, protinus anu-
 li diuulsi apparebunt, ac formam C nostri cle-
 menti præ se ferent. Iam verò simul iunguntur
 vestiente membrana, quam in acutissimo Angi *Anulorum figura detracta mēbrana qualis.*
 næ affectu præscindere fortasse non ab re foret.

In Angina quandoque se-

*eandem membranam
inveniens annu-
los tracheæ.
Aspirat arteria
progressus.*

Hic asperæ arteriæ ductus sub iugulis definit, ubi duos in ramos scinditur, qui rursus in alios duos, itémque ij in alios, ac demum omnes per pulmonum substantiam disperguntur aërem inspiratum, ac expiratum deferentes.

De spinae dorfi cartilaginibus,

CAPVT VI.

*Prima vertebra
dorsi cartilagi-
ne caret.*

*Cartilaginum
vertebr. vjua.*

*Cartilag. ver-
tebr. figura.*

*Cartilago sub
sacro.*

*Cartilago inter
ossa coccygii.
Cur cartilago in-
ter primam &
secundum os coc-
cygii in mulie-
ribus multa.*

DORSI spina vertebrarum serie producitur, quarum corpora supra, infraque cartilaginibus crassis committuntur: primam tamen vertebam excipito, quæ corpore caret, nec vlla cartilagine donatur. Præstant autem huiusmodi cartilagines, vt laxior quodâmodo sit corporum vertebrarum inuicem facta articulatio, quod facilius antrorsum, retrorsum, & in vtrûque latus flecti possint. Hæ vertebrarum corporibus latitudine respondent illorum superficiem æquantes. Ideo quemadmodum illa in descensu magis agentur, ita quoque cartilagines maiores, crassioresque fiunt, vt grauiore ossium mole depressæ non deficerent. Sub osse sacro, ubi Coccyx affigitur, cartilago similiter assidet: ac præterea inter primum, ac secundum eiusdem os interposita est, multa quidem illa, & præcipuè in mulieribus: quoniam dum pariunt, cauda ipsa versus posteriora trahitur, cum tamen in viris nunquam à sua sede dimoueatur.

De cartilagine quæ in superiore pectoris parte posita est, CAP. VII.

Estur.

SYMMVM sternum vtrinque cartilaginem habet,

habet, quatenus iugulorum annexum admittit, quæ mobilis est vsus eisdem præstans, quales in maxilla inferiore non ab similem cartilagine præstare diximus: quanquam non tam præpti, nec tã crebri sint hîc, quàm illic motus: in magnis tamen vociferationibus, nec non in deglutiendis cibis plurimùm inspirationi, atq; expirationi conducit, dum pectus modò contrahitur, modò assurgit: ac demum totius brachij motum expeditiorem efficit.

Vsus cartilag. mobilis in summis: & sterni multiplex.

De cartilagine medio pectore posita.

CAP. VIII.

INTER primum & secundum os pectoris cartilago quædam sita est, quæ mollis existit, ac ligamenti vicē tenet, & idoneam motui magis superiorem partem reddit.

Cur medijs pectoris cartilago molis.

De costarum cartilaginibus.

CAP. IX.

COSTIS quoque adnascuntur cartilaginee veluti appendices quædã, quatenus solùm partem anteriorem respiciunt, tam veris, quæ pectoris ossi committuntur, quàm nothis costis donatæ. In quibꝰ illud animaduvertere est, quòd breuioribus costis, breuiiores quoque cartilagines contingere: longioribus autem longiores.

Costa cum vere, immo spuria cartilaginem habent.

Huc adde quòd superioribus rotundæ cartilaginee, inferioribus verò non acutæ prominent. Idque, ut costæ faciliùs pulmonis motum subsequantur. Nam thorax semper attollitur, ac de-

Costu breuioribus breuiiores sunt cartilagines & è conuer-

Cur varia sit figura cartilaginum costarum.

Cartilaginum in thorace utilitates.

*Thoracis motus
voluntarius est*

tamen liber esset, si vniuersa costarum substantia ossea fuisset: nec præterea voluntarios thoracis motus, quales in emittenda voce contingunt, diu natura sustineret, nisi cartilaginum opera haud laboriosam pectoris dilationem ministraret. Costæ autem nothæ amplius præstant, quod turgescenti ex repletione ventriculo cedunt: quod munus haud est exiguum, cum ipsa compressio noxæ plurimum afferre possit.

Costarum notharum usus.

De Scutiformi Cartilagine.

CAPVT X.

Imi pectoris cartilagini figura.

PECTORIS OS, quod alio nomine sternon appellare cum aliis solemus, in ima sui parte cartilaginem habet triangulari forma: licet quandoque quadrangularis, nonnunquam bifida conspiciatur. Hanc nonnulli gladiolum, alij Scutiformem, seu scutalem cartilaginem, alij mucronatam vocant, Arabas sequentes malum granatum dixerunt. Græci *ῥινοειδὴν* appellarunt. Hæc non ideo facta est, sicuti vulgò creditur, ut ventriculi os veluti propugnaculum tueatur: cum in sinistro latere ab hac cartilagine longè absit. Ceterum cordi præsidet, & septum transversum munit, quippe cui eius tædo subnectitur. Quocirca lethale vulnus est, quod huic parti infligitur: quoniam natura cartilaginem hanc, tanquam scutum aliquod opposuit. Ea verò ita conata est imo pectori, ut non nisi summa vi diuelli possit. Quamobrem deridendi sunt, qui putant hanc nonnunquam decidere solere.

Imi pectoris cartilagini nomen elatura.

Usus mucronata cartilagini vulgo.

Usus versus cartilagini mucronata.

Curvulus accipit in cartilagine mucronata sit lethale.

Cartilago mucronata non decidit ut muliercula existimant.

De Cartilagine Scapulæ, Coxendicis, ac Tibiæ
sinibus apposita. CAP. XI.

IN Scapulæ capite sinus est, cui Cartilago mobilis obducitur illius augendi gratia: liquidẽ tanta esse non poterat in ea parte scapulæ moles, neque adeò profundo sinu, qui alto humeri capiti excipiendo sufficeret. Natura ergo hãc incrementi rationem excogitauit, vt altior profunditas illa fieret: ac miro artificio cõsuluit, vt ex cartilaginis mobilitate agilior esset articulatio: atq; etiam ex sinus altitudine difficilior humeri luxatio redderetur. Quæ licet rarò accidat, tamen non sine magno labore reparatur. Talem Cartilaginem offendas in coxendicis cauitate, cui oblongum, rotundumque femoris caput inseritur. Ea verò nusquam mobilis est, sed eam ob causam tantum parata, vt dicti sinus supercilia altius produceret, itaq; profunditas illa maior fieret: quando non tam altè coxendicis os ibi excauari poterat, quãtum femoris capitis longitudo postulabat. Iam verò ab inferioribus femoris capitibus ad supremam tibiæ regionẽ binæ cartilagine inueniuntur, altera interior, exterior altera, semicirculares, & introrsum per fractæ ad tuberculum illud desinentes, quod è media tibiæ superficie assurgit, vbi pariter annectuntur: factæ sunt, vt sinus in summa tibiâ hinc inde exculptos adaugerent, quò aptius imi femoris capita illis infererentur, nec tamen articuli motus impediretur.

Cartilaginis mobilis in sinu capitis scapulæ utilitates plures.

Humerus rarò luxatur.

Humeri luxatio difficile restituitur.

Cartilago in acetabulo coxendicis non est mobilis.

Vsus cartilaginis in sinu coxendicis.

Cartilagine duæ in inferioribus capitibus femoris.

Vsus earum.

De cartilagine iuxta brachiale posita.

CAPVT XII.

VERVM ad Brachiale veniamus, de quo post omoplata cartilaginem statim dicendum fuerat. Iuxta stylum, qui ab extremo cubiti capite progignitur, quemq; falsò Galenus voluit cum quarto Brachialis ossis coarticulari, sicuti capite suo probauimus: apposita est cartilago, quæ locum illum, alioqui vacuum implet, tum verò cauet, ne manus extrema, dum ad latus deducitur, in acutum illum processum impingat, atque eo modo non minimùm lædatur.

De cartilagine sita inter pubis ossa.

CAP. XIII.

Cartilaginius inter ossa pubis substantia, & figura.

INTER pubis ossa tibi occurrit cartilago insignis pertinaciter inhærens, quæ parte superiore lata, & crassa in descensu paulatim immittitur, ac demum in acutum desinit ibi enata, vt ossa hæc non secus, ac tenacissimū glutinum committeret, atque adedò connexa inuicem redderet, vt connata rectiùs, quàm coniuncta existimentur. Vnde superiore libro illorum opinionem reprobauimus, quos asserere minimè puduit in emittendo fœtu ossa hæc referari, quãdoquidẽ dimoueri nullo modo posse nouimus cum sæpe non modico labore nostro cultro diuidenda curauerimus.

Ossa pubis aperiri in parte saluta est.

De articulorum cartilaginibus. CAP. XIII.

DANTVR præterea articulis quibusq; cartilagine, siue motus ex iis obscurus prodeat.

deat, seu manifestus. Cartilaginibus autem incrustata ossa ibi esse debuerunt læuibus, ac lubricis, vt faciliore motu cierentur, neque tamen ex mutua confuictione attererentur: propterea videre est mucū superadditum, quo veluti pinguedine quadam articuli ipsi inungerentur, quemadmodum locis multis est superiore libro repetitum.

Cur ossa in articulo cartilaginis incrustentur.

Cur in articulo ram cartilaginis ad it mto est quidam.

De vnguibus. CAP. XV.

QUANTUM mediam quādam naturam inter ossa, & cartilagine vnguibus inesse nonnulli verè iudicarunt, quia neque ea duritie sunt, qualem in ossibus experimur, neque molles ita, vt cartilagine, à quibus præterea colore plurimū dissident: nihilominus hos cartilaginū tractationi adiunximus, cū ad ipsarum naturam propiū accedere videantur. Earum enim ritu mollissimam digitorum superficiem tuentur, ne ab extrinsecus occurrentibus lædantur: ac ideo firmamentum nō modicum ob sui duritiem præbent, apprehendendisq; durioribus rebus vsui sunt perneccessario, cū interim flecti, & cedere parati sint, vt ne frangantur. Vngues tum à cute, tum à tendinibus musculorum digitorum extendentibus originem trahunt, quanquam tendines sub vnguibus vsque ad digitorum extremitates deferantur. hic enim postmodum dilatantur. Quamobrem perspicuum est, cur sub vnguibus tam exquisitus sensus delitescat: quod ego primus obseruari, &

Vnguium natura qualis.

Vnguium color diuersus à colore cartilaginis. Cur de vnguibus agat post cartilagine.
Vnguium vsus.

Vnguium origo

Cur sub vnguibus sit sensus exquisitus.

excellentissimo Medico Alexandro de Ciuitate, rei anatomicæ studiosissimo lubens ostendi.

REALDI COLVMBI

CREMONENSIS

DE RE ANATOMICA,

Liber Tertius.

DE LIGAMENTIS.

Nomen.

Substantia.



Situs in vniuersum.

Vsus.

Nominis interpretationis.

Cur ligamenta sensu careant.

LIGAMENTVM (vt à nominibus interpretationē exordiamur) à Græcis σύνδεσμος, id est vinculum, appellatur. Substantia cōstat dura quidē, sed quæ tactui cedit, & albicat: quæ durities minor etiam in eo est, q̃ in cartilagine. ab osse incipit & in os desinit, præter quædā, vt priuatim magis suo loco explicabitur. Factū est igitur ligamentū, vt mēbra nostra colligeret, proptereaque id nomē sortitū est. Dissoluti namq; absq; eo essemus, neque moueremur. Sed vt ad ligamenti substantiā redeamus, licet neruea videatur esse, est tamē sensus omnis expers, instar ossis & cartilaginis: qua in re miris laudibus extolenda est naturæ prouidentia: nam si præditi essent

essent sensu Syndesmi, cùm ossa mouerentur, non possemus nō laborare. Præterea genita sunt etiam ob musculorum productionem ligamenta, quemadmodum adnotauimus, cùm de appendicum vsu tractabamus. Nutriuntur autem tenui medulla: propterea inter ossa & appendicem natura collocauit ligamenta, vt suum ita ad sese commodiùs attraherent alimentum. Sed quamuis idem penè sit ligamentorum omnium situs, vt dixi in aliis, tamen plurimùm inter se differunt: nam ex iis alia crassa sunt, alia tenuia, alia magna, nonnulla parua, alia lata, angusta alia, quædam teretia, quædam verò minimè, & alia differentias diuersas sortita sunt, sicuti tunc expressiùs dicetur, cùm particularis eorum fiet distinctio. Quod vt ordine fiat, à capitis ligamentis initium faciemus. Est enim pars princeps caput, quicquid hac de re sentiant philosophi.

Vsus alius ligamentorum.

Ligamentorum nutrimentum.

Ligamentorum differentia.

Caput est pars reliquarum princeps, quicquid dicant philosophantes.

De capitis ligamentis.

CAP. I.

A CAPITIS igitur ossibus, maxillæq; superioris inter suturas, atque harmonias ligamenta exoriri videbis, tenuia quidem, sed lata: quæ præterquàm quòd hæc ossa vnà valido nexu vinciunt, ob eorum etiam musculorum originem facta sunt, quæ ab hisce partibus ortum ducunt, vt musculi tum faciei, tum inferioris maxillæ & oculares, quos omnes à suturis, aut harmoniis exoriri videbis.

Situs.

Vsus.

De ligamenti caput cum duabus primis verte-
bris neclentibus. CAP. II.

*Articulatio ca-
pitis cum verte-
bris nobilissima
est.*

*Cur ligamenta
capitis cum ver-
tebru primis va-
lidissima sint.*

*Capitis luxatio
lethalis est.*

*In suspensis la-
queo caput non
luxatur.*

*Secunda verte-
bra facilius frā-
gitur quā luxa-
tur.*

*Ioan. Frācis-
Manfredus.*

*Origo ligamenti
huius.*

Cur occipitium

CVM articulatio capitis cum vertebri-
bilibior, magis excellens maiorisque momen-
ti existat, quā reliquę sint articulationes, quid
mirum si natura humano generi mater diuino
spiritu afflata maiorem curam, diligentiamque
in hac vna quā in reliquis adhibuerit? Nā cū
tanta moles, quanta caput esse cernitis, tam exi-
guis vertebrarū ossibus connectenda foret, prę-
ter processus atq; in ossibus cavitates ligamen-
ta meditata est, eaque validior quā cætera o-
mnianostri corporis. Cū enim articulatio hęc
luxationem nullo pacto patiatur, est nanque ca-
pitis luxatio lethalis, curauit eiusmodi esse liga-
menta, quę partes hasce adeo arctē fidelitęque
continerent, vt difficillima horum sit luxatio.
Licet vulgo existiment in iis qui suspenduntur,
longamque literam suspensi efficiunt, caput lu-
xari: quam sententiam ego profecto inanē esse
falsamque deprehendi, neque semel duntaxat,
sed sapius Patauij, Pisis, Romęque. Tantū ete-
nim esse huius ligamenti robur animaduerti, vt
frangi facilius quā luxari secūda vertebra pos-
sit, neque secūda solū, sed prima quoque: quā-
rem Ioannes Franciscus Manfredius excellens
Midicus, anatomes studiosus & familiaris me-
non potest satis mirari. A basi itaque occipitis
ligamentum exoritur, quod vt melius aleretur,
stabiliusque existeret, natura occipitium in pue-
ris

ris multifidum genuit, vt hic stabilimentū esset
 maius: orbiculare est hoc vinculū, & deorsum
 descendens inter primam, secundamque verte-
 bram, non figitur, vt nonnulli sunt opinati, sed
 vtrique circūquaque validissimè adhæreret, ita
 vt vel in mortuis ipsis difficillimè diuelli queat:
 adhæreret autem dictis ossibus antè retróque &
 ad latera. Præter descriptum à nobis hæctenus
 ligamentum, adest aliud quoque validum satis,
 quod denti secundæ vertebræ validè adnectitur:
 præter hoc adest & tertium, quod ab interiore
 primæ vertebræ parte, exortū secundæ dentem
 continet (dictū est autem in tractatu de ossibus
 de hoc dente) est teres, sed admirabili arte late-
 ra ipsius constructa sunt, ne dens cum caput ni-
 mis inclinandum est, spinalem medullam læde-
 ret, quæ illac transit. Atque hoc se habent pacto
 ea ligamenta, quæ capitis motibus deseruiunt.
 Et quoniā nimis prolixi essemus, si de singulis
 vniuscuiusque articuli ligamentis priuatim tra-
 ctandi prouinciam susciperemus, propterea om-
 nia capite vno comprehendemus, eaque præ-
 fertim quæ in re alia non discrepant inter sese,
 nisi quod hæc maiora sint, illa minora: idcirco
 maxillam inferiorem silentio præteribimus, de
 cuius ligamenti post capitis ligamenta tractan-
 dum foret. De aliis igitur agam quæ aliquo pa-
 cto differunt. Et quoniam scribit Gal. libro de
 Ossibus, vertebrae medio proprio ligamēto nō
 coniungi, sed à tertia duntaxat tunica, quæ spi-

*fit in fuerit
multifidum
Figura.*

*Error quorun-
dam de situ.
Locus verus li-
gamenti huius.*

*Ligamentum
denti secunda
vertebræ.
Ligamentum
tertium.*

*Usus tertij liga-
menti.*

*Cur de singulis
ligamentis non
agit.*

Galeni error.

nalem medullam inuestit (quam tunicam mediam inquit inter vertebrae ferri, easque connectere) scito dictum hoc profectò tanto scriptore indignum esse: quo enim pacto illi verisimile videri poterat, vertebrae ossa non parua à tam exigua membranula, quæ est in vertebrarum foramine, qua spinalis medulla transit, contineri posse? Vfus autem verus membranulæ illius est, ne spinalis medulla ossibus immediatè occurreret, à quibus lædi facile potuit: ex qua re maximum incommodum non sequi non poterat. Sciendū itaque est vertebrae omnes (primas duas excipio) infra supràque appendicibus præditas esse, quemadmodum suo loco dictum est, è quibus valida exoriuntur ligamēta vertebrae inter sese colligantia, cartilaginēmq; inter vertebrae mediam detinent. Valida verò fuere satis, propterea quòd onus ingens vertebrae gestandum fuerat, & magnis validisq; motibus resistendum: horum aurem ligamentorum hic est deductus: ab inferiore scilicet secundæ vertebrae parte, ad coccygis usque extremum, circa cuius corpus sunt sita: ab eius trāsuerfis processibus alia insuper prodeunt ob musculorum & costarum compagem, à posteriori quoq; alia emergunt, cum vt vertebrae nectant, vnà, tum ob nonnullorum musculorum exortum.

De hyoïdis ac linguæ ligamenti. CAP. III.

INTER ossa hyoïdes constituentia ligamenta transeunt ob linguæ constructionē, à duobusque

Vfus verus membranulæ quæ est in vertebrarum foramine.

Omnes vertebrae habent appendices primas duas excipio.

Ex appendicibus vertebrarum oriuntur ligamenta.

Cur ligamenta vertebrarum sint valida.

Deductus ligamentorum vertebrarum.

Vfus ligamentorum a trāsuerfis processibus.

búsque processibus maioribus duo proficiscuntur, quibus summę linguę articulatur. Duo præterea alij à styloïdibus exeunt, in duósq; minores hyoïdes processus immittuntur, idq; instar duarum catenarũ suspensum detineant quẽadmodũ Mahumetti arcam ferreã à magnetis vi attractam in aëre aiunt suspendi. Adest insuper sub lingua ligamentum, quod multis adhæret locis ad dentes vsque anteriores: hoc linguam attolli non sinit, non sinit labra exire, impedimentóque est ne loqui possimus, hoc est dearticulas voces efferre, propterea hoc secamus, ut hæc impedimenta tollantur.

Duo ligamenta summa lingua
Duo ligamenta os hyoïdes suspensum detinentia.

Mahumetti arca.

Ligamentum sub lingua.

Cur in pueris ligamentum sub lingua feretur ab obstetricibus

De ligamento brachialis, CAP. II II.

QVONIAM brachiale ligamentum ab aliis articulis diuersum obtinuit, propterea de hoc separatim agemus. Ligamentum igitur brachiali deseruiens, oritur ab appendice inferiore cubiti radiique, cuius munus esse videtur, instar aliorum articulorũ prosequi ad postbrachiale: sed quia octo brachialis ossa in duos distincta sunt ordines, illi inter ea ingrediendũ fuit, ne in motu è situ suo elaberentur. Prudens igitur natura ligamentum parauit validũ satis, quod hæc ossicula subit, itaq; colligat, ut ppr̃iis motibus edendis idonea esse possint, sed in appendicem ossis postbrachialis tandem implantatur, deseruitq; brachialis articulationi. In hac eadẽ regione alia adsunt ligamẽta articulandis ossibus minimẽ deseruiencia, sed illis duntaxat

Ortus.

Insertio.

Ligamenta tendinum digitorum & extremae manus.

Ligamenta tendinum musculorum extendentium unum videtur, sed sunt sex.

De ligamentis continentibus tendines per longitudinem digitorum.

Galenus erravit libro de usu Part. sed errorē agnoscit libro de Administrand. 1ij Sect.

tendinibus continendis, qui cū digitis tum extremæ manui famulantur: idq; ne dum moventur hāc illac temerē ferrētur. In interno itaque brachiali ligamentum validum cernes, idq; transuersum, quod tendines continet quarti, quinti, sextiq; musculorum digitos flectentiū. In externo verō sex ligamenta cernere est, tendines item extendentium musculorum continentia. Illūdque maximē animaduertendū est, hāc quæ dixi ligamenta primo occurſu vnum videri. Verū si tendines persequi accuratē nō grauaberis, occurrent tibi sex ligamenta transuersa à dictis duabus appendicibus ortum ducentia. Sed posteaquam ad hunc locum deuenimus, operæpretium facturus videor, si de iis ligamentis tractauerō, quæ tendines continent per longitudinem digitorum. Animaduertendum itaque est ab internis ossibus digitorū à lateribus, iuxta eorum longitudinem adesse ligamenta, ad extremitatem tendinum vsque pertinentia, quæ hoc in loco prudenter natura collocauit, ne inflexione tendines extra ipsorum sedem attollerentur: propterea Galenus libro de usu Partium aiebat ope tendinum quinti musculi tertium internodium flectētium primū quoque flecti, at rei veritatem lib. de Administrand. Sect. agnuit.

De ligamentis femoris, tibiaeque. CAP. V.

IN articulo femoris cum osse coxendicis ilij, ac pubis, præter membraneum quidem vinculum,

culum, sed crassum, quod articulis omnibus cō-
mune est ligamentum videbis teres ac longius-
culum, quod cū à profundo acetabulo ortum
ducat, in superius femoris caput insertū deper-
ditur, idq; roboris ergo, quod dum hæc pars la-
xatur sæpenuerò disrumpitur: & quamuis os *Cur quandoque*
in locum pristinum redeat, luxatus tamen sem- *ager claudicat,*
per claudicat: hoc enim ligamentum impedi- *licet luxatio co-*
mento est quominus ossa illa cohæreant. Inter *xendici sit resti-*
capita item inferiora femoris, summamque ti- *tuta.*
biam in interiore parte genu adest ligamentum
crassum, quod & ab eorum appendicibus exo-
ritur, & in ea desinit, constructum est autem ut
has partes contineat: cū etenim his duobus
articulis nullus in corpore maior existat, quid
mirum si natura prudens hoc loco eiusmodi ap-
posuit ligamenta, qualia nusquam apposerat,
præterquam inter caput & duas primas verte-
bras: cū ab hoc tertio ligamēto discesseris ad-
est aliud, quod genu articulationē ferè circuit,
sed hinc atque hinc genu rotulam ambit, à qua *Ligamentum*
duntaxat detinetur. Imperiti complures opinā *ambiens rotulā*
tur id genus ligamenti teretis inter caput hume *genu.*
ri, scapulamq; reperiri, sed mirè falluntur, quem *Inter caput hu-*
admodū qui sensu polle tæperiri facillè poterit. *meri & scapulā*
nullū adest te-
res ligamentū.

De ligamento quod inter sacrum os & coxen-
dicis situm est. CAP. VI.

QU A nates cernis, inter os sacrum, & coxen-
dicis ligamentum adest, quod tantum
non est teres: id autem oritur ab extreme osse *Orig.*

facri,transuersumque definit in acutam coxendicis partem, colligat hæc ossa, propterea que factum est ut colligata detineat, licet alter usus adduci possit, ut scilicet maiori neruo qui in homine reperitur aditus, pateat.

De ligamentis transuersis in pede. CAP. VII.

IN extremi pedis articulo, inter ipsum tibiã que & fibulam, præter id vinculũ, quod iuncturis omnibus comune est, sex alia conspiciuntur, qualia in exteriori brachiali cernebas. Vsus horum est, ut eos tendines contineat, qui extremo inferuiunt pedi, digitisque: qui nisi hinc tendines adessent, à suo situ nullo negotio dimo-

*Sex ligamenta
extremi pedis
proportione re-
spondent lica-
mentis brachia-
li exterioris.*

Vsus. uerentur: subsunt quoque pedis digitis ligamenta, quemadmodum digitis manus. Construxit autem ipsa natura, ut in officio continerent tendines illos, qui digitos flectunt, secundum inquam, tertiumque, internodium.

*Vsus ligamento-
rum qua pedis
digitis subsunt.*

De ligamento reliquorum articulorum.

CAPVT VIII.

ARTICVLIS omnibus ligamentum commune est: id verò ab osse vno ortum ducit: ab appendice nimirum, & in aliam definit. Hæc verò in orbem amplectuntur, nec desunt alia laxiora, angustiora alia, iuxta ossium magnitudinem paruitatemque. Ideo hoc loci de omnibus ligamentis actum existimato, quæcunque thoracem vinciunt, scapulas, iugulæque, nec non inferiorẽ maxillam, humerum, cubitum, digitos, fibulã, tarsum, ossa pedij: quod si de ligamentis

*Enumeratio
partium complu-
rium que lica-
mentis prædita
sunt.*

ilij pubisq; interrogas, hæc ab aliis præterquam in motu non differre, respondebo.

De ligamentis cubiti, tibiæ, ac pubi apposis.

CAPVT IX.

INTER cubitum, radiũmque, inter tibiã, ac fibulã iuxta eorum longitudinẽ membranosum ligamentum cernere est, quod inter horũ ossium intervalla situm est, cuius vtilitas est nõ modò vt vniat, ac vinciat, sed vt interiores musculos ab exterioribus distinguat: eodem se habent pacto vincula, quæ sunt in pubis foramine, nonum musculum à decimo diuidentia.

Ligamentum membranosum. vjii.

Ligamenti pubi vtilitas.

De ligamento hepatis, CAP. X.

HE PAR duobus præcipuis ligamentis continetur, quorum alterum dexterã, alterũ leuam partem respicit. Ex quibus sinistrũ dextero crassius admodum est: hæc septo transuerso hepatis adnectũt, ne deorsum sua mole ac pondere procumberet. Horum igitur ligamentorũ dexterum suspensorium vocitant, ac sinistrum nullo peculiari nomine insignitur.

Duorum ligamentorum iecoris vti.

Locus admoneret, vt de mediastino, pericardio, pleura, necnõ peritonæo, verba facerẽ: nam hæc quoq; sunt ligamenta: sed de his in tractatu de membranis sermonem reiicimus: quoniã si res ad viuũ secaretur, membranae sunt potius, quàm ligementa, cũ hæc sensu aliquo sint prædita, quo vera ligamenta omnino carẽt, cũ à iecoris ligamẽtis discesseris: hæc enim sola inter ligamenta, non sunt prorsus sensus expertia.

Mediastinum, pericardium, pleura, peritonæum sunt membra potius quia ligamenta. Iecoris ligamenta non sunt prorsus sensu destituta.

REALDI COLVMBI

CREMONENSIS

DE RE ANATOMICA,

Liber quartus.

DE SCELETO.

Sceletos.*Sceleti descri-
ptio.*

AMPRIMUM omnium
quid Sceleti nomine si-
gnificetur, explicandum
est. Sceletos igitur Græcis
hominibus nihil aliud si-
gnificat, quàm ossiū exic-
catorum cadauer, cuius
inspectio non modò no-
stris, sed priscis etiam temporibus in usu extitit,
quemadmodum ex Gal. primo de Administrā-
dis Sectionibus colligere possumus: vbi histo-
riam recitat, quo pacto ipse discendi cupiditate
inflammat, se in Alexandriam contulit, quo
loco medici aderant, qui hanc humani corpō-
ris ossium compagem se docere profitebantur.
Atque ibi duos scelotos suis oculis vidit, quorū
alter suspensus pendebat a iubus expositus, quæ
carnem, quibus ossa vestiuntur, vniuersam de-
uorauerant ossibus relictis, quæ suis inuicem li-
gamentis detinebantur: alter verò in sepulchro
iacebat, qui à Nili fluctibus vehabatur, tandēq;
ad

ad ripam fluminis appulit, vbi constitit, erantq;
 illius ligamenta exiccata. Sed profecto (pace
 Galeni dixerim) neuter horum ossium discipli-
 næ accommodari poterat. Nam in his duobus
 sceletis articuli omnes ossium ligamentorum
 velamine delitescere cogebantur: at absque ar-
 ticationum ossium exacta cognitione, imper-
 fecta est sceleti cognitio, & historia. Quî enim
 scias: nunquid vlla adsit cavitas, tuber vllum:
 atque hæc omnia altiùs ne, an in superficie sita,
 suscipiant ne an suscipiantur: atq; alia id genus
 complura, quæ in ossium explicatione maximû
 docenti, discentiq; afferunt adiuumentum:
 quemadmodum ingenuè fassus est excellens
 Franciscus Frigimelica, cui ars medica multum
 debet. Is Patavij hominis sceletum suis cum li-
 gamentis calce detinebat, idq; in illius florenti-
 ssimæ Academiæ gratiam, cui semper pro-
 desse studuit. Sed in sceleto propriis ligamen-
 tis iuncta non posse omnia disci doceriq;, opti-
 mus vir cognovit. Sceletos itaque constare de-
 bet ex ossibus, quæ prius coquere, hoc est elixa-
 re maxima cura debes, quicumque sceleton do-
 mi parare studes: cura inquam magna in ossi-
 bus elixandis adhibenda est, ne processus, car-
 tilaginésq; in earum extremitatibus incrustante
 aliqua in parte lædantur. Cadaver autem, ex
 cuius ossibus sceletos construendus est, esto iu-
 uenis non obesus, statura pusilla potiùs, quàm
 procera: nam visu pulchrior euadet: hoc ca-

*Quomodo sce-
 letos parari de-
 beat.*

*Ex qua statura
 parandus scele-
 tos.*

*Observatio in
expoliando sce-
lato.*

Cranij sectio.

*Cartilaginee pe-
ctoris ossis relin-
quenda.*

dauer, quale descripsimus, excoiandū primò est, deinde caro adimenda omnis, quoad eius fieri poterit, visceraque omnia interna abiicienda. Illud autem obseruandum est, vt dum fabricam hanc humani corporis expolias, aures diligenter adimas, seruésq; item nasi dimidium, extremum illud scilicet narium, quod cartilaginosum existit: item palpebras, os hyoïdes dictum: laryngem vnà cum frustulo asperæ arteriæ. Postquam hæc omnia accutè effeceris, cranium secandum est, supercilia versus, idque propterea, quòd cauitas in fronte latitās huiusmodi sectione detegetur. Cerebrum postmodum vnà cum membranis à cranio ita separandum est, vt interna caluariæ pars munda prorsus, atque sordium expers relinquatur. Deinde secundam vertebra à tertia omni industria separato. Deinde maxillam inferiorem adimito, ea tamen lege, ne cartilaginem illam mobilem, quæ inter caput, maxillamque inferiorem sita est, vel tantillum labefactes: hanc chartis seruato. Deinde costarum cartilagine sensim à costis ipsis seiungito. Sinato tamen dictas cartilagine ossi pectoris adhærentes, neque vlllo pacto diuellito. Extremas item costas, cū cartilagine nō iungantur sterno, aliis adimes quoque cartilagine suas, ac in papyro itidem pones. Summa quoque diligentia adhibenda est, ne dum has vnà cum sterno eximis, duas mobiles cartilagine ladas, quæ inter iugula, sternumque

númque sunt sitæ, quemadmodum de mobili cartilagine, inter caput, maxillámque inferiorem paulò antè dicebamus. Illud autè de ster-
no cum cartilaginibus meminisse oportet, hæc *Cartilagine nō sunt coquenda.*
in cacabum nō immitti: non enim coquuntur, sed soli exposita exiccantur, itaque seruantur, larynx item, & hyoïdes os, & aures, & nares, & palpebræ eodem modo seruanda sunt separatim: neque enim vllum ex his coquitur. Postquam hæc omnia absolueris, costas à corpore vertebrarum paulatim diuelle, necnon ab eorū transuersis processibus: quòd si in ossium scientia parum versatus fueris, sinistras costas vnà vincies, atq; à dextris semouebis. Dextras item à sinistris separatas colligabis, ne misceantur, idque ordine facies, vt primo primam, secundam deinde, & tertiam successiuè. Ablatis costis, incipe eas cartilagine amouere, quæ inter vertebram, & vertebram sunt: idque gladio facito, cuius àcies tenuis sit, & dictum, ac factum incidat. Incisio verò ad corpus vertebrarum perreptet. Caue tamen, ne ad illud ita accedas, vt appendices lædas, quæ non admodum duræ existunt: itaque progredere vsque ad ossis sacri summum, easque cartilagine chartis impone, idque ordine facito, vel eas acu perforatas filo excipias: item dictum puta de cartilagine, quæ inter sacrum & coccygem sita est, & inter ossa pubis. Quò verò ad dorsum pertinet, vniuersum in tres partes diuidito, & se-

Appendices nō laedenda.

Cartilagine filo excipienda vel in chartis seruanda.

paratim colligito, vt in lebetes meliùs aptentur. His peraëtis, diligenter inspicere poteris, nunquid in acromio tertiũ illud os adsit, quod Galenus in hominibus dũtaxat inueniri asseuerat, & scapulã ab humero separabis. Præterea circa scapulæ cõcauum, vbi cum humero articulatur, Cartilaginem illam tolles, quæ ibi à natura de industria apposita fuit, vt sinus ille profundior euaderet. Postmodum separabis humerum à cubito, rursus à cubito extremam manũ: quod dum agis, animaduerte, obsecro, an styloides processus quartum os brachialis ingredia-
 tur (quemadmodum Galenus scriptũ reliquit) necne, suspice quoq; supra styloïdem: nam mobilem ibi quoque cartilaginem inuenies, quam chartis recludes, vt suprã. De aliis id genus sæpiùs admonuimus. Deinde femur à coxendice diuelles, & hoc etiam loco circa acetabulum mobilis tibi occurret cartilago instar illius, quã circa scapulam obseruaueras: seiunges etiam à tibia femur: neq; hĩc desunt duæ cartilagines eaq̃ue mobiles à natura effictæ, atque efformatæ in eundem vsum, vt scilicet tibię cavitates amplificarent, atque attollerent, à quibus capita inferiora femoris suscipienda erãt: illud quoque meminissẽ oportet, patellam adhaerentem relinquendam esse, ne sinistra, dextrãque confundantur. Põst deinde extremum pedem à tibia distinguito, & cartilagines vel chartis recludito, vel filo, ut lubet, excipito. Idem agendum

*An quartum
 os brachialis v-
 niatur cum sty-
 loide.*

dum est, vt suprà attigi, de auribus, naribus, palpebris, hyoïde, larynge, & cartilaginibus omnibus, quas ademeris, & de sternone, quod nullo pacto aqua abluendum est. Reliqua in cacabū indes, ibique aliquandiu finito, vt molliora red dantur, & quod reliquum est carnis adhærens maceretur. bene abluito bis, tēque, & tunc terebello paruo perforabis caput superius, inferiúsque tum humeri, tum cubiti, tum radij, tum femoris, tum tibiæ, tum fibulæ, ferrumq; huic rei, aptum per foramina dicta in horum ossium cavitatem immittes: idque vt medulla vniuersa exeat, quæ retenta ossa denigrat, deformioraque reddit, quod bonus Vesalius non animaduertit: neque enim omnia animaduerrere magnus potuit anatomicus. Idem effcito in ossibus postbrachialis, digitorumque: idem in ossibus pedij, & iugulorū sternon versus, alio minori terebello hæc ossa terebrans in capite altero duntaxat: idque vt ex albis ossibus sceletos constet: neq; hisce foraminibus perexiguus sceletus turpitudinem accessuram esse verendū est: præ sui enim exiguitate conspicua non sunt: quod si conspiciantur ossibus omnibus simul iunctis alba cera, aut glutine ex caseo confecto, quo fabri lignarij vtuntur, dicta foramina diligenter obturato. Postquam ossa hæc, vt dixi, iterum laueris, in promptu habeas vas amplum æneum, quale pro familiæ lincis pannis è sordibus abstergendis domi habet matronæ: sit verò

*Ossa à medulla
retenta deni-
gratur.*

Vesalijs in scitia.

*Qui ossa candi-
diora fiant.*

*Ossa elixanda
ut carne denn-
dentur.*

aqua feruenti plenum in quā ossa (vt diximus)
denudata, & distincta immerges. Hoc etenim
pacto candidiora euadunt. Illud præterea di-
ligens sceleti faber obseruare nullo negotio po-
terit, vt manus, pedesque linteis prius inuolu-
tos in aquam immergat, ne articuli extremi, aut
sefamina ossa percant, confundanturue: tandiu
verò bulliant, donec ab ossibus caro sponte de-
cidat: nolim tamen carnem ab ossibus tam fa-
cilè abscedere, vt appendices relaxentur: nam
magnum tibi negotium crearet, appendices ita
dissolutas suis ossibus denuò apponere: quod
faciliùs eueniet, si adolescentuli cadauer supra
dicto modo coquas. Separantur enim in hisce
faciliùs ab ossibus appendices. Post hanc ossium
elixationem partem caluariæ superiorē primo
eximes, ne suturæ relaxentur: itaq; curam ad-
hibe ne squamosæ futuræ separentur, neue pars
superior temporalium ossium deperdatur, cum
ab aqua eximenda ducis, lineos pannos paratos
habeas crassiori filo textos, eòsq; rudes adhuc,
neque attritos vetustate, quibus ossa prædicta
abstergas: deinde caput, costas exime, iugula-
que, postea brachia, & crura, item manus, pe-
des, inferiorēque maxillam, postremò dor-
sum cum ossibus ilium: quæ ossa singula tibi per
manus tradita tela exiccabis. Illud præterea ne
obliuiscaris, quæ so, vt dum ossa coquis, subin-
de spumam, & pinguedinem incitantem tollas:
quæ tamen non sunt abiiciendæ, sed in vase
condendæ,

*Pinguedo servā
da nec ossibus
relinquenda.*

cōdendæ, vbi verò coagulata videris pinguedinem, quæ spumæ subest, exime ab aqua, & serua. est enim pluribus in rebus hæc pinguedo perutilis. Exēpta ossa ab olla ænea, magna & summa diligentia mundata sint, cultro fabrefacto paruulo, cuius sit acies acerrima. Cauendūq; est (vt suprā etiam attigimus) ne in cartilagine articulis incrustatas offendas, nam si has attigeris, hoc est, incideris, mox articuli fatiscunt, & dissoluuntur, hoc pacto, ne fœteant ossa. Fœterent autem, si aliquid carniū ossibus adhærens relinqueretur, in quibus denudādis accuratus admodum sis, oportet. In separatione capitis à vertebra, quod nō ita facile existimato, ob valida ligamenta, propterea sensim, atque oculatè progreditor, ne trāsuersum ligamentum in prima vertebra positum lædas, quod ligamentum dentem secundæ vertebræ cōtinet. Vertebrae ea, qua diximus, diligentia nudatas ordinae ponito, funéque excipito, & in tabella vento, solique exposita tandiu detineto, donec exiccentur : id verò biduo fiet, plus minus, sed caue ne imbris aspergantur. Brachiale cū exossas, id est ossa eius separare, & cartilaginibus exuere in animo habes, prius considera, quā difficilis sit tot ossium tam diuersa specie repositio. Quare si diffidis, satius est, minúsque absurdum, si relicto ligamēto, quo brachialis ossa continentur, illa in superficie detegas, vt ex pluribus ossibus constare liquidò constet : sed pe-

Ossa ne fœteant.

detentim hoc agito, ne hic ossium nexus, cuius colligationem reformidas, si nimis penetras, corruat. Eadem, vel paulò minor diligentia in tarso adhibenda est, dum hæc ossa sole, ventóq; exiccantur: quoniam temporis iactura maximi ab optimo quoq; facienda est. Poteris interim gladiolo, qui nouaculam secando imitetur, aures, nares, palpebrasque excoriare, hyoïdis os, laryngem, sternon, atq; alias cartilagineas à membranis liberare, & ligamentis: idque præsertim, ut sceleti fœtor inhibeat. Caueto etiam, ne dentes omnes decidât: immò verò da operam, ne vel vnus quidem decidat: quod si exciderint, da operam ut in suum quisq; alueolum redeat, *Gluten.* in promptuque habeas gluten ex recenti caseo, ex oui albumine, gypsoque recenti confectū, itaque struito, ne amplius labant: idem efficere poteris, si appendix aliqua è suis ossibus diuulsa concidisset. Non defunt, qui in ossibus cadaueris excoquendis pro scelere fabrica calcem, cineremque adhibeant, ut candidiora fiant, quod mihi non valde probatur. Vidi enim ossa nigrescere potius, quàm albefieri huiusmodi rebus. Neque illud aspernandum est, ossa dū coquuntur, nisi aqua continenter submersa detineantur, fumo infici solere. Dum hæc aguntur, ferrum corporis mole altius palmi dimidio (ut nunc Romæ loquuntur) fieri curabis, quòdque deorsum tres in partes diuisum sit, & eas perforatas, ascendatque crassiusculum

Ossa ex calcem aut cinere densa data nigrescunt.

Instrumentum in ossibus præparandum commo-

fiusculum ad ossis sacri inferiora: quod reliquū est ferri, tenuius esse debet, quò flecti possit, ut tibi ex usu erit: huius ferri basis erit tabella re tragona, in cuius centro alia sit eminentior figura orbiculari, colore atrata enim elegatior esse videbitur sceleti situs, qui hisce tabulis clavis affixus detinebitur. Cuius sceleti ossa ut elegantius connectas, tria ænei fili genera adsint, quæ per tenuius, & crassius inter se differant: quod æneum filum coquendum est, ut flexibilius reddatur, neque in connectendis ossibus tam facile disrumpatur. Forcipes quoque binæ parandæ sunt, quarum vna sit teres, ut filum illud æneum foraminibus immissum torqueas: alia verò incidat quod reliquum est. Acus item variæ ex optimo ferro parandæ sunt, ligneo manubrio exceptæ, quæ & perforare, & secare possint: hisce ossa, ut lubebit, perforato. Præterea animaduertendum est, si digitos rectos esse volueris, perforandos esse rectâ, ut à latere ad latus foramen penetret: quòd si obliquus illorum situs tibi magis arrideat, obliquè perforato, ita ut infra magis distet ab ossis capite, quàm supra. Item qua forma voles, digitorum situm immutabis. A pedibus igitur initio sumpto. quatuor sesamina apponito, illis crura superpone, deinde femora: animaduertendum tamen est, inter tibiam, femurq; posterius perforandum esse inter duo capita inferiora femoris: necnon eminentiore parte capitis tibie, ubi

Quibus ossa connectenda.

*Ferrum in os sa-
crum imponen-
dum.*

*Crurium in se-
cto flexio vi-
sanda.*

aderat ligamentum. Item ibi baculum appo-
nes, vt hoc fulcro præter æneum filum solidior
sit connexus. Deinde os sacrum, coccygem,
& lata ossa connectito, cartilaginésque appo-
nito in genu circa acetabulum coxendicis inter
ossa pubis, inter os sacrum, & coccygem. An-
teà verò quàm femur suo loces loco, imponen-
dum ferrum est in os sacrum, suâque ossa con-
iuncta, quod si faciliùs efficere volueris, ossis
sacri tertium, quartumue posteriùs perforato.
sit verò foramen adeò patens, vt ferro excipien-
do sat esse possit, quod postmodum foramen
illud ingreditur, per quod spinalis medulla de-
scendebat. Sistendum est autem, fulciendùm-
que, ne infrà crurium altitudinem flectatur.
nam crura flecterentur, quod turpe esset visu.
Postquam stat ferrum, vt decet, crura, & pe-
des fige vario situ, ne suo loco labantur, atque
excant: fies autem voti compos, si sub calce, &
pollicem perforaueris, & paruo clauo, a necq;
filo has partes lignæ, quam suprà diximus, ta-
bellæ affixeris. His optimè dispositis patellâ ge-
nu apponito: deinde quinque lumborum ver-
tebras cum suis cartilaginibus sacro ossi appo-
ne. Supra has tres extremas thoracis vertebrae,
quibus suas costas necte, hoc est, earum corpo-
ri: quanquam decima ad transuersum proces-
sum accedit: deinde reliquas nouem transuer-
sis vertebrarum processibus prius perforatis, vt
costæ faciliùs aptentur, illisq; elegantius ad-
moucantur,

moueantur, quas prius anteriore in parte per-
 forato, vbi cum cartilaginibus vniuntur. Po-
 sterius autem non perforato antea, quàm me-
 tiaris, quàm singulæ perforandæ sint: sed prius
 vertebrae harum costarum in ferrum indito, vt
 dictis vertebrae superpositæ sint, & ex his à pri-
 ma initio sumpto, æneum, quod diximus filum
 bis tæue circa eas, transuersosque processus
 vertito. Caue tamen ne hunc nexum arctes prius-
 quàm sternon suo loco imposueris. Illud equi-
 dem nolim obliuiscaris, sceleri elegantiam, &
 venustatem in thoracis concinna figura, sitam
 esse, quam sphericam esse oportet. Id vt fiat fa-
 ciliùs, inter sternon, ac vertebrarum corpus li-
 gnum impone, quo retrocedere, atque intror-
 sum inclinare prohibeatur. Præterea animad-
 uertendum est, nonnunquam cartilagines ni-
 mis exiccatas esse: propterea minus cedere, quàm
 sit opus artificis sceleton componenti: quod si
 fiat, illas in tepidam aquam paulisper finito,
 tunc enim cedent. Deinde collum, caputque
 impone: sint verò ossa capitis, quod transuer-
 sum sectum fuerat, vt quæ in ipso contineban-
 tur auferri possent, vinculis excepta, ne cor-
 ruant, in vertice, in sutura recta, & lambdalem
 versus: in sincipite autem foramen adsit, è quo
 exire ferrum possit: thorace, vt oportet, exic-
 cato, adde iugula, scapulas, brachia, manús-
 que: ita erit Dei ope sceletos absolutus: sed stu-
 de, vt iugulis, scapulæ, maxillæque inferiori

*Venustas sce-
 leti in quo con-
 sistat.*

*Ossa capiti in
 sceletis vinculis
 excipienda sunt.*

suæ cartilagine apponantur : item styloïdi inter ipsum , & brachiale. Pulchrior etiam videbitur sceletos si ex brachiis alter extendatur, flectatur alter: quodd si mauis, scipionem manu gerat: vt lubet effcito, quæ tabulæ clauis affigito. Sceleti collo hæc suspendito , vt per thoracem pendcant, torquis instar , larynga , os hyoïdes, aures, nares, vngues , quas optimè perpolies, palpebras , ossa sciamina dicta , ossa , quæ sunt in naribus spongiosa , quæ dum internam nasi partem emundas , facillè decident. Tu verò caue , ne illa imprudens tanquam nullius pretij proiicias, vt Vesalio contigisse opinor , qui illa propterea non cognouit. Illud præterea memoria teneas, dum caluariam curas, qua aures sunt sitæ, id tanta industria , & diligentia effcito, vt ne ossicula auditus organo deferuientia lædas, quæ pulcherrima viu sunt, & scitu digna. Ex his duo prima nullo negotio eximes, tertium verò non sine negotio : propterea caluaria sæpiùs manu concutienda est, vt eximi faciliùs possint: hæc unà cum aliis, quæ paulò antè memorauimus, sceleti collo suspendes, ne quid desit eorum, quæ scire operæpretium est. Quodd si puelli sceleton parare cupias , caue diutiùs ossa coquas : nam ossium appendices facillimè relaxantur. Idem de simiis iuuenibus admonitum puta. Si sceleton non modò non fætere cupis, sed bene olere, priusquam caluariam sericis ligulis vincias, cura, vt illa vincula muscum, & ambram

Vesalijs inscitia.

*Sceleti puelli
ossa non diu co-
quenda sunt.*

*Sceletos vt bene
oleat.*

bram

bram optimè redoleant, aut re huiusmodi bene olente, vt magis libuerit. Filo æneo crassiori humerum scapulæ admovebis, cubitum humero, radio extremam manum, femur acetabulo, tibiam femori, tibiæ extremum pedem. Costas autem, vertebrasque mediocri æneo filo, vt digitos, & postbrachiale tenuiori. Deo verò Optimo Maximo sit honor, & gloria.

*Modus in con-
nectēdiu ossibus
sceleti.*

REALDI COLUMBI

CREMONENSIS

DE RE ANATOMICA,

Liber Quintus.

DE MUSCULIS.

Quid sit Musculus, ac de Musculorum differentiis.

CAPVT I.



VSCVLVS instrumentum est voluntarij motus, absque quo nihil in nobis est, quod voluntariè moveri possit: cōstructus autem est ex fibrosa carne, nervis, ligamentis, venis, arteriisque, & membra-

*Musculi de-
scrip.*

*Quæ musculū
constituunt &
quem usum ei
quodque horū
praestes.*

na: carne quidem, vt qua corpus ipsius cōstet, & moles: neruo, vt is virtutem motiuam defer

O. iij

*Musculus unde
dicatur secun-
dum aliquorū
opinionem.*

ret, quæ à cerebro emanat : ligamento, vt sit validus, neque in mouēdo imbecillus: vena, vt ali possit : arteria , ne vitali calore destitueretur : membranæ verò munus hoc est, vt omnia hæc cōplectens detineat, musculūmq; à musculo distinguat. Musculum sunt qui à mure dictū putent, quòd muscoli quidam muris figuram præ se ferant : nam illis caput tenue existit, venter latus, cauda oblonga, angustaq;: nō desunt, qui musculum lacertum vocent : quoniam lacerto ipsi similis figura videatur. Alij pisces similē magis musculum autumant: propterea pisciculum vocant. Sed profectò has formas in omnibus musculis non comperies: nam aliqui lati admodum sunt, alij trilateri, alij quadrilateri, alij orbiculares: sunt aliqui crassi, alij verò tenues, atque exiles: breues alij, alij prolixi : aliis vnū dūtaxat fibrarū genus cōtigit, aliis duo, tria aliis, & nonnulli muscoli omnibus fibrarū generibus mixtis præditi sunt, quibus videtur intertexti. Musculi in tendines, hoc est, chordas desinunt, sed non omnes: multos nanq; tendine carētes videbis: contrā quibusdam musculis tendo adest in exortu, quibusdā in medio: quamuis Galenus de quarto duntaxat, maxillā inferiorem aperiente, mentionem faciat, vbi illius tendinis occasione capta miris laudibus naturam ipsam, effert. Sed meminisse poterat bonus Galenus quarti quoq; muscoli, à quo hyoïdes deorsum trahitur, qui tendinem in media sui parte à natura benignè suscipit,

fuscipit, neque illi, quem tantopere Galenus ex tollit, ob hoc quicquam inuidet. Sed priusquam à musculorū tendinibus discedamus: nonnulli sunt, quibus vnicus inest tendo, aliquibus duo, trēsue, aut quatuor, quibusdam complures, vt longissimus dorsi musculus, necnon thoracis quintus: quidā longum, teretēque tendinem obtinent, alij teretem quidem, sed breuem: aliis tendo adest tum oblongus, tum latus, aliis latus & decurtatus: ita vt faciliē perspicias figurā musculorum, tendinūque ipsorum non vnicam esse, sed multiplicē & variam, quemadmodum in vniuscuiusque musculi peculiari historia facilius quoque, & apertius disces. Ortum ducūt ab ossibus musculi, atque in ossa desinunt, sed non omnes: nam aliquos cernere est non ab ossibus, sed à cartilaginibus exorientes, alij à membranis exoriuntur, & in membranas quoque finem habent: alij post exortū descendunt, ascendunt alij: quorundam situs transuersus est, quorundam verò obliquus. At exortus musculorū neque in omnibus eodem se habēt pacto: nam aliquorum oblongus, aliquorum autem brevis: his crassus, illis pertenuis: nonnullis carneus, aliis tendineus, licet non desint, quibus ex carne tendini mixta videatur origo. Ex musculorum tendinibus nōnulli perforati sunt, alij minimē, alij vnico foramine, alij pluribus donantur. Sed locus admonet, vt antequam ab hoc sermone discedo, doceam quid tendinem, seu tendonem

*Musculorū or-
tus. & termi-
natio.*

Quid sit tendo. dicunt, chordamve, vt Arabes Anatomici. Tendo igitur in musculo pars alba est, dura, densaq; & pellucida, quæ cùm primùm detecta est, visu pulcherrima est, ac spectatores in sui admiratio-
Differentia in-
ter tendinē, &
neruum. nem trahit. A neruo autem distat tendo, etsi ma-
 gno quoque sensu præditum esse tendinem ex-
 perientia facilè pateat, cùm ipso læso sæua acci-
 dentia consequantur. Si tendinem seces, corpus
 solidum attrectabis, neruo verò cæso contrà se-
 res habet: nam licet albicet neruus, tamen neq;
 adeò durus est, quemadmodum tendo, & rotū-
 dior est, neque adeò perlucet: quòd si incidatur
 corpus multis funiculis intertextum, villóque

Musculos esse
infirmèra mo-
tu voluntarij.
Musculos a ner-
uo suscipere mo-
tum.

circundatum videre videberis. Adnotandum
 insuper est musculos organa esse motus volun-
 tarij, qui neruorum ope illis demandatur. Hæc
 etenim vis neruis à cerebro demādatur, etsi A-
 ristoteli secus videatur esse. Idcirco musculo
 cuique quamuis minimo neruus obtingit: immo
 & nerui quandoque. Cùm ad musculū neruum
 ferri dico, nō intelligo prope musculos neruos
 ferri, aut per illorum medium rectà præterire:

Neruos in mu-
sculorū substan-
tiā diffeminari

sed per musculorum substātiā aio neruos dif-
 feminari: quamuis Vesalius parum in hoc Ana-
 tomicus sensui, rationique aduersetur, inquiens
 musculos complures carere neruo, & inter reli-
 quos quadratum musculū prope brachiale, qui
 radium in pronum ducit. Ego verò huic quo-
 que musculo inesse neruū asseuero adeò perspi-
 cuum, vt quiuis alter: neque difficilis est inuen-

Vesaliij error de
neruorū in mu-
sculos distribu-
tione.

tu.

tu: idem de eo musculo dictum puta, qui latum tendinem efficit, de quæ aliis, quos Vesalius excipit: quod dum efficit, naturam irridere maluit, quàm suam in hoc nõ obscuram negligentiam patefacere.

De faciei musculis. CAP. II.

FACIEM cùm dicimus, eam corporis partē *Quæ pars facies appelletur.* intelligimus, quæ capillos, mentumque interiacet, moueturque voluntario motu, maxilla inferiore immota: neque enim superiorem maxillam moueri nisi crocodilinam, teste Aristotele inuenies: licet ego pſitaci vtranque maxillam motu præditam esse primus obseruauerim: quin facies ipsa hominis mouetur quidem ad inferioris maxillæ motum, sed non primario, verùm secundario motu.

De musculus frontis. CAP. III.

MVSCVLI igitur (vt ad rem redeamus) *Musculi frontis.* qui huic deferuiūt parti, complures sunt: primi duo sunt, atque hi in fronte siti: exortus horum in superiore parte existit: in inferiore vero parte terminantur in communi futura, quæ dirimit ossa capitis ob ossibus maxillæ superioris: quamuis nerui huic parti subiiciantur. Horum musculorum fibræ rectè neutiquam sunt, quæ admodum Vesalius asserit, sed obliquæ à summo scilicet naso tempora versus: eorumque motus est, vt supercilia attollantur, quamuis neque Galenus ille, de re medica tãtopere meritis, neque Vesalius nostris temporibus magni vir no *Vesalii error.*
Vesalii commẽdatio, eiusdem inſectio.

minis in dissectione corporum, neq; aliusex his qui ante me scripsere agnouerint. Quòd si maiorem diligentiam adhibuissent, inuenire facile poterant. Hi duo muscoli & vniuersam frótem & temporalium musculorum tantam partem occupant, quantum ipsi obliquè ascendunt, præterquam media fronte, vbi nos cutim contrahimus, corrugamúsque quoties vehementer commouemur, aut admiramur: adeò vt in multis sese supercilia mutuo contingant. Quæ cutis frontis contractio, si vnus hic esset duntaxat muscul^o, fieri nullo modo posset. Hæc res, vt viros alios omittam minus notos, in fronte amplissimi Cardinalis Ardingelij, quem honoris causa nomino, perspicuè videri poterat: cui cū sinister musculus ex his conuulsus esset ob vulnus, dimidiam frontem mouebat: reliqua motus expers relictæ erat. Sed mitto hoc, sensum ipsum si tu quoque consules, hoc haud dubiè nullo negotio comperies: nam si vniuersam frontis cutem detraxeris, in media fronte nullum videbis musculum, nisi in summo naso, vbi dexter musculus cum sinistro ita coniungitur, vt vnus hoc loco musculus esse videatur, & vbi carnosiores, quàm vsquam inueniuntur: & quo magis ascendunt hi muscoli, eò tenuiores euadūt, superciliâq; sursum trahuntur non ab his duntaxat, sed etiã duorum musculorum præsidio, quos deinceps describemus, hætenus (vt opinor) anatomicis ignotos.

*Duos esse frontis
musculos &
non tantum v-
num.*

*Cardinalis Ar-
dingelij, dimi-
diam frontem
mouit.*

De duobus Musculis Nasi.

CAPVT IIII.

POST hos binī occurrūt nasum dilatantes, *Nasi musculi inuēti.*
 adhuc à nemine cogniti : nam etsi Galenus, aliique de duobus musculis nasum dilatantibus meminerint, eos tamē cum labij superioris musculis confudēre. Præter hos Vesalius duos descripsit nasum claudentes, quos interiore in parte esse vult, imaginationēque duntaxat intuitus est: quo enim pacto oculis cernas, quod nusquā est? Latas itaque nares reddētes musculi illi duo à supradicta oriūntur futura, estque exortus eorum acutus carnosusque, cum musculorū frontis sine permixtus, deorsumque tendentes latiores redduntur, & supra nasi ossa deferuntur, inque eius pinnis terminum habent, triangulūsq; penē efficitur, cuius duo sint latera oblōga, breue tertium: hi pinnas sursum trahunt, fibrāsque rectas habent, itaque dilatant: illi verò, quos alij anatomici descripsēre, portio sunt eorū musculorū, qui in superiore labro positi sunt, vt mox dicam. Clauditur nasus à musculis dicto labio opem ferentibus, non autem à propriis. *Quibus musculus nasus clauditur.*
 Nam quoties aliquid nobis per nares attrahendum est, superius labium cōstringere cogimur.

De musculis latis in collo positis.

CAPVT V.

DVO præterea alij sequuntur penē quadrati musculi in collo siti, quos Galen. lib. de Vsu par. deque Anatom. Sect. se inuenisse exul-

Musculi lati in collo duo.

tat: qui labiis ancillantur, ea deorsum obliquè trahentes. Horum substantia membrana carnosissima est, à iugulorum regione, posterioréque colli parte initium sumunt, eorúmque fibræ obliquè ascendunt, atq; eò tandem pertingunt, vbi cum superiore labro inferius iungitur. Quare cum hilati muscoli faciei deferuiant, etsi in collo collocentur, tamen inter faciei musculos connumerandi sunt, qui cum mento plurimùm coherent: atque in hoc oris apertioni videntur auxilium ferre.

De quatuor. musculis labiorum.

CAPVT VI.

*Quatuor labio-
rum musculi.*

QU I labris famulatur musculi, quatuor numero sunt, duo in superiore, totidem in inferiore. Superioribus quadruplex origo est: nam ab extrema futura ossis iugalis exoriuntur & ab ea, quæ primum os maxillæ superioris separat à tertio: reliqui duo ab osse maxillæ proficiuntur, omnesque obliquè versum labrum incedunt, quos inter vnus est, qui narium pinnae adhærescit, & propterea hunc musculum illum esse dicebant, qui nasum dilataret. Ego verò prædictorum labri musculorum portionem voco. Tamē ne pertinax esse videar, quod semper abhorui, si cui separare hunc liceat, & peculiaris musculi loco esse ducere, id sibi per me liceat: quo concesso, quatuor erunt nasi musculi, qui omnes ipsum dilatabunt. Reliqui duo labrum inferius constituentes, ab ea menti parte oriuntur,

Musculus ab aliquibus imperite nasi appellatus.

Quatuor nasi musculi.

tur, vbi quædam est in osse asperitas conspicua.

Horum autem quatuor musculorum fibræ va- *Ex varietate fibrarum variantur motus.*

riæ sunt, atque inter se commiscuntur, & im-

plicantur: idcirco varios motus edunt, vt rectè

Galenus adnotauit, & plerunque cum cute ipsa *Musculi buccarum duo.*

cōfunduntur: tamen si tibi musculosum corpus

neque pingue, secundum obrigerit, atque dili-

genter excories, & eleganter, & perspicuè satis

conspici poterunt. Accedunt dictis musculis a-

lij duo buccarum, quos quidam oblitus est de-

scribere in magno quodā volumine, de huma-

ni corporis dissectione: inter vtranque maxil-

lam siti sunt, à gingiuisq; nascuntur, & in gin-

giuas desinunt. Quare vnde lubuerit initium su- *Musculorum buccarum exoritur, & sinu confunduntur.*

mas licet, vel suprà, vel infrà, nihil enim interst,

fatis tenues, & circuli in modum sunt, fibris va-

riis intersecti, variisq; ob id muneribus fungun-

tur. Sunt enim manui instar, quæ cibum nunc

huc, nunc illuc propellant: neque sunt inter lo- *Musculorum buccarum multiplex usus.*

quendū inutiles, cū ex sufflare, vel inflare buc-

cas volumus, hisque musculis tibicini, tubæque

canenti non mediocris est vtilitas.

De musculus supercilium trahentibus.

CAPVT VII.

BINI adhuc in lucem reuocādi sunt muscu-

li, ab aliis negligentia præteriti, quos in capi- *Musculi supercilium trahentes à nullo adhuc cogniti.*

tis posteriore parte licet animaduvertere, qui à

lambdoide futura supra māmillares processus

oriuntur: triangulares sunt, & in carnosam mē-

branam desinunt, quæ frontis etiam muscu-

*Musculorum su-
percilium tra-
hentium utili-
tas.*

los excipit, eorúmque utilitas non contemnen-
da hæc est, ut fronrem, cutémque capitis poste-
riora versus abducant, ut ego millies non sine
voluptate contēplatus sum in capite præcullen-
tis viri præceptoris mei Ioannis Antonij Plati,
quē Lonigum nūc vocant. is enim cutem capi-
tis vniuersam validè mouet. Sed quid ego in a-
liis exēplar persequar, cum domestica, vel inter-
na potiùs exēpla non desint? Ego quoq; is sum,
in quo cutē capitis manifestè moueri nullo ne-
gotio cernere posses, quippe qui caluus admo-
dum sim, absq; vlla cutis ariditate, sed mollitie
adèd laxa, ut nuper nati infantis cutē præferat,

De Palpebrarum Musculis. C A P. V I I I.

*Musculi palpe-
brarum qui nu-
mero sunt sex.*

NON dubito, quin nostra de Musculis pal-
pebrarū historia grata omnibus futura sit,
cum illa, quæ hætenus ab aliis tractata sunt, pa-
rum sint cum re ipsa consentanea. Ego verò de-
di operam, quantum in me fuit, ut quàm verif-
simè describerentur. Musculi igitur palpebra-
rum sex numero sunt, tres nempe vtrinq;, quo-
rum duo extra orbitam oculorum, reliqui intrò
iuxta musculos oculorum sint siti, & propterea
omnes, qui ante me scripsere anatomici decepti
sunt, arbitantes hos nō palpebræ, sed oculis in-
feruire. Primi igitur orbiculares, fibras haben-
tes circulares quoque nascuntur in magno can-
tho, in futura communi capiti, & maxillæ supe-
riori, acuto principio, & sursum versus frontem
dilatantur, quo loco cum musculis frontis com-
miscuntur

*Anatomicorū
error in palpe-
brarū musculis.*

miscentur. Postea versus aurem tendentes, quò
 magis prope minimum canthum accedunt, eò
 magis amplificantur, & deorsum circa orbitam
 reflectuntur, vt tãdem acuto fine iuxta initium
 terminentur: facti sunt, vt palpebras claudant,
 & validè astringant: vtque oculos ab externis
 iniuriis tueantur. Hos Vesalius diuisit in qua-
 tuor: sed vbi ipse carnem detraxit, carnosiores
 sunt, quàm in reliquo deductu. Secundi erunt
 duo muscoli recti, lati, carnosi in superiore re-
 gione oculorũ, in interna orbita exorti ex ner-
 uo visorio, vt reliqui oculorũ muscoli. Hi mu-
 sculi latiusculo fine in supremã palpebram ter-
 minantur: facti sunt, vt trahant palpebram sur-
 sum, & oculum aperiant. Tertiij muscoli sunt te-
 reti figura, & tenues, ex eodem loco nati, qui o-
 blique verius magnum canthũ in palpebra te-
 reti ferè tendine finiuntur: in nonnullis quan-
 doque portio huius tendinis in corneam inseri-
 tur. In his adiuuare videtur motũ oculi sursum:
 attamen geniti sunt ob hunc vsum præcipuè, vt
 palpebrã trahant, & oculos aperiãt, qui vsus, &
 situs cùm in brutis quoque idem sit, nō possum
 non mirari, quo pacto Galenus, Vesalius, ceteri
 que Anatomici hos quatuor musculos palpebrę
 deseruientes, inter musculos oculorum nume-
 rarint, decepti fortè, quòd in orbita eorum siti
 sunt.

*Musculi oculos
claudentes.*

Vesalij error.

*Musculi oculos
aperientes.*

*Musculi palpe-
bram trahentes.*

*Gal. Vesa. cete-
rorumque ana-
tomistarum iudicium.*

Ec o De oculorum musculus. CAP. IX.

hîc diligentem lectorem postulo: nam
 p

*Oculorum Mu-
sculi.*

*Oculorū motus
arbitrarij.*

*Qui propriè o-
culorū musculi
connumerandi.*

*Quo pacto ocn-
lorum musculi
se habeant ad
motus.*

*Qui circularis
motus fiat.*

*Quintus mus-
culus oculi nūc
primū inueni-
tus.*

de parte nostri corporis nobilissima agendum est, cuius cognitio & necessaria nobis est, & per-
iucunda. Oculi igitur arbitrario motu cientur
nunc sursum, nunc deorsum, nunc dextrorsum,
nunc sinistrorsum, nunc in orbem. Galenus Ve-
saliusque, & Anatomici alij, qui omnes bellui-
num oculū descripsere, oculorū musculos qua-
tuordecim descripsere, vt septem in vnoquoq;
oculo collocarent. Ego verò decem musculos
in oculis pono, quinq; scilicet in vtroque: qua-
tuor enim illi eodem in loco positi musculi, qui
aperiendæ palpebræ conducunt, nequaquam
sunt inter oculi musculos adnumerandi. Qua-
tuor habes deinde oblongos musculos, qui ver-
sus radicem visorij nerui emergunt, recti q;
habent fibras, & in nervosas tenuitates desinunt.
& membranæ corneæ in orbem adnectuntur a-
liam membranam constituentes, quæ ad iridem
non pertingit. Positi sunt instar quatuor angu-
lorum, quorum duo suprâ sunt, alij infrâ: hi vel
sursum, vel deorsum, vel à dextris, vel à sinistris
trahunt, cū scilicet quilibet ex his seorsum o-
peratur, vel duo simul: at si omnes vnâ subse-
quenti motu operentur, motus efficitur circula-
ris, quod nouum dictum vobis nullo pacto vi-
deri debet, cū idem fiat à quatuor musculis
brachiali seruientibus. Præterea facti etiâ sunt,
vt sistant oculum, quādo scilicet vno, & eodem
tempore operantur. Quintus oculi musculus,
quem ego primus inueni, atque è rei natura de-
scribam,

scribã, ita habet. Situs est sub aliis quatuor oculi musculis, & inter hunc, atque illos pinguedo intercedit: situ transuerso locatur, & oculi medietatem complectitur: oritur à cornea membrana, atq; in eandem definit, adeò vt qui finis eius sit, quíue exortus, non ita facilè inuenias. Hunc ego musculum admirabilem iudico: nam ab oculo incipit, atque in eundem definit, propterea difficile dictu est, quis sit huius quinti musculi proprius motus. Si à neruis musculorũ initia proficiscerentur, dicere auderem eius originem verè in medio esse: ibi enim ramus à secundo neruorum cerebri coniugio ingreditur insignis, crassúsque satis, si cum musculo cõferatur, quem neruum fateor me quandoque suspicatum fuisse, huius musculi tendinem esse. Hunc neruum si attrahas, oculus sursum vertitur, & circũagitur, quamuis musculus sublit: fortè hic fuit vñus huius musculi admirabilis, vt eius auxilio cœlum, diuinęque maiestatis fabricam intueremur, ad quod nati sumus: ad quod peragendum non paruo est hic neruus adiumento. Hic idem musculus, quem describimus, à latere (sed siue latus, siue finē, siue initium dicas nihil nunc refert) tendine latiusculo præditus est, quo adhærescit corneæ. Equidem magnum aliquem naturæ arcanorum perscrutatorem mihi nunc dari exoptarem, à quo huiusce pulcherrimi musculi vtilitatem edoceret: mihi nunc sat erit musculum inuenisse, & descripsisse: de humanis

Quinti musculi motus coniecturalis cognitio.

Gal. & Ves. belluini, nō humani oculi anatomen a se quentes esse.

nunc loquor, Vesalius enim & Galenus oculi musculos belluinos, non humanos descripsisse, scire poterit, quicumque eorum historias cum re ipsa conferre non grauabitur. Inter hos, & alios quatuor pinguedinē licet cernere, quemadmodum inter hunc, & visorium neruum: sed illum musculum in hominis oculo nullo modo reperias, quem Galenus, Vesalius, atque alij descripsere, qui ab his nunc primo, nunc septimo loco connumeratur, & in tres, pluresque musculos diuidi potest: quem tamen, ut ipsi eleganter descripsere, in boue, equo, veruece, & aliis quadrupedibus faciliē inuenias. Hic musculus in brutis inuentus iuxta ipsos oculum sistit, quo munere in homine illi quatuor primi tunc funguntur, cum omnes eodem tempore agere desistunt quietique permanent.

De musculis aurium. CAP. X.

Aurium Musculi.

EGO musculos aures mouentes non describo: nam rarō, imō quā rarissimē inueniuntur: in quodam tamen ego musculum offendi, qui à buccis nascitur, & in auris pinnam desinit, eamque mouet voluntariē versus anteriora: quandoque etiam alium vidi musculum in posteriore parte à māmillari processu proficiscentem: sed hi duo vltimi, in brutis semper conspiciuntur, in homine perrarō.

Aurium musculi in homine rarō dari.

De musculis maxillæ inferioris, CAP. XI.

Maxillæ inferioris musculi.

INFERIOR maxilla hominis ob faciei rotunditatem breuissima facta est, cui tres voluntarij

luntarij motus contingere:aperitur enim, clauditur, & in circulum agitur. Musculi ipsius quatuor vtrinque sunt. Prior ex his temporalis musculus nuncupatur, validus, robustus, nobilisque admodum, propterea quòd cerebro proximus est, & varios habet nervos insertos: atque idcirco diuinus Hippocrates in libro de Vulneribus Cap. dextro tempore, inquit, vulnerato, sinistrum conuellitur: quare natura non iniuria tanta vsa est in hoc musculo diligentia. Oritur igitur à primo maxillæ superioris osse à cuncali, à fronte, à sincipite, & ab osse tēporum lapidoide dicto, partemque capitis lateralem occupat vsque ad posteriorem auris partem, & superiorē etiam, per tres digiti apices. Initium eius latum est, & semicirculare: & licet initium, vt dixi, latum sit, tamen in acutum definit, in validumque tendinem, qui in acutum illum maxillæ inferioris processum immittitur, quem coronon appellant, qui tendo altiusculè satis, & intrinsecus incipit. Alius etiam est membranofus tendo, qui musculum parte exteriorē liuidum reddit, deferturque sub osse iugali: huius officium vnum duntaxat est, claudere scilicet maxillam inferiorem: neque triplex est, vt somniauit quidam, qui Galenum (pace illius dixerim) hisce in locis parum intellexit. Fibræ eius eiusmodi sunt à circumferentia ad centrum progredientes, quæ chirurgis acuratè sunt animaduertendæ, dum vulnera dilatant, & abscessus hanc partem infe-

Tres motus voluntarij inferiori maxillæ. Temporalis musculus.

Coronon processus.

Cautio in temporum clisura.

stantes secant, ne fibras transuersim incidant: nam si ita fieret, vsus ipsarū cessaret, quo amoto vita deficeret: & quoniam claudendi motus, resque duras effringēdi robore eget, natura sagax præter temporalem, alium effinxit musculum in ore latitantem, (ita enim Galenus appellat, & rectè) qui validus est satis, & ab ea cavitate exoritur, quæ posita est in alis cunealis ossis, & terminū habet in interiore maxillæ inferioris parte, vbi asperitas est: eius fibræ rectæ sunt, tendinēque satis validum habet, qui eodem officio fungitur, quo temporalis, & crassus, brevisque existit. Tertius musculus is est, quem masseterem, siue mansorium nominant, qui maxillam inferiorem in circulum agit: nascitur à iugali, & à primo maxillæ superioris osse, non autem à quarta, & tertia vertebra colli, quemadmodum voluit Galenus: originem habet tendinosam, carnosamque, terminum verò in inferiore maxilla penè triangularem: adhæret insuper acuto ipsius processui, vbi cum temporali coniunctus videtur esse. Quamobrem excusari non potest magnus Galenus, qui in nonnullis locis scriptum reliquit, temporalem musculum tendinem habere in medio sui vtrinque partem carneam: fibras habet diuersas, atque ob id maxillam mouet antè, retrò, in latera, & in orbem, crassusque est satis. Quartus musculus os, & maxillam aperit, & est admodū elegans, cum duos carnosos ventres sortitus sit, initium minimum & finem,

Musculus in ore latitans.

Musculus masseteres & mansorium dictus.

Galeni error.

Musculus qui os aperit.

& finem, nam media eius pars tendinosa est. Ortum ducit carnosum à styloïde processu, deferitur sub maxilla, & sub aure: rotunda, oblonga que simul figuræ particeps existit, neque est admodum crassus: carnea substantia in medium mentum definit, ubi asperitas quædam interierit cernitur. Hunc natura adeò crassum non constituit, ut illos quibus claudendi partes delegauit. Maxilla enim cum suapte natura penè grauis sit, duob^o illis musculis, quos superius vtrinque sitos dixi, relaxatis deorsum inclinatur, propterea exiguo musculo cõtenta fuit: at mediam partem tendinis instar effingit, ut ne maius spatium occuparet. Locus enim angustus admodum erat, in quo multa erant organa collocanda.

De musculus ossis Hyoidis, cuius ossis, & eius musculorum descriptio in nonnullis, qui scripserunt, desideratur.

CAPVT XII.

OS hyoïdes ab octo musculis mouetur, à quatuor scilicet vtrinque, qui primus occurrat, carnosus est, tenuis, rectus, qui ab interna summitate ossis, quod sternon dicitur, exoritur. Iter eius est super asperam arteriã, & laryngem, & in inferiore parte dicti ossis absque tendine terminatur, fibras rectas habet, & deorsum rectè trahit. Secundus in ordine à mento exit, atque in hyoïdis partem superiorem finit, expers est tendinis, sed carnosus totus fibris rectis rectè sursum ducit, motumque oppositum facit

Musculus ossis hyoidis.

Primus hyoidis musculus.

Secundus Musculus hyoidis.

*Tertius hyoidei
musculus.*

illi, quem proximè memoravi. Tertius musculus subtilis est, & parvus, qui à styloide processu oritur, & in laterales partes hyoïdis desinit: situ est obliquo, partes huic demandatę sunt sursum

*Quartus hyoidei
musculus.*

attrahendi. Quartus verò musculus à parte superiore scapulę ortum ducit, & obliquè sub septimo capitis musculo sursum ascendit: subtilis quidem est, & longus, tamen neque prolixior est, neque gracilior musculis aliis, vt Leonardo Fuchsio visum est. Terminatur in partibus hyoïdis lateralibus: tendo illi in medio obtrigit, quę admodum quarto inferioris maxillę musculo: licet Gal. in x 1. de Vsu Part. asserat illum tendinem in medio habuisse, præterea neminem, atque hanc ob rem naturam adeò admirabatur & extollebat, quā in eo musculo rarū quiddam effecerit, quod aliis denegarit. Hoc equidē non negauerim, huius, quem nunc describimus, musculi tendinem adeò longum nō esse. Vsus eius est, vt hyoïdem deorsum obliquè trahat motu opposito illi, quem tertius edebat musculus. Galenus libro de musculis, hunc voluit scapulam attollere, cū parum animaduertisset fieri non posse, vt tam tenuis musculus ab hyoide exortus, vt ipse voluit, quod os mobile est, ingens illud scapulę pondus attraheret, atq; attolleret.

Galeni error.

De lingule musculus. CAP. XIII.

Musculi lingule

Lingule vsus.

LINGVA organum est, quod multas nobis præbet utilitates: nam & edendo, & bibendo, & loquendo nobis præstò est lingua gustandisq;ue

standisque saporibus opportuna. Huius situm neminem arbitror ignorare. eius figura oblonga est, lata magis, quam profunda, in radice, quam in fine crassior, quod à natura lōgè prospiciente idcirco factum est, quoniam velociter undique mouēda erat. Quocirca nouem musculis prædita fuit, præter substantiam ipsius peculiarem, quæ cum mollis sit, rara spongiæ instar, confusaque carne, inter musculos adnumeranda non videtur, etsi alia ratione, quod voluntate iubēte moueatur, nō videatur à musculorum numero seiungenda. Quod si fiat, duo musculi nouem prædictis addendi sunt: nam videntur esse duo musculi, cum lingua candidam lineam in medio habeat, quæ dextram partem à sinistra distinguit, sub qua ligamentum est, quod infantibus sæpe incidendum est, eo quod locutione impedimento sit. Igitur duo prædicti musculi à basi ossis hyoïdis emergunt, atque in summam linguam desinunt. Omne fibrarum genus habent adeò intertextum, vt aliud ab alio seiungi nequeat, veluti in aliis musculis seiungitur. Ambit linguam tunica quædam, in quam quartū pars nervorum cerebri inscribitur, quos natura gustui præcipuè destinauit, eorumque pars ad palati tunicam tēdit, vt suo loco dicemus: quæ tunica tum huic, tum œsophago, tum laryngi communis est. Tertium verò, & quartum linguæ musculū ceteri anatomici non cognouere: tu verò, si diligenter secueris, horū

Musculus lingua nouem, vel vt aliqui volunt undecim.

Ligamentū lingua in infantibus incidendū.

Duo musculi linguæ attributi.

Tunica linguæ ambiens. Vnde lingua habet gustum sensum.

Tertius & quartus lingua musculi a iussu cogniti.

exortum medio in mento cōspicaberis, vbi duę adfunt asperitates, quę rectā ad linguę radicem proficiscuntur: fibrę ipsorum rectę sunt, ipsi muscoli teretes: ad hos musculos spectat, linguam extra dentes, & labia exerere: neq; enim naturę miraculo nullius ope muscoli lingua ex-

*Quintus, & sextus
linguę mus-
culi.*

eritur, vt nonnulli credidere. Quintus autem, & sextus cū à styloide oriantur processu, gracilésque sint: in linguę radicem & ipsi desinunt: sed in ipsius lateribus. Horum vsum si quærís, hic est, vt cū vterque operatur, linguam ver-

*Septimus & octauus
linguę mus-
culi.*

sus seipso ducant, cū verò alter tantū mouet, sursum in latus trahat. Septimus, & octauus egrediuntur è processibus ossis hyoïdis, & in linguę lateribus inserūtur, eam deorsum trahentes. At nonus, decimúsque nascuntur à maxilla, & in latera desinunt: munus horum est,

*Nonus, ac decimus
linguę mus-
culi.*

nunc huc, nunc illuc impellere, cū mandimus aut deglutimus. Postremum musculum carnis pinguedinis; glādulęque confusam miscellam rectiūs diceremus, quàm verè musculum: pos-

*Vndecimus ac
postremus lin-
guę musculus.*

itus est in radice linguę: esui suauis admodum est, ductúsque ipsius est ab hyoïde ossē. Nihilo secius, posteaquam ceteri, qui ante nos de hac materia scripsere, inter musculos descripsere, nōs quoque musculum appellemus, ne confu-

sioni locus relinquatur: quod esset, si eandem partem, quam alij musculum vocant, nos mus-

culum esse inficiaremur. Equidem, ingenuè fateor, cū hæc particula in humano corpore

perexi-

perexigua sit, & nullius ferè pretij, huius ne meminissèm quidem, cùm ad alia magis necessaria nostra festinet oratio, vt huic perutili historiæ finem aliquando imponamus. Itaque præter musculos vndecim, quos suprà memorauì, & præter neruos, & ligamenta, & membranam, adhuc restant venæ, arteriæ, duòque alij nerui, quos septima coniugatio gignit, qui huic parti motus gratia addicti sunt: cùmque eorum situs in inferiore parte collocetur, summopere cauendum ne vnà cum ligamento, quoties excindendum est, hi quoque ab imperitis incidantur.

Linguam constituentia.

In ligamento linguæ abscindendo quid cauendum.

De musculus laryngis. CAP. XIII.

LARYNX caput est asperæ arteriæ, estque instrumentum, in quo primo vox effingitur, quod rerum omnium opifex Deus admirabili arte composuit. Hæc in faucibus sub lingua, & hyoïde ossè collocatur, cuius ossa, & cartilagines cùm superiùs suo loco descripsimus, reliquum est, vt nunc de eiusdem muscularis agamus, nòsque humani laryngis musculos, non belluini describemus, vt Galenus, & post illum Vesalius descripserunt: ne erres. De quo Vesalio ego profectò non possum non satis mirari, quo pacto, cùm is Galenum nunquàm non lacescat, reprehendatque, quòd simias, & bruta, non homines secuerit: ipse tamen in hoc ridiculus reprehensor belluæ laryngem, non hominis depinxerit, neque admonuerit. Quod ipse fortè effecit, propterea quòd larynx bestia-

Laryngis musculus.

Larynx quid sit.

Vox ubi primo efformetur.

Gal. de Ves. belluini, non humanum laryngem scripsisse.

Vesalius ridiculus Gale. reprehensor.

*Quare ab aliis
dissentiat de la-
rynge.*

*Musculos la-
ryngis non vi-
genti ut aliqui
volunt, sed qua-
tuordecim verò
esse.
Primi duo la-
ryngis musculi.*

*Musculi secundi
laryngis.*

rum, cum multò maior sit, quàm humanus, cò-
modior sectio fieri potuit : quod non modò in
larynge, sed in oculis etiam egit bonus Vesalius,
ut magis admirere: sed ad rem redeamus. Pro-
fectò humanus larynx exiguus satis est, & ob
hoc secatu difficilis. Quamobrem ne mireris,
si cum cæteri de belluino larynge, ego verò de-
humano loquar, ab aliis non parum dissensero:
neq; enim ut optimos alioqui viros oppugnem,
sed ut errores veritate duce, quoad eius fieri po-
terit, tollam, ab eorum opinione in hoc præfer-
tim argumento cogor abscedere. Laryngis i-
taque musculos alij viginti statuunt, octo scili-
cet communes, proprios duodecim. Ego verò
quatuordecim esse affirmo, quorum quinque
communes sunt, proprij reliqui. Priores duo
communes (ita dicti, quòd aliunde cum orian-
tur, huc tamen desinunt) à summo pectore ena-
scuntur, vnde duo primi hyoïdis musculi ortū
ducunt: carnosi vbique sunt tendinis expertes,
principio acuto præditi: incessus ipsorum est su-
per arteriam asperam, inferunturque in inferio-
rem partem duodrū ossium scuti imaginem re-
ferentium, deorsum trahendo: apprimè vtilis
sunt, quòd dum agunt, infrà quidem astringūt,
suprà verò laryngem dilatant. Secundi à late-
ribus hyoïdis proficiscuntur, ipsi quoque car-
nosi, terminus ipsorum propè priores accedit,
fibræ his rectæ similiter contigere: ab his infe-
rior pars dilatatur, constringitur superior, con-
trario

trario prioribus motu laryngem sursum attol-
lunt. Ex his, quos communes dixi, vltimus mu-
sculos œsophagum complectitur, opémq; cibi,
& potus deglutioni præstat. Oritur ab ossium
scutiformium lateribus, & transuersas fibras se-
micirculum imitantes est nactus, quibus partē
lateralem laryngis coarctat. Hic musculus me-
iudice, vnus est duntaxat, non duo, vt Galenus
& cum Galeno Vesalius existimauere: qui cūm
hoc diligenter considerauerint, arbitrati sunt
hos exotiri à parte posteriore œsophagi, qui mē-
branofus, mollisq; est, volūntq; vt laryngem,
rem duram, ac grauem attrahat. Quare nihil
est in hoc, quod eos excusē, cūm absurdum
maximum consequatur, si eos musculos illinc
proficisci dixerimus. Quod si vel fibras ipsas
diligenter intueberis, perpetuas illas, non diui-
sas inuenies. Vesalius binos alios musculos cō-
munes describit, quos inquit enasci à parte hy-
oïdis interna, atq; in Epiglottidem inferi, quos
in boue, bubulo, & eiusmodi animātib; haud
dubiè inuenire poteris: sed in homine nequa-
quam, quamuis perdiligens, & accuratus in se-
cundo fueris: & ita si octo communibus, quos
appellant, tres detraxeris, quinq; erunt reliqui.
Proprij nouem sunt, ita dicti quod à larynge
proficiscuntur, & in eandem desinunt, & huic
vni seruiūt: facti sunt hac una de causa, vt glot-
tidem aperiant, claudāntque. Est autem glottis
rima oblonga in media larynge posita, de qua

*Musculus œso-
phagum comple-
ctens.*

*Opinio diuersa
ab opinione Ga-
leni, & Vesalij.*

*Musculos binos
laryngem à Ve-
salijs descriptos
in homine non
dari.*

*Musculi nouem
laryngem, qui
ipsius proprij di-
cuntur.*

*Glottis quid,
& ubi sit.*

*Ex nouem mus-
culis laryngis
unde duo primi
exortantur.
Os annulare.*

*Vesaliij error de
duobus primis
laryngis muscu-
lis.*

*Musculi versus
suorum exortum
operantur.*

Galenus inquit, similem substantiam in anima-
li nō inueniri. Ex his nouem musculis duo pri-
mi ab eo ossē prodeunt, quod ego anulare ap-
pello, reliqui à cartilagine innominata: exigui
sunt, fibræque habent obliquas, & in ossiū scu-
tiformium inferiore parte finem habent. Vtus
ipforum est, partem inferiorem rectè constrin-
gere, superiorem dilatando: neque hoc motus
contrarij loco censendum est: nam ossa dura
sunt, quòd si infrà constringas, suprà dilatari
consequitur: idem in brutis faciunt scutiformes
cartilagine. Ex his autem musculis alterum
dextrum, sinistrum alterum cōperias, licet Ve-
salius quatuor hoc loco proprios musculos de-
scribat, quorum primos à scutali cartilagine o-
riri arbitratur, & in innominatam desinere.
Quamobrem nequeo satis mirari, quoniam in-
nominata motu caret, idcirco hi duo musculi.
si adessent, ex ipsius sententia illā omnino mo-
uerent: musculi nanque versus suum exortum
operantur. Hi quatuor museuli, teste eodē, in-
tercostalibus similes sunt, inquit ipse, quod ita
falsum est, vt neque in homine, sed ne in brutis
quidem inueniri possit. Secundi verò illi mu-
sculi in posteriore parte œsophagum versus col-
locati, prolixi sunt, & perspicuitatem nescio
quam præ se ferunt: oriuntur carnosæ deriuatio-
ne à posteriore, lateraliq̃ue parte anularis ossis,
rectæque in quartum, & quintum os per ten-
dinem finiunt, hoc est inferiore in parte, vbi
cum

cum tertio coarticulatur. In hunc usum creati sunt, ut rectè trahant: nam rectis fibris cōstant, & glottidem versus lateralem partem dilatant, quæ horum duorum musculorum auxilio crebro reseratur. Quare horum beneficio graues voces emittuntur. Tertij ferè ab anteriore parte ossis anularis emergunt, cūmq; obliqui sint, in quartum, quintūque os terminum habent, prope eam partem, ubi duo secundi desinunt, non autem in scutalem, ut Vesalius ipse voluit: hi glottidis anteriora adstringere, posterioraq; dilatare possunt. At quarti ortum habent ab interiore parte scutalium ossium, quibus cum articulantur, & obliquè incedunt, donec in dicta ossa ingrediantur, quæ arytenoïdem cōstruunt, hoc est in lateralibus partibus: hi quoque cū anteriora arctent, posteriora amplificant. Extremus musculus laryngis adeò parvus est, ut minorem in vniuerso corpore inuenire nequeas: positus est transuersim in radice eorū duorum ossium, de quibus proximè meminimus, & fibræ illius transuersæ sunt, haud dissimiles fibris vltimi musculi ex communibus, qui œsophagum complectitur: ab hoc autem posterior pars constringitur, vnæque anterior dilatatur. Voluit quidem Vesalius hunc musculum musculos esse duos, qui ab arytenoïde exeant, atque in eandem redeant. Ego verò vnum duntaxat esse musculum hunc constanter affirmo, & fibras illius esse continuas.

Voces graues eius merito emittantur.
Tertii laryngis musculus.

Glottidis anteriora adstringentes, posteriora dilatantes musculi.

Arytenoïdis constructio.

Musculus extremus laryngis omnium minimus.

De musculus scapulas mouentibus.

CAPVT XV.

*Musculi scapu-
las mouentes.*

*Musculos sca-
pulas mouentes
quatuor non se-
pius, ut Gale.
voluit, esse.*

*Musculus cu-
cullari. primus
scapula est mi-
scuitus.*

*Musculi cucul-
lari varij mo-
tus.*

ET SI de musculis, qui caput mouent, prius loquendum videretur: tamen cum eorum magna pars sub scapulæ musculis contineatur, de his mihi antea, deque humeri musculis loquendum videtur, quàm de musculis capitis verba faciam. Galenus lib. de musculis, scapulas asserit à septem musculis vtrinque moueri. At ego in homine quatuor duntaxat vtrinque reperio. Quatuor sunt scapularum motus, sursum caput versus, deorsum antè, retròque. Prioris musculi figura perelegans est, nam is cum suo pari simul consideratus monachorum cucullæ percommode comparari potest, aut panno, quem viduæ nostræ Cremonæ super humeros gestant: ideo cucullaris musculus non absurdè dici poterit, egrediturque tum ab occipite, tum ab apice spinarum, vertebrarum omnium, colli, atque thoracis, ad octauum vsque: habet verò in occipitio lineam transuersam, spaciūmq; occupat, quod occiput, aurēmq; interiacet. Eius exortus exilis est, & procul admodum ab occipitio vsque ad octauam thoracis vertebram, terminum in Acromio ponit iuxta totum maioris scapulæ processum, & clauiculæ partem: & cum variis sit constructus fibris, motus etiam edit varios: superioris partis ope fibris obliquis scapulam sursum obliquè trahit, mediis autem versus dorsum adducit, inferioribus autē fibris deorsum

deorsum trahit, cuius verò figura huiusmodi est. Galenus hunc cucullarem musculum in duos diuisit, superiorémque partem trapeziam vocat, qui licet in homine vnus sit, in simiis tamen duo sunt. Nam à maiore processu acromio dicto vsque ad occipitium vnus est, ab hoc ad octauam vertebra musculus alius est. Cucullaris hic musculus in homine à Vesalio pro secundo describitur, qui scapulæ deseruit. Secundus musculus scapulæ dicatus primo humeri musculo subiacet, enascens à secunda, tertia, quarta, & quinta, rarò autem à sexta costa, vbi in cartilaginem degenerat, & sursum obliquè ascendens in angustum cogitur, & in ancyroidè minorè scilicet scapulæ processum, tum carnosus, tum tendinosus terminatur. In hunc usum à natura genitus fuit, vt scapulam ad anteriora versus sternon adducat. Galenus autè existimauit hunc musculum humero famulari, cū tamen nullo pacto famuletur. Musculus hic, quē nos secundum dicimus, à Vesalio primo loco describitur. Tertius prodit à transuerso processu secundæ, tertiæ, quartæ, quintæq; cervicis vertebræ, & cū carnosus descendat, crassescit, validus fit, & in superiorem, atq; interiorē scapulæ partem inseritur. Fibre illi rectæ sunt ferè omnes: sunt enim aliquæ etiam obliquæ. Vtitur hoc natura ad scapulam attollendā, prioriq; auxilium ferendum: nam scapulæ os satis graue existit. Quartus latus est musculus, tenuis, quadrangu-

Cucullarem musculum in homine vnicum esse, non duos ut in simiis quicquid Gal. dixit. Maiorū secundus scapula.

Secundū scapula musculi vsus cōtra Galenum.

Tertius scapula musculus.

Tertius musculi beneficio scapula attollitur.

Quartus scapula musculus.

Q

laris, progreditur à spina quintæ, sextæ, septimæq; vertebræ colli, & à tribus primis, superioribus thoracis: carnosus incipit, & partim tēdinosus, fibris obliquis: terminus ipsius est iuxta vniuersam scapulæ lōgitudinem, quam dorso adducit, hoc est retrò trahit.

De musculus humerum mouentibus.

CAPVT XVI.

Musculi humerum mouentes.

Humeri plures motus.

Humeri musculos septem non undecim esse, ut Galeno placuit. Primus scapulae musculus.

HUMERVS voluntario omni motus genere mouetur: sursum scilicet, deorsum, antè retrò, & circulari motu: eius musculi septē sunt, nō vndecim, vt Gal. placet lib. de Musc. Primus magnus est, carnosusque, qui anteriore thoracis partem occupat: à media clauicula versus sternon progreditur, & longitudinem totius ferè ossis pectoris sequitur, & à Cartilaginibus septimæ, & octauæ costæ, cui māmilla innititur. Principium huius amplum est, & magnū, semper tamē imminuitur: fit acutus, tandemq; in tēdinem breuem quidem, sed latum definit, qui in interiorem humeri partem sub ipsius ceruice inseritur: habet musculus hic fibras varias, humerūq; multifariam ad pectus adducit: suprā scilicet, in medio, & infrā: habet insuper hic musculus quinque latera. Illud obiter adnotato, in inferiore huius musculi parte nōnunquā in quibusdā hominibus reperiri portionē quandam in acutū tendentem: ita vt musculus alius esse videatur, cū tamen nō sit. Gal. lib. de Musc. ex vnico hoc musculo ternos, si Dijs placet, efficit:

Galeni incommens.

cit: huicq; absurdo aliud absurdus addit. Nam in animū induxit suum, brachium obliquè huius ope moueri, quod in simia quidem inuenire potest, at in homine nullo prorsus pacto. Secundus humeri musculus triangularis est, crassus, fibris varijs intertextus, ab Anatomicis ἐπωμὴς dictus, & δελτοειδής, & humeralis, è media clavicula, ab acromio, totòque maiori scapulæ processu enascitur: initium ipsius latum est, tendinosumque: desinit tamen in acutum: supra humeri caput fertur, & medio in humero in validum, transuersumque tendinem desinit: qui tēdo mediam humerū crassitiē amplectitur, multiplicibus fibris constat, quibus brachium attollit, & suprà, & antè, & in medio, retròque. Tertium verò musculū humeri catinòsum, tere-
tèmq; conspicias, qui ab inferiore parte scapulæ egreditur carnea origine, fibris à principio ad finē vsq; rectis, sitūque obliquo est, super gibbā anterioremq; scapulæ partem progreditur, & in tendinem validum latum exit, qui in posteriore humeri parte implātatur, partes huius musculi sunt, vt brachiū deorsum versus posteriora trahat. At quartus musculus ingens est, & latissimus, oritur ab apice spinæ sextæ vertebræ thoracis, descenditque iuxta apicem omnium vertebrarum inferiorū vsq; ad ossis sacri dimidium: hoc adeò prolixū principium neruosum est vndiq;, sed gracile: deinde sursum ascendit, in angustū redigitur, & in validum tendinem, breuem, la-

*Secundus hu-
meri musculus
ἐπωμὴς δελ-
τοειδής & hu-
meralis.*

*Tertius humeri
musculus.*

*Quartus hume-
ri musculus.*

tumque desinit: sub humeri caput prope eū locum, cui musculus primū pectus brachio addūcentem adhærere diximus, inter quos Axillę cavitās relinquitur. Varias hic musculus habet fibras, propterea brachium vario modo deorsum trahit, idque tamē obliquius potius, quā alio positionis genere. Tribus angulis inæqualibus præditus est: nam ex his vnus brevis est, duo verò prælongi: origo ipsorum ita se habet. Brevis est à sexta vertebra, vsque ad ipsius finē, ex longis, alter ab hac vertebra vsq; ad ossis sacri dimidium, alter ab hoc loco ad ipsius terminum pertingit. Quintus musculus eam omnem cavitatem occupat, quæ inter summam scapulam, & maiorem ipsius processum posita est, & à posteriore parte ipsius enascitur: carnosus est, in validumq; tendinem desinens, cum sub eo ligamento deferatur, quod humerum cum scapula annectitur: in caput humeri superioris finit, multumque scapulæ ipsi adhæret. Sextus musculus ambit vniuersam scapulę partem gibbā: emanat autem è parte posteriore iuxta ipsius longitudinem: carneus est, scapulæ admodum inhærens, desinitq; in tendinem crassum quidem, sed latum: in caput humeri inseritur versus posteriora. Septimo interna cavitās scapulæ vniuersa dicatur, vbi costis inhæret: nascitur à tota posteriore scapulæ parte. Situs ipsius est inter costas, scapulamque, & finis verò tendo est satis latus, & in interiorem humerum inseritur.

Quintus humeri musculus.

Sextus humeri musculus.

Septimus humeri musculus.

seritur. Vſus horum trium muscutorum, quos ultimo loco memorauī, eſt brachij circūactio.

*Brachiū à quinto ſexto, & ſe-
prio humeri
mufculu circū-
agi.*

De mufculis capitis. CAP. XVII.

CAPUT tum primo, tum ſecundario mo-
uetur, primario cūm dicimus, intelligimus
de motu cum prima, ſecundāq; vertebra: ſecū-
dario autem cum toto collo. Motus ipſius pro-
prij tres mihi videntur eſſe, vnus antè retrōque

*Mufculi capi-
tu.
Caput primo, &
ſecundario mo-
tu mouetur.
Capitu motus
proprij.*

alter ad latera, tertius cūm id circumagunt, li-
cet ad duos reduci haud incōmodè poſſint, ad
rectum ſcilicet, & obliquū: rectus ſuper prima
fit vertebra, ſub ſecūda obliquus, quicquid Gal.

Gal. caſus.

in hoc aſſerat, qui longa errauit via, adeò vt neq;
Mathematicen, neq; Anatomē in hoc calluiſſe
videri poſſit. Muſculi verò propriis motibus de-
ſeruientes ſeptem vtrinque ſunt: primi oriūtur
à ſpinis quinque ſuperiorum vertebrarum tho-
racis, ſurſumq; à colli vertebris ad tertiam vſq;
aſcendentes, poſtmodum ſeiungūtur, & obli-
què verſus occipitium incedunt, vbi deſinunt
inter poſteriorem partem, & aures: fibræ verò
iam inde ab origine ſua, donec diuidantur, re-
ctæ ſunt: deinde ſurſum ſpectātes oblique ſunt:
prædicti muſculi ſunt ſatis carnoſi. Vſus illorū
eſt, vt caput ad poſteriorem partem tunc attra-
hant, cum ambo vnà operantur: at cūm alter
duntaxat agit, caput in latus circulariter ver-
tunt: his muſculis tria ſunt latera, vnū ab initio
vſq; quo à coniuge diuiditur, aliud inde ad oc-

*Mufculi pro-
priorum motū
capitu ſeptem
vtrinque ſunt.
Primi caput mo-
uētes muſculi.*

caput, tertium ab occipitio ad exortum vsque.
 Secundi musculi varij admodum, qui multas
 figuras, & impressiones varias habet partibusq;
 multis tēdinosis, carnosisque etiam cōpluribus
 constant, ita vt plures quā quinquē musculi
 videantur esse. Tamen par vnum duntaxat est,
 dextrum inquam, & sinistrum: initio acuto à
 transuerso processu quartæ, quintęque thoracis
 vertebræ exoriuntur, cūmque sursum ascēdant,
 tandem medio in occipitio figuntur: rectus est
 ipsorum situs, munus verò caput ad posteriorem
 partem rectā attrahendi. Tertiij musculi sunt
 graciles, qui oriuntur à spina secundæ vertebræ
 ceruicis, demūmque desinunt in occiput, sed
 aliquantulum disuncti incedunt: fibris rectis
 constant, caputque posterius rectā ducunt. At
 quarti sub tertiis occultantur, carnosiq; omnes
 sunt, quemadmodum tertiij, sed breues, à poste-
 riorēque parte primæ vertebrę oriuntur, vbi illi
 vertebræ in spinam desinendum fuerat, qua ca-
 uit, ne tertios musculos laderet: medio in oc-
 cipitio finis ipsorum est, & ipsi quoq; rectā ca-
 put retrahunt. Neque cuiquam mirū videri de-
 bet naturam tot musculos collocasse, qui caput
 retraherent: nam ita necessariū fuit, propterea
 quòd anterior pars grauis admodum erat, quip-
 pe cui facies, maxillęque inferior coniuncta
 est. Quinto pari musculorum capitis obliquus
 contigit situs, atque hi à secundę vertebræ spina
 exoriuntur, & in primæ transuersum processum
 termi-

*Secundi musculi
caput mouentes.*

*Tertiij musculi
caput mouentes.*

*Quarti muscu-
li caput mouen-
tes.*

*Quinti caput
mouentes mu-
sculi.*

terminantur, caput in orbem vnà cum prima vertebra trahūt, carnosiq; omnes sunt, licet graciles. Sexti item obliqui, sed contrarij sunt, triangulūmq; efficiunt: è medio occipitio desinunt, emergūntq; ex primæ vertebrę processu, & versus anteriora trahunt. Itaque hi duo antè dicti, quintus inquam, & sextus proprij musculi sunt qui caput in orbem cient, à primis tamen, atque ab extremis, quos mox describemus, adiuti. *Sexti caput mouentes musculo*

Septimo loco musculi occurrūt lōgi, teretes, validi, quiq; vel nondū excoriato cadauere apparent, imò vel in viuentibus conspiciuntur, quos maiores nostri in numismatibus tanta diligētia obseruauere, obliquo sunt situ, eorū autē fibræ à summo pectore, atq; à clauicula oriūtur: duo habent principia, inter quæ cavitās adest: nervi sunt, in exortu lati: carnosi fiunt, & in processum māmillarem implātantur, quem & amplexantur: cū vterque operatur, caput anterius inclināt: verū quoties vnus ex his mouetur, caput in latus agitur: validi admodum sunt, atq; hi satis idonei fuere, vt caput in prouum flecterent. Illud est insuper obseruādum, hos musculos vnà cum quarto hyoidis musculo magnam crucem in collo efficere. *Quinti, & sexti musculi propriè caput in orbem mouentes.*

De musculis cernicis. CAP. XVIII.

LOQVYTI iam sumus de musculis, qui primò caput mouent: nunc de iis loquemur, à quibus secundariò mouetur, qui quidem ceruici deseruiūt, qua mota, caput etiam ipsum, non *Musculi cernici. Secundarij capiti motus.*

moueri non potest : cùm ceruix capiti articula-
 ta, atque annexa sit. Ceruix igitur tū antè, tum
 retrò, tū ad latera mouetur, & eius musculi sunt
 octo, quatuor scilicet vtrinque. Primi in ante-
 riore parte positi sūt, recti à corpore quintę tho-
 racis vertebrę prodeunt, prope locū illū, in quo
 cum costa connectitur, ascendensque vniuersis
 vertebrarū corporibus annectitur. Sed mediam
 partem, qua œsophago iter præbetur, detectam
 relinquunt : suntque hi musculi, quos sub œso-
 phago latitantes appellant, tendine acuto in an-
 teriorem primę vertebrę processum finiūt, vbi
 illi in corpus (vt vocant) desinēdum erat. Eo-
 rum vsum si petas, ego dicam tibi, flectunt cer-
 uicem versus anteriora. Verū illud est obser-
 uandū, musculos, quos proximè memorauī, oc-
 cipitio etiā quandoque, sed rarò annecti, vbi
 foramen est, per quod spinalis medulla descen-
 dit. Secundi à prima costa carnosī, amplique
 nascuntur, ascendentes ita arctantur, vt trian-
 gulū tantū non efforment : fulciūtur à trans-
 uersis processibus vertebrarū colli à parte ante-
 riori. Tertiis origo est è radice trāsuerſi proces-
 sus sextę vertebrę thoracis, & sursum ascēdēdo
 à ceteris quoq; transuerſis processibus vertebra-
 rum thoracis, tandēque à singulis processi-
 bus vertebrarū colli posteriore in parte conne-
 ctuntur : horum utilitas, & eorū, quos secūdos
 nominauimus est, vt collū rectā ad scapulas fle-
 ctant, id est ad latus, cū vterq; eodē agit tēpore.

Sed

*Cervicis muscu-
 li octo.*

*Primi cervicis
 musculi.*

*Musculi sub œ-
 sophago latita-
 tes.*

*Secundi cervi-
 cis musculi.*

*Tertię cervicis
 musculi.*

Sed cùm alter tantùm agit, tunc obliquè mouetur. Inter binos hos musculos nerui, qui à spinali medulla prodeunt, inter vertebrae colli exeunt. At quartus exortus est, à septima vertebra thoracis, supra omnes thoracis, collique spinas, definuntque tandem in spinam secundæ vertebrae colli: munus autem ipsorum est collum ad posteriora attrahendi.

Quarti cervicis musculus.

De musculus dorfi. CAP. XIX.

VARIIS motibus dorsum mouetur, in anteriorem partem, posterioremque, item ad latera, & in orbem nescio quo pacto: quos motus pereleganter in saltatoribus quibusdam videas. Octo præditum est musculis dorsum ipsum: quatuor enim utrinque habet. Primi oriuntur à cavitate superiore, posterioremque ossis ilij, & à superiore quidem, sed interiore parte ossis sacri, origo eorum lata, carnosaque existit, & in parte abdominis interiore ascendunt, & adhærent transuersis processibus vertebrarum lumborum, & infimæ costæ, carnosus sunt toti, & figura quadrilatera. Hunc autem in usum confirmati fuere, ut dorsum in anteriora flecterent, cùm scilicet uterque simul operatur: quod si seiunctim moueant, tunc ad latus trahunt. Secundi longiores sunt musculis omnibus nostri corporis, nam ab imo osse sacro ad caput usque extenduntur. Exoriuntur autem ab extremo osse sacro, principio nervoso, validoque: deinde in carnem degenerant, hærentque trans-

Dorfi musculus.

Musculi dorfi octo. Primi dorfi musculus.

Primorum dorfi musculorum usus.

Secundi musculi dorfi.

*Vesalij negli-
gentia.*

*Tertij dorsi mu-
sculi.*

*Quartj dorsi
musculi.*

*Quartoru dor-
si muscutorum
vsum.*

uerfis processibus vertebrarum lumborum ver-
sus posteriorem partem: postmodum omnibus
transuersis processibus vertebrarū thoracis ad
primam vsque thoracis vertebram, & ad vnum
quemque ex transuersis processibus tendinem
mittunt. siue neruofam ansulam: quo loco Ve-
salius opinatur ipsum musculum desinere, à pro-
cessibus discedens, & ascendens in temporale
os, supra mammillarem processum desinit: &
hanc, quam describimus partem Vesalius cum
musculis capitis confudit. Neque inutiles sunt
suprà à nobis positi muscoli: nam illis munus
demandatum est, vt vniuersum dorsum, & ca-
put etiam ad partem posteriorem flectant, & vt
mole corporis semicirculi figuram imitari pos-
simus. Tertij nascuntur à posteriore parte ossis sa-
cri, initio in acutum tendente: annectuntur spi-
nis vertebrarum lumborum, & in spinam duo-
decimæ vertebræ thoracis acutè terminantur:
& nonnunquam in vndecimam: ansulis præ-
terea neruosis præditi sunt, vt superiùs memi-
nimus: lumbos flectunt, ne vsum quæras. Quar-
ti à spina duodecimæ vertebræ thoracis oriun-
tur principio & ipsi acuto, & spinis omnibus
vertebrarum thoracis colligantur, & in primā
fine etiam acuto finiunt: in medio lati fiunt cir-
ca sextam vertebram: eorum vsus est thoracem
erigere, & cum tres supradicti vna operantur,
dorsum vniuersum rectum detinent. Quod si
quatuor agant simul, vt vnus scilicet alterum
subse-

subsequatur, in orbem mouent, agentibus autē musculis, qui ex altera duntaxat sunt parte, corpus in latus voluitur. Tres priores sunt muscoli *Tres musculi lumbales, Graeci ὅας dicuntur.* lumbales, quos Graeci ὅας vocant, tres vltimi annexi admodum sunt, hic fit, vt nisi optimus, diligēsq; sit Anatomicus, haud faciliē inueniantur, & distinguantur. Ego tum in his, tum in ceruicis musculis describendis à Galeno reprehendendo volēns abstinui (licet hos malē Galenus descripserit) ne studio contradicendi *Galeni error in vltimi dorsi musculi describendu.* potius, quā quod re ipsa ita inuenirem, hanc scripsisse cuipiam videri possim, sed si nostram horum musculorum descriptionem, cum Galeno contulerit, faciliē inueniet quantum intersit.

De musculus thoracem mouentibus.

CAPVT XX.

THORAX pars est intus concaua ouum referens, in quo ea sita sunt instrumenta, quae vitae ancillantur, & per consequens respiratio- *Musculi thoracem mouentes, Thoracis descriptio.* ni, inspirationēque, sine quibus ne vita quidem ipsa stare vllō modo potest. Hic tum electione, tum natura mouetur: licet Gal. secundo de motu Muscul. illum electione solū moueri censuerit: ego verō assero nos cū somnum capimus, tunc naturaliter thoracem moueri nō voluntate, ad quam prudētissima respiciens natura inter costas, sternonque cartilagine posuit, quae pulmonis motui faciliē cedunt: qui pulmo vigilante, dormientēque pariter homine mouetur, praterquam sermocinantibus nobis, ac vo-

Thoracē & naturalis & voluntario motu moueri aduersus Galeni sententiam.

ciferantibus. Tunc enim paulò amplius mouetur: quoniam muscoli thoracem magis dilatât.

Thoracem musculus proprius, & pulmonis motu dilatari.

Thoracis proprii musculus sunt 18 & 3. nō proprii.

Ex his motibus, qui voluntarius est, à musculis proficiscitur, alter ob pulmonis dilatationem, ac constrictionem. Igitur qui hoc præstant muscoli sunt proprii quidem vnus supra octoginta & octo cōmunes in abdomine positi: qui quā-

In inspiratione inferiores thoracis partes dilatantur, superiores vero cōprimuntur, in expiratione cōtra se habet. Primi thoracis musculi.

uis illi famulentur: tamē thoraci quoque famulantur: sunt ergo omnes octoginta nouem. Animaduertendum est autem hoc, quod est pulcherrimum, quum inspiramus, inferiores thoracis partes dilatari, superioresque comprimi: cōtrā cum expiramus, constringi inferiora, superiora dilatari. Primi, qui occurrunt, bini sunt, vtrinque vnus, ab inferiore clauicula prodeūtes, initio, finēque item oblongo sunt & in partem primæ costæ superiorem inferuntur, quam dil-

Secundus thoracis musculus,

tant. Secundus musculus magnus est, latus, carnosus totus, qui à basi scapulæ emergit, incessus eius est inter ipsam, & costas, inseriturque in primam, secundam, tertiam, quartam, quintam, sextam, septimam, & octauam costam, & quādoque in nonam: proximè verò eam partem, quā in cartilagine desinunt fines ipsius sunt digitorum instar: factus est octo costas dilan-

Tertius thoracis musculus & unus vult.

di gratia. Sed tertius exilis est, & parvus, à spinis trium vertebrarum colli, quæ extremæ sunt, & à prima thoracis enascitur: principium latum, membranosumque est, terminant hunc primæ thoracis costæ, & interdum in quartæ postero-

rem

rem partem desinit: hoc usu à natura cōstructus fuit, vt hæc costas dilataret. *Quartus musculus* & ipse exilis, & quadrangularis, prodit à spinis vertebrarum duarum extremarum thoracis, & nonnunquam à prima lumborum: principium eius latum est, neruosum, membranofumque: deinde carnosum efficitur, & in tres infimas costas terminum habet, finis verò est in digitorum morem: & eas costas dilatat. *Quintus carneus* prodit à parte posteriore, superioréque ossis sacri, & ab interno osse ilij: adeò pertinaciter secundo dorsi musculo adhæret, vt illius portio non iniuria esse videatur. Nihilofecius, quum primùm ad costas peruentum est, planè patet hunc à musculo dorsi diuersum esse. Quò magis ascendit, eò tenuior euadit: demum neruosarum ansularum adminiculo inseritur omnibus costis posteriore in parte, nō procul admodum à transuersis processibus vertebrarum, vbi costæ asperitatem eminentem habent: constriungunt partes posteriora thoracis. *Sextus positus* est interna in cavitare thoracis secundum sternon, & cartilagine septem verarum costarum oblongus est, carnosus totus, sed exilis: hunc in usum natus est, vt anteriora thoracis coarctet. Sequuntur deinde intercostales muscoli ita dicti, propterea quòd costarum occupant interualla: qui vtrinque sunt triginta quatuor: nam vndecim sunt interualla, verarum costarum sex, quinque autem notharum: in his duo sunt in

Secundus thoracicus musculus v-
sus.

Quartus tho-
racis musculus.

Quintus tho-
racis musculus.

Sextus thoracis
musculus.

Musculi inter-
costales sunt v-
trinque trigim-
aginta quatuor.

*Musculi inter-
costales exte-
rioris.*

*Musculi inter-
costales interio-
res.*

*Anatomicorū
omnium in inter-
costalium mu-
sculorum usu er-
ror.*

quolibet interuallo, in illis quatuor: hanc differ-
rentiam efficit, quòd cartilagine versus pectus
vertantur. In his enim fibrarū deductus volu-
tū. hi sunt exteriores, interiorēsq̃e fibris obli-
quis, sed contrariis, adeò vt exteriores cum inte-
rioribus x literam efficiant: exteriorū ortus est
ab inferiore parte costarum: ac desinunt in su-
periora subsequētiū, versus dorsum cum in-
cipiant, in os pectoris demum inseruntur. Inte-
riores verò initium sumūt à parte superiori co-
starum: & in inferiorem supra positā terminan-
tur. Fibræ exteriorū à dorso obliquè versus pe-
ctus ita procedunt, vt à supernis ad inferna ita
descendere videantur. Interiorum verò fibræ
contrario se habēt modo, adeò vt in crucis mo-
rem coniungan: vt: subtiles quidem sunt, sed
longi, non altiore loco siti, quod enim inter-
est spatij inter costas, perbreue est. Illud ne te
effugiat, moneo cādidē lector: Anatomicos
omnes in horum musculorum vsu deceptos
fuisse. Vesalius inter reliquos, qui Galenum re-
prehendit, reprehensione non vacat: nam ipse
certò asseuerat interiores non secus, ac exte-
riores genitos esse, vt costas constringant solū:
neque sensit motum illum dilatare, quem ipse
opinatus est adstringere: costā enim a costa se-
iungit: atque hunc in modum agit exterior mū-
sculus. Motum hunc dilatationis tunc edunt,
cū soli operātur: hoc est vel interiores, vel ex-
teriores seiunctim: cū verò omnes vnā mouent,
coarctant

coarctāt validè. Exteriores enim sursum trahūt, interiores deorsum, atque ita trahunt costas simul, validèque constringunt: nam vis constringendi in thorace valida esse debebat, eò quòd foras expiramus, & vociferamur: & hūc motum ego sæpius in viui canis sectionibus obseruauī, sectionibus, inquam, quæ domi fiunt, non quæ palam: ibi enim omnia, vt in priuatis sectionibus, exquisitè cōsiderari nequeunt, ob auditorū spectatōrumq; frequentia: sæpe enim tercentis, & amplius auditoribus in Academia Patauina & Pisana, & Romæ deniq; , vbi iam decem annos profiteor, me circumdatum vidi. Causa quā obrem Vesalius in hoc hallucinatus fuerit, hæc fuit: quòd existimauerit in hoc motu primā costam immotam permanere. Verū aliter se res habet: erigitur enim à primo musculo thoracis qui à iugulo emergit: quæ cum attollitur, costas ordine trahit: quibus sui intercostales muscoli opem ferunt: atq; ita sursum versus extēdūtur, exterioribus auxiliantibus: cōtrā verò deorsum inferiorum adminiculo: quoniam vltima costa deorsum trahitur à musculo abdominis oblique ascendente: atq; hoc, quo diximus ordine, dilatantur. Quū verò simul vtrique operantur, tunc vniuersa thoracis constrictio sequitur, vt iam explicauimus.

De septo transversō. CAP. XXI.

DIAPHRAGMA musculus est mēbra naturalia à vitalibus diuidens: vt inquit Diui-

*Vesalij erroris
causa in in-
tercostaliū mu-
sculorum vsu.
Primam costam
motam.*

*Quomodo costæ
moueantur.*

Diaphragma.

*Falsa opinio
Aristot.*

nus Plato, qui animam irascibilem à concupiscibili diuidebat. Aristoteles diuisionem hanc à natura genitam existimauit, ne qui vapores à cibo attolluntur, cor laderent, in quo duas prædictas virtutes, atque alias etiam plerasque collocauit. Quod falsum esse, suo loco dicemus: sed, quamuis hoc non adesset septum, aio hos vapores cor non offensuros fore: nam per œsophagum progrediuntur. Quod si hoc fuisset, quemadmodum ipse in animum induxit suum, quo pacto se volatilium corda haberent, cum septo careant? hic musculus à reliquis omnibus differt situ, figura, nobilitate. Situs enim est in vltimo thorace, & corpori nostro transuersus manet. Figura ipsius orbicularis est, in medio nerueum tendinem habet: partibus tamen carnosus circumdatur, fibris à centro ad circumferentiam tendentibus, re contemplatu pulcherrima. Nobilitas verò eiusmodi est, vt veteres medici phrenes illud, quasi mentem dixeris, appellauerint: hoc etenim laeso, rarò euadimus. Sed præter neruosum, quem diximus, tendinē, qui multi sensus est particeps, venæ adsunt, arteriæque non paruæ; amplius multis quoque neruis refertum est septem, qui quidem à spinali medulla emanantes inter costarum intervalla ad diaphragma properant. Inter quos neruos, duo sunt, qui inter quartam, quintamque cervicis vertebra incedentes inferius supra pericardium inferuntur, vbi carnosa pars septi in tendinem

*Partes septum
transuersum in
gredientes.*

nem

nem degenerat : seu maior ubi in carnosam naturam desinit tendo : & hanc sanè ob causam Galenus de exortu ipsius varius admodum fuit, sibi que dissidens: nunc enim hunc inquit à costarum notharum cartilagine, nunc à spina exoriri. Septum hoc, de quo loquitur, thoracis est musculus, qui expirationi, inspirationique ministrat : cum enim suo munere fungitur, retrahit sese versus vertebrae, ascendensque extrema thoracis ad se trahit, inferiorémque partem vniuersam constringit: atque hæc, cum expiramus, at cum inspiramus, relaxatur, descendensque permittit inferiora thoracis dilatari. Atque hæc est septi transversi utilitas, quam in viva sectione spectare licet. Hic musculus tum supra, tum infra, quasi veste tegitur, supra quidè à pleura, infra verò à peritoneo: à vertebrae exoritur. Alij principium ipsius partem nervosam esse existimant. Ego verò duas eius partes esse dicerem longiusculas illas, quas Vesalius ligamenta nuncupavit, quæ corpuscula prodeunt è latere corporis vertebrae duodecimæ thoracis, & à superioribus lumborum: atque inde postea pars ipsius nervosa initium sumit, quæ cartilagini, quæ gladialem vocant, cōiungitur. Gladialis verò cartilago, ut suo loco latius explicatum fuit, idcirco genita est, ut septi prædicti propugnaculum foret, non oris ventriculi, ut vulgus medicorum arbitratur, & huic etiam parti cor innititur: sit carnosum utrinque septum, & in cartilaginee costa-

Septum thoracis esse musculum inspirationi, expirationi serviens.

Gladialis cartilago.

*Duo septitrāf
uerſi propria ſe-
randa.*

*Tertium fora-
men in ſepro ſe-
tra Veſaliꝝ opi-
nionem non da-
ti.*

*Hippocr. & Ga-
leni error.*

*Musculi abdo-
minis.*

Abdomen.

Επὶ τὰς πύλας.

Mirach.

rum, quas mendosas dicunt, demum implanta-
tur vltimam coſtam amplectens. Sed hoc idem
ſeptum, licet nobile admodū ſit, vt diximus: ni-
hilominus neceſſe fuit, vt aliis noſtri corporis
partibus cederet, accommodareturque Idcirco
duobus præditū eſt foraminibus, quorū in dex-
tra vnum, alterū in ſiniſtra ſitum eſt. Per dextrū
vena caua aſcendit, quę in thoracem progredi-
tur, per ſiniſtrū œſophagus deſcendit, cuius ter-
minus in ventriculum eſt: cum œſophago autē
incedūt nerui bini, quos ſextum par neruorum
cerebri conſtituit. Atque hæc propria ſunt ſepti
tranſuerſi foramina. Veſalius præter hæc, tertiu
ponit proprium diaphragmatis foramen: per
quod arteriæ ἀορτή dictæ iter ſternitur. At ego
hoc foramen eſſe nego: nam ipſa arteria ἀορτή
tranſit corporibus vertebrarum adhærens. Itaq;
ſeptum dum vertebraſ amplectitur, arteriā quo-
que amplectitur: non tamē propter ea perfora-
tur. Non negauerim equidē Hippocratem diui-
num hominem, nec non Galenum poſt ipſum
ſcriptum reliquiſſe per idem foramen, quo adi-
tus œſophago patet, magnæ etiam arteriæ iter
præberi: ſed proſectō, pace tantorum virorum
ſenſus aliter eſſe apertē oſtendit.

De musculus abdominis. CAP. XXII.

ABDOMEN ea pars eſt humani corporis,
quā nos ventrem inferiorē dicimus, Græci
ἐπὶ τὰς πύλας, Arabes mirach appellauerunt, in quo
tum nutritionis, tum generationis membra cō-
tinentur,

tinentur, in cuiusque medio situs est umbilicus.
 Musculis octo præditum est abdomē, qui ipsius
 ministerio addicti sunt: licet thoraci opem quo-
 que ferant: nam illud dilatant: quòd si compri-
 mant, fæcum vrinx, & fætus expulsionì auxi-
 liatur, præsertim à septo trāsverso adiuti. Quid?
 quòd hi musculi detinendis omnibus iis, quæ à
 natura in hac regione sita fuere, magno sunt v-
 sui? Sed ut ad ipsorum descriptionem descēda-
 mus sunt utrinque quatuor. Primi duo musculi
 obliqui descendentes ob id nuncupantur: quòd
 è superioribus originē ducentes in inferioribus
 desinunt partibus: fibras habēt obliquas, & pro-
 pterea obliquorum nomē illis inditum fuit, lati
 admodum sunt, positiq; in lateralibus partibus.
 Emergunt à sexta, septima, octaua, nonaq; co-
 sta, anteaquam in cartilaginem desinere iaci-
 piant, deincepsque à sublequentibus costis, &
 ab apice transuersorum processuum vertebrarū
 lumborum, & à dimidia ossis ilij appendice, la-
 tissimum habent principium, & carnosum, di-
 gitorum ut plurimum instar, qui inter eos fines
 secundi musculi thoracis ingrediūtur, qui octo
 costas dilatant. Postea verò quàm non parum
 progressi sunt, in latum tendinem, neruosum,
 membranosumque degenerant, qui tendo reli-
 quæ parti appēdicis ossis ilij, de qua dicebamus
 & pubis adheret: non autem coxendici, ut ma-
 lè Leonardus Fuchsius opinabatur: in medio
 ventre finiunt, à mucronata scilicet cartilagine,

*Musculi abdo-
 minis octo, neri
 ut utrinque
 quatuor.*

*Primi duo abdo-
 minis musculi
 descendentes
 dicti.*

*Fuchsi falso
 opinus.*

Vesalij error.

*Secūdi abdomi-
ni muscoli a-
scendentes vo-
cati.*

rectà vsque ad os pubis, quo loco candidam li-
neam cernere est, vbi horum musculorum ten-
dines, vnà cum obliquis ascendētibz, & trans-
uersalibus coniunguntur: hæc autem pars ideo
albicat, quòd illi caro non subiacet. Igitur can-
dida linea terminus est prædictorum musculo-
rum: nō in osse pubis, quemadmodum Vesalius
vult. Nam os pubis non mouetur, quocirca
munere suo quī fungi potuissent obliqui descē-
dentes abdominis muscoli, si in os pubis inserti
fuissent, & religati: qui præterquam quòd & in-
testina, & quæ diximus, alia premunt, inferiora
thoracis etiam constringunt, & septo auxilium
ferunt: scitōque eam esse illorum tendinis vni-
onem, vt musculus vnus duntaxat esse videatur,
cui duæ carnosæ partes cōtigere. Verū si quis
terminum fibrarum diligenter animaduertit,
duos esse musculos planè comperiet, qui in me-
dio vniuntur: & alios sex ventris inferioris mu-
sculos supereminent. Secundi sunt obliqui ascē-
dentes, quorum fibræ opposito modo se habēt,
ac primorum fibræ, nam illæ deorsum, hæ verò
sursum obliquè spectant: & quemadmodū in-
tercostalium musculorum fibræ, cruciantur, vt
dicunt, id est crucis, vel x literæ figuram imi-
tantur. Oriuntur igitur hi carnosi ab appendice
ossis ilij, & transversorum processuum vertebra-
rum lumborum initio membranam imitante,
sursum quidem carnosi nectuntur inferioribus
costis: deinde in latum, neruosum, membra-
nosum-

nosumque tendinem desinunt, qui ubi ascendit, rectisque musculis occurrit, in duos scinditur: quorum alter supra rectum musculum, alter sub ipso incedit. Qua in re non poteris studiosè lector, naturæ sagacitatem, atque admirabilem sapientiam satis obstupescere; nam recti musculi hoc complexu robustiores efficiuntur, & in medio trium constituuntur. Et nisi tendo iste scissus fuisset, recti musculi in medio collocari nullo modo poterant: sed uniuntur denuo hi tendines, ubi lineam candidam sitam esse diximus: atque hinc, eo modo, quo descendentes, finiunt, & quibusdam nervosis rectorum musculorum partibus adherescunt. Vñus eorum est, ut intestina comprimant, & costas deorsum trahant, quo thorax dilatetur. Tertij musculi abdominis sunt recti, ita dicti, quod secundum corporis rectitudinem siti fuerint, rectisque fibris constent: incipiunt ab ossè pubis, quamvis Galeno sexto Merho. in quinto de usu Part. & in quinto de Aggress. Anat. aliter videatur. Arbitratur enim ipse illos à pectore, si Diis placet, emergere, cum in illud potius supra mucronatam cartilaginem desinant. Duo principia ut plurimum habent, nervosum alterum, alterum carneum, à superiore parte ossis pubis: quandoque tamen vnum solum habent carnosum initium: terminantur in sternon, ut dixi, & in cartilagines ultimarum costarum verarum, idque lato fine: tendinis expertes sunt: tribus tamen

*Ascendentium
& descendentiū
musculorum vñ-
sus.*

*Tertij abdomi-
nis musculi re-
cti appellati.*

*Galeni error de
recti musculo.*

*Musculorū re-
ctorum interse-
ctiones à Gale-
no descripta.*

*Musculi trans-
uersales.*

*Transuersalium
musculorum
vius.*

*Tendines obli-
quorum, ascen. de-
scen. et trans-er-
saliū perfora-
tos esse.*

tendinosi, nervosissq; intersectionibus nō carue-
re, quibus muscoli obliqui ascendentes adhæ-
rent. Tūque adnotato Galenum, quas diuision-
es suprà memoravi, nullo modo adnotasse: li-
cet vel in simiis ipsis reperiantur. At quorsum
hæ intersectiones? inquis: horum musculorum
roboris gratia effectæ fuere, néne admodum in
profundum abdomen contraherentur, vt ven-
ter magis sphæricus relinqueretur. Sunt in exor-
tu proximi sed quò magis ascendunt, eò magis
seiuunguntur. Crassi sunt satis, validique hac uti-
litate a natura facti, vt anteriora abdominis cō-
primant. Sed euidentior eorundem vsus est,
thoracem deorsum trahendi, vt suprà dilatari
posset. Vltimi sunt transuersales, hoc nomē sor-
titi sunt, quoniam transuersim in corpore collo-
cantur, à transuersis processibus vertebrarum
lumborum nervosi prodeunt, deinde carnosii
evadūt, & ossi ilij, costisque inferioribus cohæ-
rent, fibras quoque transuersas habent: finis ve-
rò illorum tendo est latus, nervosus, membra-
nosusque in linea candida, & ossi pubis hæren-
tes fiunt, quemadmodum obliqui ascendentes,
& descendentes, licet non ita adhæreant: hæ-
rent etiam peritonæo: partes eorum sunt abdo-
men comprimere, & hypochondria constrin-
gere. Animaduertendum insuper est, tendines
musculorum obliquorum descendentiū, ascen-
dentium, & transuersalium, perforatos esse. Pri-
mò vbi umbilicus positus est: secundo prope os
pubis,

pubis, & per ea foramina descendunt vasa se-
 men-^{Vasa semē pre-}stibus præparantia, ascenduntque defe-^{parantia.}
 rentia, quæ in glandulas parastatas tandem in-^{Vasa deferentia}
 feruntur: atque hæc foramina sunt per quæ her-^{semen.}
 nia fiunt: sunt etiam in mulieribus perforata,
 quanquam Vesalius hoc nunquam animaduer-
 terit, quemadmodum dicemus vbi de matrice
 verba faciemus. Inuenies etiā alios ætatis meæ
 Anatomicos, qui & ipsi aliquid inuenisse videri
 volunt, decemque musculos in abdomine con-
 stituunt. Sed hi meherclè falluntur: nam carno-
 sum rectorum musculorum principium muscu-
 lum esse distinctum volunt: quod nullo pacto
 est: neque enim musculi definitio illis accom-
 modari potest. Quòd si musculi essent, vt illis
 placet, aliquo munere sibi fungendum esset: vt
 quòd Priapo ad illum erigendum præstò sint,
 quod agere nequeunt, eò quòd illi non adhæ-
 reant, sed ossi pubis superius affixi sint. Quòd si
 penis illis sursum trahendus esset, sursum quo-
 que esset ab iisdem vulua trahenda. Nam in for-
 mella non secus, atque in mare deprehendun-
 tur, quæ vulua voluntariè non mouetur: sibi in
 animum induxerunt prædictos ab ipsis vocatos
 musculos rectis opem ferre, quod verum esse
 neutiquam potest. Nam adeò validi sunt recti
 abdominis musculi, vt auxilio non egeant: sin
 autem velint suos musculos vesicam compri-
 mere: tantundem est, nam ab omnibus octo
 comprimitur, quod verum duntaxat ex his os-

*Error posteri-
 rum anatomi-
 corum.*

*Vulvam motu
 voluntario non
 moueri.*

ficiis fungendum esset sibi: quoniam nihil superest agendum præter hæc: absurdum aliud nõ minus sequitur, quod hæc carnosæ origines, quas distinctos musculos isti vocant, in omnibus nõ inueniuntur, quos sequeretur his vtilitatibus carere, ob quas geniti sunt dicti muscoli. Quare vanum hoc dictu est: & hæc de decem musculis abdominis sententia defendi nullo modo potest.

Improbatur opinio de decem musculo abdomini.

De musculus testiculorum. CAP. XXIII.

Musculi testiculorum.

Δαπνὸς membrana.

BINI sunt, tenues, oblongique muscoli, qui testibus deseruiunt: siti sunt in Darto membrana, eorumque origo est supra os pubis, vbi foramen videre est, per quod seminaria vasa descendunt, eadem membrana inuoluta. Profectò, si verum fateri licet ingenuè, veri muscoli formam vix præ se ferunt. Sunt enim fibræ quædam carnosæ, rectæque in hac Darto positæ, hos musculos antiqui cremasteras, quasi suspensores dixeris, appellauerunt. Hanc enim ob causam effecti à natura videntur, vt testes suspenderent, ne temerè dilaberentur. Aliis placet hos non modò testes detinere, ne prolabantur: verum etiam testes ab hisce attrahi, idque voluntariè, dextrum à dextro, atque sinistrum à sinistro.

κρεμαστήρες musculi, ac suspensores dicti.

De musculus penis. CAP. XXIV.

Penis descriptio

*Quatuor penis musculi.
σφιγκτήρ.*

PENIS præter eius substantiam, quæ rara est, porisque referta spongiæ instat, & crassam, qua circumuoluitur, membranam, quatuor insuper musculos habet: quorum primi à sphinctere ortum ducunt, orbiculari scilicet musculo, qui

qui extremo recto intestino adiacet, longiusculi sunt, subtus incedunt & media ipsius parte plus minus in meatum vrinariū implantantur, qui meatus semini quoque cōmunis existit, hūc amplectuntur, subtiles sunt, in hunc vsum producti, vt cū lotium nobis, vel semen emittendum est, hunc meatum dilatent: reliqui duo musculi à coxendicis appendice oriuntur, sub ipsius penis exortu, qui ab inferiori parte ossis pubis initium sumit: sunt hi quidem breues, at prædictis crassiores, in ipsumque penis corpus desinunt, in meiendi munere ipsi quoque magnam opem ferentes, maiorem verò in coeundo afferunt: nam penem sustinent, erectumque detinent, donec opus absoluitur.

Primi duo peni musculi.

Primerū duorū peni musculorum usus.

Duo posteriores peni musculi.

Posteriorū duorum peni musculorum usus.

De musculis vteri. CAP. XXV.

ANIMADVERTENDVM est in laterali-
bus vteri partibus, vbi adsunt seminaria
vasa, duas etiam adesse membranas duarū ala-
rum instar, quæ diuisionem ab hisce vasīs factā
continent. Quibus in membranīs non in om-
nibus quidem, sed in quibusdam duntaxat mu-
lieribus certæ sunt carneæ fibræ, velut in viro-
rum darro: has carneas fibras Vesalius ita descri-
bit, quasi musculi sint, qui vterum sursum sen-
sim attollant. Ego verò, si quis paucas hasce
fibras, quæ neq; etiam in omnibus fœminis re-
periuntur, voluerit pro vteri musculis accipere,
non multum morarer: parui enim refert, has ne
musculos uoces, an musculos esse deneges.

*Musculi vteri.
Membrana in
vteri lateribus
alarum instar
posita.*

De vesica musculus. CAP. XXVI.

Vesica.

*παράσῃται
glandulosemen
continentes.**Musculus vesti-
ce collum com-
plectens.**Error contingit
imperiū lapidē
ē vesica extra-
hensile.**Mulieres carē
glandulū para-
statib. cum ra-
men musculum
ibi existentem
habeant.*

Anus.

*Anstres mus-
culi.**Musculus orbi-*

IN hominis Vesica, cū in collum euadit, na-
tura duas glādulas παραστάτας dictas, colloca-
uit, quæ quidem semine continenter refertæ
sunt, nisi vel puer sit, vel senex, vel macie con-
sumptus. In harum glandularum fine natura
prōdēs musculum tenuem posuit orbicularem,
circularibus fibris, qui vesicæ collum constri-
git, ne vrina nobis inuitis exeat. Etenim nisi
hic adesset musculus, in horas singulas lotium
exire cernerēs, quemadmodum in quibusdam
conspicimus, quibus hic musculus relaxatus est:
& ut iis euenit, quibus miseri empirici quidam,
qui lapides euellere profitentur, transuersum di-
ctum musculū incidere: qui, cū huius situm
prorsus ignorent, hunc nolentes secant, & pro-
morbo morbum inducūt: nam quibus hic mu-
sculus præcisus est, semper vrina exit, nunquam
colligitur. Quamobrem femoralia vrina asper-
sa, fœrentiæque habent semper, quo nihil quic-
quam fœdius dici, excogitarique potest. Adcō
ut planè videas ab hoc musculo detineri vrinā,
qui, cū meiere volumus, relaxatur, atque ita
lotium exit: hic musculus & in mulieribus etiā
reperitur, quanuis assistentes glādulas non ha-
beant.

De musculis ani. CAP. XXVII.

AN o tres musculi contigere, ex quibus v-
nus orbicularis est, qui sphincter appellatur
in extremo recti intestini positus: hic latus po-
cū,

tius, quàm crassus dici meretur. fibris transuer-
sis cōstat, & cum cute admodum vnitur, à coc-
cyge ligamētis mutuo acceptis. Eodem mune-
re iungitur, quo fungi velicæ musculum dixi-
mus: facēs scilicet hic detinet, ne nobis inui-
ris exeant, vt ille vrinam. Reliqui duo lati qui-
dem sunt, sed subtiles: cūmq; ab ossis sacri li-
gamento, atq; ab ilio initium sumpserint, in
partem sphincteris superiorem terminātur hoc
vsu à natura producti sunt, vt rectū intestinum
sursum trahant, si fortè quibusdam conatibus,
vt quandoque fit, in excernendo exierit.

*cularis recti in-
testini sphincter
dictus.*

*Duo reliqui ve-
licæ intestini mus-
culi, eorumque
usus.*

De musculis femur mouentibus.

CAP. XXVIII.

Cy M Gal. in lib. de Vsu Part. diffusè satis
loquatur, quo pacto fiat deambulatio, ego
ab huius rei tractatione nunc vestra pace lubēs
abstinebo. Dico itaque femur & flecti, & ex-
tendi, & in orbem agi, intrò, foràsque ferri &
vt breui omnia complectar, femur vndequāq;
verti. Decem verò sunt musculi, à quibus mo-
uetur: ii que magni satis, propterea quòd cum
membrum tum crassum, tum oblongum mo-
uendum esset, validis musculis opus erat, à qui-
bus hoc efficeretur. Ex his primus ille est mu-
sculus, qui nates constituit, satis crassus, carno-
sus: exoritur à dimidia ossis ilium appēdice, ab
osse sacro, coccygēque. Principium huic la-
tum est, & semicirculare, sed ita semper arcta-
tur, vt tandem in acutum desinat. Desinit au-

*Musculi se-
moris.*

Femoris motus

*Musculi femur
mouētes decem
sunt.*

*Primus muscu-
lus femur mo-
uens nates con-
stituit.*

*Secundus femo-
ris musculus.*

tem in maiorem, τροχαντήρα, & adhuc inferius in femur, per latum autem tendinem coxendicis articulum supereminet. Secundi femoris musculi maior pars sub primo latet, liuérq; oritur à tota ilij appendice carnosà, semicircularique origine, eundem articulum superequitat, & in tendinem latum, & validum finit summo magno trochanteri adhærescens, quem & ample-

*Tertius femoris
musculus.*

ctitur. Tertius verò totus sub secundo latitat, liuidus & ipse, carnosóque, & semicirculari initio, vt de secundo dictum proximè est, exit ab osse ilij, & quemadmodum de duobus aliis diximus, in progressu imminuitur in tendinè desinens, quo magno trochanteri adnectitur, sed in summitate illius interiore, vbi is nōnihil inuertitur. Vsus horum trium musculorum est, vt femur extendant, sursum attrahant, & ad ex-

*Quartus femo-
ris musculus.*

teriora ducant. Quartus est obliquo situ: oritur autem à tribus inferioribus ossibus sacri dicti ossis, principio carnosó, quod & teres videtur: finis ipsius est in tendinem teretem, quo in apicem maioris trochanteris, posteriora versus desinit, femúrque ad sese trahit, & eius circumactioni auxilio est. Quintus musculus lumbalis est in abdomine situs, teres quidem sed carnosus, & crassus, & validus: situs eius aliquantulum obliquus est: totus liuet. Initium verò sumit ab vndecima, duodecimáq; thoracis vertebra à tribus superioribus lumborum, quà corpus vertebrarum est, descendit supra pubis os,

*Quintus femo-
ris est musculus
lumbalis.*

& in

& in teretem tēdinem finem habet, qui in minore trochantera inseritur. At sextus ossis ilij *Sextus femoris musculus.* concauam internā partem vniuersam occupat: oritur à tota illius appendice, positus est in abdomine principio semicirculari, descendit supra os pubis: totus carneus est, itaque fere ad eius extremum progreditur, vbi in tendinem degenerat, qui in minorem trochantera implantatur. Vfus tum quinti, tum huius, quem nunc memorauimus, est, vt femur flectant. Septimus exit ab osse pubis iuxta ipsius cartilaginem lata origine, sitūque obliquo: desinit tandem in interius femur sub minori trochantere, exiguo tendine: eius utilitas est, vt femur vnum versus aliud trahat, & femur femori superimponat, si quis rectē confidert: non autem flectendi causa, quemadmodum in hoc deceptus voluit Vesalius. Octauo musculo femoris, qui Gal. *Octauus femoris musculus optimus musculorum maximus.* Vesalióque est quintus: nullus in humano corpore maior est, tanta fibrarum varietate refertus, vt si quis decipere cupiat, nō docere, tres, quatuorū musculos pro hoc ostendere facile possit. Oritur ab osse pubis parte nimirum eius interna, & à coxendice minorem *τροχαντήρα* amplectitur: deorsumque tendit, femori adhærescens sua illa oblonga, asperaque linea, posteriora carnosā. Tandem tendinem efficit, qui quidem in caput femoris interius inseritur. Dicti musculi vſus est femur erigendi: neque hæc utilitas paruipendenda est, huius enim munere

femur erigimus: femoris autem rectitudine à brutis animantibus differimus: nam nos erecti incedere possumus: illa verò in terram prona perambulant. Ad hanc vtilitatem illud insuper accedit, quod octavi huius musculi beneficio septimo auxilium præstetur: vt femur femori, cum volumus, superimponamus. Nonus totum illud foramen occupat, quod in osse pubis, & coxendice positum est exteriori in parte. Principium eius latum, carnosumque est: exteriorem partem versus incedit, transuersus manet, & semper arctatur: adeò vt in fatis validum tendinem tandem tendat, qui tendo definit in cavitatem quandam in maiori trochanteri positam. Decimus, & vltimus femoris musculus interiore in parte est, dictumque foramen ipse quoque occupat. Musculus hic non modo aspernandus non est, sed est summo pere animaduertendus: admirabilis enim est, & in quo summi opificis prouidentiam cõtèmplari licet. Nani carnosus oritur, latúsque, vt suprà de nono memoravi, quique ab intus ad extra feratur supra coxendicem, vbi cavitatis ad trochleæ imaginem efformata: hic musculus, cum sibi incessus flectendus est, tres sæpe tendines efficit, quandoq; quatuor, & quinque: qui postremo vniuntur, vnúmque tendinem duntaxat nerueum, perpulchrum constituunt, cuius terminus in posteriore maioris trochãteris parte sistitur. Sed hoc, quæso, priusquam ab hoc muscu-

musculo discedimus, animaduertite, quod est pulcherrimum. Quum primùm tendinescit, tendinisque substantiam sapere videtur: natura statim prudentissima carneum marsupium parauit de industria, in quo tendinem hunc collocat, vt tutus incedat, neq; ab ossis duritie vlllo pacto laedatur: quod os ab hoc musculo amplectitur. Non desunt, qui carneum marsupium, quod diximus ad decimi musculi, cum tendinescit, propugnaculum paratum, musculū peculiarem à dicto seiunctum esse contendunt: Quod mihi nullo pacto probatur, cū decimi musculi portionem esse planè perspiciam.

De musculus tibiam mouentibus.

CAPVT XXIX.

TIBIA flectitur, extenditurque secundum rectitudinem, quemadmodum palam cer- nitur: mouetur etiam obliquè versus exteriora, licet obscurus sit motus iste. Quamobrem Vesalius deceptus, qui motum hunc obliquū per- negat. Hi motus, quos dixi, à decem muscu- lis perficiuntur, quorū quinque flectunt, qua- tuor extendunt, vnus verò duntaxat sub popli- te latitans obliquè mouet. Ex his primus tum neruosus, tum carnosus ab interiori appendice ossis ilij exoritur. Idem tamē deinceps carneus euadit, & fasciā præ se fert: obliquè incedit per femoris interiora delatus cū autem ad inter- nū caput femoris peruenit, procedit, & in ner- uosum finit tendinē, sed qui verè non est teres

Marsupium carneum.

*Tibia.
Musculi tibiae.*

*Tibia motus à
decem suis mu-
sculis.*

*Primus tibiae
musculus.*

(vt Vesalius autumat) sed latior: finit verò in anteriorem tibiā. Hunc musculum voluit Gal. tibiā supra tibiā deferre: vt pueri ludētes, facere consueuerunt, quod falsum est, si de homine intellexit: quanquam in simia verū, esse deprehendatur: nam hic musculus in simia, vel in media tibiā desinit. Secundus tibiā musculus enascitur ab anteriore parte ossis pubis prope cartilaginem, initiūque illius latum est, iuxta longitudinem cōmissuræ ossis pubis, carnosus descendit, rectis fibris, fit teres apud internum femoris caput, & in nerueum tendinē desinit, qui penē est teres: tamen deinde dilatatur, & terminus eius est in anteriore tibiā parte, quam ἀντικνήμιον Galenus vocauit, penes primo loco dictum musculum. Tertius verò ab infima coxendicis appendice nerueo principio oritur, longo, & tereti: deinde circa mediū femur carnosus efficitur, sed multiplicibus fibris, defertur per posterius femur, quum primū autem ad genu peruenit, tendinem nerueum efficit, quo in posteriorem, sed interiorem tibiā implantatur. Quartus ab eodem loco oritur prope tertium, verū eius origo tum carnea, tum neruea est, deorsumque tantū non teres existit. Incessus verò est per posterius femur, fibris constat rectis: propè genu in nerueū tendinem exit, qui priusquam finiatur, dilatatur: finitque tandem parte tibiā anteriore inter primum, ac secundum. Quinti origo est ex appendice

*Secundus tibiā
musculus.*

*Tertius tibiā
musculus.*

*Quartus tibiā
musculus.*

*Quintus tibiā
musculus.*

pendice coxendicis penes exortum tertij, quartique, eaque acuta primò, deinde fit crassior, & progreditur per posterius quidem, sed exterius femur: quum verò medium illius attingit, notatu dignam carnis molem sibi asciscit à medio femore enascentem, quam fortè aliquis musculum vnum censeret, sed profectò nō est ea caro distinctus musculus à quinto quem describi mus. Tamen si cui posthac libuerit dictā carneam quinti musculi partem pro nouo musculo numerare, quem alij nō animaduenterint, vt aliquid adnotasse, videri possit: id per me sibi liceat, mihi sat sit, quid ingenuè sentiam, admonuisse. Hoc eodem in loco extrinsecus incipit in tendinem degenerare, qui cū ea carne, quam dixi, vnà in finem vsque descendit, in termino ipsius in capite fibulæ collocato. Si verò petas causam, quamobrem natura illam carnis portionem huic musculo affixerit: ego dicam propterea factum esse, vt musculus validior efficeretur, voluit, vt è medio femore exiliret, vt illi magis proxima esset: nam in extrinseca parte vnicus hic duntaxat adest musculus, cū interiorius quatuor adiint. Vsus horum quinque musculorum est, vt tibiā flectant. Illud autem scire operæpretium est, hunc musculum, quem nos, vt ordine cuncta distinguamus, quintum esse diximus, à Galeno & Vetalio pro quarto tibiæ musculo cōnumerari: hic ille est musculus, quem Galenus ait iussisse, vt cursori cuidā adi-

*Quinque pri-
morum muscu-
lorum tibiæ u-
sus.*

*Quintus in op-
dine tibiæ mus-
culus pro quar-
to Vetalio an-
numeratur.*

meretur, quo adempto cursor nihilominus velocius currere poterat. Quæ res profectò Galeno medicæ artis principe (Hippocratem semper excipio) indigna non esse non potest. Nam si hunc musculū, quem exterius solū esse diximus, demas è crure, flexionem rectam efficere nullo pacto poteris: at in cursu rectam fieri flexionem Galenus admonuit secundo de administrat. Ana. Immò verò oppositum re ipsa cōperi: faucios scilicet in hoc musculo, quem nos quintum, Galenus quartum vocavit, neque magno vulnere, qui licet in sanitatē redacti essent, non sine labore tibiam flectebant. Quòd si Galenus de vno ex intrinsecis quatuor intellexisset ego ne verbū quidem de hac re fecissem, quippe qui maximè omnium à contradicendo principibus in arte viris abhorream. Vos obsecro, qui nostra hæc qualiacunque legitis: huius musculi magnitudinem considerate: vsum illius animadvertite, & Galenum in hoc longè decipi faciliè iudicabitis. Flexionis musculis absolutis, reliquum est, vt ad musculos tibiam extendentes deueniamus, qui quatuor numero sunt. *Sextus igitur tibiæ musculus* (iam enim quinque absoluimus) dignus est, quem diligenter consideres, & admireris. Oritur è media appendice ilium ossis: principium illius tum nerueum est, tum carneum, brevis quidem est musculus, sed tamen crassiusculus, & maiori trochanteri coniungitur: ibi eius caro desinit, sed tendo latus, membra-

*Sextus tibiæ
musculus.*

Tendo sexti ti-

membranofus, neruofusq; fequitur, quo tēdine maiorē in vniuerfo corpore nullū videbis, amplectitur omnes ferē musculos, qui circū femur pofiti funt, rectæ funt illius fibræ: tendo quē dixi, maximē est nobilitatis, propterea chirurgi animaduertant, ne illum tranfuerfē fecent: rotulam genu complectitur, & in anteriorem partē tibiæ, fibulæq; tandem inferitur. *Septimus tibiæ musculus.* Septimus exit è magno trochantere principio nerueo: & totū trochantera circumdat: femori adhærefcit fuperiùs, & exteriùs: craffus admodum eft hic musculus, totūsq; liuidus, ad patellam vſque carnofus rectis fibris progreditur, deinde in latum, mēbranofūmq; tendinem definit, qui patellam complectitur. *Octauus tibiæ musculus.* Octauus neruofus emergit è ceruice femoris, & à magno trochātere, quaſi duabus cōftet originibus: ſed immediatē fit carnofus, femori adhærefcit, progreſſus illius eſt anteriùs, & interiùs, carnoſus vt dixi, ad patellam vſque progreditur, variis fibris: finis eius eſt tendo, qui genu & ipſe cōplectitur. *Nonus tibiæ musculus.* Nonus verò ortum habet ab anteriore parte oſſis ilium ſupra articulum coxēdicis, egreſſus huius musculi acutus, nerueūſque primo eſt: deinde fit carnoſus, & teres: figura eſt huius musculi, qua musculus eſſe decet: rectus enim incedit ſupra anteriùs femur inter ſeptimum octanūmq; musculus, priuſquam ad genu perueniat, tēdinem gignit nerueum, validum, qui ex anguſto fit latior, coitq; cū ſeptimi, & octaui tēdinibus,

*Musculi tibiæ
rectæ extenden-
tes.*

Galenus error.

*Decimus tibiæ
Musculus.*

vnâq; patellam amplexantur, ac in anteriorem tibiæ suis finibus inseruntur. Quatuor hi musculi, quos proximè memorauimus, tibiâ per rectam lineâ extendunt: veluti ab aliis quinque; recta quoque linea flectebantur, quicquid Gal. de horum usu dixerit tertio de Usu part. qui ita in hoc deceptus est, quemadmodum in ea sententia, qua à coxendice quatuor musculos exoriri opinabatur: cum re ipsa (si de homine loquamur) tres duntaxat exeant à coxendice. Decimus sub poplite latitâs, origine neruea, teretique; emanat ab externo femoris capite, extra sub ligamento delatus: postea verò carneâ naturam induit, situ est obliquo, fibris obliquis, & carnosus in posteriorem, interiorémque; tibiâ implâatur. Hic musculus tibiâ obliquè mouet versus exteriora, licet hoc Vesalius inficietur, qui hunc musculum in genu articulatione minus quàm rectè perpedit: laxa etenim est: & quamuis velit ipse articulationes illas per ginglymum rectâ duntaxat flectere, & extendere, agere præterea nihil: ego tamè affirmo ab hoc occultato musculo, quem verbis descripsi, tibiæ obliquè moueri.

De musculus extremo pedi deseruientibus, qui in tibiâ siti sunt. CAP. XXX.

Pes extremus.

*Musculi extre-
mi pedis 12 seu
13.*

EXTREMVS pes flectitur, extenditur, moueturque; ad latera suorum musculorum adnunculo, qui in posteriores, & anteriores diuiduntur. sunt verò numero duodecim, vel summum tredecim, Primus emergit ab interno capite femoris

moris supra genu retrò , carnosus quidem inci-
 pit, & angustus , verùm progrediens dilatatur,
 & circa mediâ tibiâ plus minus in tendinem
 cessat latum, ac nerueum, qui postmodum sem-
 per angustus efficitur, & in posteriorem , supe-
 riorémque calcem desinit. Secundus priori si-
 milis est: nam etsi exeat ab extremo femoris ca-
 pite , in reliquis tamen eadem agit quæ prior,
 adeò vt vnus duntaxat musculus esse videatur
 duobus principiis : nam corpus vnum est, ten-
 do vnus. Quòd si illud me euitare posse confi-
 derem, ne hoc lectorem mentes perplexas ha-
 beret: equidem hos duos musculos vnum so-
 lùm musculum esse profiterer. Hi duo muscu-
 li, quos in vnum cogere meritò possemus, ven-
 trem tibiæ posteriorem construunt, quam su-
 ram appellamus. Tertiò occurrit musculus exi-
 guus , ipse quoque exoriens ab externo capite
 femoris propè articulum : sui exitus initio acu-
 tus est: deinde in ventrem prominet, brevis est,
 sed in tendinem teretem, atque nerueum desi-
 nit, quo tendine inter teretes longiorem in hu-
 mano corpore non inuenies : latet hic muscu-
 lus sub duobus, quos antea diximus. Situm ha-
 bet obliquum, obliquas quoque fibras. A parte
 externa internam versus progreditur , tendini
 supradictorum adhærens , tandémque interno
 calci implantatur : eius vsus est pedem in inte-
 riora euertendi . Hic musculus in simiis latum
 tendinẽ producit, vt Galeno placuit , at in ho-

*Primus pedis
 extremi mus-
 culus.*

*Secundus pedis
 musculus.*

*Musculi suram
 conseruentes.
 Tertius tibiæ
 musculus.*

*Tendo longissi-
 mus humana
 corporum.*

*Quartus tibiae
musculus.*

*Tendo quarti ti-
biae musculus est
omnium robu-
stissimus.*

*Musculi pedem
extendentes.*

*Quintus tibiae
musculus.*

*Sextus tibiae
musculus.*

bis in calcem cessat. Quartus maior est tibiae musculus, liuétque, nascitur sub appendice fibulae à posteriori parte: principio nerueo, & valido, postea carnosus euadit, & fibulae adhæret tibiaeque: latitudine ossa excedit. Quum verò mediam tibiā attigerit, tum in angustum tendit, & versus calcem in tendinem terminatur, quo nullus omnino robustior in homine inuenitur: qui tendo cum priorum tendine vnitur, & in posteriore calce desinit. Munus primi, secundi, & quarti est pedem extendendi, in terramque figendi, cui rei tamen quatuor alij musculi auxiliares copias subministrant. Cùm Hector raptaretur hoc tendine vinctus fuisse dicatur, necesse est: nūcque indies videmus laniatos integra bruta hoc tendine suspensā in maccello proponere, quæ res huius tendinis robur maximum testatur. Quintus à tibia, & à fibula originem ducit: ligamentūq; illi adhærescit, quod tibiā, & fibulam interiacer, anteriores musculos à posterioribus seiungens. Carnosum conspicies ferè ad extremam tibiā, prope internum malleolum desinit in robustum, nerueum, & teretem tendinem: incedit tum sub interno malleolo, tū sub naviculari dicto osse: demum sub planta pedis in tarso moritur: hoc vsu natura hunc musculum genuit, vt pedem versus interiora trahat: neque ligamenti expers existit. Sextus à posteriore tibia effluit longo exortu, & carnosus, etsi postmodum in tendinem

nem teretem degeneret, incedit sub interno malleolo: & sub calce ligamento præditum est ab appendice tibiæ exorto. Diuiditur dictus tendo sub planta in quatuor tendines teretes, perforatos, qui procedunt, donec in tertium articulum quatuor digitorum, pollice excepto, inferantur. Vtilitas non mediocris est: nam quatuor digitos flectunt, eosdémq; validè adstringunt. Septimus verò longus, carnosusque inchoat à fibula emergens sub appendice spatium trium digitorum, ut nunc loquuntur: carnosus est, donec ad calcem perueniat, ubi in tendinem teretem commutatur, qui sub ligamento, sub malleolo, sub planta præterlabitur, & in os pollicis inseritur, quod flectit. Hactenus de posterioribus musculis extremi pedis verba facimus: nūc de anterioribus loquamur. Ex his primus à tibia egreditur, id est ab appendice penes fibulam, ipsique admodum adhæret: satissimè crassus est, & hisce anterioribus maior existit. Vbi mediam tibiæ longitudinem præterit, angustus redditur, desinitq; in tendinem teretem, nerueū, & validum, cuius incessus est per superiorem tarsum, detinetur à ligamēto, quod emanat ab appendice inferiore tibiæ, fibulæq;.

Pedus perforati tendines.

Tendines quatuor digitos pedis flectentes.

Primus musculus anterioris pedis.

Hic ille est tendo: qui aded attollitur, itaque euidens est sub pelle: finis eius est in osse pedis pollicis præposito. Vfus est extremum pedem flectendi. Secundus exit acuto initio ab appendice tibiæ, adhæretque ligamento, quod

Tendo in pede sub pelle apparet.

Tendo extremū pedem flectens.

Secundus musculus anterioris pedis.

tibiam, fibulamque interiacere diximus : deinde fibulæ ipsi ad finem ipsius ferè, carnosa quidem est huiusce musculi radix : veruntamen in quatuor teretes tendines desinit, qui detinètur sub eo ligamento, quod à tibix, & fibulæ appendice exoritur. Quatuor hi tendines ampliatur, postremoque in omnium digitorum superiorem partem inseruntur : pollicem hîc quoque excipio : usus est, ut digitos illos extendât. Tertius à media fibula carnosus exilit prope ligamentum : deinde in tendinem teretem degenerat, qui sub transverso itidem ligamento defertur, & in ultimum pollicis articulum inseritur, quem & extendit : hic tendo in duos diuiditur, quorum alter finem habet, ut dixi, alter verò inseritur in os pedij, pedique flectendo auxilium præstat. Secundus hic tendo à musculo quoque oritur, quæ portio in quibusdam, raris tamen hominum corporibus, alius musculus videtur esse. Ego tamen vnum solum musculum dicerem : licet non magnopere ægrè tulerim, si cui hunc duorum musculorum locum habere videatur : tunc duodecim, quos diximus, tertiusdecimus addetur, itaque ut initio huius capituli attigimus, tredecim erunt numero, secundum quosdam, musculi extremo pedi deseruiantes. Quartus nascitur ab appendice superiori fibulæ versus exteriora : et si quis omnia ad viuum resecaret, musculus hic neque posterioribus, neque anterioribus adnumerandus esse videretur.

Sed

Tendines superiores quatuor digitorum pedis.

Tertius musculus anterior pedis.

Musculus pedis qui tertius decimus numeratur.

Quartus anterior pedis musculus.

Sed ut ne lectoribus obscuritatis tenebras effundamus, inter anteriores adnumerabitur. Exortu carneo, nerueoque constat, fit carnosus deinde: postremò exit in teretem tendinem, & sub planta suis finibus in pedij ossa immittitur. hic musculus pedem ad exteriora euertit, & ligamento constat transuersali. *Musculus ad exteriora pedis euertens.* Quintus & ipse *Quintus anterioris pedum musculus.* à fibula prorūpit exortu oblongo, exterius carnosus est, quemadmodum de quarto diximus: itémque sub externo malleolo incedit, ubi vnà cum quarto in tendinem teretem finit, qui in os pedij inseritur, quod minimo digito præponitur: pes exteriora versus ab hoc musculo trahitur. Illud est insuper animaduertendum, licet ex his musculis omnibus dixerimus pedem vel extendi, vel flecti, vel intrò, vel foras ferri, nihil ominus, si omnes vnà conueniant, atque in vna actione concurrant, tunc idem ab hisce omnibus humi affigetur. *Quo pacto humi pes affigatur.*

De musculis in extremo pede positis.

CAP. XXXI.

MUSCULI positi in extremo pede sunt decem & octo, qui omnes digitis deseruiūt, quāuis quatuor alios suprà descripserimus, quorum alios flectere, alios extendere monuimus. *Musculi extremi pedis digitis deseruiētes sunt 18.* Ita vides quo pacto musculi, qui pedis digitis famulantur, sint viginti duo. Primus igitur ex his decem & octo propositis, sub media planta iacet, initio sumpto à parte calcis inferiore, id est ab eius appendice, superstat huic tendo la *Musculi digitorum pedis famulantes sunt viginti duo. Primus musculus pedis digiti inferiens.*

tus, quem (vt suprà admonui) Galenus existima-
uit oriri à tertio musculo, qui à nobis inter po-
steriores tibiæ tertius, à Galeno quartus nume-
ratur lib. de Dissect. muscul. Huic principiū ner-
uosum, carneūque contigit: sub pedij osse di-
uiditur, & in quatuor tendines teretes perfora-
tōsque euadit, qui in secundum articulum qua-
tuor digitorum inferuntur, mirabile dictu, visu
verò admirabilius. Quis enim obsecro, incredi-
bilem opificis nostri providentiam non admi-
retur, atque suspiciat, cū in vno musculo tot,
tantāque contemplari possit? Vtus est flectendi
secundum articulum illorum digitorum, quos
dixi. latus, qui huic musculo superstat tendo,

*Quatuor perfo-
rati tendines, et
eorum usus.*

*Latus tendo pe-
di acutissimi
sensus.*

*Plantam nō esse
depilem tendi-
nis latis causa.*

*Secundus pedis
musculus digi-
ti inferniens
pollicē ab aliis
digitis deducēs.*

*Tertius muscu-
lus digiti pedis
inseruiens.*

*Tendo abducēs
minimū pedis*

sensus est acerrimi, tanto verò sensu dedita ope-
ra à natura donatus est, vt quam citissimè exter-
nas iniurias perferirer. Aiunt quidam plantam
propterea depilem esse: quod ego falsum credi-
derim, cū lepori non desit hic tendo, cuius
planta nihilo secius pilis referta est. Secundus
& ipse à calce prodit penes primum, sed inte-
riore ipsius parte, teres ferè existit, ossi pedij
quod pollicis præfertur, colligatur, tēdinēque
producit, quo in pollicem implantatur: hoc vsu
fabrefactus est, vt pollicem ab aliis digitis abdu-
cat. Tertius quoque ab eodem calce exoritur
prope primum: iter ipsius est exteriorem partē
versus, & ossi pedij minimo digito præposito af-
figitur, vbi processum illius videre est: deinde fi-
nit tandem tendinosa substantia in eundem mi-
nimū

nimum digitum, abducitque illum à reliquis. *digitum ab a-*
 Cùm ab his tribus discesseris, sequuntur alij qua- *lu.*
 tuor, qui sub pedis planta tibi occurrunt sub of- *Quatuor mus-*
 sibus pedij, quorum exortus emanat à tendi ni- *culi pedis digi-*
 bus musculi perforantis, qui in tertio articulo *tu inferientes.*
 quatuor digitorum cessat, sed hi musculi cùm *Musculus per-*
 parui, teretesque sint carnis portionem sibi ad- *forans.*
 mouent, quam à calce mutuo accipiunt. De his
 musculis Galenus & Vesalius scribunt, usum ho-
 rum esse, ut quatuor digitos à pollice diuellant:
 quoniam delinunt in quatuor tendines teretes,
 ac nerveos, qui procedunt per externam partem
 quatuor digitorum, & alligantur tendini supe-
 riori, quem extendere diximus: progrediuntur
 autem usque ad extremos digitos: neque desi-
 nunt in primo articulo, quemadmodum hoc in
 loco voluit Vesalius, qui in hoc parum diligens
 fuit, cùm his musculis obliquum duntaxat mo-
 tum concedat. Sed scitote lectores candidissimi,
 meum esse inuentum hoc, neque quenquam ex
 his, qui de Anatome ante nos scripsere, hunc u- *Quatuor mu-*
 sum agnouisse. Non enim mouent hi musculi *sculorum qua-*
 obliquo motu, sed quatuor digitos verè exten- *tuor pedu digi-*
 dunt; atque ita extendunt, ut ab his magis exten- *tos extendenti-*
 dantur, quàm ab aliis tendinibus: ut sensu ocu- *um usus non ali-*
 lorum à quouis in secundo perito deprehendi *u cognitus.*
 facile potest. Post hos decem sequuntur musculi *Decem muscu-*
 in plate ossibus: nam singulis digitis bini musculi *li singulu digi-*
 inditi sunt, qui ab initio pedij proficiscuntur, fi- *tu pedu binum*
 nēmque habent in primo articulo omnium quin *ferientes.*

que digitorum, carnosì sunt, itaq; à natura effor-
mati, vt flexioni pròptiùs obtemperarent: quod
agunt, quando bini vnà mouent eodem tempo-
re: cùm verò alter ex his duntaxat agit, digitos
obliquè trahunt intrò, & extrà. Postremus mu-
sculus extremo in pede positus, id est decimus
oçtauus positus supra tarsum & pedion, ortum
ducit à ligamèto, quod tibiam, & fibulam cum
pede connectit. Est musculus latus, & subtilis
desinens in quinque tendines, nonnunquam in
quatuor: inscribitur in omnes digitos externa in
parte, digitos mouet obliquè ipsos extendens.

*Postremus mu-
sculus pedis.*

*Decimi oçtavi
pedis musculi
usus.*

De musculis, qui cubito àdeserviunt.

CAPVT XXXII.

Cubitus. **C**UBITVS flectitur, & extenditur rectè,
quidquid Galeno videatur de motu obli-
quo, quem nunquam in homine inuenies: neq;
ego hac de re longo sermone contra Galenum
disputabo, cùm sensui pateat cubitum rectà ex-
tendi, flectique, & obliqui motus prorsus exper-
tem esse: quod cùm mihi in mentem venit, non
possum satis mirari, quo pacto Galenus vir alio
qui diligentissimus rem adedò absurdam, atque
à veritate abhorrentem affirmauerit, cùm in se
ipso periculum facere nullo negotio potuisset.

*Musculi cubito
seruantes.*

*Musculi cubiti
duo sunt exten-
dentes, & toti-
dem flectentes.
Primus muscu-
lus cubitum fle-
ctens.*

Musculi flectentes duo sunt, totidémque exten-
dentes. Primus musculus est validus, qui sub
cute conspicitur: & vulgo ab Italis dicitur Il
pescetto: situs est in parte humeri interiore: ex-
oritur à scapula duobus initiis distantibus, quo-

rum

rum alterum nerueum est, ac teres, quod originem ducit à parte suprema supercilij acetabuli, quod in scapula cernitur. Incedit supra caput humeri, & per illam rimam præterlabitur, quæ sita est in hac parte superiori, quâ rimam natura huius tendinis gratia finxit. Alterum verò huius musculi initium egreditur ab ancyroïde processu, qui partem nerueus est, partim carnosus: carnosâ verò pars humero abhærescit, videturque conuiuentibus distinctus musculus, & separatus, qui humero opem præstet, illum versus petus trahens. Deinde hæ duæ origines dicti musculi sub capite humeri vniuntur, & musculum crassum efformant propemodum teretem, validum, fibris rectis constantem, qui apud cubiti articulum in tendinē nerueum cessat: qui dum fini proximus est, dilatatur, radiōque annectitur, ubi is tuberculum internum habet ob insertionem huius musculi fabrefactum. Secundus exit ab osse humeri carnosus totus, fibrisque rectis, sub priore latitat, carnosus deferretur supra cubiti articulum, & in cubitum, ac radius infigitur. Horum duorum musculorum utilitas est, ut cubitum rectè flectant. Tertius è scapula prodiit parumper sub illius ceruice: per humeri posterora deferretur, tendinēque constat supra lato: carnosus suo cum tendine in *ωλέκρانون* tendit: atque illud etiam præterit: fibræ eius sunt rectæ. Quartus duobus initiis exit à ceruice humeri, cui multum adhæret, & cum tertio ad-

*Secundus cubiti
turm flectens
musculus.*

*Tertius cubiti
musculus.*

*Quartus cubiti
musculus.*

*Tertij ac quarti
musculi cubiti
vsi.*

modum vnitur, adeò vt tertius cum quarto vnus solus musculus videatur multiplici origine constans: tamen duo reuera sunt. Demum hic quartus musculus ibi definit, vbi tertium definire diximus: fibras rectas habet. Munus amborum, tertij inquam & quarti, est cubitum rectè flectendi.

*Musculi manū
mouentes.*

De musculis summam manum mouentibus.

CAPVT XXXIII.

Manus.

MANVS (vt Aristoteles & Galenus in-
quiunt) organum est organorum: eiusque
structura admirabilis est summū artificium præ
se ferens. Hanc Deus Opt. Max. homini cōces-
sit, vt huius ope omnes artes exercere, seque ab
externis iniuriis tueri posset: de qua cū Gale-
nus vir eloquētissimus tam longo processu pri-
mo de vsu Part. loquutus fuerit, hoc argumen-
tum lubens præteribo. Ego de summa manu
mouentibus muscoli postremo loco verba fa-
cturus sum hanc vnā ob causam, quòd, cū
illorum compago miraculi instar esse videatur,
in calce de his loquēdum existimaui: vt memo-
riæ magis inhereant, quæ in libri calce leguntur.
Cū autem Galenus qui & ipse miram hanc
compagem vidit, & animaduertit, statim in ini-
tio rem hanc tractauerit, non iniuria quispiam
huius mei ordinis causam quæret. Ne existime-
tis me in finem hanc materiam reiecisse, quòd
illius oblitus fuerim, vt Galeno contigit libro
de vsu Part. de musculis femoris, quos obliuio-

*Quare in calce
de extrema ma-
nus musculus
dedita opera
trahatur.*

ne præ

ne præterit, sed ut superius attingi, dedita opera hæcenus distuli, ut res pulcherrimæ, & maximè utiles, lectorum mentibus magis hærent. Immò verò consulo, ut dum publicè in scholis secantur corpora, hic ordo seruetur: nam hi musculi diutius incorrupti perseverant, tum quòd dū viuimus, hos musculos magis exercemus, tum quòd minus pinguedinis contineant. Hos musculos Galeni more in internos, & externos diuidam, ut eos, qui pedem mouent suprà diuisi. Interni octo sunt, de quibus prius agemus: nouem externi. Interiorem summæ manus musculorum primus perelegans est: exoritur ab apice interni tuberculi, quod est in humero, exortu acuto, neruèoque: deindè carnosus euadit, & paruus, musculique veram formam refert: nam illi caput paruum est, venter latus, cauda (ut ita dicam) longa & angusta vsque ad brachiale: hic musculus parum obliquè versus manum incedit, defertur per medium cubitum retrò magis, quàm sit longitudinis cubiti medietas: desinit autem in tendinem teretem, atque oblongum, qui supra ligamentum brachialis internum ambulat, quo prætergresso tēdo latus efficitur, qui per volam extenditur, relictis tamen duobus montibus maioribus detectis: postremò in quatuor digitos inseritur. Verus vñus huius musculi est digitis flectēdis auxiliari, & ut acuto sit sensu. Ergo si quid nocuum nobis manum cōstringentibus occurrat, id dictum, ac factum abiici

Musculi extrema manus in interios, & externos, diuiduntur.

Musculi manus interni sunt octo.

Primus musculus manus interior.

Vola.

Primus musculus interiorum manus vñus.

*Larrones cavēt
ut plurimum
primū interiore
musculo manus*

nus. priusquam latio procedat, non autem est
usus, ut vola depilis fiat, quemadmodum aliqui
voluerunt: observavi in quibusdam furibus, ac la-
tronibus magni nominis ob præclara ipsorum
facinora, eos hoc musculo caruisse, licet tendo
adesset, qui exortum ducit à ligamēto brachia-
lis interno. Hoc primū Patavij observavi in
illustri fure Cotola dicto, dum Anatomen pu-
blicè profiterer. Idē Pisis animadverti in Tym-
panista Certaldensi, si rectè memini, & superio-
ribus annis Romæ idem vidi, & spectatores ad-
monui in presbytero Lucensi, qui furum Rex
merito dicebatur, & propterea aureo torque,
diadema gestans aureum suspensus est, ut suarū
præclarissimarum virtutum præmia cerneret,
antequam ex hac vita migraret: exemplūq; suo
alios ad furta alliceret, qui furum regem vide-
rent in tantum honorem.

*Secundus mus-
culus interior
manus.*

Secundus egreditur
ab interno tuberculo humeri, principio in acu-
tum tendente, tum nerueo, tum carneo, cubito
adhæret, & per eius longitudinem progreditur
vsq; ad radicem brachialis: pulvinaris instar cu-
bito præstò est: quum primū ad brachiale per-
uenit, in tendinem degenerat, & in quartum os
brachialis implantatur carneo, & nerueo fine.

*Tertius interior
musculus manus*

Tertio origo est ab eodem loco, & incessus ob-
liquus iuxta radij longitudinem: cū verò ad
brachiale adveniat, in tendinem teretem, & va-
lidum exit, qui inseritur in os illud postbrachia-
lis, quod indicem fulcit. Usus duo musculi, cum

utroque

utroque agit, brachiali flectendo dicati sunt, id est extremæ manui, cum verò alter tantum agit, obliquè mouet nunc sursum, nunc deorsum, duobus tamen musculis opem ferens, qui in exteriori parte siti sunt. Quartus musculus exortum habet admirabilem: nerueus etenim acutusque nascitur ab interno humeri tuberculo, carnosus postmodum fit: & iuxta cubiti, radii; longitudinem deferitur: ubi medium cubitum præterit, in angustum tendit, terminaturque in quatuor tendines teretes, nerueos, ac perforatos: qui sub ligamento brachialis deferuntur, sub quo tamen tres primi muscoli non deferuntur: terminum habent hi tendines in secundo articulo quatuor digitorum, quos flectunt: & quoniam tendinibus quinti musculi, ad tertium articulum quatuor digitorum penetrandum erat, propterea natura hos perforauit, qui neruei sunt, pulchri, pellucidi: resque est & spectanda, & admiranda: hoc autem natura sagax effecit, ut digiti ordine quodam sese consequerentur. Quintus musculus quarto multò validior est, neque mirum: quoniam huic maior etiam motus futurus erat, maiorisque momenti. Etenim quatuor digitos flectit, non quinque ut Gale. lib. de Vsu Part. primòq; de Anatom. administ. & lib. de Musc. voluit, quos & optimè constringit: nascitur prope quartum, sed maiori parte à superiore, interiorèq; cubito: latet sub quarto, arctatur pedetentim, & cubito adhærescit, antequam ad

*Quartus manus
interior musculus.*

*Tendines manus
perforati.*

*Quintus manus
musculus
interior.*

Quatuor manus tendines perforantes.

brachiale perueniat. exit demum in quatuor teretes, neruicōsque tendines, & perforantes, qui denique inseruntur in tertium articulum quatuor digitorum, pollice excepto: tamen si Gale. primo de Administ. Anatō. vnum ex huius musculi tendinibus ad pollicem tendere dixerit. Quod tamen verum esse in fimiis deprehenditur, in hominibus nequaquā. Nam hominis pollex à proprio musculo flectitur, quem mox describemus. Quintus hic musculus (vt ad illum redeamus) hæret ligamento, quod diuidit musculos anteriores à posterioribus, quēadmodū

Sextus manus interior musculi.

in tibia. Sextus oritur à radio, ligamentōque illi adheret, quod interiores ab exterioribus musculis seiungit: per radij longitudinē iter habet: prope brachiale desinit in tēdinem teretem, & nerueum, qui transit sub copula carpi, vnā cum quarti, & quinti musculi tendinibus: deinde in vltimū pollicis articulum inseritur quē flectit.

Septimus manus interior musculi.

Septimus carnosus emergit ab interno tuberculo humeri, & à superiore, interiorēque cubito, obliquus repit, & in media longitudine radij terminum eius videbis partim carneum, partim

Octauus manus interior musculi.

nerueum, fibris obliquis constat. Octauus musculus quadratus est, positus prope brachiale, carnosus exoritur à cubito: & carnosus item in radiū desinit: fibras trāsuerfas habet, sitūmq; tranſuerſum. Munus duorum musculorū, quos suprā memorauī, septimi inquam, & octauī, est radium in prouum vertendi.

Musculi radii in prouum vertentes.

De musculis externis, qui manui famulantur.

*Musculi manus
externi.*

CAPVT XXXIIII.

Ex his qui primò occurrit carnosus, & ner-
ueus: prodit ab externo humeri tuberculo:
deinde carnem induit, & crassescit, inter cubi-
tum, & radium incedit, donec ad brachiale ac-
cedat: nunc in quatuor, nunc in tres tendines
teretes, & nerueos tendit, qui per sinū pertrans-
eunt, qui est in appendice radij: colligantur ve-
rò ab vno ex iis ligamentis, qui à dicta appēdice
oriuntur. Hi tendines, quos dixi, procedēdo lati
euadunt: & finiuntur à primo vsque ad tertium
articulum quatuor digitorum, id est, in indice,
medio, anulari atque auriculari. Quum verò tri-
bus tantū tendinibus præditus est, auricularem
digitum tendinum expertem demittit: sed fre-
quentiùs quatuor tendinibus munitū inuenies
hunc musculum, quàm tribus: qui tendines vsq;
ad extremos digitos sub vnguibus progrediun-
tur: neque tamen eorum radicibus inseruntur:
atq; hæc illa causa est, quamobrem tantus dolor
excitetur, si quid carnem, & vngues intercedat,
vt vetus est verbum: sed dolor carnē, & vngues
non interiacet, sed inter tendines, carnēque.
Idem fit ab alijs tendinibus extendentibus. At-
que hoc à nobis primò scito fuisse animaduer-
sum. Vsus huius musculi est, vt quatuor digitos
extendat. Secundus ab eodem tuberculo emer-
git prope primum principio acuto, nerueoque,
defertur inter primum, & cubitū iuxta eius lon-

*Primus manus
externus mus-
culus.**Primus manus
exterior muscu-
lus mittit ten-
dines ad tres
tantum medios
digitos.**Causa doloris
ingentis in so-
lutione cōtinui
inter carnem et
vnguem alijs
ignora.**Secundus ma-
nus interior
musculus.*

gitudinem, & versus brachiale. Terminatur autem in tendinem teretem, nerueumque, qui nō nunquam bifidus est: defertur supra brachiale inter radium, & cubitum: inseritur in minimū digitum vsque ad extremum eius. Hic musculus est admodum teres, eius vsus est minimum digitum à reliquis abducendi, nobisque vsui est non mediocri ad palmam gignendam. Tertius carnosus prodit medio cubito plus minus, quo loco cubito inest linea oblonga, & aspera, facta vt tribus musculis exortū daret. situs huius musculi tertij obliquus est: terminus eius est tendo teres, qui in indicem inseritur, vt indicet, id est indicem obliquè extendat: at tendo, quem dixi, à radij appendice ligamentum sortitur: atque hic tendo bifidus est in nonnullis. Quartus principio carneo à cubito egreditur penes tertium, qui & ipse est obliquus: defertur supra radij appendicem: desinit in teretem tendinem nerueum: inseritur in tertium articulum pollicis, quem extendit, atque ab aliis multum abducit: hoc enim vsu constructus fuit. Quintus profilit ab eadem cubiti linea prope quartum, longo carneoque principio, cuius progressus obliquus est pollicem versus: hic musculus varias habet inscriptiones, & in varios tendines desinit. Quamobrem, si quis ex multiplici muscutorum numero voluptatem perciperet, (vt cōplures hoc ingenio sunt) posset ex hoc vno musculo tres aut quatuor efficere: sed profectò, (vt liberè

Musculus minimum manus digitum à ceteris deducens.

Tertius manus exterior musculus.

Tendo manus bifida.

Quartus manus exterior musculus.

Quintus manus exterior musculus.

liberè dicam quod sentio) vnicus mihi musculus videtur esse, qui supra muscolum bicornem defertur: dehiscit verò in quatuor, & quâdoque in quinque tendines, quorum vnus ad tertium pollicis articulum procedit, alius ad secundum, alius ad primum, quartus ad os brachialis, quo pollex fulcitur: & nonnunquam hoc loco præter prædictos tendines alij duo inueniuntur.

Vsus est extendendi pollicem. Sextus ortû ducit à radice externi tuberculi humeri: cubito connectitur, quem & amplexatur, & per eius longitudinem perreptat: quum verò ad carpum peruenit, degenerat in tendinem teretem, nerueum, & validum, qui defertur supra cubiti appendicem in sinum quendam iuxta styloïdem

*Musculus pollicem extendens.
Sextus manus exterior musculus.*

(est autem stylois cubiti processus) ab hac suū ligamentum suscipit, quod transuersum est, inseritur deinde in os illud postbrachialis, quod minimum digitum sustinet, & non multò procul à brachiali. Septimus, quem bicornem ap-

Stylois processus.

pellant, carnosus longa linea ab inferiori humero supra articulum oritur: & supra radium repit: circa medium radij desinit in tendinem validum, crassum, bifidumque, cui propterea bi-

Septimus manus exterior musculus.

cornis nomen impositum fuit: qui postquam supra brachiale iter fecit, inseritur in ossa postbrachialis, à quibus index, & medius fulciuntur. Hi duo muscoli, quos proximè dixi, extremam manum extendunt, vel ita dicamus, brachiale tunc extendunt, cum vterque operatur.

Tendo bifidus, & bicornis dictus.

Musculi extremam manum extendentes.

*Morsus manus
sursum & deor-
sum.
Morsus manus
in orbem.*

*Octavus manus
exterior muscu-
lus longissimus
nuncupatus.*

*Nonus manus
exterior muscu-
lus.
ὠλέκρανον.*

*Musculus manū
supinā reddens,
ac radium
exterioris mouē-
tes.*

*Musculus extre-
mae manus v-
nus & viginti.*

Cū verò septimus vnā cum secundo ex inter-
nis agunt, alii duobus cedentibus, manum ob-
liquè deorsum ferunt: at sexto vnā cum tertio
ex interioribus mouente, tunc manus sursum
obliquè fertur: atq; hic primarius est eius vsus:
secundarius autem extremam manum, vel car-
pum circumuertendi: quem motum edunt,
quando ita conueniunt, vt vnus aliū immediatè
in agendo subsequatur: quamuis hic vsus ab a-
liis prætermisus fuerit: propterea quòd illis igno-
tus extiterit. Octauus musculus, cui nomen lon-
gissimus, qui proficiscitur ab humero, origine
carnea, supra exterius tuberculum: incedit su-
pra radium obliquè, membraneoque tendine
in radij appendicem inseritur. Nonus prodit
à copula, quæ cubitum humero connectit, & è
superiori parte cubiti, quam ὠλέκρανον vocant, ob-
liquus progreditur, totus carneus est, immitti-
tur in mediū radium. Hi duo muscoli manum
supinam reddunt: mouentque radium exterius.

De musculis in extrema manu positis.

CAPVT XXXV.

MVSCULI extremæ manus sunt vnus &
viginti, neque plures vnquam, pauciores
tamen aliquādo sunt, decem scilicet & nouem,
quorum septem (si vniuersi essent viginti, & v-
nus) pollicis deferuiūt: si nouē & decem, quin-
duntaxat: minimo digito quatuor famulantur,
reliquorum verò vnicuique tres opē ferunt, v-
nūsq; lato tendini. Primus est musculus parvus,
trans-

transuersus, supra Veneris montem positus, à membrana carnosa exoricens fibris carnosis refertus est, & inseritur in tendinē latum, quē vt dilatet, constructus fuit: hunc musculum animaduertas: nam neque ex veteribus quisquam, neque Vesalius hūc musculum nouit. Quatuor alij sequuntur longiusculi, graciles, teretes, qui egrediuntur à tendinibus quinti musculi interioris, qui flectit tertium articulum quatuor digitorum. Hi positi sunt in vola, penes primum quatuor digitorum articulum. Desinunt autem in teretem & nerueum tendinē, & per internos digitos delati iuxta eorū longitudinem, adherescunt tendinibus primi musculi exterioris, à quibus quatuor digiti extēdebantur, & in tertium articulum suis finibus immittuntur, non autem in primum, quemadmodū Galenus & Vesalius voluere, qui musculos quidem cognouere, sed illorum insertionem, & vsum ignorarunt: nam inquirunt adduci ab his quatuor digitos, pollicem versus. Ego verò assero ab his ipsis, licet in interiore parte positis, nihilosecius quatuor digitos extendi, melius quàm à priore exteriorum, vel tantundem, quemadmodum in sectioneprehenditur. Interiūs autem siti fuere, eò quòd natura periculum imminens eorum viderit, qui exterius sunt. Vnde saepe euenit, vt exterioribus digitorum tendinibus incisis, digiti adhuc extendantur. Quod cū accidit medicis quibusdam Anatomicæ artis ignatis,

ma manus musculus scripto vid. ignotus. veneru mont.

Quatuor extre ma manus musculi.

Galenus & Vesalius inscitia.

Musculi quatuor manus digitos extendentes.

*Sextus extre-
ma manus mu-
sculus.*

Metacarpion.

*Musculus auri-
cularem digitū
ab alio abdu-
cens.*

*Septimus extre-
ma manus mu-
sculus.*

*Octauus extre-
ma manus mu-
sculus.*

*Nonus extrema
manus muscu-
lus.*

*Musculi Mar-
ti montem di-
ctum constitu-
unt.*

vsusque priuatim horum quatuor muscutorum se mirè efferunt, quippe quibus miraculi instar illius vulneris curatio successisse videatur. Sextus exit à ligamēto brachialis, & à quarto insuper osse eiusdem, Venerisque montem constituit: per inferiorem metacarpij partem progreditur, est ferè teres, in tendinem finit, qui in primum os auricularis digiti implantatur. Eius usus est, vt paucis absoluam, hunc digitum ab aliis abducendi. Septimus oritur à brachiali, positus est in superiori parte, musculus est carnosus totus, & in secundum os pollicis desinit. Octauus prope septimum emergit carnosus & ipse, volam versus positus est, tendine perexiguuo inseritur in secundum os pollicis. Nonus sub septimo oritur ab eodem carpi ligamento, totus carneus est, & in primum articulum pollicis finē habet. Hi tres muscoli eam carnosam pollicis partem constituunt, quam Chiroman-tiam profitentes montem Martis appellant: trahunt pollicem versus ipsorum originem. Tres alij sequuntur, qui prodeunt ab ossibus postbrachialis indicem medium, & anularem fulcien-tibus: situ obliquo sunt, vel transuerso potius, siti sub linea vitali dicta: hi desinunt in secundum pollicis articulum: principium verò illo-rum semicirculare est. De his tribus dico ego, posse quempiam eos vnum dūtaxat musculum dicere, quòd lato esset principio, fine acuto, fi-brisq; variis esset intertextus. Sed ne data opera

toties

toties à Vesalio dissentire videar, ego quoque tres esse aio: licet tamen cuique per me hos tres vnum dicere: horum, vel huius vsus est pollicem flectendi volā versus: aliorum verò trium, quos antea memorauimus, munus est eundem extendendi, & procul ab aliis efferendi. Septimus pollicis musculus scaturit ab ossē metacarpij, cui ossi index innititur, spatiūmq; illud occupat, quod est inter pollicem, indicēque: transuersum situm obtinuit, & in os pollicis inseritur: partes huius musculi sunt hæ, vt pollicem versus indicem trahat, atque indici superponat. Octo insuper alij musculi præter dictos inueniuntur ab ossibus postbrachialis exorti, illisque adhærentes, qui in primos articulos quatuor digitorum demum insertionem habent.

Ex hisce musculis duo unicuique digito contingere, præter pollicem, in quem nemo ex his octo inseritur. Vsus eorum est, cum duo ex his agunt, simul, vt primum articulum, in quo inseruntur, rectè flectant. Sed cum vnus duntaxat agit: motum obliquum efficiunt flectendo.

Hos musculos fetetur Galenus ingenuè primo de Anat. administ. se diu ignorasse, & tandem in eorum cognitionem deuenisse.

Musculi pollicem flectentes, extendentes, ac ab alio efferentes.

Septimus pollicis musculus.

Musculus pollicem versus indicem trahens, illique superponens.

Octo alij musculi manus digitorum inseruites, quorum nullus datur pollicis.

Musculi manus digitorum & recti, & obliqui flectentes.

REALDI COLVMBI

CREMONENSIS

DE RE ANATOMICA,

Liber Sextus.

DE IECORE, ET VENIS.

*Iecur, seu hepar**Iecur primum
omnium mem-
brorum in ani-
malis generari.**Iecoris situs.**Iecoris ligamen-
ta duo.**Hominis iecur
non diuidi in
lobos.
Galeni error.*

IECUR, siue Hepar inter principes nostri corporis partes adnumerari nemo sanæ mentis ambigit. Sed illud scitu dignum est, iecur primum esse membrum, quod in nobis gignatur. Cum primum enim nata est vmbilicalis vena, illi tum primum hepar adhærescit. Situm est autem in dextro abdominis latere sub mendosis costis, quo loco duobus ligamētis adnectitur, quorū alterum circa cauam est venam, alterum suspensorium dicitur, à quadam ortum diuisione, in qua vena vmbilicalis inseritur. Hæc itaque septo transuerso affigunt iecur, quod quanquam in dextro sit latere (vt iam dictum est) nihilo secius magnam quoq; sinistri partem occupat, vbi validi ligamenti ope diaphragmati connectitur. Si hepatis figuram quæris, tantum non exactè spherica est, & in homine integrum existit, non in lobos diuisum, vt Galeno placuit, licet

licet illius modi in quadrupedibus reperias.

Causa verò quamobrem in nobis integrum, in illis diuisum sit hepar, ea est, quòd cùm recta figura à Deo Opt. Max. donati simus, caua sui parte ventriculū immediatè tegit: nam à dextra in sinistram tegens, vniuersam anteriorem regionem occupauit, effecitque ne ventriculus algeret. Quocirca qui cartilagini mucronatæ calida admouent vnguenta, existimantes oris ventriculi intemperiem frigidam, hisce præsi- diis sublatum iri, viderint, quàm prudenter id agant, iecoris præcalidi membri xiphoïdi substrati feruorem adaugentes. Sed ad rem redeamus. Sectum fuit iecur quadrupedum in lobos complures, vt illorum ventriculū instar digitorum manus amplexarentur, quod, si integrū esset, illis pronis incedentibus effici nullo pacto posset. In auibus autem, quippe quæ rectæ potius stant, quàm in terram sint pronæ, in duas duntaxat partes secatur. In homine igitur nusquam diuiditur iecur, nisi anteriore in parte, atque in extremo iecore: idque necesse fuit ob venam vmbilicalem tantisper diuidi, vt illi adiutū præberet: sub hac, vbi vena porta exit, binæ, exiguæq; adsunt eminentiæ, ne vena à vertebrarum corporibus comprimeretur, pernecessariæ: has autem eminentias neq; lobos, neque fibras, neque pinnas dixeris. Habet hepar partes duas, anteriorem scilicet, & posteriorem: gibba exterior est, & læuis, interior caua, & af-

Quare nostrum iecur non diuidatur.

Topica remedia cartilaginis mucronatæ semper adhiberi.

Quare quadrupedibus animalibus diuisum iecur datum sit.

Animi iecur in duas tantum partes secari.

Vnica diuisio hepatis humani quare facta sit.

Eminentia dua sub caua vena.

pera instar rupis: idque quoniam ei gibbus sub est ventriculus: tenuissima peritonæi membrana, in quam sextæ nervorum cerebri coniugationis ramulus inseritur, circumdatur hepar.

Membrana iecur inuestiens, cuius merito iecur sentit. Quæ sit iecoris substantia.

Propterea superficietenus nõ est sensus expers. Substantia eius nihil aliud est, quàm concretus sanguis venis compluribus, quibusdámque arteriis intertextus: membrum est permagnum, & veluti in abdomine rex: in hoc concupiscibilis virtus residet. Aliqui credidere ibi generari spiritus naturales, quam tamen sententiam non approbo, membrumq; est sanguificationi dicatû: neque enim sanguis alibi gignitur, quicquid de corde scripserit Peripateticorum princeps Aristot. Est igitur iecur omnium venarum caput, fons, origo, & radix: huius caua parte vena oritur *σελεχαια* à Græcis, quam portam Latini dicunt, quæ cùm vena umbilicali continua est, licet Vesalio secus videatur esse. Portæ itaque venæ radices caua in parte iecoris per illius substantiam vario disseminantur, quæ crassæ sunt satis, præsertim quò ad tunicam attinet, & in vnicam duntaxat venam tandem coeunt, atque crassum truncum constituunt: quæ posteaquam inter perexiguas illas eminentias integra exiit, quas magnus Hippocrates portas appellavit, in multos ramos sub ventriculo diuiditur, quorum primum ad superiorẽ mittit ventriculum: cuius rami pars eius longitudinem perreptat: alius verò orificium eius superius amplexatur

Concupiscibilis virtus in iecore.

Naturales spiritus in iecore non gigni.

Sanguinem in iecore tantum, & non in corde contra Aristot. sententiã gigni. Iecur sanguinis fons.

Vena porta origo.

Falsa Vesalij opinio.

Porta vena ab Hip. appellata.

Primum vena porta ramus ad superiorem ventriculum deferens.

plexatur

plexatur coronæ in morem. Idcirco coronalis hæc vena dicta est. Secundus portæ ramus inferiorem ventriculum petit, ibique per eius longitudinem secatur. Huc verò missi sunt hi venarum rami, vt illorum sanguine ventriculus nutriretur: neque enim nutriri chylo posset vntquam vētricus, quòd crassus nimium existat, omnéque excrēmentorum genus in se cōtineat: excrementis autem ali nulla pars corporis potest, lienem tantum excipio, qui atrabilario humore alitur. Tertius portæ ramus ad omentum alendum pergit, ibique variè scinditur. Quartus ad lienem se confert, vt sanguinem melancholicum ab hepate ad ipsum deferat, éstq; ramus satis insignis, & sub ventriculo fluit, quo loco natura multas illi glādulas substrauit, easq; vnà, ne corpora vertebrarum attingeret néue hîc comprimeretur, sursum attollitur, splenisq; longitudinem secat, eamq; ingreditur. Ab hac autem vena alia exoritur exigua in aliquibus, in aliis maior, atque adhuc in aliis maior: hæc superius ventriculi orificium versus scandit, atque hîc finem habet. Illud sciendū, hanc quandoq; adeò in altum non ascendere. Vsus eius est, vt humorem acidum suscipiat, qui in liene gignitur, dum nutritur, atque huc demandatur, vt in nobis famem excitet, quo cibum capiamus, cuius multis sæpe, magnisque negotiis præpediti obliuisceremur. Quocirca quibus vena hæc exigua est, hi facilius in ediam ferunt, quibus

*Coronali vena.
Secundus vena
portæ ramus,
qui ad inferiorem
ventriculum de-
fertur.*

*Ventriculū non
nutriri chylo,
sed sanguine.*

*Lienem tantum
excrementis a-
li, aliam vero
partem nullā.*

*Tertius vena
portæ ramus ad
omentum.*

*Quartus vena
portæ ramus ad
lienem.*

*Vena ab liene
ad ventriculum
humorem aci-
dum ad famem
excitandā de-
ferens.*

*Quamobrē ali-
qui facilius ali-*

*qui difficiliter
famen ferant.*

*Quis pro diuturno
more fame in
Syncope inci-
dant.*

*Quintus vena
portæ ramus ad
intestinū colon.*

*Sextus ramus
omnium maxi-
mus ad graci-
lia intestina.*

*Septimus ad
vessum intesti-
num.*

*Singulas venas
cauitatem inte-
stinatorum ingre-
dientes singulū
mēbranis ope-
rientibus esse
preditas in ex-
trematibus.*

*Quod nemo
ad huc cogno-
uit.*

Quid sit chylus

verò maior, minus ferunt. Immo nonnullos inuenias, qui si edendi tempus, quamuis minimo interuallo præteriant, in syncope incidunt. Quintus portæ ramus ad intestinum colon demittitur. Sextus, qui omnium est maximus, ad intestina gracilia. Septimus ad rectum intestinum: atque hi præcipui sunt venæ portæ rami. Ex quibus tres illi, quos ad intestina ferri diximus, cum in mesenterium peruenere, in mesaraicas dictas venas innumeras, ac penè infinitas scinduntur, quæ intestina non modò amplectuntur, sed etiam ad internam usque cauitatem perforant: quo loco natura sagax extremæ unicuique harum membranam apposuit, qualem in vesicæ cauitate extremis vreteris apposuit: quæ lotio ad vesicam descendenti aditum præbent, prohibentque ne ad superiora amplius reuertatur. Idem in extremitate harum mesaraicarum, quas innumeras diximus, effecit natura. Quod à nemine, quod sciam, adhuc animaduersum est: licet omnes vno ore dicant factas fuisse mesaraicas, ut chylum ab intestinis exurgerent: in eo tamen parum diligentes fuisse, quod finem earum persequi neglexerint: ut magnam naturæ industriam facile perspicerent: quanta scilicet arte effecerit, ut hæ venæ chylum facile suscipere possent: ne autem egrediatur, membranula illæ prohibent. Est autem chylus conuersio cibi, potusque in materiā lacti persimilem, qui posteaquam ventriculum prætergressus est, per intestinorum

stinorum anfractus traditus descendit, donec exugant quidquid est succi plenum. Et quoniā huic muneri neque quatuor, neque decem venarū sat erant, eas natura innumerabiles genuit, atq; hæ in superioribus intestinis multò ampliores, ac frequentiores existunt. descendentes autem sensim rariores, minorēsque euadunt. neq; enim tanta erat in vltimis intestinis necessitas, quoniā chylus in fæces, (hoc est in durum excrementum) iam redactus erat. Adhuc describendus est ramus alius, qui tamen inter venarū portarū ramos connumeratur, at ab eo originem ducit, qui lienī dicatur, qui parte læua per mesenterion descendens extremum rectum intestinum petit, venasque gignit hæmorrhoidales, quibus duntaxat potest à melancholico humore vindicari. Atque hæc de venarū portarū origine, atque descriptione sat sunt. Vñs verò tum venarū portarū, tum ramorum eius est, vt chylum ad iecoris concauum deferat, ac per eius substantiam dispergat, vt ab ea coquatur, & in rubrum sanguinem, qualis ipsa est, canuertatur: qua in coctione duo gignuntur excrementa, bilis inquam tum citrina, tum atra. Ex quibus flaua bilis, cū sit igni similis, à vesicula, quam in iecoris concauo natura locauit, suscepta est. sed melancholicus succus per quartum ramum demissus est ad lienem, vt nutriatur. Et quamuis ob chylum deferendum hæ venarū genitæ sint, tamen fuit alius insuper vsus non minus neces-

Quo pacto chyli distributio fiat.

Quare vena in superioribus intestinis plures, ac maiores constituta sint.

Hæmorrhoidales vena.

Vena portæ, eiusque ramorum vsus est chylum ad iecoris concauum deferre.

Bilis vtriusque generatio, & separatio.

Venarum duplex vsus.

Quæ vena sanguificandi virtute careant. Galeni error.

Omne alterans in sui colorem alterandum alterat.

Omnia cibaria à ventriculo alba reddi.

Testes sanguinem conuertunt in album semel.

Mammillas cõmutare sanguinem in lac.

Vena concava chylis, et magna dicta.

farius, vt sanguinem scilicet deferrent, qui menterio, ventriculo, intestinis, omētóque alendis esset. Sed illud adnotes velim, hisce venis sanguificandi virtutem nequaquam adesse, vt Galeno placuit quarto de Vsu Part. meæ autē sententiæ is facilè subscribet, qui tenuem venarum tunicam, albãque substantiam diligenter animaduernerit. Quo enim pacto sua ipsarum tenuitate, atque albedine chylũ album, crassumq; in rubrum, tenuẽque sanguinem verterent, cùm præsertim illud natura comparatum sit, vt vnumquodq; corporis nostri membrum, quũ aliquid conuertit, in sui ipsius colorem trãsmutet? Idcirco ventriculus, licet alba, rubra, flaua, viridiãq; , & aliorum colorum dapes esitemus, nihilominus in colorem vnum, eũque candidissimũ omnia conuertit, idq; propterea quod is est substantiæ suæ color. Ita in testibus conspicaberis, qui rubrum sanguinem, quod albi sint, in album colorem conuertunt: ita & mammillæ sanguinem rubrum in album lac trãsmutant. In parte verò iecoris gibba, vbi maiorem, crassioremque substantiam eius videre est, vena enascitur, quæ cõcaua dicitur, chylis, magnãq; est enim aliarum omnium nostri corporis venarum mater: huic variæ sunt radices crassæ, & magnæ, quæ in huius substantiam à summo ad imum inferũtur, quæ amplam, quam diximus, venam tandem constituunt, suprà caput versus, infrà ad pedes extenditur, &, vt ita dicam, ramificatur.

mificatur. Huic eidem venæ fluminis quoque similitudo accommodatur, quemadmodum enim è flumine riuulos manantes sæpe videmus, ita complures riuuli ab hac vena deriuantur, seu varij ab hoc trunco rami, qui quidem per vniuersum corpus panduntur, vt sanguinem iam à iecore paratum, atq; elaboratum deferāt. Nam venæ nihil aliud sunt, quàm vasa concaua ex tenui quadam substantia, conflata, vt sanguinem ad singula membra deferant, fabrefacta. nam sanguine alitur omnis pars nostri corporis. Sed ad rem redeamus. Hæc vena concaua dum supra iecur caput versus ascendit, transuersum septū perforat, quo loco distat à corporibus vertebrarum, eòq; loco duas emittit venas, quæ in ramos scissæ per ipsum diaphragma distribuuntur. quod postquā effecit, vena caua immediatè ferè dextræ cordis auriculæ occurrēs panditur, cum hac cōnectitur dextri cordis ventriculi orificium superficietenus vndiq; complexa, neque in illum intrò fertur. Quo loco venam parit, quæ cor circumdat, ramificatur, atque illud coronæ instar amplexatur, propterea vena coronalis appellatur. Cāua vena ascēdens versus caput supra pulmonem scilicet fertur, ibiq; à vertebis distat, & supra cor non exiguo intervallo (non prope cor, vt Galeno visum est secūdo de Ratione vict. in acutis) ἄρρυον, id est, venam sine pari, ac coniuge nuncupatam parit. Quæ quauis in dextro sit latere, tamē è media parte, siue

Quid sit vena.

Omnes corporis partes sanguinis alit.

Coronalis vena cordis.

Vena sine pari exortus.

ex centro concauę venę initium sumit, quę reflectitur iuxta corpora vertebrarum, & vsque ad extremum thoracem descendit, sed per interualla costarum dextra, læuáque suos mittit ramos earum partium nutriendarum gratia: & licet in dextro sit latere truncus, tamen sub pulmone, œsophago, magnáque arteria ramos ab eo trunco exortos ad sinistram partem alendá dimittit. Ab eodem dextro trunco, dum reflecti incipit, ramus alius exit, qui sursum ascēdēs ramos mittit superioribus interuallis supremarum costarum alendis dicatos, neque solùm in dextris, sed in sinistris quoque, aliquos tamen excipio, sed perpaucos, quibus sinistra parte ramulus adest ab axillari ortum ducens, qui nunc ad duo, nunc ad tria costarū interualla, & quādoque ad vnum dūtaxat defertur. Ex hisce venis omnibus interualla nutrientibus alię oriuntur venę, quę inter vertebram, & vertebram ingrediuntur, vbi adsunt foramina ob neruorum exortum: alunt autē hę venę spinalem medullam, & vertebra: deinde foramen ingrediuntur, quod post vertebrarū corpus situm est. Ab his, antequam spinalem ingrediantur medullā, vt eam nutriant, ad dorsales musculos, & ad cutim venę mittuntur. Supra venam sine pari, ascendit caua super asperam arteriam vsque ad iugulum recta: atq; ibi duas magnas emittit venas axillares dictas, quod sub axillam trāseant, quę thoracis cavitatem inter iugulum, & primam

Vena intercostales.

Venę à vena sine pari ad sinistram latus alendū demissę.

Vena vertebrarum ac spinālē medullam nutriendas.

Axillares venę.

nam costam prætereunt. Deinde ex se venam promit humeralem, vel cæphalicam, & capitalem dictam, quæ tamen summum humerum non ascendit: sed potius ad internam regionem defertur, inter primumque & secundum humeri musculum transiens ad externa tendit, ibi superficiali efficitur: nam ubi membranam carnosam præterit, inter hanc, & cutim ad cubitum vergit, delata extrorsum prope primum musculum, qui cubitum flectit: apud cuius flexuram in duos ramos secatur, quorum alter internum cubitum petit, & ubi à flexura eius discessit, cum alio id genus basilicæ ramo vnitur: ex quibus duabus fit vera communis vena: alter verò ramus humerariæ in externo cubito superius & exterius ramulos quidem multos propagat: sed tadem præcipuus ramus super brachiale, extremamque manum inter minimum digitum, & anularem tendit, atque hinc diuisus ad utrumque digitum fertur ad summum usque ipsorum. Hanc venam tum Arabes, tum qui praxim exercent, ferè omnes saluatellā nuncupant, cuius sectionem in affectibus lincis mirè aiunt prodesse. Sed quantum missio sanguinis è saluatella in splenis morbis auxiliari possit, ego sanæ mentis lectori iudicandum relinquo. Posteaquam axillaris vena è cavitare thoracis emerfit, &, quam dixi, venam genuit, sub iugulo apud Anchiroïdem scapulæ processum profundè immergitur, quo loco ramos cōplures profert, qui primum bra-

Vena caphalica, humeralis dicta origo.

Quo loco caphalica cum basilica vnitur. Vena communis vera constitutio.

Error Arabum de vena saluatellæ sectione in lienis affectibus

ter indicem & medium mittit, ac in ipsorum finibus cessat. Hunc ramum in capitis affectibus secare consueuerunt. Aliarū verò duarum magnarum venarum axillarium, altera profundè satis, quinque neruos subit: parūmq; abest, quin os humeri attingat: & ramulos emittit, qui duos musculos cubitum flectentes alant, deinde deorsum flectitur inter primū ac secundum musculum: & supra flexuram cū transiit, in tres secatur ramos: atque hinc ad internos cubiti musculos ramulos mandat: dein altius penetrans ad brachiale inclinatur. Hi sub ligamento, vbi ad manus volā peruenere, surculos promunt iis musculis alendis dicatos, qui in extrema sunt manu, deinde singulis digitis venulas binas distribuunt, quæ à lateribus ad eorum extremitatem feruntur. Alius autem ramus apud flexuram id ligamentum præterit, quod inter cubitum, ac radius positum est, & ad exteriores musculos distribuitur. Alia axillaris medio humero plus minus reflectitur ad posteriorem partem, ad duos musculos cubitum extendentes ramos relegans. Postmodum deorsum magis tendit ad musculum longissimum, ad bicornem, nec non ad musculos, qui ab externo humeri tuberculo, ortum ducunt, atque inter hos musculos disperditur. Eadem in regione sub iugulo, vbi est ortus axillarium, quatuor tenues venas exoriri videbis, easq; descendentes, quarum duæ descendunt sub osse pectoris, à parti-

*Vena in capiti
affectibus secari
solita.*

*Duarum ma-
gnarum vena-
rum ductus.*

*Quatuor vena
ab axillariū & o
marū exortu ad
abdomini mu-
sculos tendunt.*

bus lateralibus penes costarū cartilaginem, hæ deorsum vergunt, thoracemque prætereuntes per rectos abdominis musculos descendūt, quæ in nonnullis mulieribus cum alia vena coniunguntur, quæ ex inferiore loco ad dictos musculos scandit. Hæ inter quartam, ac quintam costam nunc altiùs, nunc decliviùs descendentes exteriorē in partem se conferunt, in viris anteriores musculos nutriētes, in fœminis autem non modò ob hoc, sed ob lactis quoque generationem cum in mammis dispergantur. Reliquæ duæ deorsum latè supra concavum pulmonis iuxta mediastinum suprâque pericardiū feruntur unâ cum nervis duobus, qui ad tendinē diaphragmatis feruntur. Altiùs aliquantulum emergunt quatuor iugulares venæ: ex quibus binæ internæ sunt, externæ reliquæ. Externæ supra iugulū immediatè pullulant venæ ad musculum *ἐπωμυος*, & de latæ, & post scapulam truncus per colli latera obliquè assurgens ramulos mittit ad musculos capiti inseruientes, ac post occipitiū sursum ad capitis cutem apud eam partem iugularis externæ, quæ reliqua erat: supra inferiorem maxillam se effert ante masseterem, & obliquè per mediam faciem fertur ad maiorem oculi angulum: quosdam etenim ramulos ad faciei musculos distribuit, in angulū verò venam supra orbitam mittit, idq; per musculum palpebram constringentem: & quod reliquum est, inter supercilia per frontem ad cutim

Vere quæ in viris anteriores al d. minis musculos alunt, in fœminis verò etiam lac generant.

Vena capiti musculū inseruientes, ac in reliquas capiti, ac faciei partes se disseminantes.

tim capitis ascendit. Illud adnotabis dextram venam in quibusdam inter supercilia cum sinistra iungi, deinde sursum seiungi. Alia iugularis vena est satis insignis, quæ rursum attollitur versus caluariæ basim per anteriora processuū transversorum vertebrarū colli penes asperā arteriā. Hæc, quam diximus, vena sub larynge ramum profert notatu dignum, cuius ramulis glandulæ musculiq; laryngis aluntur. Eadem vena sub inferiore maxillariè diuiditur, tamen minor est diuisio huius cum accedit ad glândulas, quæ sunt sub aure, ad musculos hyoïdis seruiantes & ad linguam ipsam: idque inferius. Medici iubent hanc secari in angina, reliquum venæ tum ad *παρύνα* distribuitur, tum ad eam tunicam, quæ os inuestit. Maior dictæ venæ truncus caluariā ingreditur per inæquale foramen, per quod sextum par neruorum cerebri descendit. Vbi verò ingressus est, ad posteriora conuertitur, atque in duram matrem immittitur. Verùm suam secum tunicam porrat, & per occipitium ad summum penè lambdalis suturæ ascendit: quo loco dextra cum sinistra iungitur, & quâ dura mater duplex efficitur, à posteriore parte ad frontem ducitur parte suprema cerebri, in orbicularèq; foramen inseritur inter frontem, & ethmoïdes situm, parte capitis posteriore, vbi in vnum venæ coïbant, in duræ matris quadruplicationem admittitur. Indèque duæ venæ per vniuersam superiorem ventriculorum longitudinem pro-

Vena superciliarum in aliquibus dextrâ cum sinistra iungi, ac inuicem seiungi. Vena iugularis versus caluariæ basim processus

Vena musculos, glândulasque laryngis nutriendas. Vena quæ in angina secatur.

Vena quæ ad duram matrem inseritur.

Vena cerebri substantiam alentes.

*Linon, seu tor-
cular.*

*Vena mirabilē
suum constituit.*

*Venarum in du-
ram, ac tenuem
membranam ce-
rebrī ramifica-
tio, ac in cerebri
substantiam in-
gressus.*

*Venas, ac arte-
rias cerebri sub-
stantiam ingre-
di nemini huc-
usque cognitū.*

grediuntur. huiusce ramuli cerebri alunt sub-
stantiam. Quadruplicatio autem duræ menin-
gis, quam suprà memorauī, & linon, & torcu-
lar appellatur, iacétque inter cerebrum, ac ce-
rebellum. Vena verò per superiorem cerebri
longitudinem vergens admirabilem sinum cō-
stituit. nam suprà semicirculum præ se fert, in-
frà verò tres angulos habet, qui hoc in loco nūc
paulò ampliores, nunc arctiores sunt. vario se
modo diffundit, cuiusq; rami postquam duram
membranam perforarunt, per tenuem lati nūc
fursum, nunc deorsum variis modis per illam
totam ramificantur, at vbi tenuem prætergressi
sunt, ipsam substantiam cerebri ingrediuntur.
quod dictum non dubito quin vobis nouū esse
videatur, cū nemo istuc ipsum antea obserua-
uerit. Ego enim primus (absit verbo inuidia)
obseruaui venas atque arterias cerebri substan-
tiam introire. Sub hac substantia cerebri iugu-
laris interna antequā craniū ingreditur, venu-
las per laterales partes ad musculos mittit tem-
porales, in cranio verò ipso ad duræ matris late-
ra iuxta iugulum. Hæc vena, venam aliam par-
uulam parit dum ascendit per transuersos pro-
cessus vertebrarum cervicis, ac ramulos emit-
tit, qui cervicis musculos alant: ea in aliquibus
ab axillari exoritur. Vbi verò inter cervicis ver-
tebras exeunt nerui, hæc vena ad spinalem me-
dullam ac vertebrae nutriendas properat: pri-
mam vertebrā eadem superequitat occipitium
versus.

versus, vbi foramen cernere est, quod ad auditus organum penetrat, eoque ingreditur, vt hoc organum omne nutriat. Ab hac iugulari interna omnia ossa capitis, maxillæq; tum superior, tum inferior dentisque omnes nutriuntur. Quare nihil est quod alium venæ peculiarem ramum describendum expectes, qui dentes ipsos alat. Caua vena, postquam sub diaphragmate ab hepate tamquam à proprio exiit fonte, corpori vertebrarum dexteræ partis adhæret, quæ post exitum paulò infra hepar venulâ ex sese procreat, quæ partes ibi adiacentes alit, & variè scinditur. Postmodum truncus deorsum inclinans duas venas, quas emulgentes dicunt, parit, quæ in renes terminantur. hasce solas semper esse caue existimes. In tres enim, quatuor etiam, & quinque nonnunquam diuisas esse comperies, licet hac de re scriptorum nullus adhuc meminerit. Sunt autem emulgentes tam in dextris, quàm in sinistris. Galenus longo verborum apparatu causas reddit, quibus natura dextram sinistra altiore voluerit esse. Sed cum sensus contrariū prorsus attestetur, omnes illius rationes protinus corruant, necesse est, cum ingeniosæ potiùs, quàm veræ existant. Equidem in brutis animantibus situm emulgentium venarum homini contrarium deprehendi, ita vt de brutis locutum fuisse Galenum tam perspicuum sit, quàm quod maximè. Nos igitur hominis emulgentes venas describentes ita dicamus. A sini-

Vena, capitis ossa: vitæque maxillæ, dentesque nutriens descriptio.

Cava vena dextra.

Venas emulgentes in plures ramos scindit solitas à nemine animaduersum.

Galenū frustra in rationibus inueniendū de emulgentiū situm laborasse quantum ad corpus humanum spectat.

*Emulgentium
venarum de-
scriptio.*

Renum situs.

*Cribrū ab aliis
fictū in renibus
non dari.
Galenī error.*

*Qui lapillus ē
renibus ad vesti-
ciā detrudatur.*

*Emulgentium
venarum usus.*

stra igitur parte caux venæ sub ventriculo sca-
turit vena ampla satis, & longa, emulgens di-
cta, quæ supra vertebrarū corpus, arteriamque
ἀσπρὴν fertur, per mediūmque sinistrum renem
fluit (est autem is in homine non parum dexte-
ro superior, & hoc ob lienis paruitatem) quæ
illi non obstat, cū iecoris magnitudo plus lo-
ci occupans dextrum renem cogat esse inferio-
rem: postea verò quā ad renem peruenit eo,
quo dictum est, pacto eius corpus ingreditur:
ibi amplificatur, atque in ramos secatur, qui per
renis substantiam distribuuntur. Noli tamē exi-
stimare confici ex his cribrum illud magni no-
minis, de quo Galenus tam multa, per quod lo-
tium percolari existimabat: hoc verò dilatato
sanguinem mingi. Hīc natura membranas ap-
ponere poterat, quemadmodum mesaraicis, at-
que vreterum finibus: sed, quoniam hoc illi
cōmodius visum est, ex ipsamet renis substan-
tia quasdam eminentias procreavit, quæ in di-
ctos ramos ingressæ, obstant, quominus san-
guis, qui ad renes vnā cum serosa parte deducitur,
naturaliter delaberetur. Hoc tamen ob-
seruato, quod est pulcherrimum, cū natura
lapillus aliquis deorsum trudendus est, id ple-
runque tanta vi fieri, vt magnam vim sangui-
nis cum vrina demittat: vsus harum venarum
est, vt sanguinis serum, & pro renibus nutri-
mentum deferant. Ab huius venæ concauo vas
oritur, vreter, id est vrinarius dictus, vt pro-
prio

prio loco fusiùs dicetur: oritur inquam in ipsius renis corpore: hîc urinam suscipit, & ad vesicam fert. In dextra parte eadem emulgens sita est sinistra inferior, & breuior multò: nam inter cauam venam, & dextrum renem parum quid interest: inseritur autem eo pacto, quo in sinistra dictum est. Oritur à sinistra emulgente vena seminalis nuncupata, quæ obliquè sub peritonæo descendens supra os pubis deducta in testiculum inditur: quemadmodum apertius explicabitur, vbi de partibus genitalibus agemus: sed interim diligenter adnota ortum seminariæ venæ ab emulgente non esse, vt humor serosus ad sinistrum testiculum deferretur, quo maiorem in coïtu voluptatē pareret, sicuti plerique Anatomici in hoc parum prudentes credidere: sed vera causa est ipsa venæ exiguitas, quæ si ex venæ cauæ corpore emerisset, vt dextra, quoniam illi supra arteriam transcundum erat, periclitabatur, ne in magnis dilatationibus, ita vt fit, disrumperetur: quocirca prudens natura nō à corpore venæ cauæ, sed à sinistra emulgente sinistra seminalis originem trahi voluit: at sub dextra emulgente apicis duorum digitorum interuallo ab ipso venæ cauæ fonte effluit vena seminalis dextera, quæ primo obliquè descendit: deinde sub peritonæum fertur, deinde super os pubis: postremò in testiculum desinit: quod in viris intelligas oportet: secus enim contingit in mulieribus: licet enim origo sit eadem, & finis,

*Urinarium vas
veter appellatur.*

*Vena seminalis
origo.*

*Falsa opinio a-
liquorum de ra-
tione ortus semi-
nariæ venæ.*

*Quamobrem non
a cauâ venâ, sed
à sinistra emul-
gente seminalis
sinistra oriatur.
Dextram semi-
nalem à cauâ
nasti.*

*Differentia ve-
narum semina-
lium inter virum
& mulierem.*

ramen longitudo nō est tanta, neque summum ossis sacri præterfluit: & in abdomine cessat. Illud verò magis miraberis sub feminali dextera ad quartam vsque lumborum vertebra nullam venam mitti ad superiora, sed ad inferiora duntaxat. A iecore namque ad hunc vsque locum, inter vertebra, vbi exeunt nerui, vena caua venas profert, quæ tum spinalem medullam,

Vena caua in quarta lumborum vertebra duas scinditur partes.

Distributio vtriusque rami caua vena ad inferiores partes.

tum vertebrarum corpus nutriant. Quum primum autem ad quartam vertebra lumborum caua peruenit, in duos insignes ramos diuiditur, qui obliquè super os ilij, pubis que delati ad dextrum, ac sinistrum crus iter habent. A qua diuisione primò venæ satis magnæ oriuntur, quæ deorsum latæ, primò versus anum se conferunt: vbi namque illa adhæsit ossi sacro, ramos per ipsius foramen transmittit ad spinalem medullam, ad ipsum os sacrum & ad musculos in lumbis sitos, qui ab hoc sacro originem ducunt. mittit insuper ramos ad natium musculos qui femori deseruiunt. Ab iisdem ramis venæ illæ proficiscuntur, quæ in extremum rectum intestinum implantantur. Ab hac eadem vena prodeunt illæ venæ, quæ ad vesicæ latera proficiscuntur, vt ipsam, musculósque recto intestino deseruientes enutrient: idque in viris. nam in fœminis petunt ceruicis vteri principium, ex quo loco mēstruæ illis effluunt purgationes, vt latius capite de vtero explicabimus. Idem ramus, qui vesicam, vteri ceruicem alit, & ipsa non-

Ex quo loco mēstrua excediuntur.

nonnunquam principalis diuifio venam gignit, quæ descendit, deorfumque lata eo foramine excipitur, quod in offe pubis, coxendicisque collocatum est, & ad nonum decimūque mufculum femur circumagentes fe recipit: vt eos nutriat: deinde ad feptimum, deorfumque per internum femur fpargitur, & terminum habet.

Animaduertendum tamen eft vafa feminaria in mulieribus non finiri in teftium capite, fed deorfum effundi, vt matricis fubftantiam alāt.

*Vafa feminaria in mulieribus quomodo con-
fiftunt.*

Ab his venis ortum ducit vmbilicalis vena, cui noſtræ generationis exordia accepta ferenda ſunt.

Eadem venæ cauæ diuifio duas parturit venas dextram inquam, & finiftram, quæ ſur-

*Vene vmbilica-
lu ortus.*

ſum caput verſus reflectuntur. Progreſſus earum eſt inter peritonæi diuifionem ſupràque id ſub rectis muſculis ad ſecundam vſque ipſorū

interfectionem in ramos, ac ramulos degenerantes diſtribuuntur, dictis muſculis peritonæo que alimentum ferentes. Hæ ſunt illæ venæ,

*Vene dua peri-
tonæum alētes.*

quarum ope (vt magnus Hippocrates, & poſt eum Gale. ſcriptum reliquere) tantus eſt vteri

*Vene per quas
compaſcitur v-
terus cum mā-
millis.*

cum mammis conſenſus in mulieribus, quas quandoque inuenies cum illis duabus venis v-
niri, quæ deorfum ſcendentes ſub ſternum collocantur in rectorum muſculorum fine: in quibusdam parte vna duntaxat, aut duabus ramulo perexiguo coniunguntur. Illud verò reticere nullo pacto poſſum, me in nonnullis mulierum acadueribus quacunque diligencia ad-

hibita, nunquam tamen harum venarum vnionem inuenire potuisse. Hoc insuper assero, has non proficisci ab utero, sed ab ea diuisione, vbi eius venæ oriuntur, quæ non vteri substantiæ alendæ dicatæ sunt, sed ceruicem illius nutriūt.

*Per quas venas
menstrua pur-
gantur.*

Per eas menstrua expurgantur: quemadmodum sæpenuerò vidi hisce oculis in aliquibus mulieribus, quæ violenta morte periere, dum adhuc illis menses fluere: neque in his modò, sed etiam in aliis quibusdam quibus instabant, & mōx fluxuri erant, idque præsertim Pisis accidit, dum mulierem eiusmodi in publico theatro secarem: aderat discipulorum ac doctorum magnus numerus: mulieri, cuius anatomicen profitebar, Sanctæ nomen erat, quæ cū ante mensem geminos peperisset, ebsque miseros vix in lucem proditos luce priuaslet, ac suffocasset, eā iusti iudices suffocandam iusserunt: nam vt inquit poëta ille,

Non est lex iustior vlla,

Quàm necis artifices arte perire sua.

In hac igitur muliere Sancta nomine, reuerà autem dæmoniaca potius, & venefica, huiusmodi venæ, quæ in aliis non admodum magnæ esse solent, insignes erant, & nigerrimæ, & propterea satis perspicuæ. Quamobrem licuit spectatoribus per Sanctæ cadaver in animum inducere, per quas venas fluunt menstrua, eas non transire per uterum. Sed si quis ita obstinatè oppositum sentit, vt neque si oculis cernat, quod dixi,

illi

illi suaderi veritas possit, ego nihil moror, ipse viderit. Ramus hic crassus diuisionis arboris venæ cauæ cum supra os pubis peruenit extra abdomen, fertur in inguina: & hic ramulos complures gignit, qui glandulas ibi positas nutriât, in quibus glandulis fiunt bubones. Ab eodem loco venæ emergunt, quæ per penem ambulant inter pellem, & carneam membranam vsque ad extremum præputij: eius rami etiam nescio qui per scrotum disseminantur. Ex eodem loco, vnde venas hæc omnes exoriri dicebam⁹, vena exit satis apparens, quæ obliquè ascendit ad iliū os, & sub pelle graditur versus extremas costas, supraque abdomen diuersos in ramos scinditur, quas venas bonus Vesalius præteriiit. Ramus hic insignis, quem paulò antè mem oraui, postquàm inguem superauit, trimembris euadit: quorum vnus intra pellem & membranam carneam obliquè introrsum, versus genu descendit, supraque ipsum internè per crus descendens, supra internum malleolum progreditur ac supra pedem digitos versus, pollicem præsertim, ibique variè finditur. Hæc vena illa est peruulgata satis, quam saphenam dicunt, è qua in vteri affectibus sanguis mitti consuevit, in cuius descensu ramuli complures hinc inde mittuntur, cum vt cutem alant, tum vt pinguedo gignatur. Reliqui duo crassi rami à musculis re-
cti feruntur, obliquè tamen per femoris interna descendunt, transcùntq; inter duo inferiora

*Glandula in
quibus bubones
fiunt.*

*Vesalij negli-
gentia.*

Vena saphena.

femoris capita: sub genu deferuntur, priùs tamen ramulos multos promittunt pro corū musculorum nutritione, qui femur ambiunt, quā femur flectitur. A maiori autem, quem diximus, ramo vena assurgit, quę sub cute primū, deinde per posteriora tibię ad pedem vsque excurrit: sub eadem genu flexura alia vena pullulat, quę anteriores musculos tibię, aliūmque etiam profundiorē nutrit, deorsum fertur, ligamentūque adhæret, quod est inter tibiā, fibulāque: vbi ligamentum perforat, & ad anteriora tibię serpit, ac descendens supra pedem cum pedis ligamento adhæret. Ramus maior ad eò ima petit, vt sub planta pedis excurrat per internum malleolum, & in tibię regione, nec non sub planta variis modis ramos edit. Alius ramus notatu dignus diuiditur & ipse per musculos, & venam mittit sub duobus primis musculis post tibiā sitis, vbi tendo eius initium sumit. Hęc assurgit, & anteriora versus sub cutem fluit, & ad externum pedis malleolū trans-

*Vena scia, ischij
& coxendici ve
rata*

Vena poplitis.

mittitur: hęc illa est vena illustris, quam scia siue ischij & coxendicis vocant, & in eius affectibus secant. Ramus ille, qui sub genu fertur, poplitis vena nuncupatur: cuius apud antiquos frequens fit mentio. A quibus venis, quemadmodum ab aliis superius descriptis, plures alij ramuli exoriuntur, qui à nobis de industria præteriti sunt: quę venę & quòd exiles admodum sunt, neque eundem in omnibus cursum tenent

nēt, describi nullo prorsus pacto à nobis debe-
bant. Igitur quæ de venarum historia breuiter
à nobis hæctenus exarata sunt, satis esse poterūt
candido, benignoque lectori: si tamen illud ad-
diderimus, hanc esse venarum vtilitatem, vt ad
omnes corporis partes sanguinem pro nutri-
mento deferant. Etenim membra omnia solo
sanguine aluntur: propterea cauas natura pro-
creauit venas dedita opera, vt instar riuulo-
rum per corpus excurrerent. Substantia
venarum tenuis admodū est, neruo-
sāq; cōstat membrana: idq; non
temerè. Nihil enim Deus

Opt. Max. temerè a-
git, sed ne ita fa-
cile disrum-
patur.

*Venarum vti-
litas.*

*Cuncta mēbra
solo sanguine
nutriti.*

*Quare cauas su-
nt vena.*

*Venarum sub-
stantia tenuis &
neruosa mem-
brana prædita.*

REALDI COLVMBI

CREMONENSIS

DE RE ANATOMICA,

Liber septimus.

DE CORDE ET ARTERIIS.

Cor est inter principes, corporis partes, non solum princeps pars.



COR licet inter principes partes non numerari non possit, princeps tamen non est, ut Aristoteles censuit, qui actiones omnes in corde collocavit: quod profectò vitalis caloris fons existit, vitalis-

Cor spiritus vitales in pulmonibus elaboratos perficit.

Cor arteriarum omnium radix.

Cordis situs contra Arist. sententiam.

Corporis centrum umbilicus occupans.

que spiritus perfectiores reddit, posteaquam in pulmonibus elaborati sunt: quemadmodum planius audies, quando de pulmonibus, eiusque actionibus mentio fiet: estque arteriarum omnium radix, fons, & origo. Et quamvis in thorace à sagacissima natura cor situm fuerit, dimidiatum tamē thoracem neutiquam occupavit: neque in medio corporis situm fuit, ut Aristoteli placuit: nam centrum corporis occupavit umbilicus, quemadmodum tunc dicemus, cum de fœtu agemus. Illud verò nullo tibi pacto in mentem veniat cor neruorum, aut venarum principium esse: situs cordis in homine est in thoracis cavitare:

cauitate:isq; obliquus, & si in brutis rectus existat, in homine supra septum transuersum iacet, & illud tangit: sed in brutis non parum distat: basis eius est tantum non in dextro latere, at cuspis sinistrorsum: membrana inuoluitur satis crassa, nerueaque, quam cordis inuolucrum appellant, cuius usus est, ut cor contineat, colligatque; ne decidat, neue os pectoris, costasque, dum mouetur attingat. Appellant autem cordis motus, *Diastoles & systoles cordis nomen Pericardium. Humor aqueus in pericardio.* tum diastolen, tum systolen, quod scilicet & dilatetur, & constringatur. Pericardium igitur hoc, quod diximus, a corde aliquantulum distat: quo loco aqueum quendam humorem natura collocauit, ut eo cor humectaretur: periculum etenim imminebat, ne absque hoc presidio ob frequentes, ne perpetuos dicam, ipsius motus, qui etiam nobis fiunt inuitis, cor exiccaretur. Quem humorem non modo in uiuentibus sed in mortuis quoque deprehendes: licet de hoc Curtius Papiensis dubitauerit: at ego hoc esse, non semel, sed saepius in publicis, priuatisque uiui canis sectionibus aperte ostendi ita, ut nullus amplius dubitationi locus relinqueretur. Hoc inuolucrum, indumentumue in homine septi transuersi tendini valide cohaeret. Scito praeterea cor praeter inuolucrum, quod dixi, propria tunica praeditum esse, quae ipsius substantiam immediatè contingit: sed inter cor, & pericardium non parua oritur pinguedo, quae manifestè conspicitur, & cordi adhaeret: quam-

Membrana cordis inuolucrum appellatur.

Diastoles & systoles cordis nomen Pericardium. Humor aqueus in pericardio.

Curtij Papiensis hesitatio.

Cordis alia à pericardio propria tunica. Cordu pinguedo

Gal & Arist.
falsa opinio.

uis Aristoteles, & Galenus asserant, neque circa
cor, neque circa aliam quamvis calidam parti-
culam pinguedinem ullam nasci. Dicebat autē

Portius Neapo-
litanus Aristo-
telera defendē
experientia vi-
dus.

Portius Neapolitanus Physicus, qui in Aristotelis verba nimis iurauerat hanc, quā diximus, pinguedinem circa cor pinguedinem nullo pacto esse: huius rei testimonium locupletissimū esse, quod ipsa non eliquatur. Ego verò in theatro, dum Pisis publicè profiterer, nihil respondens pinguedinem eandem candelæ, quæ præstabat, eliquavi: quò viso cū mutire amplius nō auderet, tacitus abiit, ac penè explosus. Erat autem ob continentem motum pinguedo ibi valde necessaria: itaque pinguedinem in compluribus corporis nostri partibus cernimus, præsertim circa oculos, temporalésque musculos, ne

Pinguetia
us.

Cordis humani figuræ.
Cordis substantia.
Cordis fibra.

partes exiccentur. Humani cōdis figura pyra-
midem prorsus nō prae se fert, quemadmodum
in brutis: sed depressum est potius cor in homi-
ne: eius substantia dura admodum, densaq; est,
eiusmodique facta est, vt ne in validis motib;
disfrumperetur. Tribus generibus fibrarum cor

Cor non est in
sensu, ut Hip
pocrati placuit

præditum est, hoc est rectis, obliquis, & trāsuer-
lis, vt & traheret, & containeret, & expelleret.

Cercorinalli v
ne sanguine ni
trium. -

Nullo autē pacto potest cor inter musculos cō-
 numerari : quamvis diuinus Hippocrates in li-
 bro de corde ipsum musculum esse dicere non
 erubuerit. Undique vena coronali circumdatur,
 ut eius sanguine alatur : cui arteria coronalis
 quoque dicta se sociam præbet, & nōnunquam

Coronatus arte
Ysa.

binx:

binæ: idque ut eius ope substantia vitalis caloris vivificetur: quare dubitare aliquis posset, atque ex dictis argumentū elicere satis validum, non in corde, sed in pulmonibus vitales spiritus gigni. Ego verò magnis philosophis huiusmodi difficultates discutiendas relinquo: mihi etenim satis fore puto, si partes corporis quomodo se habent, earumque usum, quantum in me erit, verè descripsero. sed, ut ad cordis historiam redeamus. Duæ insunt cordi cavitates, hoc est ventriculi duo, non tres, ut Aristoteli visum est: ex his alter à dextris est, à sinistris alter: dexter sinistro multò est maior: in dextero sanguis adest naturalis, at vitalis in sinistro. Illud autem observatu perpulchrum est, substantiam cordis, dextrū ventriculū ambientem, tenuem satis esse, sinistram verò crassam: & hoc tum æquilibri causa factum est, tum ne sanguis vitalis qui tenuissimus est, extra reludaret. Inter hos ventriculos septum adest, per quod ferè omnes existimant sanguini à dextro ventriculo ad sinistrum aditum patefieri: id ut fiat facilius, in trāsitu ob vitalium spirituum generationem tenuè reddi: sed longa errant via: nam sanguis per arteriosam venam ad pulmonem fertur, ibique attenuatur: deinde cum aëre unà per arteriam venalem ad sinistrū cordis ventriculum defertur: quod nemo hactenus aut animadvertit, aut scriptum reliquit: licet maximè sit ab omnibus animadvertendum. Præter hæc omnia,

Cordū ventriculi duo, nō tres sunt.

In dextro corpore ventriculo sanguis naturalis, in sinistro vitalis continetur.

Substantia utriusque cordis ventriculis.

Cordis septum. Vitalis spiritus generatio nemini adhuc animadvertita.

Cordis articula

*Auricularum
cordis usus.*

Vena caua.

Vena arteriosa.

*Quatuor in cor
di basi vasa.*

*Arteria aëptā.
Arteria vena-
lis.*

*Vena caua cor
non ingreditur.*

*Vena arteriosa
à iecore non à
corde ortus.*

*Quare vena ar-
teriosa dicatur.*

quæ hæcenus dicta sunt, adfunt quoque circa cor duæ aliæ particulæ, quas auriculas vocant, quæ tamen auditus sensui nullo pacto sunt dicata. Sunt igitur eminentiæ binæ, membranosæ, anfractuosæque, ex quibus altera dextra est, sinistra altera: & rursus altera maior est, altera minor: rursusque harum altera ad cauam venam, altera ad arteriam venalem apposita est. Harum igitur auricularum in cordis motibus non paruus est usus, ne scilicet dum cor mouetur, vena caua, venalisque arteria, quæ ipsa quoque venarum instar, constructa est, disrumpantur: nimis enim quandoque sanguine opplentur. Circa cordis basim, quæ lata admodum est, quatuor vasa conspicua sunt: duo ad ventriculum dextrum, duo item ad sinistrum: in dextro est vena caua, venaque arteriosa: at in sinistro adest arteria aëptā, & arteria venalis. Neque tamen existimes id, quod multi sunt opinati, venam cauam hinc exoriri, ut iam dictum est in tractatu de venis: illa enim cor non ingreditur, ut falsè arbitrantur, sed cum scissa sit eo loco, latæque, dextri ventriculi orificio duntaxat adhærescit. Vena item arteriosa non à corde oritur, sed à iecore, quod verum esse facile perspicies, si animaduertaris: nam, dum in utero matris fœtus latitat, si eius introspeciamus, comperiemus cauam venam cum vena arteriosa continuam esse. Igitur quatenus vena, ab hepate ortum ducit, at quatenus arteriosa, ex corde: est enim cor arteriarum omnium

omnium principium. Hæc ad pulmonem incedit ut ad illum sanguinem ferat, quo nutriatur, quemque pro corde alteret. Vena arteriosa hæc quam diximus, magna est satis: immò verò multò maior quàm necesse fuerit: si sanguis ad pulmones supra cor exiguo intervallo deferendus contaxat erat. Diuiditur duos in truncos tum ad dextrum, tum ad sinistrum pulmonem: deinde varios in ramos, quemadmodum tunc dicemus, cum de pulmone agemus. Verùm enim vero vena illa, quam diximus, seu membrana evanescit post infantis egressum ab utero: idque propterea quòd incipit cor suum officium præstare. Arteria ἀορτή, quæ est aliarum omnium arteriarum mater, à sinistro oritur cordis ventriculo, sursumque assurgit. Sed antea quàm huius arteriæ iter persequamur, de arteria venosa dicendum videtur, quæ sinistro ventriculo apposta est. Dicitur autem arteria quoniam spiritibus, arteriosisque sanguini deseruit: at vena eandem appellatur eò, quòd venæ corpus, hoc est substantiam habet: vas est satis insigne, quod per pulmones instar venæ arteriosæ disseccatur. Scribunt Anatomici in hoc (pace eorum dixerim) parum prudentes harum usum esse, ut aërem alteratum ad pulmones ferant, qui flabelli instar ventulum cordi faciunt, idque refrigerant non cerebrum, ut Aristoteli visum est: existimantes iidem eas tunc fumos nescio quos capinosos (ita enim ipsi vocant linguarum ignoratione)

*Arteria ἀορτή
arteriarum omnium mater.*

Arteria venosa quare dicatur.

Anatomicorum opinio erronea.

*Diversa à cate-
yu anatomicu
de arteria ve-
nalis sententia.*

*Fieri potuit
et etiam Gale-
nue falsus sit
nec omnia no-
verit.*

excipere à sinistro ventriculo profectos : quod commentum nō dici posset, quā ipsi placeat : quippe qui certò existimant in corde ea fieri, quæ in caminis assolent : quasi in corde viridia ligna existant, quæ dum cremantur, fumum edant : atque hæcenus de harum usu iuxta aliorum Anatomicorum sententiam. Ego verò oppositum prorsus sentiō : hanc scilicet arteriam venalem factam esse, ut sanguinem cum aëre in pulmonibus mixtum afferant ad sinistrum cordis ventriculum. Quod tam verum est, quā quod verissimum : nam non modò si cadauera inspicias, sed si viva enim animalia, hanc arteriam in omnibus sanguine refertam inuenies : quod nullo pacto eveniret, si ob aërem duntaxat, & vapores constructa foret. Quocirca ego illos Anatomicos non possum satis mirari, qui rem tam præclaram, tantique momenti nō animadvertierint : quamvis præcellentes haberi velint : immò verò à compluribus sui similibus habeantur. Sed illis hoc satis est, Galenum dixisse, quasi Pythagoræ discipulis. Quid? quòd aliqui nostro tempore in Galeni placita de Anatome iurant : ut hoc audeant affirmare, Galenum Evangelistæ more suscipiendū esse, nihilque in eius scriptis esse non verum : mirumque dictu est hoc dicto quantopere se efferant, ac Anatomicorum principes popello iactēt. quod quā sit reprehendendum nemo nō videt. etenim quis est qui nunquā offendat? sed de his satis superq;
Obser-

Obferuandum eft itaque orificio quatuor va-
forum, quæ funt ad cordis bafim, vndecim mē-
branas aſtare, quæ triſulcæ, vel tricufpides ap-
pellantur: tres inquam ad cauam venam, tres
item ad venam arterioſam, tres ad arteriā ἀορτὴν
dictam, duâſque ad arteriam venalem: qua-
rum figura non eſt eadem: nam quæ ad venam
cauam, & arteriam venalem poſitæ ſunt, diuer-
ſa ſunt forma à membranis magnæ arteriæ, &
venæ arterialis: hæ namque inſtar trium litera-
rum, quæ C à Latinis dicuntur: aliæ verò ſunt
inſtar ſagittarum: admirabilis autem harū vſus
eſt, & ipſæ ſunt quarum ope multa diſcimus ex
his, quæ ad cordis, & pulmonū vſus cognitio-
nem ſpectant. Scito etiam quemadmodum ha-
rum figura varia eſt, ita vtilitatē diuerſam eſſe.
Oſtiola itaque cauæ venæ, nec non arteriæ ve-
noſæ ab interiore ſitu foras feruntur, vt ſangui-
nis emissioni ſeruiant: aliorum verò duorū va-
forum oſtiola cōtrā ab exteriori intrò, vt ad in-
duſum ſanguinem continendum facta eſſe vi-
deantur. Illud inſuper adnotato ea oſtiola, quæ
intus foras panduntur, quibuſdam filamentis
referta eſſe hæc, illacque per ventriculos diſper-
ſis, quæ propterea facta ſunt, vt ipſas contineāt
firmētque: quibus fortè deceptus eſt magnus
Ariſtoteles, qui filamēta hæc, quæ dixi, neruos
eſſe opinatus eſt: hincq; factum eſt, vt Ariſto-
teles cor neruorū principium eſſe ſcriptum re-
liquerit, & per cōſequens ſenſus, motuſq; ſed,

*Membrana tri-
ſulca, & tricuf-
pides appellata
in orificio qua-
tuor cordis va-
ſorū vndecim.*

*Vndecim mem-
branarū vſus.*

*Cordis filamen-
ta, pro neruis ab
Ariſt. habita.
Quamobrem
Ariſtoteles cor
principiū ner-*

*notum statue-
rit.*

*Quatuor vaso-
rum usus.*

*Sanguinem in
dextrum cordis
ventriculū in-
gressum nō re-
trocedere in ca-
uam venam.*

*Nervus mem-
branam cor in-
uoluentem in-
grediens.*

*In hominis cor-
de os non repe-
ritur, cū tamē
in brutorū in-
ueniatur.*

vt ad supradicta quatuor vasa redeamus: duo ex his constructa sunt, vt intrò ad cor deferāt, hoc autem euenit dum cor dilatatur: duo verò alia, vt, dum cor constringitur, foras deferant. Idcirco quando dilatatur, sanguinem à caua vena in dextrum ventriculum suscipit, necnon ab arteria venosa sanguinem paratum, vt diximus, vnà cum aëre in sinistrum: propterea membranæ illæ demittuntur, ingressuque cedunt: nam dum cor coarctatur, hæ clauduntur: ne quod suscepere, per easdem vias retrocedat, eodemq; tempore membranæ tum magnæ arteriæ, tum venæ arteriosæ recluduntur, aditumq; præbent spirituofo sanguini exeunti, qui per vniuersum corpus funditur, sanguinique naturali ad pulmones delato: res itaq; semper habet, cū dilatatur, quas prius memorauimus, recluduntur clauduntur reliquæ: itaq; comperies sanguinem, qui in dextrum ventriculum ingressus est, non posse in cauam venam retrocedere. Ex hac doctrina collige cor nullo pacto id membrū esse, in quo sanguis gignatur, quemadmodū sensit Aristoteles: cū à vena caua sanguis distribuitur: estq; hoc admirabile, maximæque arte fabricatum: ad membranam autem cordis substantiam inuoluentem peruenit neruulus à sinistro recurrente neruo profectus. Hoc insuper velim certò scias, nullum os in hominis corde inueniri: quanuis in bobus, bubalis, equis, atq; id genus magnis animantibus osseū nescio quid ostenda-

ostendatur : quod in nobis neutiquam est : sed substantia duntaxat radicis magnæ arteriæ venam arteriosam versus , quæ cartilaginea videtur : licet os nullo pacto appellari queat , quicquid Galenus dicat , qui ridendus in hoc est , dū veteres ridet , qui os cordis nō describere : quod iudicium ipsi maximè faciendum erat. Hoc verò axioma in Anatome existimato arterias omnes à corde proficisci , quemadmodum ab hepate venas , necnon à cerebro neruos. A sinistro itaq; cordis ventriculo exoritur arteria illa , quæ aorten vocant , aliarum omnium arteriarum mater , quæ satis magna est : substantia verò tum crassa , tum alba : crassa quidē primò ne sanguis spiritu refertus faciliè euāesceret , deinde ne suis in motibus disrumperetur : mouetur enim arteria continuò non per se , sed propter spiritus , posteaquam ἀορτὴ cor ipsum prætergressa est , paruam arteriam coronalem dictam , eo quòd cor ipsum circundet , immediatè parit , quæ eius substantiam viuendam reddit , in qua variè disseminatur. Illud insuper scito coronalem hanc arteriam in nonnullis non esse vnicam , sed duas : deinde ascendens altiùs duos in truncos scinditur , quorū alter maior , minor alter existit : maior descendit , ascendit minor , maior autem factus est ille truncus quem descendere aiebam : quoniam maior corporis pars illi viuificanda erat , truncus ascendens à sinistris arteriam emittit , quam axillarem sinistram vocant , quæ obliquè

Galenus error.
Quod in hominu corde reperitur non os , sed portio quadam cartilaginea.

A corde arteria , secus venam cerebro nerui nascuntur.
ἀορτὴ arteria exoritur.

Arteria nō per se , sed à spiritibus mouetur.

Coronalis cordis arteria origo.

Coronalis cordis arteria aliquādo gemina.

Dividitur arteria aorte in duos truncos.

Ascendens trunci distributio.

*Axillaris fini-
sta artetia.*

*Trunci axillaris
arteria distri-
buitio.*

*Arteria tangē-
ribus medicis
brachium se of-
frens.*

versus axillam tendit, & ad superiores costas arteriolas mittit, & egrediens ad brachium iter tenet per internam partem, & cum basilica interna iungit se sociam, ramumque sursum mittit, ramulos autem alios ad omnes eos musculos, qui sunt circa humerum, scapulam, eius cavitatem, necnon ad anteriora thoracis, & ad eas glandulas, quæ sunt sub ala. Truncus verò axillaris rectè per internam regionem humeri descendit vsque ad cubiti flexuram: & anteaquam regionem hanc pertranseat, arteriolam mittit sociam quarto nervo brachij ad musculos cubitum extendentes distributam: cum autem flexuram cubiti præterit, in duas, sæpe in tres arterias secatur: sed prius arteriolas ad eos musculos relegat, qui sunt in humero, & cubito, & ramus vnus penes id ligamētū incedit, quod inter cubitum, & radius positum est: & egres- sus foras ad externos musculos graditur: quod reliquū est, cubiti longitudinem sequitur: post ea verò quàm sub interno transuerso brachialis ligamento præterfluxit, in palma ipsa variis secatur modis, & ad extremos vsq; digitos extenditur: at alter ramus tendit radius versus iuxta eius deductum: & vbi medium cubitum præterit, assurgit inter musculos: & ad cutim subit per internam partem radij: atq; hic ille est ramus, cuius motum digitis persentiscere medici solent, cum manum in carpo apprehendunt, vt pulsum consulant. Illud præterea scias velim, ramum,

ramum, quem dixi, in aliquibus vario situ locatum esse, ut dubites an is sit, quē hactenus memoravi, eo quod foras versus feratur. Quod si quis medicus rei Anatomicæ ignarus, huius pulsum, dum ægrotat præsertim, loco consueto duntaxat quærat, neque inueniat, nã is hunc morti proximum esse falsò iudicabit, & prædicet falsò. Non equidem negauerim perrarò arteriam huiusmodi situm obtinere: nam partem internam plurimū occupat: hæc ubi à brachiali discessit per partem externam, vsque ad digitorum extremitatem procedit: alter ramus iuxta ligamentū fertur. Truncus iste ascendens postquam arteriam axillarem peperit, in arterias binas diffecatur *καρωίdas*, hoc est soporarias appellatas, quæ per partes colli laterales rectæ feruntur vsque ad caluariæ basim, asperæ adhaerentes arteriæ, venisq; iugularibus internis affixæ: quam caluariam priusquam ingrediuntur, duas arterias ad faciem mittunt, & sub maxilla inferiori subdiuisæ ramulos mittunt ad musculos tum colli, tum capitis, tum laryngis, tum hyoïdis, tum linguæ: sed duo ramuli, ii que maiores ad linguam ducti per eius longitudinem ad extremū vsque feruntur: quo peracto itinere ascēdunt sub aurem, & tum ante; tum post ipsam sursum attolluntur ad temporales musculos, ad frontemq; necnon ad capitis cutem: & ad faciem, hoc est, ad eius musculos distribuuntur: alter eius ramus, quē retrò ferri diximus, disse-

*καρωίdas arte-
ria scilicet sopo-
raria dicta, ea-
rumque distri-
butio.*

*Duo musculi
posteriores capi-
tis nunc primum
cogniti.*

*Arteria denti-
um radices in-
gredientes.*

*Dexterarum
axillarum arte-
riarum inter se
diuersitas.*

*Vesalij lapsus.
Arteria ad su-
periora thoraci
costarum inter
nulla.*

*Due arteria
sub sternon.*

minatur ad duos illos musculos, quos nos pri-
mum, pace aliorum dixerim, inuenimus: qui po-
siti sunt in parte capitis posteriore: fertur etiam
ad cutem, & ad musculos capitis. Ab eodem
loco, & aliquantulum altiùs etiam arteriæ duæ
ortum ducunt maxillâ inferiorem ingredientes
sub aure in foramen ibi dedita opera sitû, iuxta
maxillæ longitudinem, quibus cum arteriis &
vena, & neruus quoque adiunguntur: dispergû-
tur autem ad omnes radices dentiû inferiorum
pars verò egreditur per foramen ad mentû po-
situm, & per labrum incedit. Huius arteriæ Ve-
salius oblitus est prorsus, ita vt illius ne memi-
nerit quidem. Sed anteaquâ illas arterias descri-
bo, quæ in caluaria continêtur, aliquæ aliæ priùs
describendæ sunt, quarû pars à caluaria quoque
fuscipitur. Animaduertêdum igitur est, dexterâ
arteriam axillarem è loco minus humili exoriri
quàm sinistra: præterea obliquè non incedit, vt
illa: est autem origo eius à carotide dextra in
iuguli regione: & rectâ incedit per axillam sub
iugulo ad brachium dexterum, vbi diuiditur, &
progreditur instar sinistra: at vnde hæ caroti-
des arteriæ, & axillaris arteria ortum ducunt,
ab anteriore parte duæ arteriæ nascuntur deor-
sum tendentes, ramus ad superiora interualla
costarum & ad vertebrae mittunt, quas Vesa-
lius ignorauit: aliæ item duæ exoriûntur arteriæ
paruæ, quæ sub sternon conuertuntur, descen-
duntque duabus illis venis comitantibus, quæ
ad

ad mammillas tendebant, & ad fines rectorum musculorum: itaque diuiduntur in illorum morem. In eadem penè regione retrò tamen versus corpora vertebrarum duas alias adnotabis, quæ per transuersos processus vertebrarum collatae (ob hoc enim illos natura perforauit) necnon per ea foramina, è quibus nerui egrediuntur, ramulos mittunt ad spinalem medullam, vertebrasque, & ad musculos ceruicem in latus flectentes: sed in quibusdam hæ duæ arteriæ nõ à soporariis, vt in plerisque, sed frequenter ab axillaribus originem ducunt: hæ quas nunc ob oculos ponimus arterias, inter primam vertebam & caput, partem caluariæ posteriorem ingrediuntur: inter ipsam nimirum, & spinalem medullam: prius tamen duas arteriolas auris antro subministrant, quæ in ingressu miscentur: dextra nanque sinistra vnitur adeò, vt longitudine semidigiti vna fiat: in duas postea diuiditur: deinde in alias complures, tenduntque primùm ad duram, tenuemque meningem, deinde ad cerebellum: & profectò si hæ duæ arteriæ non fuissent à natura genitæ, posteriora caluariæ arteriis caruissent: ab hisce cerebellum viuificatur, & cerebri quoque pars, & medullæ spinalis origo. Hæ duæ arteriæ, quæ per transuersos processus vertebrarum inter primam vertebam, atque os occipitij sursum assurgunt, internam caluariæ regionem ingrediuntur inter ipsam, inque spinalem medullam: postea verò

*Arteria per
transuersos col-
lis processus.*

*Membrana v-
triusque cere-
bellique arteria
Posterior capitis
pars non vacat
arteriam.*

quam caluariæ cavitatem ad dimidij digiti longitudinem sunt ingressæ, vniuntur, atque ex binis vnica fit arteria: tamen diuiduntur denuo in geminas, dexteram scilicet & sinistram, à quibus arteriæ ad duas cerebri membranas mittuntur, atque ad cerebellum: deinde per horum substantiam parte superiore ad dimidiam vsq; caluariam maxima fit harum arteriarum distributio. Quod reliquum est cranij, à duarum carotidum ramificatione viuificatur: vt paulo pòst dicam: quæ priusquam cranium penetrent, arteriolas auris labyrintho mutuo dāt: vbi verò hic arteriæ truncus caluariam ingressus est, vt suprà dicebam, ad spinalem medullam, ad duram, tenuemq; membranam, ad cerebellum cerebrumq; arterias mittit suas. Neque quemquā inuenies, cui vera harum duarum arteriarum distributio cognita fuerit: neque Vesalius ipse illam olfecit: qui dum in arteriarum per transuersos vertebrarum processus ascendentium descriptione versatur, inquit ingredientibus caluariam per sinum illum duræ matris tendere, quem ingulares ingrediuntur venæ: sed hoc potius ita esse animo concepit Vesalius, quàm oculis viderit. Quocirca nihil mirum est, si is rete mirabile à priscis Anatomicis tantopere decantatum, nescio quo pacto irrideat: nam ab hisce, quas ignorauit, arteriis potius quàm à carotidibus rete mirabile efformatur: quanuis neque Galeno hæ duæ arteriæ cognitæ fuerint: nam venas, inquit.

per

Auræ arteria.

Distributio arteriarum Vesalio incognita.

Rete mirabile dari contra Vesalium.

per posteriora capitis ferri, per anteriora verò arterias. Tu verò hoc loco admirabile & arte inenarrabile cōstructū opus ab opifice summo diligenter adnotabis, cuius de sapientia, providentiāq; siliere satiùs duco, quàm pauca dicere. Etenim duæ, quas descripsimus, arteriæ sub spinali medulla sursum attolluntur, & præter multifidos illos ramos, quos per tenuem membranam spargit, eo loco, quem cōnariū, vel pinealem glandulam appellamus, ingrediuntur substantiam cerebri in extremitate superiorum ventriculorum, atq; ibi grādem, atq; insignem plexum perficiunt: qui plexus mea quidem sententia plexus mirabilis ob admirabile artificium appellari meritò potest: qui posteriore parte ad torcular affigitur. In hūc eundē admiratione dignum plexum duæ quoq; arteriæ carotides immittuntur, vt suo loco audiēs: itaq; ex quatuor arteriis constructum esse rete mirabile obseruare poteris: quod antè me à nemine hæctenus obseruatum fuisse comperi: ita vt & rei nouitate, & dignitate delectari, & doceri possit rei anatomica studiosus. Arteriæ carotides vbi ad caluariæ basim peruenere, id foramen ingredi vidētur, è quo sextum neruorum par egreditur: & quod venas iugulares internas suscipit: non assurgunt tamen, neque hīc duas arterias pariūt vt Vesalius cogitatione potius, quā visuprehendit: quas vnā cum iugularibus in duræ membranæ sinus ingredi voluit. Sed quid, inquires,

Cōnariū locus.

Torcular.

*Rete mirabile
ex quatuor cō-
struis arteriis à
nullo adhuc ob-
seruatum.*

hæ agunt arteriæ sub caluariæ basi? Ad anteriorem partem conuertuntur, pèrque id foramen transeunt, quod in osse temporali latitat prope illud, in quod sexta descendit neruorum coniugatio, & iugulares internos ingrediuntur, quæ prius quàm à caluariæ parte interna suscipiatur, duas promunt arterias, quarum varij sunt rami, ad palatum nimirũ, ad internum nasum, ad superiores dentes: alij caluariam subintrât per ea foraminula, quæ ibi sunt sita: & arboris instar per duræ mēbranæ latera explicantur vnà cum iis venis, quæ in membrana conspicuæ sunt, propterea quod sinciput ibi excauatũ videbis. Postquam autem hæ arteriæ ad palatum, dentesque eos ramos diffuderunt, vt suprà diximus, assurgunt in cranium ipsum per id foramē, quod inter sphenoïdem, & os temporis situm est: quo loco pars tertij neruorum paris descendit: quã uis Vesalius hîc Galenum acriter mordeat: idq; meherclè iniuria: vbi verò sellam, quam dicunt sphenoïdis supergressæ sunt, binas arterias ad oculos mittūt post neruos opticos appellatos, vt vitam oculis præbeant: neque oculis solũ vitam subministrant, sed etiam oculorum musculis, iisq; à quibus maxilla referatur: maxilla inquam superior: propterea magnas multasq; harũ sectiones obseruare poteris. Quod reliquũ est harum arteriarum carotidum, suprà dictã sellã ascendit tenui membranæ cohærens, & post callosum corpus posteriora versus, variisq; modis

*Gal. iniuria à
Vesalio reprehenditur.
Sphenois sella.
Arteria ad oculos.*

dis per tenuē meningem dispergitur suprà, intraque, necnon ad latera: nonnulli etiam sunt earum rami à tenui ad duram meningem deducti, alij à tenui ad cerebri substantiam. Post tot distributiones soporiferarum arteriarum suprà sellam cunealis, illæ ventriculos cerebri superiores subeunt, cum primū tenuē membrana perforarūt, qui ventriculi anfractuosi sunt: & cum primo duæ esse viderentur, in exiguas, easque innumeras scinduntur: itaque perpulchrum rete ex arteriis contextum cōspicaberis: quæ omnes iuxta deductum eorum ventriculorum, quos suprà memoravi, eò usq; progrediuntur, donec veniant cum postremis, vti diximus. Hæ arteriæ socias habent venas: & in earum finibus adest glandula pinealis: has Galenus descripsit pro retiformi plexu, quasi secundinam præ se ferat. Ego verò, si rete mirabile usquam est, hoc esse affirmare audeo: nusquā enim tam admirandum arteriarum minimarū, innumerabiliūque plexum, perplexūque & intertextum videre poteris. Sed Galenus suum rete mirabile supra sphenoïdem describebat: vbi glandula illa adest omne id excrementum suscipiens, quod in cerebro gignitur: huic enim muneri fuit à natura dicata. Sed nōne impium quid piis hominibus videri potuisset, grauitérq; accusanda fuisset natura: si natura, quæ prudēs, & oculatissima in hominis fabrica esse solet, ac debet, tam nobilē plexum, tā insignem,

Pinealis glandula.

Diversa opinio de reti mirabili situ.

Glandula excrementa à cerebro suscipiens.

támque admirabilem in loco non modò humili, sed tot excrementorum sentina, ne cloacam dicam, collocauisset? Quamobrem nequeo satis mirari, quí fieri potuerit, vt Galenus vir diligēs suprà quàm dici possit, rerúmque naturalium acerrimus speculator, in tam graues errores inciderit: veríque retiformis plexi situm ignorauerit, perperámque descripserit: quòd si cupiam diligenter inuestigare libeat reticularem plexum, vbi illum Galenus describit: nã is fine suo frustrabitur. Nihil enim ibi comperies nisi quasdam arteriolas illis partibus, sphenoïdique ossi vitã ministrantes. Eadem arteriæ, ex quibus rete cõficitur, quod mirabile appellatur, per cerebri substantiã arteriolas mittunt: quod nemo ex Anatomicis ante me, quod sciã, hæctenus scriptum reliquit. Atque hic finis est descriptionis trunci superioris: nisi illas arteriolas describendas duceres, quæ ad dexterâs costas superiores demandant. Hic pulchrum est adnotatu, nullam arteriam ad pulmonem tendere, quæ vitales spiritus à corde suscipiat, quo ad pulmonem deferat: propterea verũ hoc est axioma in re Anatomica, cum à pulmone discefferis, reliquas humani corporis partes pulsatilibus arteriis præditas esse. Qua ratione probare acutus aliquis, atque acer in disputando posset, ne in corde quidem ipso vitales spiritus gigni. Sed de hoc aliàs. Arteriæ magnæ, quam αορτήν sæpe nominauimus, truncus maior, qui deorsum tendit, sinistrorsum flectitur,

*Galenus error de
mirabili retis
sede.*

*Cerebri arterio-
le alii adhuc i-
gnora.*

*Nulla arteria
ad pulmonem
tendit.*

*Maior arteria
aortes truncus.*

flexitur, vertebrarumque corpori adhærescit, quod in superiori trunco non contingit: nam ille non secus atque vena caua, à vertebriis distat. Truncus igitur hic inferior dum descendit parte sui posteriore arterias profert costarum interuallis dicatas: atque hæc rursus alias mittunt tum ad spinalem medullam, tum ad vertebra, tum ad musculos, qui in posteriore thoracis parte sunt siti. At ubi ad septum transuersum descendit duas partes arterias, dexteram, inquam, & sinistram, proferens, quæ ad septum ipsum distribuuntur, sub ipso transit quidem sed nullo pacto perforat, penetratque: sed vertebrarum corpori adhærens progreditur ad penultimam vsque lumborum vertebra. Sed quum primū septum, vt dixi, præterit, arteriam profert, quæ ad hoc par secatur, ingrediturque, vnde venam portā exire suo loco diximus, ibique distribuitur: alia properat ad bilis vesiculā, alia ad lienem, alia ad ventriculum, omentumque: ramuli alij ad pancreas, alij verò ad colon intestinum: sub hac alia emergit, cuius plurimæ maximæque diuisiones sunt, tum per mesenterium, tum ad intestina tenuia: multisque mesaraicis venis se socias præbent, deinde paulò inferius duas gignit arterias, easque adnotatu dignas, quas emulgentes appellant, quæ renes ingrediuntur. Sub emulgētibus venis paulò etiam decliuus geminas producit arterias seminales, quæ à corpore magnæ arteriæ ortum habent,

*Maiorū trunci
aortes arteria
distributio.*

*Arteria emul-
gentes.*

*Seminales ar-
teria.*

*Umbilicales ar-
teria.*

*Recti intestini
arteria.*

*Hæmorrhoida-
les arteria.*

non autem à sinistra emulgente, vt Galeno vi-
sum est, perpaucos tamen excipio: hæ descen-
dentes implicatur cum venis seminariis tum in
mare, tum in fœmella ad testes vsque, & in fœ-
minis vsque ad vteri corpus, & ad internā par-
tem matricis: & ab his arteriæ umbilicales fœ-
tus originem trahunt. sub hisce seminariis arte-
riis medio trunco alia emergit arteria, quæ ad
recti intestini mesenterium deferitur, & ad par-
tem eius intestini, quod colon appellamus: quæ
per sinistrum ileon deorsum fertur: at recti in-
testini arteriæ vnà cum mesaraicis venæ portæ
venis ad extremum podicem vsque descendunt,
quare fiunt tum venæ, tum arteriæ hæmorrhoi-
dales: posteriore in parte ab hac eadem arteria
sub transuerso septo arteriæ egrediuntur ad ver-
tebras, ad spinalem medullam, necnon ad dor-
sales musculos, atque ad abdominis musculos
delatæ. Cùm verò ad penultimā vertebrā lum-
borum peruentum est, & in nonnullis ad vlti-
mam vsque, primùm in duos ramos, còsq; in-
signes diuiditur, qui dextrum, sinistrumq; eius
adeunt, superant autem cauam venam in ossis
sacri regione. Hi duo rami subdiuiduntur, de-
scendentisque amplius ramificantur, & ad ve-
sicæ latera, & ad vteri ceruicem, & ad muscu-
los in concauitate abdominis residentes: duæ
verò aliæ transeunt per foramina sita in osse pu-
bis, coxendicisque, è quibus, quum primùm
abdomen ipsum egressæ sunt arteriæ, mittuntur
ad

ad duo corpora penis, quæ à summo ad imum
 feruntur, in iisq; in ramos abeunt: atque hæ
 illæ, illæ inquæ sunt arteriæ, quibus erectio mē-
 tula accepta ferenda est: quā rem nemo, quod
 sciam, nostris temporibus, neque ex antiquis
 cognovit, aut scripsit. Quod reliquum erat ha-
 rum arteriarum, per eos musculos dispergitur,
 qui in interiore femore positi sunt: neq; tamen
 genu prætereūt. Ab illis arteriis quas vesica ex-
 cipit, aliæ quoque proficiscuntur arteriæ, quæ
 ad internam ossis sacri partem delatæ, per quæ
 eius foramina tum ad ipsum tendunt, tum ad
 spinalem medullam, extra verò ad musculos fe-
 mori deferuientes: quemadmodum à magna
 quoque arteriæ diuisione arteriæ exeunt, quæ
 musculos femoris, qui sunt in abdomine, vitali
 sanguine nutriunt: ex illis autem arteriis, quæ
 iuxta sacrū os coccygē inque descendunt, non-
 nullæ ad σφιγκτήρα musculum perueniunt vnā
 cum quibusdam caux venæ venis, quæ & ipsæ
 hæmorrhoides dici possunt. Ex magna magnæ
 arteriæ diuisione duæ insuper oriuntur arteriæ,
 quæ sursum reflectuntur, & peritonæum præ-
 tereunt, sub rectisq; musculos ascendunt su-
 pra vmbilicū vsque: & in ramos plures finiun-
 tur per abdominis musculos. In hac diuisione
 duæ arteriæ implantantur, quas vmbilicales ap-
 pellamus, quæ primæ sunt, quæ in fœtu ipso gi-
 gnantur. Etenim hæ ab vmbilico postquam e-
 merferint: progrediuntur per peritonæum quā

*Arteria penis,
 penem ipsum e-
 rigit, qui v-
 sius hucusque
 fuit ignotus.*

Vesica arteria.

*Post umbilica-
lem arteriā ge-
neratam gene-
ratur corpus*

*Divisio magne
arterie ad crura*

*Ossa arteriū nō
sarete.*

duplex est ad vesicæ latera, hâsque arterias gignunt, de quibus paulò antea dicebamus: post umbilicalium autem arteriarum ortum, cor ipsum gignitur, quemadmodum tunc latius, & apertius explicabimus, cùm de fœtu dedita opera agemus: sed ad umbilicales arterias redeamus: hæ postquā in lucem proditi sumus, exiccantur, duorumque ligamentorū munere funguntur. Duo autem magni trunci rami, qui ad crura deferuntur, transeunt supra quintum musculum lumbalem femur flectentem, & supra os pubis iliūque versus abdomen exeunt, & hoc loci cum venis internis socias iunguntur, quæ inter musculos incedunt: & quemadmodum venæ illæ diuiduntur: ita has arterias diuidi conspicias ad omnes scilicet musculos tibia, pedis, digitorūque: ad eorum enim extremitatem perueniunt. Mittunt insuper arteriolas tum ad inguinis glandulas, tum ad scrotum, tum ad penem sub cute. Illud insuper adnotabis ossa suis non carere arteriis, ut & ipsa calore vitali non deficerent. Atque hæc de arteriis dicta sint satis: nolo enim inutilibus verborum phaleris, & circuitione lectorē fallere, & diutius sine fructu detinere.

REALDI

REALDI COLVMBI

CREMONENSIS

DE RE ANATOMICA,

Liber octauus.

De Cerebro, eiusque membranis : de Spinali
Medulla, item de Nervis.

CAPVT I.



CEREBRVM inter hu- *Cerebrum pri-*
mani corporis partes *mas tenet con-*
principem locum obti- *tra Arist.*
nere, nemini dubiũ esse
debet, quidquid cum A-
ristotele philosophi sen-
tiant : quod ita esse quin-
que rationibus probare

facile possum. Primò mihi situs cerebri nobili- *Prima ratio*
tatem, atque illius in cætera membra principa- *principatus ce-*
tum apertè ostèdit : quòd illud in altissima cor- *rebr.*
poris parte Deus opifex collocauit, quasi in mu-
nitissima arce, vt minus esset iniuriis obnoxiiũ.

Secundò inducor à figura ipsius, quæ rotunda, *Secunda ratio.*
oblongaq; est: rotunda magis, oblonga minus:
quam figuram nunquam temerè effingit natu-
ra prudēs rerum omnium architectonica. Tertiò

Tertia ratio.

me mouet ratio munimentorum, & ingens
apparatus, quibus cèrebrum vndique stipatum
est: nam priusquam ad cerebrum ipsum pertin-

*Cerebrigna sint
propugnacula.
Aristotelis. ex-
por de cute ca-
piti.*

*Facilius ledi-
tur cor quàm
cerebrum.*

Quarta ratio.

Quinta ratio.

gas, quasi ad principis alicuius maximi penetra-
lia, bone Deus, quot atria, porticus, thalamique
pertranscundi sunt. Iam primùm adsunt capilli,
deinde cutis crassissima (licet hanc Aristoteles
falsò tenuissimam esse scribere non vereatur)
deinde pinguedo, deinde carnea membrana, pe-
ricranionque & periostion, & caluaria duplex,
sub qua adhuc binæ meninges à seipsis distan-
tes pro cerebri tutamēto constructę sunt. Ossa
verò capitis, vt proprio capite dictum est, ita an-
tè composita sunt, vt diuelli, atque abstrahi nisi
magnavi possint, neq; cerebrum nisi ab ingenti
violentia lædatur. De corde autem quid attinet
dicere, quàm facile per interualla costarum ad
ipsum lædendum vel minimo quouis instrumē-
to perueniatur? vt videas naturam adeò accura-
tè cor ipsum non vallasse vt cerebrum. Quarta
ratio qua adducor, vt credam membrorū prin-
cipatum cerebro deberi, est cerebri vsus mirifi-
cus, quòd scilicet tum sensus, tum motus prin-
cipium existit: absque vsu enim cerebri homo
esset instar statuę cuiusdam, motus sensusque
expers. Præterea sedes est animæ ratione prædi-
ta. A cerebro visus, auditus, gustus, odoratus-
que, & locutio proficiscuntur. His enim actio-
nibus quantam cerebrum vtilitatem afferat, vel
idiotæ ipsi norunt. Quintam demum rationem
ex huius ipsius artis quam tractamus partibus,
& considerationibus sumo: quibus Anatomicarum rerum instructissimus minimè refragari
posse

posse confido: ea verò talis est. In hominis generatione iecur gignitur medio, & ope venæ vmbilicalis (vt in tractatu de fœtu latius explicabimus) cor verò medio vmbilicalis arteriæ: atque hæc tum vena, tum arteria vmbilicales à vasis vteri oriuntur: at nerui, quos sensus, motusque instrumenta esse nemo dubitat, à fœtus cerebro oriuntur. Iure igitur cerebrum nobilius est membris omnibus, & vt ita dicam, principum Rex. Quamobrem magna illud arte natura condidit: quam si Aristoteles nouisset, nunquam cordi hanc nobilitatem ascripisset: quæ cerebro propria est: neque à corde tot actiones prodire existimasset: neque cerebrum ob cordis refrigerationem factum esse, vt scilicet cordis calorem ingentem attemperaret. Sed dimisso Aristotele, cuius in hoc explosa sententia est, ad institutum redeamus. Natura circa cerebri substantiam duas apposuit membranas, crassam inquam, & tenuem, que vniuersam illius substantiam circundant. Ex quibus crassa meninx, quam & duram matrem vocant, à cerebro ipso distat, quemadmodum à pericardeo cor: huius autem distantie causa est, vt cerebri diastole systolæque locum habeat. Vt enim vidimus, non modo cordi perpetua adest diastole, ac systole, sed cerebro quoque: quod licet paradoxon videatur, tamen si diligens eris anatomicus, & recentia capitis vulnera complura obsetuabis, tamen verum esse deprehēdes, quàm quod verissimū.

Aristotelis error.

Cerebri vsus nō est caloris cordis attemperatio.

Crassa & tenuis meninx circa cerebrum.

Dura meninx, distat à cerebro vt pericardium à corde.

Diastoles, & systoles in cerebro

*Dura mater su-
turis adhæret.
Pericranium un-
de oriatur.*

*Duramater du-
plex est.*

*Cur exterior su-
nica dura ma-
tri interiore
minus sentiat.
Vbi reduplica-
tur.*

*Figura falci v-
bi.*

*Vbi dura mem-
brana sit qua-
druplex & cur.
Quatuor cau-
itates sanguine
plena, inter qua-
druplicatam
dura matris.*

*Iugularum ve-
narum ingressus.
Vesalii error.*

idcirco dura hæc membrana caluariae cōnecti-
tur suturarum ope, caluariamque egressa peri-
craneon creat: ita dictum quòd exteriorem cra-
nij partem circundet: cuius interiori parti du-
ra, quam diximus, membrana validissimo nexu
colligatur. Neque vnica est membrana, veluti
qui ante me de Anatomicis rebus scripsere, om-
nes vno ore prædicant sed duplex, vel, vt aper-
tiùs dicam, duæ sunt membranæ dura meninx:
quarum vnā internam voco, quæ cerebrum
spectat, alteram externā caluariam versus, quæ
minori sensu meritò prædita fuit: quippe cui of-
fis durities attingenda erat. Altera verò, quam
internam dixi, magno sensu pollet. Hæ itaque
membranæ in capitis vertice sub recta futura re-
duplicatę descendunt, cerebri dexteram partem
à sinistra seiungentes: non tamen ad imum vs-
que, sed ad dimidium cerebri quasi ad sphaeræ
centrum dixeris: vbi corpus adest callosum di-
ctum. Hæc membranarum duplicatio, quam su-
prà memorauī, posteriore sui parte versus cere-
brum latior est, quàm in anteriore frontem ver-
sus. Figura eius est falcis in modum: at postero-
re capitis parte hæ membranę quadruplicantur:
hoc est quadruplex hoc loco dura membrana
cernitur, neque iniuria: nam cerebrum à cere-
bello seiungit. Inter has, quatuor sinus, seu caui-
tates potius adsunt sanguine refertæ, in quas ta-
men venæ iugulares internæ ingrediuntur (quę
ingressum Vesalio in hoc parū accurato ignotū
fuisse

fuisse eius scripta legens facile perspicies) & ad extremum vsque progrediuntur: propterea nō adest hoc loco sanguis extra ppria vasa. Quod si esset, quemadmodum Vesalius sensit, dura mater venarum principium esse diceretur: quod quid absurdius dici, aut cogitari possit non equidem video. Sed ad prædictos sinus reuertamur. Ex his duo primi ad basim siti sunt, vbi aditus patet venis iugularibus internis, quarum incessus est iuxta occipitium, sursumque ad apicem future lambdoïdis assurgunt, atq; hîc dextra cum sinistra coniungitur, tertiumque sinum efficiunt, qui iuxta vniuersam capitis longitudinem progreditur, & in id foramen desinit, quod in nasi summitate inter frontē, atq; os ethmoides positum est. Non est hic tertius sinus orbicularis infra: nam latera illius trianguli speciem sunt: pars superior semicirculum imitatur, cui rotunditati atque eminentiæ sinciput cedit: illa etenim cauitas sub recta iacet sutura. Ab hoc sinu, vel potius à vena, quam in sinu positam esse dicebamus, venæ aliæ complures tum à lateribus, tum infra exoriuntur, quæ per tenuem membranam dispersæ vagantur: cuius membranę tenuis descriptionem mox habebis: hæc quas diximus, venæ innumeræ efficiuntur: à quibus cerebrum alitur vniuersum: supra hunc sinum venulæ quoque exoriuntur, quæ, vt ossa nutriant, per futuras transeunt. Quartus sinus quadruplicatæ duræ matris inter cerebrum, cerebellumq;

Deducit Vesalius ad inconuenienti.

Duo primi sinus inter meningē duram quadruplicem vbi.

Tertius sinus vbi.

Tertij sinus figura qualis.

Ortus venarum qua per tenuē membranā disperguntur.

Cerebrum à quibus alatur venis.

Ossa capitis quibus venis nutriantur.

Quartus sinus

dura matris duplicata.

Linon seu torcular quid.

Venarum à torculari deductus

Descriptio pia matris.

Pia mater cerebri immediate tangit.

Chorion.

Cerebri substantia qualis.

Figura cerebri dempta pia matre.

Cur tot circumvolutiones in cerebro causæ duæ.

Tertia causæ.

Reprobatur tertia causæ.

positus est : quem locum linon, torcularæ appellant Anatomici : à quo venæ ortum ducunt per substantiam cerebri delatæ, perque tenuem membranam, à qua cerebellum inuoluitur: reticulari plexui se socias præbent. Sub dura matre, quam accuratè, quantum in nobis fuit, descripsimus, adest pia mater tenuis meninx dicta, à qua cerebrum, & cerebellum induitur: hoc enim substantiam immediatè tangit : dicitur etiam chorion, id est, secundina, tenuis, plena venarum, atque arteriarum. Sub tenui dicta meningē cerebri substantia latitat alba, mollisque & medullaris quoque nuncupata, licet à substantia medullæ, quæ in ossium cavitatibus reperitur, non parum discrepet. Figura totius cerebri substantiæ, dempta pia matre, tenuium intestinorum spiris, dempto omento, non absimilis est. harum circumvolutionum causâ quærenda est. Ego tum ob leuitatem, tum ut cerebrum in diastole, systolèq; facilius moueretur, hos gyros factos fuisse opinor. Non desunt scriptores, qui aliam causam tot cerebri circumvolutionum se inuenisse putent, ut scilicet cerebrum intelligeret. At si hæ circumvolutiones in cerebro intellectiōis causâ existunt, asini quoque, ceteraq; bruta animantia, quorum cerebrum hisce gyris præditum est, non intelligere non possent. Quod quàm ridiculum sit, nemo non videt. Igitur causam, quam ego attuli, leuitatis cerebri, & motus promptioris, veriolem puto. Animaduert-

maduertendum interim est, quemadmodum hæ profundiores sunt magis, minúsque, ita piam matrem illas inuestire: substantia cerebri totam caluariæ internam cavitatem occupat antè, retrò, atque à lateribus: licet Aristoteles, qui in rebus Anatomicis plerùmque labitur, partem capitis posteriorè cerebro carere falsò affirmauerit.

Sinus substantia cerebri.

Aristotelis error.

Sed posterior capitis pars, vt unicuique patet, non est inanis: nam nò modò cerebrum adest, sed cerebellum quoque. Ad huius substantiæ medietatem plus minus, duæ occurrunt cavitates, hoc est ventriculi duo, dexter inquam,

Cerebri pars posterior non est inanis.

& sinister, oblongi, anfractuosi quæ, ab anteriori parte ad posteriora tendentes. Hos ventriculos sunt qui anteriores vocant: ego verò superiores potiùs appellarem, nam alios omnes supererminent. Hi ergo satis ampli sunt, tenuique

Duo ventriculi cerebri.

Qui anteriores ventriculi vocantur superiores rectius dicuntur.

membrana induuntur: quâuis id Vesalius perneget, qui si sensui in hoc aduersari profiteretur: ego nihil moror, ipse viderit. Per hos superiores cerebri vètriculos feruntur plexus coriformes,

Vesalii error.

quos reticulares appellauimus. Vsus autem horum est animalium spirituum generatio. Atque hoc quod nunc dicam, quoniam meum inuentum est: obsecro, diligenter attende. Horum ventriculorum origo est supra os sphenoides ethmoides versus: àër autem per nares attractus in frontis, cunealisque cavitare aliquan-

Plexus coriformes. Vsus.

diu conseruatur: alteratos deinde ad hos binos ventriculos, quos ego superiores appellauim per

Inuentum Real-di ubi & quomodo generantur spiritus animales.

foramina ethmoïdis ascendit. at in his ventriculis ob assiduam tum cerebri, tum huius reticularis plexus motum, miscetur cum vitalibus spiritibus aër: itaque spiritus animales euadunt ex aëre eo, quo diximus modo præparato, & ex vitalibus dictis spiritibus: quæ res à nemine ante me obseruata fuit: de his loquor qui suos de Anatomicis rebus cōceptus in vulgus edidère.

Vsus animalium spirituum.

Tertius ventriculus cerebri.

Nervorum spinalium origo.

Quartus ventriculus cerebri ubi.

Animalium verò spirituum vtilitas, non vnica est: sed ad omnes sensus extenditur: in dictis nanque ventribus, & cauitatibus geniti ad basim cerebri descendunt: vbi tertius adest ventriculus, cauitas scilicet longiuscula, rectaque ab anteriori ad posteriorem tendens cerebri partem. Non procul autem ab hoc ventriculo nervi spinalis medullæ oriuntur: propterea facile est hisce animalibus spiritibus nervos adire & penetrare, aut certè per eos ad organa sensuum deferri atque illis opè ferre iuxta vniuscuiusque actiones, quemadmodum per nervos opticos in oculos delati his actiones videndi subministrant: idem de auditu, de gustuque dictum puta, & de quavis actione, quæ à cerebro proficiscatur. Præter hanc tertiam nuper descriptam in cerebro cauitatē, quartam quoque obseruare licet inter cerebellum, spinalēque medullam: quo loco exiguum adest foramen, à tertia ad quartam, quam dixi, cauitatem permeans: ne existimes tamen adeò exiguum esse hoc foramen, quin peruium non sit animalibus spiritibus, qui

per

per id à tertio ad quartum ventriculum facile admodum transeunt. Atque hic est locus, in quo memoriam contineri aiunt: quartus ventriculus non est admodum capax: atque à tenui membrana continetur: ibi spinalis medulla, ut suo loco dicam, cauitate prædita est instar calami scriptorij, quasi foramen esset, per quod contentos spiritus ad spinalem medullam facile peruenire possent non dubito: supra tertium ventriculum cerebri portionem illi supereminentem videbis satis candidam, quæ callosum corpus appellatur: huic subest alia cerebri portio fornix, & psalloïdes dicta semicirculi figura, vel pontis potius, qui posteriore parte duobus cruribus, anteriore verò vnico duntaxat innitatur. Neque inutiliter callosum corpus, fornicemque natura efformauit: sed ne tertiam hanc cauitatem cerebri moles obrueret, atque repleret. inter has autem particulas cerebri, callosum inquam corpus, & cameratum continetur speculum: ita verò dicitur, quòd diaphanum sit: est autem diaphanum, quoniam nihil aliud est, quàm tenuis cerebri membrana hoc loco duplex: hac duplicatione, ut ita dicamus, tenuis membranæ ventriculi superiores circundantur, qui hinc deorsum redeunt: quod nisi hoc speculum præstò esset, quo pacto dextrum, & sinistrum ventriculum diceres, non equidem video: nam huius vnus membranæ ope diuiditur. Post fornicem in extremo cerebro cerebellum versus, atque in

Iter spirituum animalium a tertio ad quartum ventriculum.

Locus memoria

Canitas in spinali medulla instar calami scriptorij.

Callosum corpus. Fornix, & psalloïdes.

Vsus corporis callosi, & fornicis.

Speculū ubi sit in cerebro cur sit dictum.

Speculum quid sit in cerebro. Pia matris duplicata vsus.

Testes in cerebro.

Clunus.

Foramen ano simile.

Vulva muliebris imago in cerebro.

Glandula pinealis.

Glandula pinealis usus.

Error Anatomicorum in usu conarii.

Pelvis & infundibulum ubi sit & usus eius.

finibus superioris partis tertij ventriculi quadā partes eminentes natura finxit, quæ superiore sui parte testium imaginem referunt, & testes ab Anatomicis vocati sunt: prope quos duæ alia particulae paulò maiores cernuntur, ob earū figuram clunes appellatae: inter quas foramen illud iacet, quod à tertio ventriculo ad quartum progredi diximus, & ano simile videri potest. In anteriore præterea testium parte ad tertium ventriculum tendenti pars alia cerebri tibi occurret, quæ muliebris pubis, vulvæque speciem nō inconcinne, immò verò pereleganter exprimit. Apud hoc corpus glandula visitur duriuscula colore à cerebri substantia diuerso, hoc est aliquantulum luteo, tenui quadam membrana obducta: hæc glandula conarium, pinealisque dicitur: torculari affigitur, & penis figurā perbellè reddit: ita vt in cerebro testium, clunium, ani, vulvæ, penis figura nō desit. Vfus huiusce glandulae mea quidem sententia fuit ob vasorum diuisionem, quamuis quibusdam Anatomicis secus videatur: quòd scilicet factum fuerit conarium, vt spiritus quarti ventriculi clauderet: quod mihi nullo pacto verisimile videtur. In anteriore parte tertij ventriculi cavitatem profundiorē cernes, quæ supra sphenoidis sellam tandē euadit: hæc cavitās pelvis, & infundibulum appellatur: facta vt excrementa in hisce ventriculis genita excipiat, & ad glandulam in sphenoidis sella positam trāsmittat. quæ glandula crassa est

est satis extra duras membranas posita, ad cerebri excrementa suscipienda à Diuino opifice fabricata: atque hic est locus ille, vbi tenuis assurgit membrana, vt hos ventriculos induat. Quà obrem valde miror admirabilem Vesaliū, qui *Vesalij error.* quamuis optimè nouerit peluim, quam dixi, nihil aliud esse quàm tenuem membranam: ignorauerit tamē hanc ascendente ventriculos cerebri inuestire. Sed ille tātoperè exoptabat Galeno contradicere, vt nil mirum sit, si is ab illa incredibili rerum nouarum, & populi gloriola captanda raptus nonnunquam longa errat via. Sed anteaquam ab humano cerebro describendo discedo, hoc adnotes velim, in vniuerso cerebro

quatuor duntaxat enumeratas cauitates *Quatuor duntaxat sunt ventriculi cerebri.* reperiri, præterea nullas, licet aliqui sex esse asseruerent, qui faciunt nā intelligendo, vt nihil intelligant. Causa erroris horum est, quòd anfractuosum deductum duorum primorum ventriculorum non sunt ad finem vsque persequuti, *Cur quidam Anatomici sex putarint esse ventriculos cerebri.*

atque ita eo deductu imprudēter præterito existimarunt binos alios ventriculos anteriore in parte reliquos esse: qui pfectò nihil aliud sunt, quàm portio primorum. Sed posteaquam cerebri historiam absoluimus, consequens videtur, vt de cerebello loquamur. Hoc in posteriore caluaria sub duris mēbranis collocatur, à quib⁹ *De cerebello. Situs.* & à tenui quoque vndique circundatur: eius tamen circumuolutiones dissimiles admodū apparent his, quas in cerebro suprā adnotauimus. *Indumentum. Circumvolutiones.*

*Substantia.**Vermes in cerebello.**Nullū par nervorum oritur ab cerebello contra Galenum.**Substantia cerebelli non est durior substantia cerebri.*

substantia cerebelli (quidquid Galenus dicat) minimè dura existit, suisque gyris tandem deorsum definit in processus binos, quorum figura similis est albis, breuibúsq; vermibus iis, qui in lignis cariosis sæpe cernuntur, quorum usus fuit ut prohiberent, ne quartus ventriculus à cerebelli pondere pressus illius substantia obstrueretur. Sed hoc quod dicam de cerebello admirabilius videbitur: cum tamen verissimum esse non semel, sed sæpius magna cum voluptate in frequēti doctorum corona publicè observaverim. Nullum nervorum par à cerebello exoritur, sed à cerebro solūm, quidquid Galenus opinetur, à quo non sunt omnia accipienda, tanquā ab oraculo. Ipse rationem reddit cur cerebellum durius, quā cerebrum natura efformaverit, ut scilicet nervi duri, spinalisq; medulla inde exorirentur. Sed cerebelli substantia durior nullo pacto est, neque nervus ullus à cerebello originem ducit. itaque ratio Galeni sensui aduersatur, qui in rebus Anatomicis rationibus verissimilibus est præferendus.

De organis odoratus, & Nervis.

C A P. II.

*Processū mammillariū utrum.**Progressus.*

IN anteriore cerebro circa ipsius basim exortus duorum organorum cernitur, quæ olfactilia Græcis, aliis processus mammillares appellantur: oblongi, tenuésque sunt, & ex ipsamet cerebri substantia constant, tenui duntaxat membrana inuoluti. Inter cerebrum, os sphenoides, atque

atque os frontis hæc organa deferuntur: supra hæc duræ membranæ occurrunt intuenti, de quibus supra abundè meminimus. Desinunt odoratus organa in duas crassiusculas partes, atque hæ in os ethmoides ad latus processus cuiusdam sui eminentioris: ad hæc organa odores per nares attracti ascendunt: itaque distinguimus, quæ bene, quæ malè oleant, propterea odoratus instrumenta meritò appellari possunt.

DE NERUIS. CAP. III.

SED quoniam de cerebro proximè locuti sumus, quod tum neruorum, tum spinalis medullæ principium existit, ut sensus contra Aristotelis dogma vociferatur, consentaneum est, ut neruorum Anatomem, quo pacto se habeat, subiiciamus. Sed priùs quid sit nervus describamus. Nervus itaque organum est, per quod sensus motusq; ad vniuersum corpus defertur: quæ nanque neruis carent, sensu quoque destituuntur. Figura nerui oblonga sphaericaque est, substantia mollis: porosos namque fieri neruos oportuit, ut animalibus spiritibus aditus pateat. Tenui & crassa membrana induitur substantia neruorum, ut tutior sit. Deductus eorū per corpus varius est, atque instar riuulorū per tellurem. Neruorū origo est à cerebri basi prope tertium ventriculū: ex his dexteri dextrorsum, sinistri sinistrorsū feruntur. Omnes qui de neruis cerebri scripsere, illos per paria describere, atque omnes vno ore septem aiunt neruorum.

Enu.

Vsu.

Cerebrum est
principium ner-
uorum & spi-
nalis medullæ.
Cur post cer. briū
agat de neruis.

Nervi descri-
ptio.

Figura nerui.

Substantia ner-
ui qualis.

Cur talis.

Cur neruos am-
biat dura & te-
nuu membrana
cerebri.

Deductus.

Origo neruorū.

Neruorū septē
paria.

*Primus par ner-
uorum cerebri.
Substantia.
Exortus.*

coniugia: quo ordine nos quoque de ipsis age-
mus. Primum ergo nervorum par, siue coniu-
gium, sunt nervi bini crassi satis, mollésque,
quorum exortus ab anteriori cerebri basi non-
nihil distat, & supra sphenoïdis sellam uniun-
tur quidem, sed non in crucis morem, quemad-
modum multi falsò opinati sunt, qui quòd in
aibus fortè fortuna viderāt hos nervos incru-
ciari, in hominibus quoque reperiri existima-
runt. Vbi ij, quos diximus, nervi aliquandin cō-
iuncti permansere, separantur denuò, & ad dex-
trum oculum dexter, ad sinistrum sinister de-
fertur nervus. Sed de horum inuolucris pul-
chrum est scitu, illos ab origine, quam dixi, ad
foramen in oculi orbita situm, per quod præter
eunt, tenui duntaxat membrana involutos esse:
inde tamen ad oculum vsque, in quem terminā-
tur, retināque dictam membranam efficiunt,
tum hac, tum dura membrana inuestiri. Hi ner-
ui optici hoc est visui, seu visorij nuncupantur:
quoniam virtutem visivam ad oculos ferunt.
Substantia constant cerebri spongiosa quidem,
sed nullus in illa porus manifestò cernitur: quā-
vis id Galenus asseueret: immodò verò non modò
in homine meatus nullus est in nervo optico
perspicuus, sed neque in bobus ipsiis, aut qui-
busvis grandioribus animalibus. Non est tamē
vllò pacto negandum, cum substantia horum
rara sit, mollisque, quin spiritibus transitus pa-
teat, præsertim purioribus: atque hæc de primo
nervo-

*Ethymologia
nominis.*

*In nervo optico
nullus porus
manifestus.*

Galenus error

*Nervi visui in
bove non sunt
perforati.*

*Spiritus puri
possunt transire
per substantiam
raram nervorum
opticorum.*

neruorum pari. Nunc de secundo verba faciamus. Secundum nervuorum par, primo proximum, fertur per propria foramina, nec non per rimam orbitæ ad quinque musculos oculo famulantes, & ad duos palpebram recludentes, & in quibusdam huius secundi paris ramuli præter dictum iter in musculum temporalem inseruntur. propterea sæpenuerò observare poteris mirum cōsensum oculi, temporalisq; musculi, ut læso temporali musculo oculus quoque lædatur, & è converso. Tertium nervorū par ortum ducit retrò magis versus lateralem partem: duo habet principia, quorum alterum maius est, alterū minus: caluariam penetrat deorsum descendens per id foramen, quod tum huic, tum quarto nervuorum coniugio commune est, in varios furculos scinditur, variâque est illius propterea distributio. Alter namque ramus ad musculum temporalem reptat, alter ad orbitam oculi, per supercilium ad frontem, musculūque palpebram constringentem, & ad musculum, qui nasum dilatat: deinde ad nasum quoque, infinitosque propemodum ramulos procreat. Alius ramus tertij nervuorum coniugij, per eandem quidem orbitam iter habet, sed inferius. transit autē per tertium os maxillæ superioris, per id foramen, quod circa faciei medietatem positum diximus in tractatu nostro de Ossibus. quò postquam ventum est, in multos insuper neruulos diuiditur, qui per labrū superius

De secundo paris nervorum.

Situs. Vfus, & iter.

Læso musculo temporali lædatur oculus & contra.

Tertij paris nervorum ortus. Progressus.

Tertij paris divisio in ramos & usus.

Foramen media facie.

disseminantur, nec non per musculum massetera dictum, perque musculos buccæ: & ipsorum neruulorum portio nasi quoque cavitatē ingreditur. Alius ramus ad superiorum dentium radicem tendit, alius ad inferiorem descendit maxillam, atque huius rami portio ad inferiorum quoque dentium radicem distribuitur: quod reliquum est, prope mentum præterlabitur, ut labrum inferius sentiat. Quartum neruorum par ad eò proximè accedit tertio neruorum pari, ut quarti origo, tertij portio esse videatur. Tertio minus est, cum quo descendit versus os, & in quatuor ramulos secatur, qui per foramina quinti ossis maxillæ superioris transcunt, & per palati tunicā anteriora versus progrediuntur. Duo alij ramuli præterea apud *πρόσφυτα*, styloidisque processus descendunt ad linguæ radicem, perque illius superiore tunicam distribuuntur. Vfus quarti neruorum paris, hic fuit, ut gustus organum esset. Tu verò interim adnota Galenum, Vesaliūque in neruorum distributione deceptos, quippe qui quarti coniugij munus, quod diximus, tertio ascripserint. Erroris verò causā tertij, quartiq; paris viciniam fuisse opinor: nam nisi oculatissimus Anatomicus illorū ductus diligentissimè persequatur, facilè decipi poterit. Quintum verò neruorū par & ipsum ad basim cerebri, & à laterali parte exoritur circa medietatē, foramenq; cæcum ingreditur, labyrinthūq; in osse tēporali situm,

*Quarti paris
neruorum situs*

Divisio.

Vfus.

Galeni & Vesali error.

Causa erroris.

*Quinti paris
neruorum situs*

firū qui labyrinthus in aures ipsas definit. Sed de *Ufus.*
 hoc labyrintho quo se habeat pacto, in tractatu
 de ossibus latius explicauimus: huius quinti ner-
 uorum paris adminiculo audimus. Sed illius hi-
 storiam persequamur. Cū ad labyrinthi di- *Progressus.*
 midium peruenit, crassius redditur, & tantū
 non membranam constituit: hīc illa est cauitas,
 quam nos diligentissimē descripsimus, in qua
 illa tria ossicula admirabilia auditui deseruiē- *Ex tribus ossicu-*
 tia continentur: ex quibus duo Carpus primū *in auditui ser-*
 inuenit, tertium meum inuentum est, vt in li- *uientibus. Car-*
 bro de ossibus legere est. In acutum processum *pus primū, Re-*
 illius ossiculi, quod femoris similitudinē refert, *aldus tertium*
 neruulus definit ab hoc quinto pari deriuatus: *inuenit.*
 ā quo item neruulus tortuosus in hunc labyrin-
 thum inseritur: exit autem per id foramen tem-
 poralis ossis, quod ad radices styloidis positum
 est: hic neruulus versus anteriorem partem fle-
 ctitur, & serpentis instar temporalem muscu-
 lum ingreditur. Causam huiusce rei Galenus
 assignat, vt scilicet neruus durior euaderet, &
 magis resisteret: hoc eodē loco neruulus alius
 inuenitur, qui & ipse tortuosus incedit. Sextū *Sexti parū ner-*
 autem par neruorū ad posteriora basis cerebri *uorum sitū.*
 retrōque magis conspicitur variis sulculis radi-
 cibūque: & per illud foramen descendit, quod
 inter occipitium, atque os temporale situm est, *Distributio.*
 vbi inquam venā iugularis interna ad caluariā
 ascendit: hęc sexta neruorum coniugatio va-
 rio modo distribuitur, ad omnia namque tho-

*Dextri nervi re-
currentis histo-
ria.*

γλωττίς quid.

*Sinistri nervi
recurrentis hi-
storia.*

** γαστήρ.*

racis, abdominisq; viscera sensum defert. Post
eaquàm igitur dexter nervus sexti paris à loco,
quem suprà diximus, egressus est, quosdam ra-
mulos ad musculos hyoïdis, & ad nōnullos la-
ryngis musculos mittit: postmodum descendit
inter venam iugularem, atq; arteriā *καρωτίδα* pe-
nes asperam arteriam ad iugulum vsq;, in cuius
regione neruulus mittitur sub arteria axillari
dextra, qui versus caput reflectitur, & tracheæ
lateribus adhæret, in laryngisq; cavitatem sese
insinuat, & in *γλωττίδα* (est autem *γλωττίς* for-
mandæ vocis organum) implantatur tandem:
atq; hæc est dexteri recurrētis, seu reuersui ner-
ui brevis, fidelisq; descriptio: sub iuguli regione
neruulum à se emittit, tum ad *πλευραν*, tum ad
radices costarum: alium rursus neruulum mit-
tit ad pulmonem dextrū, quod superest descē-
dit œsophago affixum vsq; ad superius vetriculi
orificium: sinistri autem recurrētis nervi histo-
ria prolixior erit aliquantulum. Sinister nervus
recurrens, quum primū à suo fonte scaturit,
ramulos promit ad eosdem musculos, ad quos
dexter: descendit quoque eodē itinere, in si-
nistriq; iuguli regiōe ramulos mittit ad *πλευραν*,
ad costarū radices, & ad pulmonem sinistrum:
deinde descendit adhuc, donec * *βρόγχον* maiō-
rem arteriæ aortes, penè attingat: quo loco mit-
tit neruum, qui sub hac arteria reflectitur, &
sursum, denuo vertitur versus originē suam, as-
peræ adhærens arteriæ: atq; item ingreditur in-
ter os

teros innominatum, & scutalia dicta in parte laryngis interna, & in glottidem ingreditur. Atque idcirco hi sunt nervi celebres, quos tanti facit maximus Galenus, per quos virtus efformanda vocis defertur, propterea vocales etiam vocantur. Hunc usum in viua canis sectione plane perspicere unicuique licet. Si quis enim alterum ex his præscindat, semiuocalis redditur: sin ambo, prorsus obmutescere cogitur. Gal. vij. li. de Usu Part. causam inquit, quamobrem natura sinistrum recurrentem nervum ad arteriam axillarem sinistram non converterit, eumque in huiusce rei æquilibrium inuenio sibi omnino non satisfacere: nam hoc argumento dimisso glottichomij organi descriptionem aggreditur. Non est tamen villo pacto à Græcis hominibus Gale no detrahendum, præsertim in hac materia de recurrentibus nervis. Quamvis enim veram causam supradictæ rei non attigerit, sua tamen diligentia, & incredibili cupiditate inuandi, posteris primus nervos reuersiuos ostendit: in qua inuentione, ut Græcis hominibus mos est, se subinde effert. Ab hoc sinistro recurrente alius ortur nervulus, qui sequitur radices magnæ arteriæ, & per cordis tunicam distribuitur: sed ob suæ exiguitatem ad illius substantiam minimè penetrat: & hæc vera causa est, cur natura sinistrum reuersiuum nervum sub magna arteria reflexerit, non autem sub axillari, ne scilicet nervus iste adeò tenuis, atque exilis in cordis motibus, qui perenes

Usus nervorum reuersiuorum in viua sectione canis cernitur.

Gal. in reddenda causa cur sinister nervus recurrens non converterit ad arteriam axillarem sinistram non satisfecit sibi.

Galenus primus inuenit nervos recurrentes.

Alia distributio.

Vera causa cur sinister recurrens non reflexatur. Sub arteria axillari.

*Alia distribu-
tio.*

*Cur os ventriculi
sit sensu adeo
exacto.*

*Cur os ventricu-
li appellatur
καρδια.*

*Alia distribu-
tio.*

*Alia distribu-
tio.*

*Septimi parii
nervorum situs
A cerebro non a
cerebello oritur
Septima nervo-
rum coniugatio.
Galeni error.*

sunt, dum animal spirat, disrumperetur. Quod
superest huius recurrentis nervi, descendit œso-
phago adhærēs vsque ad superius ventriculi ori-
ficiū. Quam primū autem tum dexter, tum
sinister recurrens nervus ad hoc, quod dixi, ori-
ficiū ventriculi superius pervenit, in multos
neruulos quasi retis in morem diuiduntur, &
hoc orificiū amplexantur, & hanc ob causam
tam exacto sensu præditum est, vt in oris ventri-
culi doloribus cor ipsum dolere videatur: hinc
cardiacus dolor dicitur, quod καρδια Græci ve-
teres os ventriculi appellauerint: quoniam ipso
læso eadem penè symptomata, eadē animi de-
liquia consequantur, quæ ad cordis læsionem
consequi consueuerunt. Dexter itaque ex hoc
loco ad membranā iecur inuoluentem tēdit,
& hic neruulū parit, alium quoque præter
hunc ad bilis vesiculā designatum, alium in-
ferius ad sinistrum renem, & præterea ad supe-
riorem omenti partē mittit insuper ramulos
ad mesenterium. Eodem pacto à sinistro recur-
rente mittitur nervus ad lienem, ad inferiorem
omenti partē, ad renem sinistrum, & ad vesic-
am: atque hic est finis nervorum recurrentiū
in maribus, in foeminis autem præter dicta loca
ad vterum quoque delegantur. Septima nervo-
rum coniugatio versus occiput magis originem
habet suam: sed à cerebro & ipsa, non à cere-
bello, vt Galenus voluit, variis radicibus per-
exiguīs referta est, illi propriū foramen dica-
tum

tum est obliquum in occipite : vbi verò calu-
 riam egressa est, versus anteriora primùm repit:
 deinde scinditur in neruulos complures ad mu-
 sculos linguæ, hyoïdisque & laryngis delatos:
 quorum maior sub maxilla inferiori discurrit,
 nec non sub lingua vsque ad eius extremum, vt
 illam sensus in vniuersum, motusq; participem
 reddat. Quartum verò par, vt diximus, gultan-
 di sensum illi priuatim defert. linguæ enim mu-
 nus inter reliqua est saporum discretio. Atq; hæc
 sunt breui descriptæ septem neruorum coniu-
 gationes, de quibus tum veteres, tum recentio-
 res meminere. Tamen duo alij neruuli adhuc
 restant in caluaria, & ipsi describendi, ex quib⁹
 alterum olfecit Vesalius noster, alterius (quod
 sciam) nemo ante me quicquam meminit. In-
 quit itaque Vesalius neruū hunc esse quinti pa-
 ris radicem, fortè ne ab aliorū Anatomicorum
 placitis facile abscedere velle videretur, aut ner-
 uorum historiam confundere. Mihi verò octa-
 uum par neruorum cerebri videtur esse, quod
 vnus Vesalius vidit quidem : sed inter quintæ
 coniugationis radices adnumerauit. Sub basi
 cerebri versus anteriora incedit, & per propriū
 foramen in sphenoïde collocatū transit ad mu-
 sculum temporalem, latitantēq; & massete-
 ra, & à quinto neruorum coniugio illius distat
 origo. Nonum par neruorum, cuius neque Ve-
 salius ipse verbum fecit, quodq; ego primus in-
 ueni, est neruorum exilium par, ortum ducēs à

*Duo nerui præ-
 ser septē paria.*

*Vesalius excu-
 satur.*

*Descriptio octa-
 ui parū neruorū
 cerebri.*

*Noni parū ner-
 uorū descriptio.
 Nonū par ner-
 uorum cerebri.*

binis illis cerebri processibus, qui nates appellantur penes testes: tenues satis sunt, & exiles, vt dixi. faciem versus accedūt, transeūntque apud tertium, & secūdum par, atque in tertium palpebre muscūlum inferuntur. ramulus tamen huius noni paris ad quintū muscūlum oculi deferitur. Sed si quis rei nouitate commotus, hæc duo paria neruorum nō admittat, sed aliorum radices esse contendat, nihil moror. Mihi sat est locū admonuisse, digitōque fontem ostendisse, ne aliquis in cerebro neruus prætermisus negligentia nostra videatur. Animaduertendū præterea est Galenum velle neruos sensum deferētes ab anteriori cerebri parte exoriri, motiuos verò dictos à posteriore. Sed pace Galeni dixerim (quem tamen semper maximi feci) sensus dictat, motiuos, durōsq: quoq: ab anteriore parte originem ducere, vt secundum, tertiumq: coniugium. Adde nei uos omnes, cū à visoriis, & sensum deferentibus discesseris, non modò sensum, sed motum etiam deferre. Sed cū historiam neruorū cerebri, breui, & dilucidè absoluimus, tēpus est, vt de spinali medulla pertractemus, quæ elongatum cerebrum videtur esse.

De Neruis medullæ spinalis post caluariam.

CAPVT IIII.

*Continuatio libri
huius tractatus cum
superiore.*

CVM Cerebrum hætenus descripsimus, & à cerebro exorta nouem coniugia neruorum quāta potuimus breuitate, ac minori quo fieri potuit, vel nullo potius contradicendi studio,

dio, iam illi sunt nobis nunc nerui describendi,
 qui à spinali medulla post caluariam exoriuntur:
 sed antea dicam⁹ quid ipsa sit medulla spinalis:
 hæc nihil aliud est, quàm cerebrū oblongū, illud
 quidem per vertebrae & sacrum os deductum.
 Est autem eadem cum cerebro substantia: quare
 nihil mirum est, si quemadmodū cerebrū ipsum
 absq; vlla Anatomicorum controuersia frigidū
 est, ita frigida ipsa quoque sit, quidquid dicat
 Peripateticorum princeps Aristoteles, qui cū
 frigidissimum esse cerebrum asseueret, calidissi-
 mā esse inquit spinalem medullam, quæ senten-
 tia ita absurda est, vt tanto philosopho indigna
 non esse non possit. Sed ad rem redeamus. Licet
 spinalem medullā perpetuò dicamus, eadem à
 summo ad imum nomenclatura vtentes, scito
 tamen substantiam eius in homine ipso nō esse
 quemadmodum in brutis ad extremum vsque
 medullarem, sed in homine ad lumborum ini-
 tium vsque duntaxat medullam refert. Differt
 spinalis medulla à cerebro in duobus. nā primò
 cerebrum diastolen & sistolen habet instar cor-
 dis, vt suo loco explicauimus, at spinalis medul-
 la motu caret: secundò per ossa quæ mouentur
 deferri medullam hanc conspicaberis. stabilia
 autem sunt cerebrum ambiētia cranij ipsius os-
 sa. Duplex igitur est spinalis medullæ princi-
 pium, ex quibus hoc maius, illud minus exi-
 stit: maius à cerebro emanat, à cerebello minus.
 quod à cerebro deducitur vnicū est, quod autē

Medulla spinalis quid.

Spinalis medulla frigida est. Aristot. error.

Substantia medullæ spinalis qualis sit in homine.

Differētia cerebri, & spinalis medullæ.

Spinalis medulla principium duplex.

Principium spinalis medullæ matris.

Ortus spinalis medullæ unde. Error nonnullorum.

Spinalis medulla ubi crassior.

Galenus & Vesalii error.

Involucrum spinalis medullæ.

à cerebello bifidum, itaq; tum in dextrum, tum in sinistrum diuiditur: sed ad maiorem spinalis medullæ originem reuertamur: ita à basi cerebri proficiscitur, vt ipsa cerebri basis videatur esse: si enim originem illius vt circumscribitur, verè consideretur, à neruorum opticorum origine parum distare comperietur. Oritur igitur, vt apertius dicamus, spinalis medulla ab anteriore cerebri parte: hîc enim candide lector, eius origo sumenda est, non autè, vt nonnullis placet, cùm vertebrae ingreditur, quo loco nulla donatur circumscriptione. Cùm itaque tam excelsa in loco eius origo cõstituenda sit, ita enim verè exoritur, adnotandum est cogi nos fateri, tertium, quartum, quintum, sextum, septimum atq; octauum neruorum par nõ à cerebro, sed à spinali medulla exoriri. Dum hæc perforamen occipitij egressa, vertebrarum foramen primum ingreditur, in hoc primo descensu crassior est aliquantulum, quàm in reliquo itinere. Cùm verò ad summum thoracem peruenit vsque ad summitatem ossis sacri, equali crassitie cernitur licet Galenus & post ipsum Vesalius in hoc mirè decipiãtur existimãtes spinalis medullæ substantiam nervis gignendis absumi: est enim ratio ipsorum voluntaria potius verisimilisq;, quàm vera, cùm sensu oppositum pateat, quòd scilicet in sacro dūtaxat osse tenuior existit. Caluariam egrediens medulla spinalis tum pia, tum dura matre circundatur, itaq; neruos quos ex se promit

mit circumdat, cūque illi per ossa quæ mouen-
tur transeundum esset, quod cerebro minimè
vfu venit, natura aliam membranā tenuem su-
perinduit, ne ab ossis duritie læderetur. In qua
membrana tota errat via Galenus noster, in hoc
parum anatomicus: nam hanc, quam tertiam
tuniculam libro de Ossibus appellat, ligamen-
tum esse existimauit, quo vertebræ vnà conne-
cterentur. Quæ sententia falsa admodum est: nā
vertebræ propriis ligamentis nullo sunt pacto
destitutæ, quemadmodū in nostro tractatu de
ligamentis fusiùs explicauimus: quis enim non
videt tuniculam hanc tenuem colligandis ossi-
bus, quæ tātōpere mouentur (sæpe namq; mul-
tūmque mouentur vertebræ ipsæ) idoneā nul-
lo pacto fuisse? Spinalis igitur medulla ad extre-
mum vsque thoracem duntaxat medullosa est,
sed cum progreditur neruosa euadit, hoc est fu-
niculorum instar, cuiusmodi ipsius neruōs cer-
nes: hoc autem ob ipsius diuisionem factū pu-
ta. Ex hac historia causam faciliè venaberis, quid
sit quamobrem materia per spinalem medullā
descendente læsio maior inferiore parte præ-
sentiatur. In promptu causa est: quoniam hoc
loco neruea est spinalis medulla, cū in aliis
partibus medullam præ se ferat. Medullosi au-
tem vocē huic substantiæ improprie (ni fallor)
adscribimus, cū illi medullæ qua ossa ali di-
cūtur, nihil certè simile habeat, sed cerebri po-
tius substantiæ affinis esse videatur. præterea fal-

Galenus error.

Spinalis medulla cum progreditur, fit neruea

Cur læsio in inferiore parte spinalis medullæ sit maior.

Galenus error.

Spinalis medullæ visus.

De primo pari nervorum medullæ spinalis.

Mira naturæ providentia.

Primum par nervorum spinalis medullæ.

sum illud quoque esse palam prospicies, quod Galenus secundo de Temperamentis libro scriptum reliquit, spinalem scilicet medullam ea medulla qua ossa nutriuntur, molliorem esse. Creavit illam altissimus rerum omnium opifex, humanæque fabricæ admirabilis architectus, ut ab ea nervi exorirentur, qui tum sensum tum motum ad reliquas corporis partes deferrent, quæ omnia, motum inquam & sensum cerebrum suppeditat. Igitur posteaquam à calvaria exiit hoc nervorum coniugium, inter occipitiū primamque; cervicis vertebra primum nervorum par adeo clanculum emittit, ut mirabile videatur esse spectantibus, atque adeo naturæ miracula speculantibus & introsipientibus, quo pacto exeat ne in motibus capitis læderetur. Exit itaque hoc primum nervorum par (cur enim hoc quod est pulcherrimum non repetemus?) à posteriore capitis parte inter occipitium primamque vertebra: quod ut fieret facilius cavitatem quandam parvam observato à natura factam tum in occipitio, tum in primæ vertebrae parte illa, quam in spinam desinere oportebat. Post exitum hæc nervorum coniugatio in nervulos spargitur ramulosque perexiguos, neque id mirum, est enim ipsa quoque exigua: ad illum musculorum chorū distribuuntur, quos parvulos esse capitique deferuire suo loco diximus: oriebantur autem à prima vertebra atque ad occipitium deferrebantur, rursus ab occipitio ad vertebra secundam,

secundam. sed ad primum neruorum par redeamus. prius quàm exeat supra spinalem medullam, reflectitur, quæ res spectatu pulcherrima est, & iucundissima. At secundum neruorum coniugium seu par, cùm per vertebrarum latera egredi nequeat, binis principiis insignitur. Ex quibus quod maius existit, per posteriora emergēs fertur hinc atque hinc per latera spinæ secundæ vertebræ. vbi egressum est, in furculos cōplures diuiditur, qui sursum reflectuntur & ad capitis cutem, ad aures & ad nonnullos musculos tendit. alterum eius principium, quod est minus, per anteriora egreditur inter primam secundamque vertebram à dentis lateribus (scitis autem nomine dentis quid sit audiendum, cùm de secunda vertebra cervicis sit mentio). Distributio verò huius est ad quintum musculum laryngi atque œsophago communem. Tertium par neruorum spinalis medullæ exit per foramen secundæ & tertiæ vertebræ commune ab earum lateribus, vt de aliis audistis, deinde in quatuor furculos primò diuiditur, postmodum in alios complures, adeò pulcherrima fiat huius tertij neruorum cōiugij distributio tum in nonnullos capitis musculos: tum in oblongum illum quadrangularem à carnea membrana profectum, qui labrum obliquè deorsum trahit. distribuitur etiam ad longum illum musculum scapulam sursum trahentem: & ad cutem colli disseminatur. Quartum par

De secundo pari neruorum spinalis medulla.

De tertio pari neruorum spinalis medulla.

*De quarto pari
sp: n sū medu-
la.*

inter quartam tertiamq; vertebram exire vide-
bis per foramen vtrifq; comune, quod de sub-
sequentibus quoq; omnibus intelligendū est,
quod memoriæ mada: nolo enim hoc idem de
exitu neruorū per foramē duabus vertebrais cō-
mune ampliū in hoc tractatu repetere. Vbi exi-
uit, secatur in furculos multos, ex quibus aliqui
ascendūt descēdūtq; alij per posteriorem par-
tem reflectūtur. Hæc summa est magnā esse hu-
ius quarti neruorū paris distributionem: neruu
li in iuper ab hoc mittūtur ad musculos ceruici
deseruiētes, necnō ad musculū cucullarem di-
ctum. Ex anterioribus autem nōnulli in muscu-
los itomacho substratos inserūtur, & vn^o ex his
tenūis admodū vnitur cum ramo quinti paris,
& quintus cū sexto, ex quibus tribus principiis
nerui illi cōstituuntur, qui ad septū trāuersum
proficiscuntur descendentes iuxta mediastinū,

*De quinto pari
spinali medu-
la.*

*Diuisio & di-
stributio.*

ac supra pericardium. Quinti paris exitus est
inter quartam & quintam vertebrā, hoc in mul-
tos neruos diuiditur, tum anteriores, tum po-
steriores. Ramus anterior qui magis est conspi-
cuus, vnitur cū ramo quarti paris, & in quibus-
dam ramulum à subsequētibus suscipit: hic ner-
uus nunc à tribus constructus descendit ad la-
tus œsophagi per anteriora vertebrarum colli,
descenditque semper ad nerveā vsq; septi trans-
uersi parrem, in qua parte huius nerui terminus
adeſt. Sed in nonnullis (vt iam suprā attigi)
exoritur à quarto pari. Sed hoc raro videbis,

nam

nam sæpius oritur à quinto. Quum primùm autem ad thoracis cavitatē peruenit, natura prudens, ne ob assiduum pulmonum motum dirumperetur, membranis illum colligauit suprà infraque, & vt dixi transit suprà pericardium. Huic neruo vena se comitē prabet. At inquires cur summus rerum opifex Deus tanta arte hūc neruum muniuit? ego verò respōdebo illud ob *Septum transversum.* septi transuersi nobilitatem factum fuisse est enim musculus rarus ac nobilis, immò verò musculorum omnium humani corporis nobilissimus existimatur. Quod reliquum est huiusce quinti neruorum paris variè distribuitur, ramū namque vena atque arteria comitante per medium illud mittit foramen, quod in posteriore scapula situm est, ibiq; ad musculos disseminatur è scapula exortus quiq; humero dicantur. Alius ramus descēdit per colli latera, vt ad *trapeziā*, & ad cucullarem musculos distribuatur. Alij rami tendunt ad humerum, alij ad quadratum musculum labra obliquè deorsum trahentem, item ad quartum musculum hyoïdis, alij rami cavitati scapulæ mandantur, vbi ad musculum in eius cavitare latitantem disseminantur, & ad secundum thoracis musculum, nec non ad cutem ibi positum. Et quoniam quinta hæc neruorum coniugatio ad musculos humero deferuentes disseminatur, placuit Vesalio illam inter brachij neruos connumerare. Ego vero quoniam nō transit vnā cum quinque neruis

*Vesalius excusatur.
Opinio propria.*

*Cur de nervis
manus partem
latam agat.*

manus, illam inter manus nervos nullo pacto adnumerabo. Qui manus nervi quoniam eorum Anatome fidelis & perspicua exoptata admodum est, atque expetita, quippe quæ scitu digna sit, ego de illis mox priuatim agam capite peculiari, ut omnia faciliora reddantur, & perspicua magis.

De Nervis manus. C A P. V.

*Manus est organum
organorum.
Manus est organum
ante organum.*

*Cur tot organa
in manu.*

*Cur tanta arte
constructa.*

*Cur quinque paria
nervorum in
manu.*

*Ortus quinque
parium nervorum.*

Ubi ununtur.

Ubi separantur.

*Cui vulnera ad
scapula processum
internum
sunt lethalia.*

MANUS, ut diuino Aristoteli rectè videtur, organum est organorum, atque organum ante organa, quæ eo quo cernitis artificio fabrefacta est, ut liberis minimèq; impeditis organis prædita esset, & ut sensu tactus acerrimo polleret, quinque nervorum paria natura ad manum ipsam relegat, tria nimirum ad extremos digitos, duo ad extremam usque manum. Quæ quinque memorata paria nervorum à spinali medulla ortū ducunt, egressa per cōmunia foramina vertebrarū colli subsequentiū & à prima thoracis: ununtur hæc adeò postquā egressa sunt, ut hoc ab illo nervorum coniugiū distinguere difficillimum sit vel illi, qui magnos progressus in Anatome fecerit, separatur tamē deinde, videturq; rete quoddam cōstituere, vel quid simile cordulis illis & infulis, quæ in Cardinaliū galeriis Romæ cernuntur. Hæc quinque paria nervorum eodē itinere sub clavicula incedūt, nec non ad scapulæ processum internū, quo loco sociæ quæque trāseūt venā basilicā, & axillaris arteria, propterea ne mireris si Anatomes peritus medicus vulnera

vulnera hac in parte accepta formidosa esse & timoris plena assistentibus prædicet. Sed de singulis separatim agamus. Primum igitur par nervorum manus quod inter quintam ac sextam vertebram fertur, ubi ventum est ad cavitatem sub alis nervum emittit ad primum thoracis musculum, alium ad secundum scapulæ, ramum quoque; alium ad primum & secundum cubiti musculum, à quibus flectitur: transit deinde (si eius progressum persequare) sub primo musculo bicipiti per internam humeri partem, sed post cubiti flexuram venæ comuni se socium præbet, atque una secunda ad extremam manum deducitur, interim variis in locis ramulos ad cutem ipsam mandar. Secundi paris transitus per eundem est locum, de quo in primi paris itinere verba fecimus, tres nervos ad musculos humero famulantes mittit, ex quibus unum per illud scapulæ foramen exit, quod sub ala latitat, variè primò distribuitur, deinde recta fertur ad flexuram usque, parte humeri anteriore, inter cubitum ac radium præteriens, in flexura verò ramulos mittit ad quartum musculum, quintum ac sextum, à quibus uniuersi quinque digiti flectuntur: at ubi radij medium prætergressum est, nervulus emittitur satis apparens, profundus, qui intredit adhærens ligamento illi, quod inter cubitum radiumque situm est, tandem in musculum quadratum implatur, qui, ut nostro de musculis tractatu explicauimus, penes brachiale situm manum agit in pronum

*De primo pari
nervorum ma-
nus.*

*Post cubiti flexuram nervus
cum venâ com-
muni.*

De secundo pari.

Vesalij error. quamvis Vesalio nostro secus esse videatur. Maior huiusce nervi truncus cum magis descendit atque inferiora petit, transit sub ligamento brachialis interno, quo loco ramulos parit musculus pollicis dicatos, & alios ad portionem eorum musculorum quos oblongos esse diximus, & à quinti musculi tendinibus exoriri: alios insuper ramulos mittit ad partem illorum musculorum, qui à postbrachiali exorti, primos articulos digitorum flectunt: hoc itinere peracto in ipsa manus vola in quinque nervos, quod plurimum est, sed quandoque in septem secatur. Horum quinque duo per latera pollicis ad illius extremum usque pergunt, interim ad cutim surculi ex illis pullulant: duo alij ad indicem vel potius ad indicis extremitatem usque mittuntur, cutim interim propaginibus subeuntes: quintus verò per internam digiti illius partem graditur, qui medius appellatur, sed in quibus septenario numero donatur (donatur enim in nonnullis) sextus per externam regionem medij digiti, septimus per internam auricularis iter habet. Tertium par nervorum qui manui addicti sunt, per eundem locum iuxta internum humerum & inferiorem cubitum fertur, deinde supra articulum inter olecranon & internum humeri tuberculum, ubi surculos profert, qui per primum musculum à quo fit, latus tendo; disseminantur, item ad secundum, tertiumque brachialis musculum, deinde progreditur iuxta longitudinem cubiti

*In vola manus
nunc quinque
nervi nunc septem.*

De tertio pari.

cubiti internam, cuius dimidium, & amplius
vbi præteriit, in duos ramos inæquales finditur:
alter nanque maior est, alter verò minor, & co-
rundē alter introrsum fertur, extrorsum alter.

Interior transit sub ligamento brachialis inter-
no, ibique ramusculos producit ad primū illū
musculum, quem ego primus observavi latum
tendinem dilatantem: deinde ad sextum à quo

*Musculū à quo
latum tendo di-
latatur, primus
invenit.*

minimus digitus ab aliis deducitur surculos itē
profert aliis musculis dicatos qui digitos exten-
dunt, quos à tendinibus quinti musculi tertium
digitorum articulū flectendis brīi suo loco di-
ximus: mittit præterea ramusculos alios ad reli-
quos musculos primum intervodiū flectētes,
quique ossibus postbrachialis adharēt, hoc per
acto in tres nervos disseccatur, & nonnunquam
in quinque, qui in extremos digitos terminū
habent, per latera auricularis, & anularis delatī,
licet in quibusdam in medio digiti medij tistat:
mittit insuper ramusculos ad cutem, atque ad
volam ipsam: quamobrem pars interna manus
adeò acuto atque exquisito sensu tactus præ-
dita est: minor ramus per exteriora illius tran-
sit, & suprā brachiale reflectitur: in trēsque ra-
mos finditur: & nonnunquam in quinque per
superiora postbrachialis, & per latera auricula-
ris atque anularis, nec non per medij dicti digiti
medietatem, ad quorum extremum vsque defe-
runtur, quemadmodum de internis diximus.

*Cum interna ma-
nus adeò sent-
at.*

In hoc tamen differunt, quòd interni externis

*De quarto pari
nervorum man-*
us.

multò maiores existunt: fuitque hoc prudentis naturæ optimum consilium, quippe quæ non ignorabat externa internis facilius lædi posse. atque hætenus de tertio pari neruorū manus: nunc de quarto. Quartus neruus, seu quartum coniugium, omnibus nervis qui in manu cernuntur maius existit eodem cum aliis exitu atque itinere, sed cū ad humeri dimidium plus minus deventum est, ad exteriora illius ac superiora reflectitur, atque ex hoc loco paruuli neruuli emanant ad binos musculos cubitum flectentes, deinde ad alios musculos exteriores, & ad humeri, cubitique cutim. delitescere quoque comperies inter alios musculos quartum hunc quem nunc describimus neruum, & per cubitū ac radium tendere ramulos ad illos etiam musculos emittentē, qui à medio cubito exorti pollicis suam operam præstant. Sed cū ad brachia le prouenit, illico quasi truncus in quinque ramos scinditur, ex quibus bini ad pollicem relegantur ad indicem bini, quintus autem ad medij digiti extremum usque, instar aliorum. Ex illis autē quos ad pollicem proficisci dicebamus surculi paruuli exiliunt ad musculum qui inter pollicem & indicem locum habet: illud etiam præter hætenus dicta obseruato, magnā esse huius quarti nerui ad exteriores cubitū musculos distributionem. At quintus tenuis admodum est & cutaneus, cuius ramuli humeri, cubitique cutem sensu præditam reddunt: mittit quoque ramos

*De quinto pari
nervorum manus*

mos sub ala. quod reliquū est venam basilicam comitatur, propterea huius nerui idem est cum basilica deductus, è quo furculi variè per cutim ipsam distribuuntur, & tandem ad extremā manum definit. Ab hoc eodē neruo quinto sub iugulo mittuntur nerui ad septimum capitis musculum, ad primum & quartum hyoïdis, ad primum & secundum thoracis, ad septimū humeri, nec nō ad binos musculos ceruicem in latus trahentes. atque hic est locus è quo neruuli ad membranam carneam demāantur, deinde ad colli cutem. Itaque se habet neruorum manus distributio, cuius historiam breui prosecuti sumus, sed anteaquam ab hoc argumēto discedamus, scito fūculos & propagines exiguas neruorū manus eodem pacto in omnibus hominibus non distribui, licet in truncis ipsis rardē admodū varietas notatu digna reperiatur. si enim in hoc per medium musculum tenderet, in illo prope latera, nihil est quod in re Anatomica veratos in admirationē trahat, & quoniam in illis qui vulnerātur, quandoq; sensus amittitur, licet motus integer maneat, in aliis cōtrā motu amisso sensū permanere, cōplures existimarūt duas neruorum differētiās vbiq; reperiri, vel vt aperitiūs dicam⁹, vbi neruos adesse oportuit, duplex adesse neruorū genus, alterū motum afferre, ab altero sensum afferri, sed hæc opinio in illis in eadem sententia locum habuit, qui veram neruorū distributionē ignorabāt. tu verò scito ner-

*Chr in vulnera-
tu quandoque
sensu, quando-
que motu amittitur, quando-
que uterque.*

uos ad cutim desinentes, quoniam cutis motu caret, sensum duntaxat afferre, eos verò qui musculis addicti sunt, sensum motumque illis impertiri. Quocirca si nervi cutis sauciantur, aut si illos noxia materia læcessit & detinet atque preoccupat, quid mirum si cutis ibi non sentiet? & quoniam nos dum cutim tangimus, cutis nobis duntaxat sensus occurrit: neque enim sunt in superficie musculi, si illi nervi læduntur, qui in musculos inseruntur, illis illæsis qui feruntur ad cutim amitteretur quidem motus, sed peritabit sensus: quòd si vtrique noxa illata fuerit, & sensus & motus peribunt. hæc autem noxa intelligitur illata nervo priusquam musculum in loco qui retrahi possit & contrahi, quòd factò vniri & coalescere nullo pacto possit: si enim nervi læsio contingat in ea parte, quæ iam musculum ingressus erat, vniri potest, neque sensus motusve amissio perseverabit, quemadmodum ego sapientinero expertus sum in multis ægris, qui mihi indies innumerabili multitudine curandi proponuntur, quod etiam Ludouico Philippino, viro docto familiari meo Anatomes studio solubens ostendi.

*Læso nervo quā
de non amittitur
neque sensus
neque motus.*

De nervis thoracis. CAP. IVI.

*Cur nervi thoracis
sint minores
nervi manus.
Nervi thoracis
sunt paria undecim.
Error Vesalii.*

THORACI nervi multò minores contigere, quàm manus, neque enim tantos esse necessarium fuit: sunt autem vniuersi paria undecim, non duodecim, ut Vesalio placuit, quem miror non animaduertisse, cum tamen oculatissimus

sinus fuerit, vertebrae licet duodecim numero sint, tamen foramina vndecim habere, non plura, totidemque esse costarum interualla. OriunOrina.

tur hi quoque à spinali medulla: exeunt verò è foraminibus vertebris thoracique cōmunibus: nēque tamen ab his vt à neruis manus rete constituitur: & ne longam adedò prolixāque de neruis thoracis historiam texamus (quo enim pacto possemus prolixitatem effugere, si vnum quemque sigillatim & seorsum describeremus)

Cur de neruis thoracis agat in unum sum.

de omnibus simul hæc audito. Post eorū egres-
sum è foraminibus vertebrarum bipartitos cer-
nes, non tamen æqualiter: etenim ex his alter maior, alter minor existit, & alterum anteriora versus, alterum versus posteriora reflecti secundo facillè cernes: anteriores igitur sub costis progrediuntur per partē inferiorem, vbi sinus ille per costarum longitudinem cernitur, de quo in libro de Ossibus proprio capite loquuti sumus: atque hoc comitantur rami venæ sine pari nec non rami arteriæ magnæ, quæ tria vasa, neruus inquam, vena, atque arteria, per eundem locum transeunt, nimirum sub succingente membrana à vertebris ad sternon vsque, iuxta longitudinē costarum atque earum cartilaginum, tanquam lineæ paralelæ & equidistantes prope musculos intercostales incedunt: in quos externos inquā, atque internos ramulos mittunt. Qui musculi numero sunt sexaginta octo, vt in nostro tractatu de musculis latius explicauimus, præter hanc

Diuisio & distributio.

quam hæcenus descripsimus neruorū thoracis distributionem, alij sexto thoracis musculo sensū afferūt in parte eius interna collocato, quiq; anteriora ipsius constringit. A superioribus autem nerui fluunt per primum humeri musculū, nec non per secundum scapulæ: deinde ramuli alij proficiscūtur ad mammillas & ad mammillarum papillas deducti ex his neruis, qui ordine consequuntur, deinde deorsum magis à neruis qui in media thoracis regione collocantur pululant nerui qui ad musculos abdominis obliquos descendentes demittuntur, in quo magna horum fit distributio. à postremis autem thoracis neruis alij deciduntur, quibus gaudet septi transuersi pars carnea. Quod restat horum anteriorū neruorum tum ad cutem thoracis, tum ad partem cutis abdominis distribuuntur. Neruos item mittunt ad musculos œsophago substratos, & ad radices costarum. cum his autem neruis sexta neruorū cerebri coniugatio implicatur. Altera horum thoracis neruorum diuisio ad posteriora ipsius reflectitur, & à superioribus enixi nerui sensum deferunt primis, secundisque capitis musculis, ad musculos cervicis ad quintum sextūque humerum circumagentē, ad primum & quartum scapulę, ad thoracis tertium, & ad scapulę cutem: alij proficiscuntur ad musculos dorsales, & ad quartum thoracis, ad cutem dorsi distribuitur. Illud tamē animadvertendum est, hanc cutaneam neruorum distribu-

Cutanea distributio neruorum

tionem

tionem non esse in omnibus æquatā, propterea
 neque alibi in aliis corporis partibus superficiali-
 riis certo ordine atque examussim describi ab
 Anatomico quātumvis accurato potest aut de
 bet: nam neque certum ordinem, neque nume-
 rum certum obseruare possumus, quoniā nunc
 in plures ramos, nunc in pauciores sese trunci
 exerunt atq; explicant, & nunc altius, nunc de-
 cliuius eorum fit distributio atque iter.

De nervis lumborum. CAP. VII.

QUONIAM Lumborum regio, ut in libro
 de Ossibus dicebamus, thoracem imme-
 diatē sequitur, post historiam de nervis illius,
 lumborū nervos describere operæpretiū duxi.
 Sunt lumborū nervi thoracis nervis maiores:
 & quamvis ratione superiūs adducta, dum de
 numero nervorum thoracis loqueremur, cūm
 in quinque vertebra lumborum quatuor dun-
 taxat foramina reperiantur, quatuor nervorum
 paria solūm, nō quinque esse deberent, sunt ta-
 men coniugia nervorum huius partis quinque
 numero, quoniam inter extremas thoracis ver-
 tebras & primam lumborum incedit primum
 nervorū par, quod cūm ab vltima costā recedat
 inter lumborum nervos potiūs quā thoracis.
 adnumerandū est: addit quod vētri inferiori de-
 serviunt, nō thoraci. Hæc itaq; prima cōiugatio
 nervorū, qui lumbis addicti sunt, egreditur per
 foramen illud cōmune, quod est inter duodeci-
 mam thoracis vertebra, & lumborū primam,

*non est in omni-
 bus eadem.*

*Cur post nervos
 thoracis agat de
 nervis lumborū*

*Nervi lumborū
 maiores nervis
 thoracis.*

*Cur sint quin-
 que paria ner-
 vorū in lumbo-
 rum, licet qua-
 tuor tantū sint
 foramina in ver-
 tebris lumborū.*

*De primo pari
 nervorum lum-
 borum.*

tenuis est satis & sub peritonæo progreditur, post egressum finditur in ramos binos, quorum alter altero maior existit, qui maior est ad anteriora quidem fertur, sed prius ramusculos parit in principio septi transversi: quod septum à corporibus vertebrarum lumborum exoriri suo loco diximus: alios insuper ramulos mittit ad principia quinti femoris musculi cognomento lumbalis, & alios ramos ad musculos abdominis, qui verò est minor nervus ex hac prima coniugatione ad posteriora reflexus, in musculos dorsum terminatur. Secunda coniugatio exit inter primam secundamque lumborum vertebram, sub peritonæo graditur, & sub quinto femoris musculo, in quem ab hoc quoque coniugio ramuli immittuntur: allurgit deinde, sub peritonæo tamen, & à summo ossis ilij ramus deciditur, qui abdomen exiliens primis femoris musculis & tibiæ sexto sensum motumque afferunt: at ramus alius mittitur ad sextum musculus femoris & ad tibiæ primum, superatamque parte superiore ossis ilij ad femoris cutem: ab hoc eodem secundo pari exoritur nervus tenuissimus, & oblongus, qui vasa seminaria comitatur, & tandem in testiculum delinquit: quem nervulum nonnulli *κρεμαστήρας* appellant, qui mirè decipiuntur: neque enim nervulus hic quem nunc describimus, neque vasa seminaria cremasteres dixeris, sed fibras illas carneas in darto collocatas: illæ fibræ carnea, carnea inquam illæ fibræ darti, cremasteres

*De secundo pa-
ri nervo lumbi
baryto.*

*Error nonnullorū
tūto.*

*Quid sit crema-
stēras.*

steres verè sunt, nō vasa seminaria aut neruulus in testem immissus. Exit tertia neruorum lumborum coniugatio inter secundam tertiāque vertebram, sub peritoneo defertur, nec non sub quinto femoris musculo. Primus ramus qui ab hoc coniugio deciditur, trāsit sub os pubis prope ilium os, atq; hīc bifurcatur (cur enim voce in scholis nostris trita non vtamur?) atque eius pars altera per superiora fertur cute tenui in genu ipsum desinens, altera comitatur venam sapphenam, nuncupatam, reliquam portionem huius nerui post dorsales musculos cutēmq; reflecti videbis. Quarta coniugatio è tertia quartāque vertebra emergit (est autem lumbalium neruorum maxima) fertur sub quinto musculo femoris, & sub pubis os, comitēq; comitatur venam atq; arteriam in ipsum inguen: quo loco neruulos profert qui tum peni, tum scroto deseruiāt, sed cutanei sunt, neque profundiora petunt. in hac eadem inguinis regione in septem postmodum ramos secatur, qui ad omnes anteriores musculos distribuuntur, qui partim tibiæ, partim femori famulantur. Ex his ramis nonnullos ad genu vsque descendere obseruatore. Quinti

*De tertia pars
нервовъ лум-
борныхъ.*

*De quarta pars
нервовъ лум-
борныхъ.*

*De quinto pars
нервовъ лум-
борныхъ.*

sculum femoris, quod in gyrum mouet, nec nō alios ad septimum & octauum femoris eiusdē, & alios ad penis musculos, item ramos alios ad vesicam mittit; & in mulieribus non modò ad vesicam, sed ad vterum quoque: cui præter sextum par neruorum cerebri, ab hac etiam quinta lumborum coniugatione neruuli obtigere. atq; hætenus de prima parte. Secunda verò reflectitur post musculos dorsales, & ad cutim, quod à quarto quoque coniugio fieri dicebamus. Atque hîc sunt quàm breuissimè descripta quinque paria neruorum lumbalium, à quibus prius quàm discedo, adnota illa posteaquam exiliere, primum par cum secundo connecti, secundum cum tertio, tertium quarto, quarto quintum eodem prorsus pacto: quæ implicatio similis est brachij neruorum implicationi. Notandum insuper est, licet hæc quinque neruorum coniugationes descripserimus, non inueniri tamen in omnibus hominibus totidem: cùm quandoque quatuor duntaxat inueniantur: propterea cùm quartum & quintum par in nōnullis vniantur, ex hisce duobus vnum duntaxat par resultat, & efficitur.

Quomodo hæc paria neruorum lumborum connectantur.

Lumborum nerui non sunt semper quinque paria.

De neruis ossis sacri, & pedis.

CAPVT VIII.

Ortu.

CVM hi nerui particulatim & accuratè describi consueuerint, nos eundem ordinem sequentes, de his distinctè, quantum in nobis erit, agere conabimur: qui nerui, pedis etiam nerui

nerui nō iniuria dici possunt. Sciendum itaque hosce exilire inter vltimas lumborum vertebrae & ossis sacri summitatem : item à primo , secundo, tertioque ipsius ossis sacri foramine : at quum primū hęc quatuor neruorum principia exiuerē, vniuntur , maximū nostri corporis neruum constituentes, qui sub peritoneo ab interna abdominis parte ad externam repit versus clunes, transitque inter coxendicem & cocigem supra quartum musculum illum , à quo femur circumagitur : vbi exiit prope maiorem trochantira, nonnullos mittit neruulos ad tres musculos à coxendice exortos tibiam flectentes, alios quoque ad octauum, liuidum dictum musculum, qui & ipse oritur à maiori trochantere , deinde rectā pergit per posteriora femoris inter quartum , quintūque tibię musculum , penē ad flexuram ipsam genu : quo loco in duos insignes ramos diuiditur, ex quibus alter maior , alter minor cernitur : maior posteriorem , minor anteriorem tibię partem occupat : maior rursus sub flexura genu neruulos mittit ad primos musculos extremi pedis. A minori autem trunco neruulum exortum conspicies , qui in musculum sub poplite latrantem inferitur , & alium in tertium musculum ab exteriori femoris capite exortum. Sed postquā maior truncus flexuram genu præterit, in alios neruos subdiuiditur , quorum ramus vnus tendit sub duobus primis musculis

Nervus nostri corporis maximus.

Musculus liuidus.

pedis, quorum parte carnea prætergressa sub cutem repit, in qua per posteriora tibiæ properat ad extremū vsque pedem: ab altero ramo emanant furculi ad quartum musculū, qui inter posteriores tibiæ musculos maior existit, deinde per posteriora interioraq; tibiæ delatus iter habet sub interno malleolo, tendēs sub pedis plantam, neruos ad cutim emittens, primò ad primum, secundum, ex tertium pedis extremum musculū, deinde ad omnes illos musculos paruulos in ipsa planta delitescētes: deinde diuiditur adhuc in neruos decē, ex quibus duo per vnumquemque digitum ad eius extremum vsque deferuntur, ramusculos interim ad cutim illorum spargentes. Alter verò ramus profundiora penetrat, & permeat inter tibiā fibulāq; ligamēto illi adhærens, quod inter tibiā ac fibulam situm esse proprio tractatu audistis (quo ligamēto posteriores muscoli ab anterioribus diuiduntur) mittit quoque neruulos ad quintū, sextum septimūque pedis musculum. Alter truncus minor sub fibulæ appendice præterlabitur, ad anteriorem partem delatus, quo loco neruulos profert, qui musculis tum à tibia, tum à fibula exortis dedicantur: truncus verò deorsum descendit per ipsius fibulæ anteriora. Quāobrem hic maximoperè animaduertas velim lector candidissime, hoc enim scitu est tam necessarium quā́m quod maximè, si cauterium fieri oporteat, vt ne ad fibulā accedat, sed ad tibiā dunda-

*Vfus ligamenti
inter tibiā &
fibulam.*

*Cauterium in
crure ubi faciē-*

duntaxat, neque hoc sat est scire quo loco sit faciendum, sed addito dum sit causticum, primū ^{dum, & quantum profundū.} musculum prætereat cautio est : nam si magis penetraret hic neruus quàm nuper diximus læderetur, quo læso grauiā symptomata consequi solent. vel saltem cauterij locus nunquam penè dolore aliquo destituitur. Reliqua portio nerui huius deorsum fertur sub ligamento, partēque pedis anteriore trāsit sub externo malleolo per extremi pedis superiora : & ex hac sede furculi mādantur decimo octauo pedis musculo. quod superest in decem neruulos separatur, qui in extremos digitos inseruntur, & desinunt. ab hoc eodem trunco neruulus alius cutaneus proficiscitur, qui ad extremum pedem vsque progreditur. Post tria foramina ossis sacri, sequitur quartum, & quintum in quibusdam, quæ diuersitas à vario ossium sacrum constituentium originem ducit neque enim in omnibus idem est, nam in aliquibus quinque ossibus constat os sacrum, in aliis sex, licet nunquā inuenire possis os sacrum ex tribus tantū ossibus constructū, vt Galenus falsō existimauit si hominem descripsit, sed simiam non hominem descripsit. In cadauere igitur cuius sacrum os quinque ossibus constet quatuor aderunt foramina, quod senario numero constet quinque foramina videbis, quæ sita sunt inter os & os, vt abundè suo loco dictum à nobis est. Igitur ex duobus foraminibus subsequētib; egrediuntur duo alia ner-

*Os sacrum non
constat in omni-
bus totidem os-
sibus.*

uorum coniugia, quæ post egressum ipsa quoque vniuntur neruū gignentia, qui reflectitur & ad musculos natium distribuitur, necnon ad cutem illarum: in internam quoque abdominis partem mittit neruulos ad musculos recti intestini, & in nonnullis non modò ad hos, sed ad vesicæ quoque musculos, immò in nonnullis fœminis ad vterum quoque, atque ad vteri ceruicem, item ad earum vesicæ musculos: alij quoque, furculi ad perinæum atque ad scrotum deferuntur. E posteriore verò parte ossis sacri per ea foramina neruuli profiliunt parui admodum breuesq; qui ad musculos dorsales, ad nates ad posterioremque cutem delegantur. Et quoniam Galenus aliique Anatomici de neruo quodam loquuntur, quem inconiugatum vocant, secundum ipsorum sententiam, si vera est, in extrema spinalis medullæ parte deprehenderetur. Ego, ut ingenuè fateor, hunc celebrem neruum inconiugatum hoc loci nūquam comperire potui, licet accuratè secuerim huius vnus gratia saepenumero, sed in omnibus quos hætenus secui penè innumerabiles, comperi extremam spinalem medullam in surculos complures dextros ac sinistros distribui, quæ deinde per quartū femoris musculū disperguntur, & per cutem quæ inter nates & ad anum vsque procedit. De illis autem neruorum coniugationibus sub coccige prætereuntibus, quas Galenus somniauit, nihil attinet dicere, propterea quod nusquam in homine

Nervi posteriori partu ossis sacri.

Nervus inconiugatus secundum Galenum vbi esset.

Nervus inconiugatus nō datur.

Galeni error. Coniugationes neruorum sub coccige in brutis nō in hominib.

mine reperiri possunt, cum nō ad sint. sed priusquam à neruorum historia discedamus, illud ad notes rogo, in quouis humani corporis musculo quamuis minimo suum neruū adesse, quod minimum est: nam in aliquibus neruos duos, in aliis tres, quatuor, ac nonnunquam quinque videre poteris, neque iniuria. Si enim neruis carent, musculi neutiquam essent, quamuis oppositum Vesalio nostro videatur: cuius opinio in hoc imaginaria potius quàm vera existit: fortè is alioqui indefessus in neruorum distributione, quæ mihi admirabilis esse videtur, cum secundo defessus esset, scriptum reliquit musculos aliquos absque neruis reperiri. Quoniam verò nos in nostra historia de fabrica humani corporis cerebrum ipsum neruorum originem diximus, vt reuera existit, cor autem arteriarū originem, & venarū iecur, non defuturos existimo qui huic nostræ opinioni aduersentur, probantes neruos, arterias venasque spermaticas semina-riāsque nostri corporis partes neque à cerebro, neque à corde, neque à iecore exoriri posse, sed à semine duntaxat. Sed nos, qui solidam Anatomiam profiteamur, sensūque vegeti vt in humanorum corporum dissectione conamur, has futiles & apparentes ratiunculas cū rei veritate nequaquam consentientes, & medico futuro inutiles, tanquam nullius pretij, bona lectorum venia reiicimus.

*In omni musculo
adsunt nerui
unus vel plures*

Vesalii error.

*Vesalini excu-
satur.*

*Neglegenda fu-
tilia quadam
argumenta, &
argutis me-
dico viro.*

REALDI COLVMBI

CREMONENSIS

DE RE ANATOMICA

Liber Nonus.

DE GLANDVLIS.

*Substantia glā-
ndea qualis.*



GLANDVLA nihil aliud est (vt ad eius descriptionem immediatè deueniamus) quàm corpus rotundum, oblongumq; quod plurimum est rarum, & poris refertū: diuersis in locis varias ob causas po-

*Vsus glandula-
rum multiplex*

fixæ fuere adenes, siue glandule: est enim earum multiplex vsus, alię venis, & arteriis instar lectu-
li tternuntur, vt illas detineant, néve lædantur:

*In natura non
datur vacuum.*

aliæ vt sedes vacuas repleant: non enim datur in natura vacuum: aliæ vt humiditates suscipiāt,
& contineant: ne ob motum loca exiccarentur:

*Prima in cal-
laria.*

aliæ vt excrementa suscipiant: atque id genus glandulas, siue adenes in variis corporis nostri partibus reperias. Primæ in caluaria hoc pacto, vna in cerebro, hoc est inter cerebrum, cerebel-
lūmq; quam conarion pineale appellant, de qua in tractatu de cerebro verba fecimus: hæc sphaerica est, oblonga tamen: alia in sella sphenoidis

noïdis extra crassam membranā iacet, in quam peluis, siue infundibulū definit. Quid autem sit sella cunealis, dictum à nobis est in lib. de Ossibus. & hæc illa est glandula cerebri excrementa suscipiens, quæ postmodū ad nasum, palatūmq; transmittit. In oculi verò orbita quatuor adsunt glādulæ, duæ scilicet singulæ orbitæ, dextræ sinistraque, duæ inquam suprà, infrà reliquæ. quo loco posite sunt à natura, vt humiditatem super uacuam ad oculos tendentem susciperent, illasque humectarent, atque irrigarent, ne corū motu adeò frequenti nimis exiccarentur: itaque moueri deinceps desinerent. hæc illæ sunt, quæ mœrore, aliâue causa cōstrictæ lachrimas excutunt, atque effundunt. Binas alias glandulas habet pharynx paristhmias dictas cerebri humiditatem suscipientes, partēsque illas humectantes, qua humectatione maximè indigent, cūm continenter laborēt nobis nunc loquentibus, nunc edentibus, aut inspirantibus, aut expirantibus. Alias insuper sub radice linguæ comperies, quæ in nobis paruulæ sunt, quarum eadem est cum prædictis vtilitas. duæ alię hærent laryngi, asperæq; arteriæ, quæ scæminis sunt, quàm viris crassiores: hinc laryngis pars prominentior in paucis mulieribus conspicua est: nam ab harū glandularum crassitie occupatur, & sub ea latitat. sub iugulis item, vbi vena caua in axillarem, & iugularem secatur, alię adsunt, in nobis tenues, crassæ verò in brutis, quæ lactes dicuntur, & thy-

Glādula in sella sphenoidis suscipiēs excrementa cerebri.

Glandula circa oculos vsus duplex.

Lachrima unde fluant.

Paristhmia in pharynge cur posita sint.

Glandula sub lingua.

Cur larynx videntur prominere magis in viris quam in scæminibus.

Thymus siue lacies sub iugulo.

*Glandula circa
œsophagū cur
cur tot glandu-
la per mesente-
rium.*

*Affusio nū &
pancreas maior
portio inter vē-
triculum & spi-
nam.*

*Parastates &
asidentes.*

*Testes mulierū
& marium in-
ter adenes pos-
sunt connume-
rari.*

*Cur sint post au-
res glandula.*

*Parotides unde
sunt.*

mus. Rursus in thoracis cavitae duæ aliæ con-
spiciuntur medio œsophago adnixæ, ut ab eo
continenter œsophagus humectaretur: ita enim
cibus facilius pertransit, delabiturque: at in ab-
dominis concauo, non duæ, sed propemodum
innumerabiles reperiuntur per mesenterium dis-
persæ, ob diuisionem tum venarum, tum arte-
riarum: inter quas insignis quædam est sub vē-
triculo, tum ob venæ portæ diuisionem, tum ut
ventriculi propugnaculum foret, ne is spinā cō-
tingens læderetur: his nomen est *παρπείας*, hoc
est affusio. Ad radicem penis, vesicæque extre-
mum, hoc est ad vesicæ collū binæ adsunt glā-
dulæ crassiusculæ, quæ *παρπείας*, hoc est, asidē-
tes vocantur: hæ semen suscipiunt, & continēt:
si quisquā est, cui testes tum marium, tum fœ-
minarum inter glandulas connumerare libeat:
huic per me adnumeret licet: nam substantia te-
stium à glandularum substantia parum differt.
Nunc, posteaquam internarum glandularum
historiam expediuimus, operæpretium videtur
de externis quoque meminisse: dēque illis pri-
mū, quæ post aures sitæ sunt. Sciendum itaq;
est penes aures, necnon sub maxilla inferiore
multas adesse glādulæ, quæ tum venarum, tum
arteriarum diuisioni, tum quibusdam cerebri
superfluitatibus suscipiendis deseruiūt: propte-
rea emunctoria cerebri appellantur: hæ sunt sa-
tis insignes, & crassæ satis: in quibus frequenter
fit illud genus abscessus, quod à loco *παρπείας*
Græci

Græci vocant. Præterea sub axilla non pauca
adsunt easdem ob causas genitæ, quas suprà me
morauimus : qui locus cordis emūctorium ap-
pellatur. In inguine etiam inter abdomen scili-
cet, & femur multas glandulas obseruare pote-
ris iisdem rationibus, atque vsibus fabre factas:

*Emunctorium
cordis.*

& hanc regionem iecoris emunctorium vocāt.
Nec desunt glandulæ in flexura tum cubiti, tum
genu, sed parua, ob vasorum diuisionem factæ:
atque has glandulas in omnibus passim compe-
ries: sed in quibusdam præter has in collo, bra-
chiis, cruribusque. Sed quoniam hoc rarò eue-
nit, harum historiam prætermittendam duxi.

*Iecoris emūcto-
rium.*

Penis autem extremitas licet glandis nomē ob-
tineat: tamen glādulæ substantiam nequaquam
obtinuit. Sed mammillarū substantia tota glan-
dulosa est, ac pinguis, præter papillam, quas
glandulas natura cādidas esse voluit, vt sangui-
nem rubrum in album lac vertere facillimè pos-
sent: etenim in humano corpore quodcunque

*Glans peni mi-
nime connume-
randa inter glā-
dulas.*

*Substantia mā-
millarū qualis.
Omne quod tras-
mutatur in cor-
pore, in colorem
transmutantem,
mutatur.*

transmutatur, in colorem transmutantis trans-
mutatur. Positæ autem sunt mammae glandu-
losæ, vt diximus, in anteriore thoracis parte tum
ob venustatem, cuius ratio habenda erat, tum
vt lac commodius infanti præberetur: & inter-
cutem, membranamque carneæ positæ sunt.

*Cur mammilla
in thorace.*

Atque hæc hæctenus de glandulis humani cor-

poris. *Atque hæc hæctenus de glandulis humani cor-
poris.*

REALDI COLVMBI

CREMONENSIS

DE RE ANATOMICA,

Liber Decimus.

DE OCVLIS.

*Oculi nobilissimi.**Oculi organa visionis.**Cur in loco ex-
celso sint siti.**Situs.**Qua & quot
sint oculorum
propugnacula.*

C V L I in homine magna sunt, atque adeò ingentis nobilitatis, cū insignis, & dilectæ ab omnibus visuæ virtutis organa existant, maximo propterea artificio à Dei optimi maximi maiestate, ac sapientia creati sunt, & in sede satis tuta siti, eaque nostri corporis eminentiore, vt instar boni custodis essent, & tanquam speculatores, quos videmus dum ciuitates atque oppida custodiunt, altiora loca ascendere, vt longius prospiciant. Penes cerebrum verò locatos fuisse oculos quid mirum? cum à cerebro ortū ducant. Animaduertendum itaq; est naturam binas cavitates in capite, maxillaq; superiore exculpfisse, vt tuto in loco collocarentur, multisque illas propugnaculis circumscripsisse: suprà nāq; os frontis, superciliāq; collocauit, infrà os primū superioris maxillæ, nec non os malæ, hinc nares, &

res, & iugale os, præterea palpebras cartilagineas, musculos ipsas constringentes, ciliaque ut ipsa visui dirigendo deseruirent oculorum forma in homine verè sphærica est, idque diligenter obseruato, nihil enim in homine, cum ab oculo discesseris, verè sphæricum est. At aliorum animalium oculi nō sunt vndique orbiculares, sed vel obliqui, vel depressi: neque id mirū est, cūm hominis figura tanto interuallo à reliquis distet animantibus. Scito præterea neminem ante me hominis oculū descripsisse, sed omnes, beluinum oculum describere, magno & turpi errore, in quem ipse quoque Vesalius incidit, in eius vniuersa penè formatione cum aliis Anatomicis deceptus. Quod verum esse facilè perspicies, si Galeni, Vesalij, aliorūque Anatomicorum historiam de oculo cum nostra contuleris. Et profectò non leuiter hi homines accusandi sunt, Galenus præsertim, & post ipsum Vesalius, qui tantam rem, tam illustrem, tam optatam, tam negligenter scribendam putarent, beluinum oculum pro humano dissecantes. Quo loco oculi siti fuerint, & cuius vsus gratia, vilionis scilicet, nemo est qui ambigat: quomodo autem visio fiat, non est facile explicatu, & adhuc sub iudice lis est: aliis nanque videtur visionem fieri per emissionem, alij verò per immissionem existimarunt: quod argumentū nūc non est disputandi locus. Illud ad præsentem tractationem scire sat est, oculos videndi causa

*Cilia visum dirigunt.
Oculus hominis verè sphæricus.*

Alij Anatomici brutorum oculos describere.

Galenus & Vesalius in oculi fabrica decepti.

Quomodo fiat visio difficile est quaestio.

*Oculi capti
sunt infelices.*

*Videndi facul-
tas unde.*

*Nervi optici
qualis sit sub-
stantia.*

Inuolutum.

Origo.

Progressus.

Insertio.

*Oculi constituunt
membranam re-
tinam.*

*Ex quibus con-
sistit humanus
oculus.*

*De musculis o-
culorum.*

*Quatuor primi
musculi.*

Exortus.

Fibra.

*Membrana ten-
dinoſe quatuor
musculorum in-
sertio.*

*Uſus uniuſcu-
iusque ex qua-
tuor.*

*Uſus quatuor
musculorum ſi-
mul operantiū.*

factos, quæ res ita est homini necessaria, ut qui illa vel natura, vel casu, vel ægritudine orbatii sunt, se infelices appellitent. Videndi autem facultas à cerebro proficiſcitur, à viſiuis ſpiritibus per opticos nervos ad ipſos delata, quos nervos craſſos eſſe, molles, poroſos rarâq; textura eſſe diximus, necnon à membranis tum dura, tum tenui inuolutos, qui ab interiore cerebro ad baſim exoriuntur, & ſphænoïdes os per ſua ipſorum foramina orbicularia penetrantes, in internam oculorum cavitatem deſinunt, ibique membranam ἀμφιβληστροειδᾶ nuncupatam conſtituunt.

Oculi itaque ex multis partibus conſtant. Ex quinque muſculis nimirum, membranis ſex, tribus humoribus, ex nervis, venis, arteriis, glandulis multâque pinguedine circumquaque. Ex muſculis oculo deſeruientibus, quos in noſtro tractatu de muſculis quinque eſſe diximus, quatuor ita diſpoſiti ſunt, ut in quatuor angulos diſtribui videantur, ſuprà, intrâque à dextris & à ſiniſtris, quorum exortus à ſphænoïde, durâq; matre oblongi ſunt, fibrâſque rectis conſtant, & ſubſtantiam ipſorum in finibus explicantes, tendineam membranam conſtituunt, quæ in corneam poſt iridem deſinit, quorum vnusquiſque cum ſeorſum & abſque reliquorum ope ſuum officium facit, oculum trahunt, vel ſuſum, vel deorſum, vel dextrorſum, vel lauvorſum: at ſi eodem tempore in agēdo coëant, tunc oculum ſiſtunt: cum verò non vnâ agunt tempore eodem

dem

dem, sed successiue ab iisdem, quos diximus musculis quatuor, oculus in gyrū vertitur, quā motuum dispari tēpore diuerſitatem in illis quoq; quatuor musculis obseruabis, qui brachiali mouendo addicti sunt. Itaq; ab iisdē motoribus diuerso modo se habētibus varios edi motus nullo pacto absurdū esse videri debet. Quintus uero oculi musculus, quem ego primus inueni, oculi dimidiū & amplius amplectitur, transuerso situ, qui tamē nullo pacto despiciendus erat, cū nobilissimæ actionis gratia sit à diuina providentia cōstitutus: nam, vt inquit Poëta ille,

*Pronaque cūm spectent animalia cætera terram,
Os homini sublime dedit, cælūque videre
Iussit, et erectos ad sydera tollere vultus.*

At huius musculi beneficio cælum ac beatas cælōrū mentes intueamur, opificēmq; vniuersi purē sanctēq; veneremur: cuius nutu machina tanti operis cœpta perfectāq; est, cuiusq; bonitate mouetur, seruatūq;: neq; solū attolli oculus ab hoc quinto musculo potest, sed etiā sisti, & in gyrum verti, & in sua sede immotus contineri, ne huc atq; illuc temere flectatur. Illud præterea meminisse oportet, secundū neruorū coniugiū in hos musculos distribui, quos inter, & oculum neruūmq; opticū magna, pinguedinis portio collocaretur, ne assiduo & perpetuo ferē motu ocul⁹ exiccaretur, atq; tabesceret. Ad sunt etiā binę glādulę, quarū altera suprà est, infra altera, per quas lacrimas misericordia ducti

Vsu quatuor musculorū successiuè agentium. Comparat quatuor primos oculorum musculos quo ad usum cū quatuor musculū brachialis. Idem motor diuerso modo se habens potest motus diuersos edere.

Quintum musculū oculi. Realdus primus inuenit.

Vsu quinti musculi oculorum.

Secundum par neruorum in oculorum musculos inferitur.

Pinguedinis vsum in oculi fabrica.

Glādularum in oculi fabrica situm.

*Lachryma unde
exprimantur.*

*Glandularum
oculo feruentium
usus.*

*De membranis
oculorum.*

*Prima oculi mē-
brana nomina.*

*Cōiunctiua mē-
brana deseri-*

prio.

*Iris in oculo
quid sit.*

*Aristotelis er-
ror de Iris ocn-
li.*

*Vnea non est in
omnibus conco-
lor.*

*Iridis oculi ety-
mologia.*

*Pupila quid sit
Pupilla non est
atra.*

*De secunda mē-
brana oculi.*

*Secunda mem-
brana cognita
alio anatomi-
cu.*

*Origo & inser-
tio.*

*De membrana
tertia.*

Cerna.

*κερατοειδής con-
stituit formam
oculi.*

effundimus, vel callidæ mulierculæ oculos ex-
terendo exprimūt, vt ab amatoribus aurum ex-
torqueant: hæ glādulæ vt oculum ipsæ quoque
irrorent, factę fuere. Ex sex oculi mēbranis pri-
ma exterior est, pluribus nominibus insignita:
nam adnata, alba, adhærens, & cōiunctiua ap-
pellatur. hæc tenuis est & candida à pericranio
ortum ducens, & in maiorem iridis circulū de-
finit: est autem iris in oculo circulus ille variis
coloribus refertus: quę colorum varietas (quic-
quid hac de re Aristoteli videatur) vueæ mem-
branæ, non humoribus (vt ille voluit) accepta
ferenda est: quæ vuea non est in omnibus ho-
minibus cōcolor: nam in hoc nigrior est, in illo
magis albicat, in alio cærulea, aut varia cerni-
tur. Iridis verò nomen in oculo, à cœlestis iri-
dis similitudine translatus fuit: ad quod in o-
culi centro vides instar puncti pernigrum, pu-
pilla nuncupatur, cuius ope videmus: licet au-
tem pupilla nigra admodum appareat, tamē ne
que ipsa, neque quicquam, quod eidem subsit,
atrum est, sed pellucens atque perspicuum. Se-
cunda oculi membrana nomine caret: neq; id
mirum est, cum hactenus incognita fuerit: hæc
à nerueis musculorum oculi tenuitatibus gigni-
tur, & sub adnata terminatur prope iridē: mem-
brana tertia κερατοειδής, id est cornea, duraque
dicitur: dura etenim crassaq; existit, cum à du-
ra matre exoriat: ab hac membrana ceratoïde
forma oculi constituitur: vnāq; est sui exortus
ratione:

ratione. Arabes autem Anatomici vnica fidelia *Arabum error in cornea.*
 duos parietes dealbantes; partē anteriorem cor-
 neam, quòd instar cornu pelluceat, posteriōre *Cornea vnica est*
 scleroticā à duritie appellarunt, sed vna dunta- *Cornea qualis*
 xat est, non duæ. & à dura membrana vt dice- *sic.*
 bam proficiscitur. Ceratois anteriore in parte *Cornea mēbra-*
na utilis.
διαφανής est, perspicua, & instar cornu lucens,
 & subtilis, quo loco iris necnon pupilla sita est,
 hæc oculum sistit, neruum opticum inuestit, & *In cornea quid*
 oculum: intus concava est: & in ea tres humo- *continetur.*
 res, trēsque aliæ mēbrana continentur. Quar- *De quarta mē-*
 ta oculi mēbrana vucæ dicitur: dicitur & cho- *brana oculi.*
 rion, hoc est secundina & choriformis: à tenui *Nomina.*
 meninge ortum ducit, primūmq; neruum opti- *Origo.*
 cum inuestit, deinde sub cornea dilatatur & ad *Progressus.*
 anteriora vsque porrigitur, verū oculum vni- *Insertio.*
 uersum non ambit quemadmodum corneā fa- *Quarta mēbra-*
 cere diximus: postea verò quā ad pupillæ lo- *na nō ambit to-*
 cum peruenit, quam vucæ format, atque effin- *tum oculum.*
 git, versus posteriorem partem reflectitur, &
 ad iridis principium progreditur, ibiq; duplex *Vbi quarta mē-*
 efficitur atq; à cornea toto illo interuallo, quod *brana sit du-*
 diaphanum est, abscedit, licet in aliis partibus *plex.*
 non parum illi connectatur. Vucæ nomen for- *Cur vucæ dici-*
 titata est, eò quòd vucæ granum videatur esse, cui *tur quarta mē-*
 capulus ademptus fuerit. in hac, vt dicebā, ma- *brana.*
 gna colorū varietas spectatur: in hominis nāq;
 vucæ nigrum colorem cernes, puniceum, ceru- *Colores in vucæ*
 leum, rubrum: at in boue, præter hos viridem *vary in homine*
 & cianeum. Ex qua colorum varietate defessi *In boue colores*
vucæ plures
quā in ho-
mine.

*Vsus varietatis
colorum in vnea.*

*Cur defectu oculo,
claudimus.*

De quinta membrana oculi.

*Retine origo et
substantia qualis.*

Situs.

*Situs retina ratio
redditur.*

De sexta membrana oculi.

Nominis etymologia.

Ortus.

Substantia.

Quibus comparanda sit aranea.

Vsus araneæ.

*Vesalius in aranea membrana
obscurus.*

*Galenus error in
aranea membrana.*

Idolum visionis.

Galenus quid.

Membrana aranea unica est.

*Membrana m-
star ciliarum de*

oculi recreantur: propter eam oculos claudimus, ut spiritus visui ad hosce multiplices colores conuersi recreentur. Quinta oculi membrana amphiblistroïdes, hoc est retina dicta, ex ipsa met visorij nerui substantia elicitur, sed si propriè magis loqui volumus, retina hæc non est membrana, sed res mollis, & alba, quam si colligas, atque vnà positam spectes, cerebri substantiam iudicabis: hæc intrò magis quàm vnea iacet, & paulò vlteriùs progreditur ad oculum dimidiũ. Penes vitreum humorem natura vneam collocauit, ut alimentum ad ipsum deferret. Sexta membrana ἀραχνοειδής græcè, latinè aranea dicitur: nam aranei telam præ se ferre videtur. Oritur & ipsa à tenui meninge: tenuissima splendensque est, illis pelliculis simillima quæ in ceparum interuallis cernitur: vsus eius est ut humores vitreum, & cristallinum complecteretur. Vesalius alioqui magnus Anatomicus in hac araneiformi membrana describenda perplexus est, & nullo pacto perspicuus: nam & ipsam temerè diuidit, deinde ignorare videtur ab hac vitreum humorem circundari. In eadem membrana ipse quoque Galenus dormitauit: nam ab ea partem illam separauit, quæ ante cristallinum sita est, quam idolum, & simulacrũ visionis appellat. Ego verò vnicam esse assero, licet ea parte, quæ ante cristallinum locatur, paulò crassior sit, quàm in reliquis partibus. Atque hæc solæ sunt veræ oculi membranæ: quare ne expectetis

tis dum ego de illa loquar membrana instar ci-
 liorum, quam Vesalius somniauit : nam lineæ
 illæ, quæ humorem cristallinum circumstant, in
 hac quam paulò antè descripsimus aranea col-
 locantur. Humores in oculo tres sunt, aqueus,
 cristallinus & vitreus. Aqueum, qui & albugi-
 neus quoque dicitur, natura anteriore in parte
 locauit inter membranam vucam, vbi duplex
 & inuersa redditur, corneamque : qui humor
 paucus admodum est, & in eo suffusiones fiunt,
 quas cataractas recentiores appellât. Hoc quod
 dicam obsecro lector ne excidat, me certa con-
 iectura deprehēdisse humorem hunc instar ex-
 crementi esse : nam ego bis hisce oculis vidi to-
 tum prorsus effusum esse ob vulnera : tamē spa-
 tio temporis renatum, ita vt eodem oculo cer-
 nere deinceps potuerit. Secundus humor oculi
 cristalloides cristallinusve nūcupatur, eo quod
 ita splendeat, vt lumine, & perspicuitate cri-
 stallum referat : situs quoque eius est anteriora
 versus, penè in centro oculi, eumque humor vi-
 treus posteriore in parte amplexatur, neq; vlla
 inter ipsos membrana interiacet, antè tamen
 ab aranea obtegitur. Figura cristallini humoris
 sphaerica quidem est, sed depressa anteriùs : quā
 humorem aqueum respicit, lentis formam re-
 fert. Huius substantia duriuscula est, quam si
 è sua sede dimoueris, & ad scriptos caracteres
 accedat, maiores esse videntur, & faciliùs con-
 spiciuntur, suspicorque hinc specillorum inuen-

*qua Vesalius nō
est quid distin-
ctum à mēbra-
nis descriptu
habetur.*

*De humoribus
oculi.*

*Aquei humoris
situs.*

*Humor aqueus
est excrementū.*

*Humor aqueus
potest renasci.
Cur secundus hu-
mor oculi dica-
tur cristallinus.*

*Situs cristalloi-
du.*

*Cristallini figu-
ra.*

*Substantia cri-
stallini qualis.*

Specillorum in-

*natio unde ini-
ritum sumpserit
Cristallini hu-
moris usus.*

*De tertio humo-
re oculi nominis
etymologia.*

*Situs humoris
vitrei
Cur vitreus hu-
mor sit concavus*

*Aranea mem-
brana inuoluit
humorē cristal-
linū & vitreū.
Retina alit hu-
morem vitreū,
humor vitreus
alit crystallinū.*

*Epilogus partiū
oculi, oculique*

tionem originem duxisse: vsus cristallini humo-
ris permaximus est, atque extollendus, nam
præcipuum est, ac penè princeps videndi in-
strumentum, propterea idolum simulachrumq;
visionis non iniuria appellatur. Hanc partem
libentissimè contemplantur auditores in thea-
tro, nam oculos atque animum delectat, pul-
chra res est scitūque digna. Tertium hialoïda,
hoc est, vitreum vocāt Anatomici, eò quòd vi-
trū fusum specie præ se ferat, posteriore in par-
te collocatur: neq; ibi solūm, sed anterioris quo-
que non exiguam portionem, ita vt ex quatuor
oculi partibus tres occupet hialoïdes: partem
autem cū dico concavam intelligo: hic hu-
mor concavus in medio factus est, quoniam si-
bi cristallino cedēdum erat, ipse quoque splen-
didissimus est, spectatūque iucundus: hunc vnā
cum cristallino inuoluit aranea membrana, pe-
nes quem retina iacet, à qua vitreus humor ali-
tur, at vitreus vicissim alit cristallinum, itaque
nil mirum est si vitreus humor pellucet, cū a-
limentum immediatum futurum sit cristallini
prælucentis, & in nutritione gignitur humor
ille, qui aqueus appellatur. Hi sunt tres humo-
res in oculo visioni opitulantes: nam horū ope
nisi quid obstat, medio proportionato existen-
te, visibilique in interuallo decenter locato fa-
cile, & rectè cernimus.

Præter musculos quinque oculo deseruien-
tes, præter sex membranas, tres humores, glan-
dulas

dulas binas, neruum opticum, secundum ner- *deservientium.*
 uorum coniugium, pinguedinēque, venę ad-
 sunt, & arteriæ per musculos pinguedinēque
 dispersæ, nec non per membranas, in quas mul-
 tæ ipsarum distribuuntur, item per corneam at
 que vueam.

Et hæc est vera germanaque fabricæ huma- *Peroratio.*
 ni oculi explicatio: quam si cum re ipsa contu-
 leris, tu quoque huic historiæ subscribes, quam
 ego purè scripsi absq; verborum circuituionibus
 & sine fūco. Errorēque Vesalij in historia de- *Vesalius errat*
 oculo nullo negotio deprehendes: quem mi- *in oculi historia.*
 rum est in mēbri aded nobilis descriptione tan-
 toperere lapsū esse: nam non modò in muscu-
 lis & membranis, sed in humoribus quoque
 decipitur, & tota errat via, existimans
 cristallinum humorem in centro
 oculi exquisitè sitū esse item
 tantum humoris aquei,
 quantum vitrei
 reperiri.

REALDI COLVMBI

CREMONENSIS

DE RE ANATOMICA

Liber vndecimus.

DE VISCERIBVS.

*De Vnea, Tonsillisque, necnon de Tunica vestiente
nasum, palatum, os, œsophagum, ventriculum, in-
testina & asperam arteriam.*

CAPVT I.

*Cur hic non agitur
de iecore, corde,
& cerebro.*



VANQVAM Iecur, &
Cor, & Cerebrum visce-
ra sunt, deq; his in tracta-
tu de Visceribus agendū
videtur: tamē de his hoc
loco non agā, quia de his
separatim egi, quòd sint
instar trium fontium, à

*Cor, cerebrum,
secus instar tri-
um fontium.*

*Cur vena geni-
ta.*

Cur lotipum vna

quibus varij proficiscuntur riuuli, qui vniuersam
hominis fabricam irrigant: absque his ceu lapi-
deam, atque inutilem futuram. Propterea, vt
alimentum per singulas corporis partes flueret
venæ genitæ sunt, quæ naturalem sanguinem
in hepate, tanquā in proprio fonte elaboratum
deferrent, qui ad superiora non secus atque ad
inferiora labitur. Quamobrem natura vnā cum
sanguine

sanguine lotij partem deferri voluit, tum vt ve
 hiculū sanguinis lotium foret, tū vt ne sanguis
 alicubi sisteret, & instar gelu rigeret: at eius ope
 sanguis à magnis venis ad mediocres, atque ab
 his ad minimas vsque properat. Item à corde vi
 talis sanguis vnà cum calore ad omnes corporis
 partes per arterias communicatur. Eodem pa-
 cto cerebrum per neruos, spinalémque medul-
 lam sensum, motúmque ad vniuersum corpus
 transmittit: etenim absque neruorum distribu-
 tione, neque sentire, neque moueri vlllo pacto
 posses. Dimisso igitur cerebro à superioribus in-
 choantes consentaneum est, vt de illa tunica di-
 camus, quæ os ambit, linguámque, laryngem,
 & œsophagum: de gargarcone, & paristhmiis:
 ne quicquam intactū prætermittamus, deinde
 loquemur de thorace, postremò de abdomine.
 Sciendum itaque est tunicā illam, à qua nares
 intus, palatum, linguáq; circūdatur, me iudice,
 duræ matris portionem esse, quæ postquā calua-
 riam exteriorē præcipuè egressā est, amplifica-
 tur, crassior, & pene carnea redditur: à qua cūm
 vniuersum palatū internè, & os ipsum inuolua-
 tur, ad palati extremitatē duplex euadit, elonga-
 tāque aliquantulum partem gignit rotundam,
 oblongam, crassiusculam, pendulam, variis no-
 minibus insignitam: etenim vua dicitur, vuula,
 columella, gargarcon. Vfus eius est, vt humidi-
 tatem à cerebro præcipitantem detineret: idq;
 non temere, sed vt detēta partes illas, quarum

*cum sanguine
deferatur.*

*Arteriarum
vtilitas.*

Neruorum vsus.

Proponit a gēda

*De tunica na-
res, palatum &
linguā circun-
dante.*

*Substantia &
origo, & dedu-
ctio.*

Substantia vnea.

*Nomina vuca
varia.*

*Vfus vnea præ-
mua.*

Secundum. motus penè perpetuus est, humectaret. Voci etiam, & pronunciationi non parum confert: vt illorum exemplo eleganter, facileque discere possumus, qui sæuo gallico morbo diu laborarunt, quibus cum dira morbi lues columellam exedit, rauci admodum sunt: & crocitare potius, quàm humano more loqui videntur. Tertia est insuper gargareonis utilitas, ne scilicet pulvis, qui iam nobis inuitis quãdoq; os ingressus erat, ad asperam arteriam præceps progrederetur. Vtrinque duæ adsunt glandulæ, quarum altera à dextris est gargareonis, à sinistris altera: paristhmia dicuntur, tonsillæ, amygdalæ, faucesque: earum substantia glandulosa est, factæ hæ quoque fuerunt, vt cerebri humiditatem suscipiendo essent, idque propterea quòd regionem hanc, quæ Græci φαρυγὰ, latini fauces appellat, humectando essent: his autem finibus continetur pharynx. Basis capitis, palatiq; necnon corpora anteriora vertebrarum colli: quo loco complura organa cernes laryngā nimirum, os hyoides, eiusq; musculos, linguæ radicem, eiusq; musculos, sextum neruorum par, iugulares venas internas, carotides arterias, columellam, maxillā inferiorē, eiusq; musculorum portionē, styloïdis processus, & œsophagū: propterea cū glandulæ, quas dixi, tam angusto in loco versentur, paristhmia veteres appellauere. Teguntur autem ab eadem membrana, à qua os, & palatum inuolui diximus: quæ descendens œsophago occurrit:

*Raucedo ob morbum galli-
cū exesa vinea.
Tertius.*

*Paristhmia, ubi
sint, quid sint.*

*Usus paristhmi-
arum.*

Pharynx.

*Complura orga-
na.*

*Cur dictæ sint
paristhmia.*

*Inuolucrum pa-
risthm.*

occurrit: eiúsque interiorem tunicam cōstituit: item ventriculi, & intestinorum tunicam internam, & deorsum magis lata post linguam epiglottida ambit, laryngemque, & asperam arteriam, ad extremos vique illius ramos per pulmones delatos. Extrema autem tracheæ regio vestitur à succingente membrana: hac igitur parte satis accuratè perpensa, reliquum est, vt de pulmone verba faciamus.

*Plena inuestit
extrema tra-
cheam.*

De pulmone. CAP. II.

PULMO in thorace ipso situs est, cuius cavitatis maiorem partem occupat, corporibus vertebrarum, cordi, asperæque arteriæ adnexus. Diuisus est pulmo in duas partes dextram nempe, & sinistram, propterea nonnulli sunt, qui binos esse aiunt pulmones. Eius figura extrâ sphericæ est, intrâ verò caua: itaque factum oportuit, quod sibi tum cordi, tum pericardio cedendum erat. Præter eam, quam diximus pulmōnis diuisionem, in quatuor lobos, pinnaeque, aut fibras, (nihil enim nunc interest, qua ex his voce appelles) pulmo diuiditur, vt agilius moueri possit, & cor ipsum facilius amplexari. Scribit Galenus pulmonem quinque lobis præditum esse, ex quibus tres in dextro latere esse autumat: quod verum esse in brutis quidē animantibus cōperies: at in homine nequaquā. Causa diuersitatis illa esse potest, quod hepar à corde plurimum distat: quamobrem cum vena caua à vertebribus distet, strato opus erat, quo fulciretur.

Situs.

Annexus.

Diuisio.

Figura.

*Cur pulmones
intrâ tani
Cur pulmo diuisus
datur in lobos.*

Gaieni error.

*Cur plures lobi
sint in brutis
quàm in homi-
ne.*

*Hominis pulmo-
ni lobi sunt qua-
tuor duntaxat.*

*Cur pulmonis lo-
bus sit cœcatus.*

*Galenus non se-
cruit homines.
Pulmonis sub-
stantia qualis.*

Inuolucrum.

*Vsa in pulmo-
nibus.
Arteria aspera
descriptio.*

Vsus.

*Arteria vene-
lis.*

Natura igitur prudens lobo vno voluit homi-
nis pulmonem à brutis superari, quem lobum
venæ cauæ in illis subtrauit. Concauus autem
est, vt Galenus optimè dixit, quia cedit venæ
cauæ rotunditati: at quoniam in hominibus in-
ter cor, & hepar septum transuersum duntaxat
interiacet, quinto lobo nihil opus fuit. Quare
nihil erat, quamobrem Galenus ob hoc tanto-
pere in veteres Anatomicos inueheretur. Ve-
rùm ex hoc, vt ex aliis compluribus locis: aperte
conuincitur Galenum nunquam in homine a-
natomen exercuisse. Pulmonis substantia rara
est, leuis, porosaque spongiæ instar, colore ru-
bello, quod genus substantiæ *κατέχυμα*, hoc
est, affusio à veteribus appellatur. Inuoluitur à
membrana pleura, quam describemus, tenui sa-
tis, atque admodum porosa. Per substantiā pul-
monis hæc disseminantur, arteria aspera, arte-
ria venalis, venæque arterialis. Aspera quidem
arteria per colli longitudinem anteriore in par-
te sub larynga fertur, quæ ex anulis constat, at
non perfectis omnino, vt suo loco diximus, ex
cartilagine quæ in dextrum, ac sinistrum diui-
ditur: deinde pedetentim magis, magisque di-
uiditur, atq; attenuatur ad pulmonis extremū
vsque. Vsus eius est, vt aërem intrò, forasque fe-
rat: atque hæc è supernis in inferiora procedit:
ex infernis autem penè sursum fertur venalis ar-
teria, quæ ipsa quoque in dextram, sinistram-
que partem diuisa est: deinde variis modis ra-
mificatur,

mificatur, ad asperæ ramos accedens, idémque facit vena arterialis: hæc verò tria vasa à substan- *Vena arterialis.*
tia rara, porosa, leuèque amplectuntur, itaque pulmo gignitur: cuius vsus est, vt rectè Anato- *Vsus pulmonis.*
mici scribunt, ob cordis refrigerationem: quod efficit, aërem ad illud frigidum deferens: factus prætereà fuit pulmo ad inspirationem, atq; expirationem, & vt voci deseruiat. Atque hos omnes pulmonis vsus nouerunt, qui ante me scripsere: præter quos ego alium addo maximi momenti, de quo ne per transennam quidem meminere. Est autem præparatio, & penè generatio vitalium spirituum, qui postmodum in corde magis perficiuntur. Aërem namque per nares, & os inspiratum suscipit: nam asperæ arteriæ vehiculo per vniuersum pulmonem fertur, pulmo verò aërem illum vnà cum eo sanguine miscet, qui à dextro cordis vètriculo profectus per arterialem venam deducitur. Vena enim hæc arterialis præterquã quodd sanguinem pro sui alimento defert, adedò ampla est, vt alius vsus gratia deferre possit. Sanguis huiusmodi ob aspiduum pulmonum motum agitur, tenuis redditur, & vnà cum aëre miscetur, qui & ipse in hac collisione, refractionéque præparatur: vt simul mixti sanguis & aër, per arteriæ venalis ramos suscipiantur: tandémque per ipsius truncum ad sinistrũ cordis ventriculum deferantur: deferuntur verò, tam bellè mixti, atque attenuati, vt cordi exiguus præterea labor supersit: post

Novus vsus pulmonum generatio scilicet animalium spirituum.
Quomodo generentur spiritus animales.

Ex vena arteriali amplitudine vsus inuestigatur.

*Vitales spiritus
in corde perfecti
per aortam arte-
riam ad omnes
partes corporis
feruntur.*

*Corroboratur o-
pinio quod spi-
ritus vitales in
pulmonibus ge-
nerantur.*

*Arterialis vena
usus repetitur.*

*Quomodo indi-
cent medici san-
guinem ferri e
pulmone.*

quam exiguam elaborationem, quasi extrema imposita manu vitalibus hisce spiritibus, reliquum est, ut illos ope arteriæ aortæ per omnes corporis partes distribuatur. Non vereor quin novus hic pulmonum usus, quem nemo Anatomicorum hactenus somniauit, incredulis, atque Aristotelicis paradoxon videri debeat, quos oro, rogòque, ut pulmonis magnitudinem contemplerentur, quæ absque vitali sanguine permanere non poterat: cum nulla sit tam minima corporis particula, quæ illo destituatur. Quod si vitalis hic sanguis in pulmonibus non gignitur: à qua parte transmitti poterat. præterquam ab aorta arteria? at ab aorta arteria ramus nullus, neque magnus, neque parvulus ad pulmones mittitur. Nam quo pacto per venam, aut per arteriā venalem deferri sanguis vitalis ad pulmonem potest, cum neutra pulset? hæc igitur candidè lector, quam dixi, arterialis vena constructa fuit, ut sanguinem eo, quo diximus, pacto elaboratū intrò afferret ad cor ipsum: non ut à corde eliciat & extra ferat. Ad hæc, quæ diximus, illa etiam accedit ratio, Medicos tunc è pulmonibus manantem sanguinem coniectare, atque adeò certò scire, longo rerum usu edoctos, non modo quod cum tussi eliciatur, sed etiam quia floridus est, tenuis, & pulcher, ut de sanguine arteriarum quoque dicere consueverunt. Quas rationes qui sincero animo considerare voluerit, acquiescet, sat scio, veritatique locum dari patietur. At Galenus

lenus magnus philosophus, medicorúmque princeps, cum ab Hippocrate discessimus: hunc pulmonis vsum ignorasse verisimile non videtur. Esto, magnus est philosophus, maximusque medicus: neque hæc, aliæque multa hominem latuisse admirabile est. Verum, est quoddam hominum genus adeò vecors, & rude, vt neque inuenire ipsi noui quicquam velint, aut possint: propterea quidquid magni nominis medicus scripsit, illi statim subscribunt, neque ab eius dogmatibus, vel tantillum discedunt. Tu verò candide lector doctorum hominum studiose, veritatis autem studiosissime, experire, obsecro in brutis animantibus, quæ viuæ vt feces, mones, atque hortor: experire inquam, an id, quod dixi, cum re ipsa consentiat: nam in illis arteriam venalem illiusmodi sanguinis plenam inuenies, non aëre plenam, aut fumis, vt vocant, si Deo placet, capinosis, illi duntaxat pulsus deest. Nam hic à corde proficiscitur: quemadmodum per optimè maximus Gal. probat eo libello. An sanguis in arteriis contineatur contra Erasistotum. Pulmonis tunicam parui neruuli attingunt, vt diximus, qui intrò nō penetrant: propterea pulmo exiguo sensu præditus est: tamen membrum est maximè utile, atque adeò necessarium: sed hæc pulmonis tunica, cū porosa sit, nihil mirum est, si in Pleuritide & peripneumonia sanguinem suscipere valeat.

Galeno & Hippocrati licet ab veritatem contradicere.

Pessimum hominum genus.

Arteria venalis sanguine plena est non aere.

Nerui pulmonis tunicam attingunt non penetrant.

Cui pulmo parum sensat.

Cui pulmonis tunica.

De pleura, & mediastino.

CAPVT III.

Quid in thorace contineatur.

IN thoracis cauitate præter cor, pericardion, arteriam aortam dictam, cauam venam, venamque tum arteriosam, tum sine pari, præter arteriam venosam, venas, arteriasque axillares, item eas, à quibus aluntur costarum interualla, præter illas, quæ sub sterno discurrunt, ac præter illas iuxta mediastinum deorsum tendentes, præter nervos, œsophagum, arteriam asperam, pulmones, glandulasque, membranæ quoque adsunt, pleura scilicet succingens appellata, mediastinumque. Est autem pleura membrana similis, tenuis, neruicæque, quicquid in thoracis concauo continetur complexa: hæc vertebrarum corpori admodum hæret, & sub costis labitur: septum transuersum supernè inuestit.

Pleura non est simplex.

Vesalii error.

Galienus non erat reprehendendus.

Pleura est duplex ubique.

Membrana hæc pleura nequaquàm simplex est, licet Vesalius simplicem esse, scriptum reliquerit, qui in hoc Galenum iniuria accusat, cum ipse, ut parum diligens, non accusari non possit: quod si adeò diligens in hac re fuisset, ut in aliis plerisque, comperisset pleuram duplicatam esse. Cum duplicem hanc succingentem membranam dico, ne existimes me dextram illam tantum, & sinistram appellare, sed ubique duplicem esse pleuram aio, duas scilicet esse membranas, quarum altera interna est, externa altera, inter quas venæ, arteriæ, neruicæque præterlabuntur: quæ omnia inter costarum inter-

Vena arterie & nervi feruntur inter pleuram internam & externam.

ualla

ualla ducuntur: atque hîc sæpe fit pleuritis. Si
 causam quæris, quare duplicem hanc membra-
 nam natura genuerit, ob ossium duritiem opi-
 nor, ne interna pleura, quæ ad eò sentit, vt ni-
 hil suprâ, ob pulmonis continentem motum læ-
 deretur. Hæc membrana, vel potius hæ mem-
 branæ, iuxta latera sterni deorsum repit, spinam
 versus, atque inter se dextra à sinistra distat: il-
 læque spinæ affiguntur, vt thoracem in duas ca-
 uitates, pulmonemque duas in partes secarent:
 neque id temerè factum putes, sed mira naturæ
 diligentia, vt læsa altera parte, ita vt sit, illæsa
 saltem altera, immunisque relinqueretur: hæc
 verò pleuræ reduplicatio, vt ita dicam, hoc loco
 mediastinum appellatur: quoniam thoracē me-
 diat, & à summo thorace ad imum ducitur. In-
 ter mediastinum, id est hanc duplicem pleuram
 thoracem in duo secantem, materia aliqua col-
 ligi potest, quæ perforato sternò tutò satis extra
 hi potest à diligenti Chirurgo, reique Anato-
 micæ peritissimo. Præter has membranas costæ
 periostrio quoque præditæ sunt: in superiore tho-
 racis parte subiugalis, vbi tum venæ, tum ar-
 teriæ, diuiduntur, glandosam partem adesse
 conspicias, quam *θυμὸν* vocant. Estque *θυμὸς* in
 vitulis, & id genus animalibus esu suavis. Ad
 medium œsophagum binæ adsunt paruulæ
 glandulæ, illius humectandi gratia à natura eo
 loco collocatæ. Quid autem sit œsophagus
 mox audies.

*Vbi sæpe fiat
pleuritis.
Cur pleura sit
duplex.*

*Interna pleura
est sensus exa-
citissima.
Progressus pleu-
ra.*

*Dextra pleura
à sinistra distat*

*Cur pleuræ opa
thorax in duas
partes diuida-
tur.*

*De mediastino
quid sit.*

*In mediastino
materia colligi
potest & extra-
hi.*

*Costæ habent pe-
riostrion.*

*Θυμὸς glandula
vbi.*

*Thymus in vitu-
lū esu suavis.*

*Vsus glandula-
rū ad medium
œsophagum.*

De œsophago, & ventriculo.

CAPVT IIII.

*Oesophagi nomi-
na.*

*Quæ sit in v-
niuersum origo
& situs.*

*Oesophagi de-
scriptio.
Iter œsophagi.*

*Cur ad laeuam
reflektatur œso-
phag.*

*Terminus œso-
phagi.*

*Tunica œsopha-
gi.*

*Fibra tunica in-
terioris quales,
& cur.*

*Tunica exter-
na œsophagi
quales & ca-
rum usus.*

*Oesophagus est
continuus ven-
triculo.*

OESOPHAGVS, stomachus, gula, vel me-
ri, vt Arabes vocant, est via potus, cibique:
origo eius est in ima pharyngis cavitare, post la-
ryngem, cui adnectitur, neque illi solùm, sed et-
iam anteriori corpori vertebrarum colli. Est
œsophagus mēbranea pars, nerueaque & exan-
guis, cuius terminus est superius ventriculi ori-
ficium. Iter œsophagi est inter vertebrarū cor-
pora, arteriāmq; asperam, rectā, quousque cor-
di accedit, nam ibi, vt cordi cederet, vt par erat,
dextrorsum tendit: deinde prope transuersum
septum ad leuam denuò reuertitur, neq; enim
illi per iecur progredi recto itinere licebat: ob
iecur itaque, quod obstat cogitur œsophagus su-
pra spinam, sub vena quidē concaua, at supra
ἀορτὴν arteriam descendētē præterire, septum-
que transuersum penetrat, perforatque, & in su-
perius ventriculi orificium, vt dixi, implātatur.
Duabus propriis tunicis præditus est œsopha-
gus, externa, internaque. Est autem interna cras-
sior multò, quàm externa. Interiori fibræ sunt
rectæ, quæ manuum vice funguntur in cibi at-
tractione, quem ab ore susceptum ad ventricu-
lum deferant: propterea à summo ad imum fe-
runtur: externa verò gulæ tunica transuersis fi-
bris prædita est, vt cibis potusque facilius de-
orsum tradatur. Est autem œsophagus non mo-
dò ventriculo contiguus, sed continuus: quem-
admodum

admodum ventriculus intestinis, quæ ad podicem desinunt. Ventriculus, qui & venter dicitur à latinis, à græcis γαστήρ, & κοιλία, situs est in abdomine immediatè sub transuerso septo, ad eò descendit, vt penè ad vmbilicum perueniat: propterea medio penè corpore inter vtrumq; hypochondrium transuersim collocatur: maior tamè eius pars sinistrum præcordium occupat, licet Galenus secus sentiat: idque sapienter factum est, quoniam ob iecoris magnitudinem, lienisque paruitatem, spatium maius in sinistro latere, quàm in dextro relinquebatur. Eius figura cucurbitæ oblongæ, rotundæque eleganter respondet. Sphæricus etenim est ventriculus, licet oblongus: hac autem figura membra tum magis capacia sunt, tum ad perpetiendum minus idonea. Duobus orificiis insignitur, dextro, sinistroque, seu maioris superiore, atque inferiore: sinistro potum, cibumque suscipit: dextro verò iter præbet cibo, quem ipse cōfecerat, & in chylum conuerterat. Bina hæc, quæ nunc describimus, ventriculi orificia, ne cibus vel incoctus elaberetur, vel retrocederet, crassiora facta sunt, fibrisque orbicularibus, à quibus rectè detinetur, natura verò iubente dilatantur, permittuntque cibos tum ingredi, tum egredi. Illud interim adnotes velim, inferius orificium ventriculi in decliuiori regione situm neutiquam esse, quem admodum aliqui pinxerunt: sed superiora versus spectat, neque glandulam illud circumple-

Ventriculus est continuus intestinis.

De ventriculo Nomina.

Situs.

Maior pars ventriculi occupat præcordium sinistrum.

Galeni error.

Cur maior pars ventriculi sit in sinistro hypochondrio.

Figura ventriculi qualis.

Reddunt ratio figura ventriculi.

Ventriculi orificia duo.

Usus utriusque orificij.

Cur orificia ventriculi sint crassiora.

Fibra orificiorum quales & cur.

Error quorundam de situ inferioris orificij.

Situs verus orificij inferioris.

*Galenus error de
gland. inferiori
in orificio*

*Tunica ventri-
culi quatuor qua-
les.*

*Vnde oritur tu-
nica communis
ventriculi.*

*Fibra prima tu-
nica quales &
cur.*

*Fibra secunda
quales & cur.*

*Fibra tertia tu-
nica ventr. qua-
les & cur.*

*Galenus & Ve-
salii error.*

*Ventriculus præ-
ditus est qua-
tuor virtutibus
naturalibus.*

Galenus error.

*Quid regat ven-
triculum.*

Ventriculi usus.

*Cur ventriculus
sit amplius.*

Attente videbis, licet à Galeno describatur. Tri-
bus tunicis, illisq; nerueis præditus est, quarum
vna aliquantulum carnea est: ex his tunicis duæ
propriæ ventriculi sunt, alia communis, quæ à
peritonæo proficiscitur, estque fibrarum expers.
Primæ obliquæ fibræ contingere, ut cibum, po-
timumque tam diu contineant, quam diu coqua-
tur. Secunda transuersis fibris constat, ut post-
quam confectus fuit, extrâ propellatur. Tertia
fibris caret, ut dixi, & inuolucris duntaxat vice
fungitur. Galenus, & post illum Vesalius rectas
fibras internæ ventriculi tunicæ inesse credide-
runt, ut attrahendi munere fungeretur. Verum
œsophagus, quæcunque deuorantur, ad illum
deducit: propterea rectis fibris non eguit. Non
est tamen negandum, quin quatuor illæ natu-
rales virtutes, quæ reliquis membris adesse con-
sueverunt, ventriculo quoque adsint, attractrix
scilicet, retentrix, concoctrix, atque expultrix.
Præterea secunda tunica, quam carnosam ali-
quo pacto dicebat, non est tamen in fundo car-
nea magis, quam in superiori parte: quidquid
Galenus scripserit. Tegitur ventriculus à ieco-
re, lienéque: & eiusdem particulam omentum
contegit. Usus eius est cibum, potimumque in al-
bam substantiam lacti similem, quam chylum
vocant, immutare. Estque nostri corporis cu-
lina: idcirco amplius, capaxque rerum multa-
rum effectus est, præsertim in heluonibus, vora
cibusque hominibus, quorum aliqui consumen-
dis

dis frugibus nati, quorum Deus venter est, tantum cibi vorant, tantū potus ingurgitant, quantum quatuor viris satis, superque esset. Præter orificia, tunicasque hæcenus descriptas, nervos *Nervi ventriculi.* à sexto pari deductos, venas à porta, arterias à magna, vt iam dictum est, arteria: neque id inutiliter. Etenim à nervis sensum, ab arteriis vitalem calorem sortitur, venæ verò tum illi nutrimentum deferunt, tum chylo suscepto illum adieciunt deferunt. Qui verò *Ventriculus non nutritur chylo.* existimant ventriculum chylo nutriri, decipiuntur. Nulla enim corporis pars præterquā à sanguine alitur: propterea venarum copia exuberat. Quandoque euomit, sed motus ille violentus est, & contra naturam, tunc autem obliquæ, transuersæque fibræ vnā, magnōq; conatu propellunt, & rectæ œsophagi opposito motu agunt, quā natura postulet. Cum enim natura deorsum pellere oporteret, in eo nixu deorsum trahunt: atque hæc de ventriculo fat sunt. *Cur ventriculus abundet venis.*

De Intestinis.

CAP. V.

CVM Intestina sint ventriculo continua, *Continuatio.* quemadmodum suprà dicebamus, consentaneum est historiæ, quā de humani corporis fabrica scribimus: vt nūc de intestinis loquamur. Intestina igitur à ventriculo exoriuntur, eadēq; *Intestinorum ortus.* penè substantia videntur: licet aliquantulum tenuiore. Situs eorum est ab inferiori ventriculi *Situs.* orificio ad anum vsque, abdominisq; maiorem partē occupant. Veteres Anatomici intestina in

*Dimisso intesti-
norum secundū
veteres Anato-
micos.*

Dimisso propria

sex partes distinxere, distinctisque singulas no-
minibus appellauere. Ego verò, si post tot secu-
lorum recepta vocabula noui aliquid in mediū
proferre fas esset, intestina duo esse dicerem,
quorum alterum tenue est, crassum alterum.

Sed vt aliorum vestigia sequamur (neque enim
temerè à veterum placitis discedendum est) sex
esse dicemus intestina, duodenum inquam, ie-
iunum, ileon, cœcum, colon, rectūque. Duo-

Duodenum.

*Cur duodenum
dicatur.*

*Nomina varia
duodeni.*

*Progressus inte-
stini duodeni.*

*Ieiuni intestini
origo.*

*Cur ieiunum di-
catur.*

*Cur ieiunū sem-
per sepe vacuum
videatur.*

*Cur bilis ad iei-
unum transmitti-
tatur.*

denum, vt ab hoc incipiamus, nam ventricu-
lum subsequitur, ita appellatur, quoniam longi-
tudinem eius duodecim digitorū apicibus me-
tiri possumus: Græcè dicitur δωδεκάδακτυλος, di-
citur & ianitor, portanarius, πύλωρος, ἑκφυσις: quæ
nomina nonnulli ad inferius orificium ventri-
culi transferunt. Duodenum post suum à ven-
triculo exortum, spinam versus descendit, quò
postquam peruenit, assurgit, & gyris initium
dat, ibique terminum habet, vnde est origo ie-
iuno intestino, quod longū admodum est, sed
duodeno tenuius. Ieiunum dicitur, quoniam in
cādauerum dissectione vacuum semper reper-
itur: hoc autem contingit, propterea quòd chy-
lus hâc præteriens adhuc fluidus est satis, dein-
de ob bilis vesiculæ meatum, qui in huius prin-
cipia desinit: transmittitur autem bilis, ad eum
locum naturæ prouidentia, vt vis expultrix ad
suum munus excrementorū eiiciendorum ex-
citetur: hisce itaque duabus de causis hoc inte-
stinum ieiunum antiquiores appellauere: cui

ileon

ileon succedit ob varias spiras ita nuncupatum: *Ilei situs.*
 etenim satis longum existit: sed illud scias ve-
 lim ilei principium, nec non ieiuni fines non *Curdicatur ileo*
 ita cuique in Anatome peruios esse: nam eadem
 substantia, colore eodem cōspiciuntur. Neque *Quomodo di-*
 ego alia via discrimen horum inuestigo, quā *stinguatur fines*
 quod venæ mesaraicæ in ieiuno ipso tum maio- *intestini ieiuni*
 res, tum frequentiores, quā in ileo spectan- *& principium*
 tur: cuius ilei fines à coli principiis excipiuntur. *ilei.*
 Atque hæc tria intestina, quæ hæctenus memo- *Que dicantur*
 rauimus, tenuia omnia sunt. Tria verò alia, quæ *intestina tenuia*
 consequuntur, crassa sunt, cæcum inquam, col- *& qua crassa.*
 lon, & rectum. Cæcum monoculum quoque *Cæcum quibus*
 dicitur, & saccus: vno nāmque foramine dun- *nomine de-*
 taxat donatū est, quod foramen colī ipsius pars *natum.*
 esse videtur, cui sua adest appendix longiuscu- *Appendix cæci*
 la, tenuisque, ob quam Vesalius cæci nomen *Vesalii opinio*
 huic intestino impositum fuisse arbitratur. Mi- *suspensa.*
 hi verò secus videtur, veteres scilicet, cæci in- *Quid verè in-*
 testini nomine intellexisse, quicquid à tenuio- *telligendum sit*
 rum intestinorum insertionē ad colon vsque *nomine intesti-*
 porrigitur: sed hoc interuallum in bobus, sui- *ni cæci.*
 bus, glirib. sciurisque adnotatu dignum est: à *Observatio pul-*
 cæco igitur in dextro ileo colon exoriri vide- *cherrima.*
 bis: deinde ad dextrum renem deorsum flekti- *Colon intestinū.*
 tur, cui adnectitur: deinde conuoluitur, sursum *Iter colis recti.*
 reuertitur, & ad abdomen sub ventriculo trans-
 uersim fertur, non supra ventriculū, vt Mundi-
 no parum Anatomico visum fuit, qui callidè
 commentus erat, dum excrementa in hoc inte-

Coli distributio.

*Cur colo duo ob
tineant liga-
menta.*

*Longam & re-
ctam.*

*Intestina quid
sint.*

*Substantia.
Tunica quot &
quibus fibræ præ-
sunt, & cur.*

*Cur in intestini
aut pauca aut
nulla sint rectæ
fibræ.*

stino detinentur, ventriculi coctionem adiuuari. Vbi ad sinistrum latus colon peruenit, versus sinistrum renem descendit, cui item colligatur. Deinde rursus inflectitur, & descendit, & cum ad sinistrum ileon accedit, duos gyros efficit, & in rectum tandè intestinum in summo osse sacro finem habet. Colon hoc, quod diximus, oblongum est satis, crassumque & cellulis hîc atque illic refertum : quare cum amplum admodum futurum esset, natura illi duo ligamenta parauit instar duarum zonularum, quarum vna superiùs est, inferiùs altera. At extremum intestinum, quod & longaon etiam appellatur, rectum dicitur ob situm ipsius : etenim à summo osse sacro ad extremum vsque coccygem deferitur : atque in ano terminos habet, à quo constituitur. Sunt autem intestina (si naturam illorum in vniuersum scire cupis, postquam historiam didicisti) corpora oblonga, teretia, & concava, quarum situs is est, quem suprà vnicuique assignauimus Eorum substantia neruea est, ventriculi substantiæ non dissimilis. Tunica illis binæ existunt, illæ inquam intestinorum propriæ, & peculiæ, quibus tertia accedit communis, quam à peritonæo mutuò accipiunt : prior interna obliquis fibris prædita est, vt continendi munus obire possent : secunda transuersis, vt propellerent : rectas autem fibras aut nullas, aut paucas quidem certè in intestinis conspicietis. Chylus namque fluidus in eorum inanitatibus,

abus, spatiisque discurrit, atque pererrat: at fibræ transuersæ manuum instar comprehendunt. Variæ illis conuolutiones, spiræque contingere naturæ beneficio non vulgari: ut cibus in illis diutius moraretur: neque nostris negotiis, si re-
cta sita essent, impedimento forent. Propterea
obseruare poteritis animantia omnia, quorum
intestina paucis gyris abundant, subinde fame-
tere, & ad cibum capiendum non modò in-
uitari, sed etiam cogi. Secunda utilitas est ob-
cylî distributionem. Tertia, ut fæces conti-
niant. Neque neruis destituuntur intestina à
sæto pari ad ipsa delatis, neque venulis, quas
vera porta subministrat, quas mesaraïcas ap-
pelant. arterias itidem habent intestina. Quam-
obrem ipsa quoque sanguine aluntur, vimque
habent coquendi, si quid à ventriculo incoctum
exciderit. propterea natura, quæ nihil frustra
candidit, omento intestina ipsa obtexit. Sed
priusquam hunc de intestinis sermonem absol-
uanus, rem admirabilem adnotes volo, lector
candidissime, naturam crassa intestina vndique
in abdomine valli instar collocasse, tenuia verò
in medio crassorum, ut ab externis iniuriis faci-
lius tuta euaderent.

*Cur intestinorum
circumvolutio-
nes variæ.*

Causa prima.

*Cur animalia
quedam cito se
mescant.*

Secunda causa.

Tertia causa.

*Nerui unde in-
testinu.*

Vena.

Arterie.

*Intestina alun-
tur sanguine.*

*Intestina coque-
di vim habent.*

*Cur intestina o-
mento tegantur.*

*Crassa sunt val-
lum intestinum
tenuibus.*

De mesenterio & omento.

CAPVT VI.

MESENTERIVM, siue mæsaron) qua Cicero error.
voce vsus est Cicero lib. secundo de Nat. Mesenterion
Deorum, licet perperam mesenterij naturam quid propriè si-
gnificet.

Exortus.
Substantia.

*Vena & arteria
mesaraica.*
*Glandularum
usus in mesente-
rio.*

*Cur multa glan-
dula sub ventri-
culo.*

*Gland. sub ven-
triculo nomina
varia.*
Mesenterij usus

*Mesenterij divi-
sio in partes tres*

De omento.

Nomina.

Situs.

Hipp. error.

Exortus.

intellexerit : non enim medium intestinum si-
gnificat mesenterium, sed membrum est, quod
inter intestina medium collocatur) ex ortum du-
cit à spina : neque si introspicias, aliud quicquā
est, quàm peritonæum ipsum duplex. Inter hāc
igitur peritonæi reduplicationem, quam hoc lo-
co mesenterium appellamus, venę ad sunt, arte-
rięque mesaraicę, ad sunt & nervi, & glandula
complures hīc appositę ob magnam horū va-
sorum diuisionem, quibus robori sunt, & tuta-
mento. Sub ventriculo præsertim harum glan-
dularum non aspernanda copia visitur, non mō-
dò ob vasorum diuisionem, sed etiam ne ven-
trculus spinę contactu læderetur : hę glanduę
παγκρεός, siue παγκρέας, & καλκκρέας, & affusio, & da-
ctes quoque appellātur. Vsus mesenterij est, ut
intestina contineat, ne vel temerè implicita eia-
derent, vel deorsum delaberentur. Videtur n-
tres partes diuisum hoc, quod dixi, mesenterij,
quorum pars colon detinet, quod transversum
fertur, atque hęc omentī penē portio existit :
alia continet intestina tenuia, tertia verò crās-
sa. Sed si cui libeat mesenterium vnum dic-
re, vel in duas partes secare, ego nihil moror.
Omentum Latinis, Græcis ἐπίπλοον, Arabibus
Zirbus in anteriori parte omnium intestino-
rum, necnon supra lienem quoque situm est,
licet secus scripserit magnus Hippocrates, hoc
à ventriculi fundo iuxta eius longitudinem ex-
ortum, & à colo insuper intestino, in duas
scin-

scinditur partes, supetiorem nimirum, & inferiorem, quæ uniuntur, & sacculi, vel marsupij potius figuram præ se ferunt. Ut rem in pauca conferam: omentum nihil aliud est, quàm peritonæum, in quod tum venæ, tum arteriæ, tum nerui, tum adeps disperguntur, intestinorū tumententi gratia factum est, est quæ non exiguo coctioni conficiendæ adiumento.

De liene. CAP. VII.

SPLEN, seu maior lien, membrum est in sinistro hypocondrio sub costis septo adherens transuerso, cuius innata figura oblonga est, instar plantæ pedis: suprâ gibba est aliquantulum, at quâ interiorem partem spectat; concauam speciem refert: idque non temerè, sed ut ventriculo cederet: ibi linea adest, in quâ eius vasa inferi videbis, propterea nonnullis eminentiis ibidem prædita est. Color lienis subliuidus est, eius substantia poris, & inanitatibus referta spongiæ in morem, ut humori melancholico crasso, terreoque ad illam transmissio suscipiendo esset. In lienis substantia, quâ dixi, tum venas tum arterias, illasque perspicuas nullo negotio deprehendere poteris: licet Galenus oppositum senserit in hoc mirè deceptus, ita ut nullus excusationi locus relinquatur: hæ autem venæ, quas in liene conspicaberis, à venâ porta deriuantur, cuius sunt rami, arteriæ item ab aorta sub septo transuerso. Circundatur lien à tenui peritonæi membrana, in quam neruulus inseritur à sexta

Diuisio.

Figura.

Omenti descriptio.

Vfui.

Situs lienis.

Figura.

Cuius concavum.

Linea in liene.

Color.

Substantia.

Vfui.

In liene videtur arteria & vena contra Galenū. Vena lienis vnde.

Inuolucrum lienis vnde.

Nervus lienis unde. usus lienis.

neruorum coniugatione deductus. lienis utilitas est, vt melancholicus sanguis ab illa attraheretur, cùm præsertim eodem alendus esset. In qua nutritione (est autem hoc obseruatu pulcherrimum) acidus quidam humor seiungitur, & per venæ portæ ramum ad ventriculum delatus famem dormientem excitat, quæ utilitas nullo pacto spernenda est.

Succi acidi lienis utilitas.

De Vesicula bilis. CAP. VIII.

Nomina.

Situs.

Figura.

Substantia.

Vena vesicæ bilis unde.

Arteria.

Nervi.

Usus vesicæ bilis

Meatus vesicæ bilis ad intestina & summitatem ieiuni.

A bilis vesicæ non deferatur meatui ad fundum

VARIIS nominibus, vt pleraq; alia nostri corporis referta est hæc bilis vesicula. nam aliqui ita appellant, aliis Græca vox magis aridet, *χύσις* fellis, alij rudiore voce dicunt, bursam cholæræ citrinæ, hanc naturæ industria sub iecore parte dextera, eaque concaua collocavit. Figura huius vesiculæ, si quæris, oblonga est: substantia verò membranæa. venas à porta sortita est, arterias verò ab ea mutuatur, quæ ad iecur tendit, nervos demum à sexto pari. Hæc bilis suscipit, continet, atq; expellit, & hic est eius usus, quæ bilis à vesicula expulsa ad intestina propellitur, vt virtutem eorum irritaret, atque ad fæces excernendas excitaret, compelleretque. Propterea natura nunquam satis laudata meatum unum duntaxat, (seu porum, seu ductum dicas, nihil interest) prudenter effecit, qui bilem flavam ad intestina, & ieiuni summitatem deferat. Equidem ingenuè fateor, me nunquam meatum vidisse, qui ad ventriculi fundum, vel cavitatem à bilis vesicæ feratur: licet non semel, sed sapius diligenter

genter intuitus fuerim, non negauerim tamen cum huiusce bilis flauę magna adest copia, eam ad ventriculū regurgitare consueuisse. Sed hoc præter naturam euenit, non secundū naturam. Si enim hic meatus à cysti fellis ad vētriculi capacitatem daretur, in causa esset, vt is quicquid continebat, dictum ac factū propelleret: itaque nulla prorsus coctio in ventriculo confici posset. Immediatē sub iecore sita fuit hæc vesicula, vt bilem susciperet, quæ per vniuersum corpus delata plurimum obesse poterat, prodesse nihil: cum præsertim ignea virtute prædita sit. Igitur à iecore ad bilis vesicam meatus perducitur, qui ab eo ad hanc bilem deriuat. Scito tamen inter venæ cauæ portæq; ramos, ramulos complures dari, qui licet per iecinoris substantiam dispergantur, omnes tamen in dictū meatum desinunt, qui cum bilem suscepit, illam ad propriam vesiculam defert. Est autem bilis, vt omnes norunt, tenue sanguinis excrementum: vt atra bilis crassum eius recrementum existit.

De Renibus. CAP. IX.

RENES duo numero sunt, dexter scilicet, & sinister: quorum vterque, tum dorso, tum nothis costis annectitur. Illud scitu pulcherrimum est, Galenum diu multūq; laborasse causam anxie quærentem, cur renem dextrum natura superiorē sinistro collocauerit, ita vt dexter ren altiùs, quàm sinister sit situs. sed profectò nimis accuratè, ne dicam inutiliter,

ventriculi, vt facta est.

Cum bilis regurgitat ad ventriculū præter naturam est.

Probatnr nō debere dari hunc meatū cysti fellis ad ventriculū.

Cur vesica bilis sub iecore sita sit.

Ramuli complures bilem suscipientes & ad eius vesicam deferentes.

Quid sit bilis.

Renes duo.

Connexio renū

Cur ren dexter sit superior sinistro.

*Est imbecillitas
intellectus repu-
gnare sensui.
Galenus ratio cur
dexter ren sini-
strum superet in
bruto locum ha-
bere potest.*

*In homine ven-
sinister est supe-
rior dextro.
Cur sinister ven-
superet dextrum.*

*Involucrum ve-
nium.*

*Nervulus pro-
pria tunica ve-
nium unde.*

Renum figura.

*Substantia.
Color.*

*Vena & arteria
emulgentes.
Vius.*

*Renēs præter
serosum, bonum
sanguinem tra-
hant.*

hoc inuestigavit Galenus noster, cū sensu cō-
trarium prorsus facillimè cuius constare pos-
sit. Est autem intellectus imbecillitas, teste A-
ristotele, sensui ita palàm repugnare, adedò vt
verisimiles Galeni rationes inspecta hominis
Anatome falsæ appareant, statimque corruant.
Tamen si bruta seces, hæc nō temerè Galenum
scripsisse comperies: in quibus sinister à dexte-
ro rene superatur: in homine verò oppositum
omnino cernitur. Cur autem in hominibus se-
cus contingat, vt sinister sit dextro superior, po-
tiùs ob hepar, quàm ob lienem euenit. Etenim
hepar in nobis permagnum est, lien paruus: at
in brutis deorsum vergit. Quare cū renes ie-
core, lienéq; inferiores admodum existant, cō-
sentaneum est, vt illis optimo iure de habitatio-
ne accommodent. Integūtur renes peritonæo,
eoque crasso satis: non deest tamen præter peri-
tonæi velamē propria renibus tunica, ad quam
paruus nervulus, à sexto nervorum coniugio
peruenit. Renum figura faseoli vulgo dicti spe-
ciem imitatur: spinam versus gibbi, caui quā
viscera spectant: at substantia eorum dura, den-
saque est, cordi substantiæ similis, color subru-
ber. In renes venæ, & arteriæ emulgentes in-
seruntur, pèrque eorum corpus disperguntur.
Creati fuerunt renes, vt serosum sanguinem at-
traherent, itaq; iecur expurgarent. Tu verò ca-
ue existimes serosum duntaxat sanguinem à re-
nibus trahi: nam cū hoc vnà boni quoq; san-
guinis

guinis portio aduehitur, qua ipsi aluntur. In renibus lotium à sanguine segregatur, quod deinde in aliam cavitatem emittitur: quæ cavitatis instar cribri nullo pacto efficta est, ut aliqui falso putarunt, & ab hac cavitare, quam dicimus, vtereres, hoc est, vrinaria vasa nascuntur. Vasa inquam concaua, alba, crassaque, arteriarum instar, neruea admodum, à renibus ad vesicam usque progredientia: progressus autem huiusmodi est: Sub peritonæo etenim lumbis adherentes discurrunt, & urinam ad vesicam deferunt: insertio vtererum sub vesica est collum versus, in quorum vasorum finibus natura duas membranas affabrè apposuit illis similes, quas in foliis quotidie intuemur. Earum membranarum structura vsus est, ut, posteaquam urinam ingredientem vesica benignè suscepit, hæ membranæ claudantur, ne denuo retrocedens elaberetur, magno mortalium incommodo, magno sanitatis detrimento: cum lotium post sanguinis distributionem inutile pondus corpori existat. Non desunt, qui harum membranarum ignoratione ausi sint asseuerare, urinam per resudationem in vesica colligi: at isti, si vesicas, quibus loco pilæ ludunt subinde pueri in triuiis, diligenter introspiciant: aërem in illis vesicis reclusum harum quoque membranarum beneficio contineri, obseruare facile poterunt: neque mirum illis amplius videbitur, si earundem ope vrina suscipitur ab vtereribus in vesica, & deti-

*Renes aluntur
bono sanguine.
Opinio falsa de
cribro in renib.*

*Vtererum vasa
rum origo.*

*Vtererum vasa
rum descriptio.
Progressus vte-
rerum.*

*Insertio vte-
rerum.*

*Membrana dua
in finibus vte-
rerum.*

*Usus membra-
narum vtererum*

*Vrina non collis-
gitur in vesica
per resudatio-
nem.*

*Membranarum
quæ sunt in ex-
tremis
mesaraicarum
usum.*

*Renibus asse-
ctis sanguinem quæ
doque præceptis
vult.*

*Renum substā-
tia cum monticu-
lorum figura.*

Renum opus.

netur ne superius reuertatur. Huiusmodi me-
branulas in mesaraicarum quoque extremitati-
bus eadem industria conspiciaberis, vt superius
proprio capite explicauimus. Cùm emulgenti-
bus dictis venis in corpus renum ingrediendū
esset, noluit natura solers, atque in humana fa-
brica sapiens suprā quā dici posset, membra-
nas in harum ingressu statim apponere, ne san-
guis nimium præceps flucret, atque elaberetur,
vt sæpe fit, renibus præter naturam affectis: hoc
ne fieret, curauit renum substāciam in collum,
leu monticulorum figuram augeri. hæc enim
sanguini occurrenti obiciuntur, obstantque
quod minus sanguis, serumque ad membranam
deferantur, ex qua fiunt vteretres. Quare cū
exire prohibeatur, prius per ramos tū sanguis,
tum serum per renum ipsorum substantiam di-
stribuitur. At renes, posteaquā sanguinem
ob sui alimentum ad sese attraxere, ipsoque sa-
turati sunt, serum purum iam redditum, ad
vrinarios meatus transmittunt, qui illum in ve-
sicam postmodum deferunt. hæ igitur partes,
quas prominentiores dixi: in corpore ipso re-
num continentur ea vtilitate, quam paulò antè
breui, quoad eius fieri potuit, expressimus.

De Vesica. CAP. X.

*Vesica situs &
connexio.
Tutamentum
vesicae.*

VESICA in imo abdomine, quod lumen
appellant, sub ossē pubis sita est, cui dili-
genter est connexa. Vesicæ posteriore parte,
tum

tum rectum intestinum, tum sacrum os illi maximo est tutamenro, itaque optimè custoditur.

Eius figura rotunda quidem est, sed oblonga, *Figura vesicae.*
 intus autè concava satis: hæc in ceruicem, mea- *Cervix vesicae.*

tumq; vrinarium desinit: substantia vesicæ ner- *Substantia vesicae.*

uosa existit, crassa satis, tribus fibrarū generibus *Fibrae & earū usus.*

donata, vt Galenus optimè adnotauit: rectis in-

quam, transuersis, atque obliquis, idque vt tum *Tunica.*

attraheret, tum contineret, tum expelleret. Tu-

nicam vnā peculiarem adepta est, quæ exten-

ditur, contrahiturq;: alteram à peritonæo asciti-

titiam mutuò sumit, qua integitur. E vesicæ

fundo in fœtibus vas exoritur, quod οὐραχὸς no- *οὐραχὸς.*

minatur, quoniam huius ductu vrina extrà fer-

tur, dum in matris aluo delitescimus: exit auët

vrachos per vmbilicum, vt in tractatu de fœtu,

latiùs explicabo: & postquàm in lucem proditi

sumus, huic muneri amplius non deseruit, sed

cum vmbilico connexus vesicam sustinet, quæ,

vt antea dicebamus, in collum, & vrinariū mea-

tum terminatur. Est autem Vesicæ collum, seu

ceruix eius oblonga pars semidigiti spatio, vt

nunc loquuntur angustaq; & penè carnea, cui

duæ adstant glandulæ παραστάται, hoc est assi-

stentes propterea dictæ, crassæ, & albæ, quæ

per vasa κρυσόειαν appellata semen suscipiunt,

quod deinde in meatum ad extremum penem

desinentem in coëundi voluptate dimittunt,

à quo tandem foras pellitur, atque eiacula-

tur: etenim meatus hic tum lotio, tum semini

Figura vesicae.
Cervix vesicae.

Substantia vesicae.

Fibrae & earū usus.

Tunica.

οὐραχὸς.

Urachinulus
usus in lucem
editus.

Cervix vesicae
descriptio.

Glandulae para-
statae.

Usus παρα-
στάται.

Meatus cōm-
muni lotio & se-
mini.

Semen qui exeat

communis est. In eodem collo inter binas dictas glandulas partem quandam eminentiorē, oblōgāmque; videre est. Quā semen exit nullum est foramen patens & perspicuū, sed foraminula plura spongiæ instar, neque ipsa primo intuitu cōspicua: apparent autē cū primū glandulas comprimis. Tunc enim illis expressis semen emergit, quod delitescerat: in eiusdem cervicis finibus musculus adest constringens, ne nobis inuitis, atque aliud agentibus vrina exeat, atque absque interpellatore elabatur. Vesica, ut reliquæ penē omnes partes nostri corporis, venas, atque arterias nacta est, à quibus alimentum

Musculi in finibus colla vesicæ vsus.

In vesica vena & arteria cur.

Nervi duorum generum ad vesicam.

Vesicæ vsus.

Cur vesicæ fontis imaginē referat.

Vesica in fœmini ubi.

vitamque suscipiat: nervos autem duorum generum tum à sexto nervorum pari, tum à medulla spinali. Vesicæ utilitas, ne vobis multis morer, est vrinam, ab vtereribus aduectam, primò suscipere: deinde aliquandiu detinere: postremò expellere. Quamobrem nihil mirum est, si fontis imaginem præ se fert: in fœminis matrici adhæret, & parastatis glandulis caret.

De peritonæo.

CAP. XI.

πλεῖρα quæ ambiat in thorace.

περιτόμιον quid ambiat. Substantia. Nominum.

QUEMADMODUM vniuersa thoracis cavitates vnà cum internis membris omnibus, quæ thorax continet, à succingente membrana, quæ πλεῖρα dicitur, optimè circumdatur: ita in abdominis cavitare membra, vasæque in eo contenta, à tenui, nerueæque membrana, quā Græci περιτόμιον dicunt, siphac Arabes, magna naturæ prouidentia obuoluuntur: idcirco hanc

hanc Græci *περιτόναιον* dixere, quòd scilicet vasa, visceraque omnia subiecta prætendat, & circumplectatur. Peritonæi figura subsphærica est: spinæ, quo loco se ipsa crassior existit, bellè admodum, validèque connexa est: est autem prope spinam crassius peritonæum, quoniàm inde multas in partes diuidendum erat: itaque iam suprà memorauimus quo pacto mesenterium, atque omentũ parturiat, iecur inuestiat, neque iecur solũ, sed lienem quoque, transuersum septum, ventriculũ, intestina, renes, vteretres, vesicam, atque vterum in fœminis, vt suo loco explicabimus, venas quoque, arterias, neruos, glandulas. Peritonæum (cuius historiam nunc præ manibus habemus, quamque breuĩ absoluemus absque verborum lenocinio, vt consueuimus) sub transuersos abdominis musculos venit, ibiq; cum eorum tendinibus validè connectitur. Animaduerte autem hoc, quod mox dicam: est enim scitu pulcherrimum, atque à nemine hactenus animaduersum: peritonæum à dimidio abdomine sursum versus Anatomen conspicientibus simplicem esse membranam, disspicientibus autem ab umbilico infrà membranam hanc duplicatĩ: cuius reduplicationis vsus est, primũ ob arterias umbilicales nuncupatas, ob vas, quod *ὀμφαλὸς* dicitur, ob venas, arteriasque sub rectos epigastrij musculos ascendentes (quæ vasa inter hanc peritonæi reduplicationem continentur, quam ego

Figura.

Adnexio.

Cur peritonæum est crassius prope spinam. Peritonæi venter attingitur.

Nona observatio de peritonæi simplicitate & reduplicatione. Cur peritonæum reduplicetur.

*Cui peritonæum
intus leue sit,
extrâ asperum.*

Vesali error.

primus omnium obseruauit) necnon ob vesicâ,
deinde hæc eadē peritonei duplicitas, vt ita di-
cam, in causa est, vt intestina validiùs, tutiùsque
contineantur. Peritonæum interna parte læue
est, extrâ asperum, neque id iniuria, sed vt dictis
musculis, atque eorum tēdinibus fortiùs adha-
resceret; multis quidem in locis perforatū peri-
tonæum cernes: sed tamen tot locis foramina
eius spectabis, quōt illi bonus Vesalius assigna-
uit, vel somniauit potiùs. Atq; hæcenus de peri-
tonæo: nunc reliqua persequamur.

De abdomine. CAP. XII.

*Abdomen qui
sit, & cuius nomi-
na.*

*Quæ in abdo-
mine continen-
tur.*

*Ope membr. ge-
ner. species ater-
na philosophis*

2. 1. 1.

3. 1. 1.

4. 1. 1.

5. 1. 1.

6. 1. 1.

7. 1. 1.

8. 1. 1.

9. 1. 1.

10. 1. 1.

11. 1. 1.

12. 1. 1.

13. 1. 1.

14. 1. 1.

15. 1. 1.

16. 1. 1.

17. 1. 1.

18. 1. 1.

19. 1. 1.

20. 1. 1.

IN abdomine (est autem abdomen regio illa,
I qua inter costas; & os pubis sita est, quōd q;
Græci ἐντὸς σπλινος, Arabes mirach vocant) præ-
ter membra illa nutritioni deseruiencia, iecur
inquam, splenem, ventericulum, intestina, renes,
vesicam, omentum, mesenterium, pancreas,
venas, arterias, necnon peritonæum, adsunt
quoq; membra alia generationi opem ferētia,
quorum ope species æternas fieri autumant na-
turæ arcanorum indagatores. Quamobrē, post
eaquā ea, qua potuimus, breuitate, & perspi-
cuitate historiam de nutritioni deseruientibus
membris absoluius, reliquum est, vt de illis,
quæ plantando homini necessaria sunt, nūc ver-
ba faciamus: ex quibus nonnulla vtrique sexui
communia, nonnulla propria sunt: communia
cū dico, vasa seminaria, & testes intelligo,
propria verò in mare penem, in femina vterū.

De

De vasis seminariis, testibus, eorúmque mem-
branis. CAP. XIII.

DVPLEX igitur genus est eorum vasorum quæ seminaria appellantur, quorum alterum materiam ad testiculos deferret, ex qua semē elaboratur: alterum verò, quod iam elaboratū est in testibus semē, ab ipsis suscipit, & ad penis radicem deferret: propterea hæc vasa deferentia, illa præparantia vno Anatomicorum ore appellantur. Præparantia quatuor sunt tam in mari, quàm in fœmella, licet in hominibus longiora sunt, in mulieribus breuiora. Deferentia verò duo: neque in hoc interest, an de mare, vel fœmina loquaris: totidem namque in vtroq; cōspiciuntur. Præparantia itaq; generationis materiā vasa sunt venæ duæ seminales dictæ, duæ item arteriæ eadem voce nuncupatæ. Venæ, vt in tractatu de Venis, fusiùs diximus, in exortu suo variæ sunt: nā dextra à vena caua sub emulgenti pullulat: at sinistra ab ipsamet emulgente deducitur. Anatomici, posteaquàm harum venarum diuersitatem conspiciunt, sinistra feminalem ab emulgente originem trahere censuerunt: quodd necesse esset falsum humorem ad testes deferri, cuius titillatione se in coitu tantopere niunt commoueri. Ego verò sententiam hanc falsam esse prorsus opinor: nam multos noui, quibus, vt ab hernia intestinali, quæ ἐντεροκήλη: Græcè dicitur, sani euaderent, testis sinister ablatu fuerat: qui tamen dum

*Vasa seminaria
duplicita & vsus
eorum.*

Nomina.

*Præparantia
vasa sem. qua-
tuor.*

*Deferentia va-
sa seminaria
quatuor.*

*Præparantium
vasorum descri-
ptio.*

*Vena seminales
unde oriuntur.*

*Anatomicorū
opinio cur vena
sinistra semina-
lis oritur ab e-
mulgente.*

*Anatomicorū
opinio cōfutat*

mulieribus coirēt, eadem voluptate, qua antea se perfrui solere, mihi de industria diligenter interrogāti sanctē iurabāt: alia igitur huius diuersitatis causa quaerenda est, cū prima nullo pacto satisfaciat, & dicta instātia allata statim corruat.

*Causa vera cur
vena sem. sinis-
tra oriatur ab
emulgente.*

Ego causam, quam verissimam puto, in mediū adducam, vos eritis iudices. Cū hæ seminales venæ exiles admodum sint, & paræ: atque in sinistro latere magna arteria prope venā cauam sit sita, quæ arteria magna nunquam non viuis nobis mouetur, periculum ingens, atq; adeo euidens imminabat, ne hæc tenuis vena in iis pereñibus motibus disrumperetur. Natura igitur prudens, vt hoc incommodum euitaret, sinistrā feminalem venam ab emulgente, non à venæ cauæ trunco decidi voluit: ne in descensu su-

*Arteriæ se-
minalium ortus*

pra magnam arteriam iaceret. At duæ arteriæ, quas seminales diximus, à magnæ arteriæ trunco sub emulgentibus seaturiunt. Hæc vasa dū descendunt, primò aliquātulum distant, postmodum ita implicantur, vt vena arteriam, arteria venam ingrediatur, sitque præclara illa, & admirabilis, ac aspectu iucundissima, à Græcis hō-

*ἀνατομία ve-
narum & arte-
riarum in plu-
ribus partibus
corporis.*

minibus vocata ἀνατομία, quod genus ἀνατομίας, si in corporum dissectionibus te accuratū præstabis, in aliis quoque partibus comperies; in brachiis præsertim, & cruribus: propterea quandoque euenit, vt vena vna duntaxat sauciata non modò, naturalis sanguis vniuersus, sed vnā vitalis quoque effluat, ita vt vulneratus in-

In vulneribus

tereat.

tereat: horum vasorum plexus vitium capreolis conferri non ineptè potest: qui plexus summo studio, artèque mira effectus est, vt scilicet materia illa, atque ille seminis apparatus, qui primò ruber erat, sensim alterari, pararique inciperet, & albesceri: qua elaboratione inchoata, non dubium est, quin magna pars laboris testibus imminuatur, quorum hic vniversus labor futurus erat, ni horum vasorum complexus, hæc venarum, atque arteriarum *ἀναστομωσις* suppetias attulisset. Idcirco hæc implicatio deorsum vsq; ad testes descendit, perforatòque epididymo ad ipsam testium substantiam penetrant. Ab hisce duobus vasis aliud vas oritur, quod deferēs *κρυσταλλῆς*, & variciforme nuncupatur, crassum, anfractuosumque, supra testem inuertitur: deinde sensim assurgit eodem itinere, quo deorsum deflectebatur, ita vt reuertantur, vnde exierant præparatia vasa, pèrque idem foramen ingreditur, quod in tendinibus musculorum abdominis descendentiũ, ascendentiũ, & obli-
 quorum supra os pubis situm est: quo loco pubis os cavitatem habet superficialiam, vt cederet horum vasorum rotunditati. Vbi in abdominis capacitatem peruenit, deorsum fertur prope os pubis, & sub vesica, ubi magis, ac magis amplificatur, & iuxta fines suos multum implicatur, & contorquetur, donec in glandulas parastatas tandem implantetur, quæ ad penis radicem, & vesicæ fines collocantur. in quibus

cur quandoque sanguis vniuersus exeat. Plexus vasorum seminalium, & cur.

Anastomosis vasorum seminalium quousque progrediantur. Defertis variciformis vasis descriptio.

Foraminis in tendinibus musculorum abdominis utilis.

Glandule parastata ubi fines fixæ.

Cur tot gyri & glandula.

Quod Aristoteles tanquam mirandum proponit, non estimandum.

Vasa gen. in mulieribus abdomine non prætereunt. Mulieres in utero cavitatem semen fundunt.

gyris, & obvolutionibus, plexisque implicitis, & glandulis, tantum seminis continetur, quod tres, quatuorve fœtus feri facile possent, præfertim in fœcundioribus: propterea nihil mirum nobis videri debet, quod Aristoteles tanquam admirandum proponit, taurum, cui quam testes execti fuerant, genuisse tamen.

Atque hæc sunt in homine generationi dicata vasa. nam in mulieribus ipsis neque abdomen prætereunt, neque in parastatas desinunt, neque ad vesicam perueniunt, sed ad matricis duntaxat cavitatem, in quam semen transfundunt.

De Testibus.

CAP. XIII.

Testes cur s. d. u. ui diu.

Locus testium.

Testium figura substantia.

Testium in sceminiu situi.

Substantia & figura.

Vsus testium in mare & scemina.

Testes in mare habent plures tunicas.

TESTES vocant Latini, quos Græci *σπέρμας* vocant. *σπέρμας* autem vocat, eo quod duo sint. locus testium in homine scrotum est ipsum, quod *σπέρμας* dicitur. qui situs ita notus cuique est, ut nulla descriptione indigeat: illis præcipuè, quibus cum magnis, & fœcundis testibus res præclare, & fœliciter agitur. eorum figura orbicularis est, at non exquisitè, sed oblonga ouorum instar. Substantia rara, laxa, alba, mollisque in maribus: sed in fœminis intus in abdomine occluduntur, neque ita crassi sunt: neque adeò rotundi & molles, quemadmodum in viris. Testes in utroque sexu seminis generationis gratia conditi sunt: nam absque his neque semen gigni, neque generatio perfici posset: membranis pluribus in homine obducuntur, de quibus magna lis, magna controuersia, ne dicam confusio

confusio apud Anatomicos reperitur: cuius in causa fuisse arbitror disseccandi vel imperitiam, vel negligentiam, vel utrūque, dum alteram ab altera vel parum peritè, vel oscitanter seiungebant. nos autem conabimur dilucidè satis hæc distinguere. Igitur membranarum in testibus alias communes, peculiare alias appellamus. Dum scrotum hominis disseccandum ob oculos habes pro testium Anatome conspicienda, primò occurrit tibi cuticula, deinde cutis, quæ in hac parte est tenuissima, rugosaque, deinde membrana carnea, inter quam & cutem nulla adest pinguedo, ut facilius extendi, & contrahi, elongari, & corrugari posset. Propriæ testium membranae tres numero sunt, quamvis Vesalius duas solum agnoscat: quarum prima (de tribus externis nunc loquor) oritur à neruea tenuitate musculorum obliquorum descendentiū, quam ego ἐπὺ θροσφῶν appello, fibris carneis intertexta, quæ testis musculus conficiunt. Secunda δαπτόν dicitur, quæ nihil aliud est, quàm peritonæi ipsius substantia, candida, vasisque adhærens, & affixa. Ab hisce membranis, quarum partem proprias membranas, partem communes dicimus: & vasa seminaria, & testes inuoluuntur. Tertia, & postrema testis substantiam immediatè integit, alba colore, structura crassa, quam ego ἐπὶ τῷ δυνάμει appello, quicquid alij sentiant: nam aliqui epididymon vocant plexum illum vasorum, qui supra

Anatomici certant de membrana testium.

Administratio testium.

Membrana testium propriæ tres Vesalius error. Prima membrana testium propria. Ortus.

ἐπὺ θροσφῶν. Secunda membrana δαπτόν.

Tertia membrana

ἐπὶ τῷ δυνάμει.

Error nonnullus.

Testes fœminarum.

Cur fœminarum testes pauciores habeant membranas.

Cur testes in fœminis intro collocantur.

testiculum cernitur. Testes fœminarum vna duntaxat mēbrana, ἐπιθήμις, à nobis dicta, circumdatur, & à peritonæo: neq; illis pluribus opus erat membranis, cū in abdito, tutóq; loco, in naturæ inquam penetralibus contineantur. Quo loco ob innatam mulierum frigiditatē positi sunt, at viris extrà prominere voluit: ne assidua coeundi cupiditate torquerentur, quod & vitæ brevitatem inducere, & à negotiis peragendis non abducere non potuisset.

De pene.

C A P. XV.

Nomina peni.

Nominibus student medici ratione rerum.

Peni figura.

Situs.

Substantia peni in homine qualis.

Cur peni nō sit ossæa in homine.

NE existimetis deesse nomen peni: penē enim sunt innumerabilia, cū plura sint in vnaqua; lingua tritissima, & in dies ioci gratia efformentur parasitis, & otiosis hominibus, ac in venerem pronis, ab amatoribus, à mœchis, à procis, à lenonib⁹, à meretriculis, à lasciuis poëtis, à scurris: nos autem, qui nominibus tantū studemus, quantum nos in rerum ipsarum notionem deducunt, pauca duntaxat enumerabimus. Penis itaq; dicitur, καυλός, mētula, virga, virilē membrum. Eius figura nō modò vel eunuchis ipsis, & lippis notissima est, situs item notissimus: substantia verò perpaucis admodum cognita est, quamvis cognitione digna, & non vulgaris existat speculationis. Nam in homine penis substātia neq; ossæa est, vt in lupo, cane, & vulpē mare: quæ si ossæa in nobis foret, & instar baculi rigidi semper prominere, multis ne gotiis gerēdis impedimēto nō esse nō poterat.

Neque

Neque cartilaginea est, neque ex ligamenti con-
 stat substantia, neque musculosa, neque neruea,
 neque vena, neque arteria, neque membrana:
 licet ex iis, quæ enumerauim⁹, nonnulla ad penis
 ipsius structuram concurrant. at nulla ex iis se-
 orsum sumpta conficiendo peni accommoda-
 batur. Neque enim id præstare potuissent, cuius
 gratia illum natura parës genuerat: neque enim
 lotij vnus emittendi, sed seminis quoque in v-
 terum sobolis gratia ei aculandi natura penem
 effinxit. Cùm igitur natura humani generis sol-
 licita indiuidua quotidie peritura animaduerte-
 ret, miserta est, & vt per speciem, ac propaga-
 tionem immortalis homo euaderet, sedulò cu-
 rauit, hominisque penem ex substantia quadam
 efformauit, quæ & erigi, & flaccescere, & rigida
 fieri & vieta posset. Spongiosa itaque meritò est
 rara, porosâque, penè lienis substantiæ similis,
 quam tamen crassius induit ligamenti, quæ vnâ
 cum rara, quam diximus, penis substantia ab
 inferiore parte ossis pubis, non à superiore (vt
 malè in hoc Galenus) ortum ducit suum. Hæc
 quæ diximus, ligamenta ex inferiore pubis osse
 exorta sunt, & quidem in ano origine carnea:
 deinde superiora versus tendit, in medio verò
 ossis pubis plus minus dextrum principium cū
 sinistro vnitur, coitque. Deinde deorsum versus
 inflectuntur, & ad glandis fines implantantur,
 quæ glans reliquis penis partibus magis dura
 existit. Dextrum ligamētum cum sinistro iuxta

*Cur non sit car-
tilagineus.*

*Cur non constet
substantia liga-
menti, musculi,
nerui, venæ, ar-
terie, membra-
na seorsum.*

Vnus peni.

*Substantia peni
cur salu.*

Ortus peni.

Galeni error.

*Ligamentorum
peni implicatio
Glans peni qua-
lu.*

*Cur arteria in
pene.*

*Cur arteria in
pene.*

*Quomodo fiat
erectio penis.*

*Virilitas liga-
mentorum.*

*Arteriarum pe-
ni utilitas om-
nibus alii igno-
ra.*

Vesali error.

*Musculi peni
quatuor.*

*Meatus com-
muni lotio & semi-
ni in pene qui
bus confert.*

penis longitudinem vnitur. At penis substan-
tia, quippe quæ rara compage, porisque multis
constabat, erectioni in coeundo necessariae pa-
rum apta futura erat, & vno ligamentorum au-
xilium tantundem ferè opis assequebatur. Natura
prouida arterias duas per hæc, quæ diximus, cor-
pora diffudit, quæ à radice penis ad extremam
vsque glandem rectè feruntur: sed infinitos (vt
ita dicam) ramulos huc illuc dispergi iussit: cum
verò noui hominis gignendi libido incessit, ma-
gnam spirituum vim per arterias illas, quas dixi-
mus, capillarésq; arteriolas diffundit, & ad pe-
nem detrudit, quorū auxilio substantia illa pau-
lò antè rugosa, & flaccescens attollitur, erigitur
indurefcit, rigit: fulciunt autem illam, quæ an-
tea diximus ligamenta, quæ crassa sunt duobus
nominibus, tum ob hoc, tum ne spiritus citò ni-
mis euolarent absumpti. Has autem arterias pe-
nis, atque hoc earum munus nemo hætenus,
quod sciam, ante me cognouit, vt in tractatu de
arteriis latiùs diximus, per quas alimentū quo-
que defertur: cum in pene nulla adsit vena, nul-
lus neruus, vt Vesalius in hoc deceptus perpe-
ram existimauit. Præter quæ hætenus memo-
rauimus ad penis fabricam à natura excogitata
quatuor quoque musculi adsunt: vt in nostro
libello de Musculis latiùs habetis: adest insuper
communis ille meatus, tum semini, tum lotio,
qui sub hisce duobus corporibus positus est, ne
que aliud est quicquā, si rectè perpendas, quàm
vesicæ

vesicæ substantia ad penis fines elongata: hæc autem omnia integuntur cuticula, cute, carnea membrana; nulla præsentē pinguedine, vt in scroto dicebamus: quam hîc motus gratia deesse opinor: & vt ne in tantâ molem penis ipse excresceret, qua vterus expauesceret: licet hunc rerum omnium capacissimum meretrices prædicent. Pars extrema penis præputium dicitur. estque pellis illa, qua glans integitur, quæ in coitu ipso nunc sursum, nunc deorsum fertur infinita propemodum mulierum voluptate, & tē tigrine: hæc in Hebræorum circumcisione auferitur: propterea vetus verbum est, Iudæus apellâ. Quæ res magnam voluptatis partem Hebræis mulieribus adimit, dum venus, oscula amanti quinta parte sui nectaris imbuit.

*Penis tegumēta
In pene non est
pinguedo, etc. cur*

Præputium.

*Cur Iudæus dicatur
apellâ,*

De vtero, siue de matrice.

CAPVT XVI.

SI V Ε μήτραν dicas, siue ὑτέραν matricémue, vterum, aut vuluam, nihil refert. Situs eius est in abdomine inter vesicam, rectumque intestinum. En quî superbis homuncio, terra, & cinis inter excrementa natus. Sed ad Anatomicen reuertamur: nimis enim profectò miserum sumus, si rem ad viuum consideremus: neq; nos φιλαυτία cæcos efficiat. Vterus anteriore parte ab osse pubis, posteriore ab osse sacro, à lateribus, ab ossibus ilium, tanquam firmissimis ac tutissimis vallis circundatur, ex quibus sacro ossi, & pubi connectitur. Figura vteri tum rotunda,

*Vteri nomina
diuersa.
Situs.*

Apostrophe.

Vteri tutamenta.

Vteri connectio.

Figura.

*Vteri muliebris
figura ab utero
bruteri differt*

Galenus error

*Substantia vte-
ri qualis.
Cur neruea.*

Vteri fibra.

*Cavitas vteri
unica.*

*Quomodo pos-
sint in unica v-
teri cavitate
plures fetus ge-
nerari.*

*Plures fetus di-
stinguntur mē-
branis non cel-
lulis.*

*Mundinus pa-
rum anatomi-
cum.*

tum oblōga est, suprà deprimitur magis, quàm intrà: Illud potissimum pro comperto habeas, vteri muliebris figuram à bouillo, caprino, & ouillo non parum differre, quicquid Galenus in hoc parum Anatomicus in lib. de Fœt. formatione, necnon de Dissectione vteri scriptū reliquerit. Crassam vteri substantiam, carneam, & nerueam quoque natura mixtā esse voluit: vt, dum fœtum continet, faciliùs extendi, & dilatari posset. Tribus generibus fibrarum intertextis constat matrix, vt Galenus optimè docuit, rectis inquam, obliquis, & transuersis, vt semen pro fœtu effingendo attraheret, contineret, statòque tempore expelleret. Interna vteri cavitas vna duntaxat est, præterea nulla, atque illa parua satis, in qua tamen, licet vna sit, & exigua, iuxta immissi seminis quantitatem non modò fœtus vnus formari potest, sed gemini, tres, vel plures fœtus, vt in multis Europæ vrbibus non semel contigit: qui deinde non cellulis, sed propriis membranis à sese mutuo distinguuntur, quemadmodum tunc apertius explicabo, cùm de fœtu ex professo scribere aggrediar: quam partem nostrorum librorum vobis tam gratam fore certè opinor, quàm quod gratissimum. Interim moneo, ne vllam Mundino fidem adhibeatis, quem parum Anatomicum vos quoque iudicabitis, si, vt reliqua nūc illius errata missa faciā, quod de vteri Anatome scripsit, cum rei natura conferetis. Inquiens in hu-
mano

mano vtero septem cellulas adesse, thalamos etiam, & atria dicere potuisset: tantundem enim esset. Rei veritas hæc est mulieris vterum vnica cavitae præditum esse, quæ intus satis lenis cõspicitur, quamuis nõnulla foramina adsint, quæ nihil aliud sunt quàm venarum, & arteriarum capita, quæ veteres Anatomici acetabula nuncuparunt, quoniam concauæ partes sunt, quibus semen adhæret, tuncque arteriæ arterias, venas venæ gignunt. Cavitae vteri in foramen satis angustum tandem dehiscit, quod os matricis appellatur, quod si extrâ spectes, tinchæ piscis, vel canini oris nuper in lucem editi, imaginem tuis oculis offeret: hoc autem foramen in matricis collum spectat: per quod foramen vteri semen ingreditur, dum nimia delectatione dilatatur: aperitur autem eo tempore, quo mulier semen emittit: colli, vel ceruicis nomine in vtero non corpus illud, quod suprà descripsimus, sed partem illam intelligimus, in quam mentula, tanquam in vaginam immittitur, cuius longitudo est, quantum vñdecim digiti apicibus metiri possumus: rugosa est, & membranosa, non cartilaginea, vt Herophilo placuit: suntque rugæ illius circulares, vt in coëundo virile membrum amplexaretur, atque exugeret: quibus rugis attritio fit, ex qua miram voluptatem amantes in coëundo percipiunt. In ceruicis vteri finibus vuluam versus nonnullæ carunculæ prominent, à quibus voluptas, ac dele-

Fabula est in humano vtero adesse septem cellulas.

Canitas humani vteri vnica est & qualis. Foramina in cavitae vteri quid sint. Acetabulorum vteri vsus.

Os matricis.

Figura oris matricis.

Os matricis quādo dilatetur & aperiatur.

Cervix vteri quid.

Longitudo cervicis vteri.

Rugæ in collo matricis.

Rugarum cervicis vteri vsus. Carunculayum in finibus cervicis vteri vsus.

ctatio in coëundo nō parum augetur: sub hisce
 vuluæ labellis duæ adfunt à lateribus latę mem-
 branæ: nymphæ à veteribus dictæ, quarum uti-
 litas est, vt à puluere, frigore, & aëre vterum
 tueantur: sub nymphis in nonnullis virginibus
 (non omnibus) alia mēbrana cernitur, hymen
 à veteribus appellata, quæ cū adest, rarò au-
 tem adest, obstat quòminus penis in vterum im-
 mittatur: nam crassa est valde, supra vesicam ver-
 sus foramine donatur, per quod menses fluunt.
 Vterus humanus (hunc enim describimus) e-
 iúsque ceruix, præter tunicam sibi propriam,
 peculiarémque, à peritonæo inuoluitur, vt su-
 prà artigimus. Vasis quoque seminariis prædita
 est matrix, quemadmodum in viris diximus:
 hoc vno differt, quòd in mulieribus breuiora
 sunt. Testibus quoque non destituitur, qui su-
 periori in parte nonnihil depressi videntur, ap-
 ud quos sitę sunt duæ latæ particule membra-
 neæ, nōnullis carncis fibris donatæ, quas mem-
 branas Vesalius musculum vocauit: in harum
 summitate à testibus, hoc est præparantibus va-
 sis deferentia proficiscuntur, quæ in foemellis
 nō minus anfractuosa sunt, quàm in viris ipsis:
 & in matris cauum terminantur: hæc suprà, hoc
 est, prope eorum corpus, partes binas prominē-
 tes instar vituli cornuum nuper erumpentium
 profert, quæ fortè illa sunt ab antiquis dicta ma-
 tricis cornua: veram enim cornuū veruecis
 speciem in vaccæ, capræ, canis, ouis, suis, &
 id ge-

*Nympharum si-
tus & usus.*

*Hymen in virgi-
nibus nonnullis.*

*Vnde menses flu-
ant.*

Vteri tunica.

*Vasa seminaria
mulierū in quo
distant à viris.*

Testes.

*Vesalius latas
particulas mem-
branas vteri ap-
pellat musculū.*

Vasa deferentia

*Cornua uteri ve-
rè cornua in bru-
tā videntur, se-
cū in homine.*

id genus animalium vtero videbis, nam in his mirè incuruantur, & concaua sunt, & in his fœtus gignuntur. At mulieris uterus longè ab his distat, vt tu quoque, nisi conferre pigcat, facillè experiri poteris, sed ad vteri humani historiam reuertamur. Auxilio vasorum seminalium, illiusque membranæ, quam Vesalius pro musculo describit, sacro ossi uterus appenditur: in fine verò vnà cum ceruice, ossibus pubis, & coxendici. A matricis lateribus (mirum audies) bini processus constituuntur, quæ duò oblonga ligamenta videntur esse, neruica cauâque, ligamenti etiam munere fungi creduntur: at ad summum os pubis minimè perueniunt, vt Vesalius existimauit, sed per ea foramina transeunt, quæ in neruosis tenuitatibus musculorum obliquo- rum descendentium, ascendentium, & transuerforum sita sunt, quemadmodum in viris, per quæ vasis seminariis aditus patet: etenim fœminis hi tendines perforati cernuntur: quamuis Vesalius id inficietur. Processus igitur hi ab vtero exorti prope id foramen, quod os matricis vocatur, extra abdomen exeunt, supra pubem ascendunt: desinunt autem in particulam quâdam excelsam in vuluæ apice circumuolutam supra id foramen, vnde lotium exit: & hæc lector candidissime illa, illa præcipuè sedes est delectationis mulierum, dum venerè exercent, quam non modò si menrula confricabis, sed vel minimo digito attrectabis, ocyus aura semen hac,

Uteri connexio.

*Processus uteri
bini.
Vsu.*

Vesalij error.

*Iter processuum
uteri.*

*Tendines perfo-
rati.*

*Processuum u-
teri epilogus.*

*Sedes delecta-
tionis in mulie-
ribus.*

*Quo pacto co-
gere poterit mu-
lierem semen e-
mittere.*

Quæ pars in mulieribus venerem petentibus duriuscula appareat. Pars in muliere specie penis. Processuum uteri usum nemo ante me aduertit.

Non concipitur fœtus absque mutua voluptate. Arteria & vena uteri unde.

Menstruus sanguis non expurgatur per venas uteri.

Menses per quas venas fluant.

atq; illac præ voluptate vel illis inuitis profluet. Hanc eandem vteri partem dum Venerem appetunt mulieres, & tanquam æstro percitæ virum appetunt, ad libidinem concitata: si attinges, duriusculam & oblongam redditam esse comperies: ad eò vt nescio quam virilis mentulæ speciem præ se ferat. Hos igitur processus, atque eorundem usum cum nemo hactenus animaduernerit, si nomina rebus à me inuentis imponere licet, amor Veneris, vel dulcedo appelletur. Non dici posset quantopere admirer tot præclaros Anatomicos, tam pulchram rem, tanta arte effectam, tantæ utilitatis gratia, ne olfecerint quidem. Vos autem, qui in has meas lucubrationes Anatomicas legendas incideritis, scitote absque processibus, quos ego vobis paulò antea fideliter descripsi, neque mulierem aliquam in Veneris amplexibus delectatione percepturam fuisse, nullos fœtus concepturam, non enim absque mutua maris, & fœminæ voluptate concipi posse crediderim: sed de his satis. A venis, arteriisque feminalibus, (quemadmodum suo loco diximus) tum venæ, tum arteriæ ad matricis corpus tendentes deciduntur, non vt per has menstruus sanguis expurgetur, vt communis est sententia: sed vt laudabili sanguine cum illa, tum conceptus fœtus ali commodè possit. Non enim hæ sunt venæ, quarum ope menses fluant mulieribus: sed illæ à venæ causæ diuisione exortæ, quæ in vteri ceruicæ ad ipsius latera

latera inferuntur, vt eo loco latiùs habetis. Vtero duo neruorum genera donata sunt, à sexto scilicet pari, & à spinali medulla. Vulua extrà membranosa est, pinguedine referta, non musculosa, vt aliqui opinantur, propterea motu voluntario destituitur. Longitudo, quam supra ceruicis foramen videtis, à natura partus ergò prudentissimè confecta est, vt pariendi tempore dilatari posset, & infans in lucē faciliùs prodiret. Illud historiæ de vtero addendum est, ad eius ceruicis extremitates vesicæ ceruicem desinere, vbi foraminulum adest immediatè sub pubis ossè: caue enim existimes, vt idiotæ, & mulierculæ ipsæ mingentes opinantur, per vteri ceruicem lotium exire. In fœminis ad vesicæ collum non adsunt illæ glandulæ parastatæ, veluti in maribus, quòd vesicæ collum in fœminis, tum breuius, tum latius est, quàm in hominibus.

Nervi vteri.
Vulua descriptio.
Vulua non est musculosa, non mouetur voluntariè.
Longitudo.
Vfus vteri.

Vnde exeat lotium in muliere.
Lotium nō exit per ceruicem vteri.
Cur ad vesicæ collum non adsint glandulæ parastatæ.

De Vmbilico. CAP. XVI.

VMBILICVS, qui & vetula à quibusdam nominatur ratione rugarū quas præ se fert, in medio corpore situs est, vt rectè sentit Galenus ipse, & ante ipsum Aristoteles: quanquam Vesalius friuolis quibusdam rationibus delusus contrà videatur sentire. Hic iure optimo mediam corporis partem occupat, quòd dum in vtero matris latitamus, per eundē nutrimur, per eundēque excremēta reddimus. Nihil autem est aliud vmbilicus, nisi receptaculum horum

quatuor vasorum, vnius venæ scilicet vmbilicalis dictæ (quæ à matrice ortum sumens per vmbilicum sursum partem quandam iecoris diuisam ingreditur, terminaturque in venam portæ) & duæ arteriæ vmbilicales itidem appellatæ (quæ deorsum per fœtus abdomen tendentes, in duplicatione peritonæi iuxta vesicâ deferuntur, desinuntque in diuisione magnæ arteriæ) præter hæc quartum adest vas οὐραχὸς dictum, quoddà à fundo vesicæ initium sumēs, vrinam ex fœtu trahit: ea verò inter ἀμύτον membranam,

& ἀνατολὴν referuatur. Sed hæc vasa infante postmodum in lucem edito eo

quo diximus munere priuantur:

fiunt tamen instar funiculi

cuiusdam, ne penitus in-

utilia corpori

existant.

REALDI

REALDI COLVMBI

CREMONENSIS

DE RE ANATOMICA

Liber duodecimus.

DE FORMATIONE FOE-

TVS, AC DE SITV IN-

fantis in vtero.

OSTQVAM de orga- *Continuatio,*
 nis generationis tam ma-
 ris, quàm fœminæ tra-
 ctatum absoluimus, ne-
 cessarium videtur ad fœ-
 tus humani tractationē
 deuenire. Qua in re il-
 lud primū admonen-

*Virilis historia
 de formatione
 fœtus & nobili-
 tas.*

us est prudens, piūsque lector, hominis gene-
 ratione, fœtus inquam, formatione nihil admi-
 rabilius excogitari posse, nihil quod æquè natu-
 ræ miraculum videatur esse, nihil quod huma-
 num genus diuinæ providentiæ, sapientiæque
 amore magis inflammet: ea enim arte effectus
 est, atque efformatus hominis fœtus, vt illā ad-
 mirari magis, quàm laudare, laudare magis,
 quàm exactè introspicere omnia possis: nam li-
 cet omnibus in rebus Dei potentia, cuius maie-
 stati nihil obstat, nihil est difficile, elucere pos-

*Difficile est scri-
bere de forma-
tione factus.*

*Quæstiones ali-
quot quæ stu-
diose præmit-
tuntur.*

*Quæstiones ali-
quot quæ stu-
diose præmit-
tuntur.*

*Quæstiones ali-
quot quæ stu-
diose præmit-
tuntur.*

*De formatione
humani factus
tractandum.*

*Quæ videntur in
formatione fac-
tus belluini non
sine errore ad ho-
minem transfe-
runtur.*

fit in hoc tamē mihi illustrior videtur. Hoc igitur argumentum difficile satis nos, quantum in nobis erit, faciliiori modo, breuioriquē (ni fallor) tractabimus, quā hactenus audieritis: idque rationibus euidētibz, & perspicuis, quantum res ipsa ardua patietur, nostrique ingenij vires imbecillæ, & illarum quæstionum, quæ ad rei cognitionem minimē spectare videbuntur, exactam disputationem prudens omittam: quæstiones verò, quas non disputaturus, sed sensus auxilio explicaturus sum, illæ sunt. Vtrum semen viri habeat tantum rationem efficientis, an verò etiam materiæ: & vtrum mulier concurrat ad generationem fœtus: & vtrum mulier habeat semen an in coeundo semen emittat, & vtrum fiant omnia membra simul: & vtrum omnia reperiatur distincta in ipso semine: & vtrum cor sit primum, quod generetur, cum sit vltimum, quod moriatur. Et vtrum fœtus nutriatur sanguine menstruo: & an detur superfœtatio: & multæ aliæ id genus quæstiones, quas breuitatis causa omitto. De hominis generatione verba facturus, cur non de brutis loquor, cum ab illis dedita opera natura nos distinxerit. Quamobrem non possum illos satis admirari, qui cum de hominis in utero matris formatione omnia penè ignorarent, & quæ in brutis imperfectè obseruabant, ad hominem maximo errore transtulerant, de brutorum generatione scribere non erubescant, præsertim de genera-
tione

tione piscium. quos ego in aquis natare, & quò
 lubet vagari permitto. Illud profectò adnotatu
 dignum est, testes in mulieribus genitos esse, vt
 gignerent semen: equidem testari ingenuè pos-
 sum me quâdoque in fœminarum testium dis-
 sectione semen inuenisse album, crassumque,
 quòdque bene concoctum spectatores omnes
 vno ore faterentur: immò verò quale in viris
 ipsis nondum inueni. In coïtu igitur, quo tem-
 pore vir semen eiacularur, idem quoque à mu-
 liere fieri necessarium est: alioqui os vteri, quod
 angustum esse diximus, nullo pacto aperiretur.
 at aperiri os vteri necesse est, vt semen ad eius
 concavum permeet, penetrètque: quæ si tunc
 bene affecta est, seménque vtriusque bene con-
 coctum, in vrero ipso vniuntur, & fit cõceptio:
 quicquid de hac re dicat Philosophus, qui ex v-
 no semine animal vnum probat generari. Illud
 verè scito, si viri seminis moles maior existit, vir
 túsque maior, marem fœtum concipi, ac gigni:
 sin fœminæ semen quâtitate ac virtute superet,
 fœminam euadere: nam vt maius lumen minus
 obscurat, ita præsentī maiori virtute minor ces-
 set, necesse est. Præterea cùm hoc in philosophia
 réceptū sit, omne simile suum simile appetere:
 quid mirum, si cùm mas marem gignere appe-
 tat, fœmina fœminā, cùm alterius semen alteri
 nunc præstat, maris exempli gratia, nunc mas
 gignatur, non fœmina: quòd si fœminæ, fœmi-
 nam non marem? Quòd si posteritatis causa, ita

Vt testes in mulieribus.

In testibus mulierum semen album, crassum.

In coïtu mulier semen emittit.

Quando fiat cõceptio.

Aristotelis error.

Quando mares gignantur & quando fœmina.

Cur quandoque mas gignatur, quandoque fœmina.

*Ubi natura do-
minatur, volun-
tate res illa non
immutat.*

*Cur semen viri
non detineatur
semper in utero
fœmina.*

*Cur meretrices
non concipiant,
vel raro.*

*Cum mulier con-
cepit, cur os ute-
ri claudatur.*

*Membra allan-
toïdu quomodo
generatur, & e-
ius usus.*

*A venis matri-
cis oriuntur ve-
nae in fœtu.*

*Vena matricis à
venis seminariis
oriuntur.*

*Vena umbilica-
lis perforat allan-
toïdem.*

*Iecoris genera-
tio.*

*Vena porta con-
tinua est vena
umbilicali.*

*Quae vena um-
bilicali dicatur*

ut sit, marem fœmina cupiat, voluntatis hic est appetitus, non naturæ: at in quibus natura dominatur, voluntate nō immutantur. Igitur postquam semini ab utero obuiam itum est, & is in suam ipsius cavitatem illud suscepit, & detinuit (neque enim quoties viri semen uterū fundum petit, retinetur, sed quandoque excidit, vel quia malè coctum est, vel quia loci muliebres nimis humidi, lubricique sunt, ut in meretricibus, quæ paucis non sunt contentæ, quarum ager dic, non étique marium imbribus irrigatur) tunc naturæ sagacis, & prouidæ motu, statim os uteri arctatur, ne semen, quod tanta voluptate suscep- rat, aliqua exeat, atque elabatur. Circa hoc conceptum semen membrana generatur, quæ *amniotica* appellatur, vniuersum semen inuoluens, matricisque cavitati adherens. Ne autem semē corrumpatur, dictum ac factum à venis matricis, quas à venis seminariis proficisci suo loco diximus venæ oriūtur, quæ coeūtes venam producunt: quæ dictam tunicam tenuem, mollē- que adhuc, quippe quæ paulò antè genita fuerat, perforat. Itaque ad medium vsque semen allantoïde obuolutum penetrans globum efficit, qui globus ipsum est iecur. Deinde gignitur vena porta, quæ, ut dixi in tractatu de Venis, cōtinua est huic venæ umbilicali: (umbilicalis nāque dicitur ea vena, quam ad semen penetrare perforata allantoïde, hepārque gignere dicebam⁹, cō quod per umbilicum ingreditur, atque ad

hepar

hepar ascendit) post venæ portæ ortum oritur
 caua vena: idque vt vniuersum semen nutrir
 possit. Item ab arteriis vteri, quas à seminalibus
 ortum ducere proprio tractatu docuimus, arte
 riæ generantur, quæ in duas arterias vmbilica
 les quoque dictas euadunt, quæ nō ascendunt,
 vt vena vmbilicalis: sed descendunt potius os
 pubis versus: diuisiōque illarum est supra ilia:
 deinde fit magna arteria, & immediatè cor, &
 arteriæ ascendentes: aded vt arteriæ gignantur,
 priusquam cor ipsum generetur. Arteriarū au
 tem generatio non fuit superuacua, sed seminis
 viuificādi gratia. Viuimus enim prius vita plan
 tæ, deinde brutorum vita in vtero matris: hoc
 peracto cerebrū generatur, vt nerui ab eo pro
 fecti sensum primò, deinde motum ad vniuer
 sum fœtum deferre possint. Interim enim alia
 fiunt membra, quæ delineata primò, deinde au
 ctā, & robustiora reddita mouētur. Silcant hīc
 obsecro Aristotelici, vnā cum principe peripa
 teticorum Aristotele, qui (in hoc mirè dece
 ptus) cor primò gigni voluit, & si Deo placet,
 sanguinis fontem esse, & sensuum omnium:
 qui nisi obstinatè Aristotelem tueri volent, qui
 escant veritate iubente, desinētque tam falsa
 proferre, & mordicus tueri, fatebunturque nō
 cor, sed iecur primò gigni. Cerebrum item
 corde nobilius esse, non fateri non poterunt:
 quippe quod ex ipso semine fiat, non ab vtero,
 vt de corde audistis. Non equidem negauerim

*Ortus vena ca
ua, & vsus.*

*Arteria vteri
unde oriatur.*

*Arteriarū vni
bicalium ortus
& progressus.*

*Arteria genei
rantur ante cor
Cur arteria ge
nerentur.*

*Fœtus vivit
prius vita plan
tæ, deinde vita
animalis.*

*Cerebrum quan
do generetur, &
cur.*

*Cor primo gigni
falsum est con
tra Aristotele
Cor non est fons
sanguinis & sen
suum.*

*Iecur gignitur
prius corde.
Cerebrum nobi
lius esse corde
probatur.*

*Cor est primum
quod oritur in
animalibus qua
nascuntur in omni
In homine nasci
tur secus primu-
quam cor.*

*Spina dorſi in-
ter ossa primo
generatur.
Aristoteles lau-
datur.*

*Hieronymus Pō-
tanus.*

*De aliis parti-
bus, obseruare
non potuit.*

*Affusio orbicu-
laru instar pla-
centa.*

Vſus.

*Galenus non de-
scripsit huma-
num ſætum.*

Galen error.

*Placenta huius
ſubſtantia qua-
lu.*

Placenta ſitus.

*Nō circuit uni-
uerſum jatum.*

Cur in partu

in iis animalibus, quæ in ouis nascuntur, pri-
mum quod oritur eſſe cor ipſum. At in homine
iecur, priuſquam cor generatur: quemadmo-
dum mihi non ſemel, ſed ſæpiùs intueri, & ani-
maduertere contigit. Inter oſſa ſi quæras quid
primò generetur, vertebraſ reſpondebo. Spi-
nam ſcilicet, vt Ariſtoteles eleganter ſcripſit, &
verè. Hanc veritatem corona illuſtrium viro-
rum, & præexcellentiũ magna cū voluptate vi-
dit in Romano theatro, cū Hieronymus Pō-
tanus ſummus Philoſophus embryonem men-
ſtrum mihi publicè diſſecandũ tradidiſſet, ob
communem Romanę Academię vtilitatem: re-
liquorum autem membrorũ quod primò fiat,
quod poſteriùs, nondum mihi licuit obſeruare
cū abortuum non ea ſit copia, quæ in tanta re
neceſſaria eſſet. Genita allantoidē, venis, arte-
riisſque per vmbilicum tendentibus, quæ ſuo in
exortu plurimæ ſunt, vt fulcirentur, natura af-
fuſionem quandam genuit, quæ orbicularis ſit
placenta in modum: facta autem fuit, vt va-
ſa, quæ diximus, vnita detineret: hæc à Gale-
no, qui humanam non deſcripſit, membrana
Χωρίον, hoc eſt, ſecundina appellatur. Sed hæc in
nobis minimè eſt membrana, ſed craſſa qua-
dam materia excrementorum inſtar: vſus eius
eſt, quem paulò antè dicebamus: hæc licet al-
lantoidi ſuperpoſita ſit, tamen ſætum vniuer-
ſum minimè circuit, matriſi admodum cohæ-
ret. Itaque nihil mirum eſt, ſi in partu magna
ſit lan-

fit sanguinis effusio: venæ etenim, arteriæque disrumpuntur. Anteriore in parte sita fuit, ut propugnaculi vicem gereret, quod nos ab externis iniuriis tueretur: hæc in brutis, ut boue, capra, equa, & id genus animantibus membrana quidem est, internā regionem omnem ambiens, in illisque quibusdam eminentiis prædicta est, quæ à veteribus acetabula appellantur. In canibus hæc, quā dicimus, secundina est instar fasciæ, quemadmodū illam Vesalius pinxit, qui caninam pro humana pinxit, licet in ea non catellum, sed infantulum pinxit: sed secundina in homine est, quemadmodum ego suprà explicavi. Allantoïis verò in nobis mēbrana insignis, & magna vniuersum fœtum inuolēs, antè scilicet, retrò, infrà, supràq; sed in animalibus, quæ paulò antè dicebamus, facta est in morem farciminis, quod vox Græca sonat ἀλλαντοῖς, neque in illis fœtum vndique ambit, sed illi substernitur: neq; illud temerè, sed ut urinam suscipiat. Præter hæc, quæ hactenus memorauimus, tertia est in humano fœtu considerata membrana, qua neque bruta ipsa destituuntur: hoc vnū interest, in illis crassa est, quemadmodū ait Galenus, in nobis autem tenuissima est, diciturque ἀμνιος, vel ἀμνίος: ab hac quoque vniuersus inuoluitur fœtus, & in ea immediatè fœtus situs est, & sudor à fœtu emanās, atq; eius excrementum cōtinetur, in quo sudore innatat, atq; ab eo fulcitur: ita enim min⁹ molestus est puer matri.

magnum sequitur sanguinis profusum.

Ratio situs apta centā redditur. Hæc placenta in brutis qualis sit

Acetabula quæ dicantur uteri Anat.

Secundina canis instar fasciæ.

Vesalius asseruit, qui secundinam canis canis pinxisset non eam. tulum sed infantulum in ea pinxerit.

Allantoï mēbrana in homine qualis.

Allantoï qualis sit in brutis.

Allantoï quid significet.

Tertia membrana amnios qualis & eius usus in humano fœtu.

Sudorū detentio ab amnio usus. Cur præter urinam & sudorem non sint alia excrementa fœtus.

Fœtus nutritur sanguine laudabili, non mēstruo.

Error vulgi.

*Vrina infantis
ubi seruetur.
Cur vrina nō at-
tingat fœtum.*

*ὄυραχὸς quid.
ubi & cur.*

*Cur sudor & v-
rina pueri tot
mensibus deten-
ta nō putrescāt.
Vtilitas sudori
et vrina dum in
utero sumus.*

*Vtilitas sudori
& vrina in par-
tu.
Quid appellent
obstetrices a-
gna.*

Ne mireris autē à fœtu alia excremēta nō deci-
di præter vrinā, & sudorē: nā ratio in promptu
est, quodd scilicet fœtus ex solo sanguine alitur,
cōq; laudabili, nō mēstruo, & teterrimo, vt vul-
gus hominū putat. Sudor, vt diximus, penes fœ-
tum seruatur hac in membrana, quæ ἄμνιος di-
citur, vrina verò ipsa, alterū scilicet fœtus excre-
mentū seruatur inter amnion, & allantoïda: hoc
autē nō temerè, sed summa cū prudentia effecit
Deus omnipotens, ne lotiū attingeret fœtū, qui
cū tenellus sit, suprā quā dici possit, à lotio sal-
so, atque acri faciliè exelus fuisset. Natura itaque
Dei ministra in fundo vesicæ porū, seu meatum
genuit, qui οὐραχὸς nominatur, qui à vesicæ fūdo
ad vmbilicū sursum fertur, exit verò ea in parte,
per quā vena, arteriāq; vmbilicalis ingreditur,
ipsiq; adhærescit: hic vrachos amnion membra-
nam perforat, itaq; fœtus vrinā in allantoïdem
defert. Hic quærere aliquis posset, neq; id iniu-
ria, quo pacto tanta excrementorū vis tā diu nō
putrescens detineatur. Cui respondere facile
possum, id caloris naturalis cōseruantis virtuti
acceptū ferendū. Neque hæc tam diuturna ex-
crementorū fœtus cōseruatio inutilem prorsus
naturæ existimes, immò verò & dum in vtero
fœtus alitur, ita ab vtero gerētibus facilius susti-
netur. Dum verò partus instat tempus, has duas
mēbranas amnion, & allantoïda disrumpunt, &
excūt, secūmq; vñ fœtus. propter eā obstetrices
duo, quæ diximus, excrementa aquæ nomine
passim

passim vocant: cum aquam exeuntem vident, partum mox in lucem proditurum astantibus prædicunt: qui si tunc exit, partus ipsius exitus est facilior, feliciórque. Nam parum excrementorū humiditate partes lubricæ reddūtur (quòd si remorantur, magna cū difficultate, ægréque parituram puerperam certò scito. Scire omnes cupiunt, quæ sit pariendi dolorum causa potissima: quibus breui satisfaciá, dolere vehementissimè parientes ob angustiam oris matricis, quã tunc adeò dilatari necesse est, vt fœtui abiq; difficultate exitus pateat: & quoniam ex mulieribus nōnullas inuenias, quibus os vteri durius est, & nerueum magis, hinc dolores parturientium nō sunt iidem: sed aliquæ statim, & penè sine dolore pariunt, aliæ diutius in doloribus, & cruciatibus, illisq; vehementissimis versantur, priusquam pariãt: ita vt inueterata sit inter mulierculas, & vetulas opinio, in ipso partu nullum esse os, quod suo stet loco mulieris parturientis: sed omnia dimoueri, atq; è sua sede exire, licet rei veritas hæc sit, os coccygis duntaxat in partu pati: propterea obserua mulieres, quæ peperere, de regione coccygis sæpe, multumq; conqueri sed iam ad fœtum ipsum redeamus. Fœtus in matris vtero alimentū per vmbilicum suscipit, venæ vmbilicalis ope: fabulæque sunt, quas magnus Hippocrates, qui omnia scire nō potuit solus, de pueri nutrimento in aluo matris dixit: quòd scilicet per os exugat: & profectò

Si cum excremento exeat fœtus, partus est facilis, & cur.

Cur tãti sint dolores parturientium.

Cur alie magis, alie minus dolent in partu.

Ossa omnia mulieris in partu è sede moueri solent.

Coccyx in partu patitur.

Quomodo fœtus nutriatur.

Hippocratis error maximus recte scilicet.

tanti viri errorem tam crassum nequeo satis mirari nam inter os fœtus, matricisq; substantiam multum interest, sed fac nullum inter hæc spatium dari: age, os fœtus vteri corpus attingat: quo pacto succum, qui vel in matris ventriculo est aut in intestinis, exugere posset optimè Hip

*Infans in utero
alitur per venâ
umbilicalem san-
guine perfectio.*

*Cur sanguis è
quo alitur infans
in utero per va-
sa seminaria de-
statur.*

pocrates? Quamobrem haud dubiè scias candidè lector, fœtum nihil prorsus per os assumere; quòd si assumeret, suo ipsius sudore hausto obrutus non interire non posset: sed per venam umbilicalem duntaxat nutriri, nutriri inquam bono sanguine, atq; adeò perfectio, qui per vasa seminaria defertur: quod idcirco factum fuit, ut materiâ vnâ cum sanguine còtinentèr deorsum ferrent, tanquam auxiliares copias, si quandoque sanguis deesset. Quòd si perfecti seminis numeros omnes nō explet, nihilosecius materia est, quâ natura eò mittit, ut in semen tandem conuertatur. Vana quidem est, falsâque eorum sententia, qui fœtum sanguine mēstruo nutriri aiunt: nam quod illi pro huius rei probatione in medium afferunt, dum fœtus in utero est, statò tēpore mēses nō fluere, nihil est: nā ego complures noui, quibus utero gerentibus singulis mētribus mēses profluebāt, quod ob magnam sanguinis copiam in illis mulieribus cuenire certum est. Quibus verò tanta sanguinis copia non adest, iis, dum gravidæ sunt, neque adsunt menstruæ purgationes, quia non gignitur, quod superuacaneū sit naturæ inutilè, &

*Sanguine mē-
struo nō alitur
fœtus probatur.
Aliquibus vte-
rū gerentibus flu-
it mēstruum san-
guis.*

*Quibus præter
natura mēses nō
fluunt, cur non
fluant.*

le, & ab utero eiciendum: sed vniuersus ad fœ-
tum ipsum naturæ miraculo distribuitur. Nihil
enim aliud esse existimato menstruum sangui- *Menstruum san-*
nem, qui diuersis rationibus diuersas habet ap- *guis quid sit.*
pellationes, quàm sanguinem superuacuum, qui
herbas, atque arbores nō cogit arescere. quem- *Menstrui nō a-*
admodum scripsit Aristoteles. Hippocratis ve- *rescunt arbores.*
rō sententiam, quod intans ore fugat, hinc or- *Causa erroru*
tam puto: quod is materiam illam, quæ in fœ- *Hippocr. quod*
tus intestinis conspicitur, fæces, cibique ex cre- *infans ore fugat*
mēta crediderit, quemadmodum in adultis: sed *cibum in utero*
deceptus est bonus Hipp. non enim cibi, sed *vnde manant.*
sanguinis excrementum illud est, quod in fœ-
tus intestinis continetur: propterea non malè
olet materia illa, quemadmodum fæces nostræ.
Quod si cibi excrementa forent, emitterentur,
velut lotium emittitur. Itaque vndiq; cōspur-
cati essemus magno naturæ errore, magno in- *Cur quod in in-*
fantis detrimento, quod absurdum esset. Natu- *estinu infantu,*
ra igitur sapiens noluit nos, dum in utero ma- *qui in vtero est*
tris versamur, neque oculis uti, neque auribus, *continetur, non*
neque instrumentō odoratus, neque gustus, ne- *malè oleat.*
que ore, neque pulmonibus, neque ventriculo,
neque intestinis, neque ano, neq; pene, neq; ma-
nibus, pedibûsue: quo enim tendas in illis ma-
terni vteri tenebris? quod attrectes: quis penis
vsus? quis ani? quis intestinorum, aut ventri-
culi? quid ore trahere nisi mortem posset? quid
gustet? quid olfaciat? quibus harmonniis aures
detineat, & mulceat? quorsum oculos flectat,

*Infans in utero
non indiget usu
cordis.*

*In utero per ar-
terias respira-
mus.*

*Arteria & ve-
na umbilicales
describuntur.*

*Obstetrici præ-
dicti non fore
partus, quod no-
di cernuntur in
vasis arteria ve-
naque umbili-
cali.*

*Usus vene & ar-
teriae umbilica-
li.*

*Vasorum nexus
in umbilico, ne-
xus, progressus
& utilitas.*

Non est laqueus

& recreet? imò verò quod magis miraberis, ne
que cordis usu tunc eget infans, nam vitalis spi-
ritus, seu maior spiritualis sanguis per arterias
matris umbilicales ad fœtum fertur, quibus ar-
teriis mediis, quarumque auxilio respiramus, si
illa respiratio dici meretur: adeò ut fœtui nihil
sit elaborandum, neque in sanguinis, neq; vita-
lium spirituum generatione: hæc namq; à matre
iam elaborata ad omnes fœtus partes deferun-
tur: hæc arteriæ umbilicales & vena item umbili-
calis à matrice ad umbilicū vsque longo nimirū
ductu à peritonæo inuoluuntur ibi crasso satis,
quæ vasa cōtorquentur, & quosdam nodos effi-
ciunt: quibus visis nodis (nō enim iidem nume-
ro sunt in omnibus quæ peperere) prædicūt ob-
stetrices, quæ medicæ ipsæ quoque, si Deo pla-
cet, videri volunt: tot fœtus ab eo uterò prodi-
turos, quot ipsi sunt nodi, licet totidem plus mi-
nus in extremo fœtu, quot in puerperio conspi-
ciantur. Hæc autem vasa creata sunt non teme-
re, sed ut sanguis ad fœtū deductus cūctaretur,
& cessaret quodammodo in ipso cursu: ut hac
cūctatione ad ipsum perueniret. Vasa hæc, quæ
diximus, à mēbranis tecta ad cervicē tendunt,
& circa ipsam flectūtur deorsum tendētes, atq;
in umbilicū insigūtur. Qui vasorum nexus per
sinistrā scapulā ascendēs per dextram descēdit:
idq; ut in exitu mēbranas cū secundina secum
vna traherēt, quod superstitiosæ mulierculæ la-
queū esse dicunt, atq; in lucem editis malè omi-
nantur.

nantur, quasi illi si superstites sint, non possint tandē nō suspendi. Sed si diligentius hæc naturæ arcana scrutarētur in illis præsertim, qui non sunt agrippe, sed capite antelignano prodeunt, idem in omnibus obseruaret: cum tamen pauci suspendātur, nō omnes. Illud præterea adnotandum est, quāuis vnica adsit in vtero cauitas, tamen plures fœtus in illo cōcipi posse, si apta ad sit tot cōceptibus materia: quæ cōceptus materia, semen inquā est: dū verò fœtus delineātur, nisi suis singuli mēbranis distinguātur, simul co hærent, mōstrāq; hominū sese attingentiū fiūt. De fœtus formatione satis multa hæctenus dicta sunt: nūc de situ eius in vtero dicamus: quā partem libentiū, vt opinor, lector cādidus percurreret, quod alij nō rem ipsam, sed quod verisimile cuiq; visum est, ita scriptū reliquerūt: omnes tamē à rei veritate tam aberrarūt, quàm qui maximè. Ego verò nō semel, sed sæpius nō modò mortuos fœtus, sed viuos etiā è matris vtero hisce manibus extraxi, quod dū efficerem, situm eius in vtero diligēter obseruauī, quē à quibusdam Anatomicorū picturis aded diuersum esse faciliè perspexi, vt non potuerim corū temeritatem nō valde mirari, qui quod falsum est, cuius oppositū sensu deprehendi potest, posteris scriptū relinquere non erubuerint. Tres igitur fœtus in vtero situs obseruasse fateor, & profiteor prætera nullos: quorū prior est caput deorsum versum, hicque est situs omniū frequētissimus.

qui prædicat suspendendos quæ putant obstetrices.

Quomodo possunt gigni plures fœtus in vtero, licet vna tantum sit eius cauitas.

Quomodo fiant monstra plurium infuitum se attingentium.
De situ infantium in vtero.

Situm infantium in vtero quædam imaginabatur, nō quem viderant describere anatomici alij.

Temerarium est scribere, cuius oppositum sensu deprehendi possit.

Tres situs solum dantur infantum in vtero.
Primus situs.

Secundus situs.

Tertius situs.

Qui primo situ sunt in utero, quomodo exeant uterum.

Qui secundo situ in utero continentur agrippa.

Qui tertio situ sunt in matrice quomodo in lucem ferantur.

Non potest in situ in utero à capite ad pedes delabi, vel cōtra

Quocūque situ sit infans in utero sphaericus in oblongum vergens situs est.

Particulari descriptione singulorum partium infantis in utero, & vira.

Secundus capite sursum elato, quo situ rarò videntur infantes in utero. Tertius transuersim iacet, atque hic est secundo rarior. Propterea priore situ infantes capite præcunte in lucem prodeunt. Secundi pedibus, qui & agrippæ vocantur. Tertij natibus, facie omnes coccygem matris versus respiciunt. Iam enim explorata illorum sententia est, homines prius quàm uterum exeant, simiarum instar seu funambulorū, & mimorum à capite ad pedes, vel è contra delabi, & procumbere, vel è conuerso. Id enim loci angustia minimè patitur, quæ tanta est, ut vix nostri sit capax, cum extremētis, membranisque siue capite elato, siue deorsum labente, vel trāuersim siti simus. Quocunq; autem situ ex hoc triplici toties enumerato nos uterum exceperit: in globum atque orbem excipimur, sphaericusque est omnis situs infantis in utero: sphaericus inquam in oblongum vergens, & ut priuatim res magis innotescat, dexterum brachium nobis tunc flectitur, manus autem extrema vnà cum digitis extenditur, qui digiti sub aure dextera, superque ceruice positi sunt: sinistrum verò brachium tantū non extenditur, supraque sinistram mammā, necnon supra faciem (caput nanque in utero ita flectitur, ut mentū ad thoracem perueniat:) sinistrum itaque brachium medio cubito dextero fulcitur digitis semiextēsis, pollice deorsum: crura tanta arte sursum feruntur, & incuruātur, quasi in arcum, ut dictu, visūque

visūque res pulcherrima; & admirabilis existat: femur, tibia, pēsque; extremus dexter nobis co tēpore flectuntur, adeò vt à femore abdomen attingatur, à genu vmbilicus, deinde tibia deorsum flectitur, calcēque sinistras nates attingit, extremum eleuans pedem, pudendāque occultans, adeò vt pollice dimidium, tibiam ipsemet tangat, sinistrum crus ipsum quoque semiflectitur: femur ventrem inuicem tangit, tibia suprà abdomen, thoracēque; vertitur, & sub extremum brachium: pes autem extremus sursum voluitur dextrum *ὑλέκθρον* attigens, sinistrique brachij *μετακάρπιον*: dorsum deinde in anteriora fertur, adeò vt ex his omnibus globus sphaericus oblongus euadat: atque hic est verus, & legitimus situs humani fœtus in vtero, quem ego Iacobus Antonio Bono Ferrariensi Medico præcellenti, qui simplicia medicamēta in Romana Academia publicè profitetur, estque rei Anatomicae, reliquarūque bonarū artium, & scientiarum tam studiosus, quàm qui maximè, cū eum vnicè diligā, primū lubens ostendi. Qui rei pulchritudine allectus, & detētus obstupit, summique opificis sapientiam inenarrabilem summis laudibus extollebat. Quis enim fœtus humani generationem, nutritionem, sitūque contemplatus non obstupescat? Quis Dei infinitam bonitatem satis laudet? Equidem de his silere satiū est, quàm pauca dicere.

*Iacobus Bonus
medicus Ferrar
iensis.*

*Fœtus humani
generationis, nu
tritionis & situs
consideratio nos
ad Deum lau
dandū mouet.*

REALDI COLVMBI

CREMONENSIS,

DE RE ANATOMICA

Liber Decimustertius.

DE TEGENTIBVS FABRICAM

HVMANI CORPORIS.

*De cuticula, cute, pinguedine, membrana carnosa,
pilis, & perioftio.* CAP. I.



CORPV S nostrū, in quo tantum industriæ natura meritò collocavit, vndiq; tectum esse decuit, ne ab aëre ambiente alterari, ab externisq; rebus lædi tam facilè posset: propterea natura pru-

dēs hæc tegumēta genuit, extrinsecusq; in vniuersi superficie obduxit, primò cuticulam, quā ἐπιδερμίδα vocant Græci, quæ cutem supereminet, & ambit: hæc nobis communis est cum cæteris animantibus: tenuissima est, earum pellicularum instar, quas inter cæparum septa videmus, facilè aboletur, facilè etiam restituitur, estq;ue omnis prorsus sensus expers. Huic epidermidi

ἐπιδερμίδα & cuticula.

*Deperditur & renascitur facillè.
Sensus expers.*

dermidi vera cutis subest, *δέρμα* à Græcis dicta, *δέρμα* *vera cutis*.
 quæ & ipsa vniuersum corpus inuestit: quædā
 tamē loca excipio, vbi perforatur, vt in auribus,
 oculis, naribus, ore, pene, ano, vulua, extremis
 digitis, vbi vngues affixi sunt: his addere pote-
 ris vmbilicum in fœtu. Præter hæc cutis fora-
 mina, vel lippis nota, & perspicua vbique poris
 refertissima est. & instar cribri foraminulenta,
 per quæ sensui occulta foramina sudor exit. Sed
 hæc in nonnullis lätiora sunt, in aliis angustio-
 ra: hinc aliis sudor nullo negotio profluit: aliis
 ægrè excitatur. Cutis substantia non est vdi-
 que eadem: nā hic crassior existit, ibi minus crassa,
 illic tenuior. Crassior cutis in capite conspicua
 est: licet Aristote. oppositum scripserit, cutem,
 inquam, capitis omniū tenuissimam esse. Sub-
 tilis admodum est cutis in facie, pene, scroto,
 vola, atque internis digitis, seu digitorum in-
 teruallis: quamuis illa ob exercitia frequentia
 crassescere cōsueuerit: reliquas corporis partes
 si accuratè contempleris, parum interesse iu-
 dicabis: cuius substantia neruea est: nerueum
 autem, seu neruosum cū dico, rem ex neruis
 conflata minimè intelligo, sed ex substantia
 alba, sensu prædita: ex nerueorum filamentis, ve-
 nis, & arteriis conflata: quare cū neruis non ca-
 reat, optimo sensu præditā esse quid vetuit? quā-
 uis cōtrariū senserit philosophus, qui sensum in
 carne falsò posuit. Cutis alicubi pertinax est,
 alibi laxa: in facie nanque, in auribus, in vola,
*Substantia va-
ria.*
*Aristotelis er-
ror.*
*Vbi tenuior sit
cutis.*
*Substantia ner-
uea.*
*Quid per ner-
uum sit intella-
gendum.*
*Cutis sentit con-
tra Aristoteli.*
Vbi sit pertinax

in planta pedis pertinacem esse excoriando experieris. Quoniam in hisce locis cutim mobilē esse oportuit. Sub cute pinguedinē, seu adipem cernēs, nihil enim nunc refert, quæ colore alba est, itaque nota unicuique, vt neque descriptio-
Adeps sub cute ne, neque alia egeat explicatione. Vsus pinguedinis est, vt calorem natium non secus ac vestis detineat: neque hoc solum præstat, sed propugnaculi vice fungitur, cibi etiam vice in extremis inediis fungitur, & in maribus, quemadmodū in fœminis reperitur, quicquid Gal. lib. de Temperā: scripserit, in maribus scilicet nullam, aut exiguam quidem certē adesse pinguedinem. Gignitur autem ex sanguine crasso ē venis exudante, cuiusq; copia ingens in frigidis temperaturis cernitur, contrā exigua in calidis, cū à penē, scrotōq; discesseris, in reliquis nostri corporis partibus inueniri pinguedo potest. Quod si motum vsumque eorum, quæ pinguedine carent, consideraueris, facile rationem diuersitatis inuenies. Substantia pinguedinis non est
Utilitates pinguedinis. omnisq; vbiq;: nam in vola, & sub pedis planta, penē carnea est, ac dura: huiusmodi verò ob motum ipsum effecta est: non est tamen sensus organum, vt Auicenna scriptum reliquit. Pinguedini subest membrana carnea dicta, quæ ipsa quoque vniuersum corpus ambit: & quantum illius inuolucrum existit, à summo capite ad extremum vsque pedem velaminis instar. Carnea verò, seu carnosā dicitur eò quòd in collo car-
Galenī error.
Generatio pinguedinis.
In scroto & penē.
Uti dura reputatur adeps.
Error Auicennæ.
Quantum inuolucrum.
Quare dicatur carnosā. nola

nosâ euadit, atque adeò carnosâ, musculosâ. Adde veteres Anatomicos huic mēbranæ carnosæ nomen imposuisse: quoniam infantibus carnea est, multisque fibris referta, quæ deinde euanescent tractu temporis. Illud velim non oscitanter animaduertatis, carneam membranam sub ala minimè musculosam dari: licet Galenus primo de Anat. administ. musculosam ibi esse hâc membranam existimauerit. Ex quo loco, ut reliquos nunc missos faciam, apertè colligi potest Galenum simias, brutâq;, nō homines secuisse. Adhæret carnea membrana musculis ipsis, & inter ipsam, cutēmque venæ ambulant, superficialiæ, è quibus sanguis mittitur, & arteriis carent. Tempora excipio, frontem, caput, penē, scrotum, & digitos, quibus locis exiguæ numero inueniuntur arteriæ inter cutim, & membranam carneam.

Galenus error.

Colligitur Galenum non secuisse se homines.

De Pilis.

CAP. II.

PILI quanquam superuacuas partes nescio quo pacto videntur esse, tamen quoniā corporis nostri veluti tegumentum existūt: de his quoque sermo à nobis habendus est. Nam præterquam quòd corpus tegunt, ut diximus, eidē propugnaculi vice deseruiunt. Addunt aliqui tertium vsum pilorum, ut vapores illi fuliginosi qui in tertia alimenti coctione eleuantur, dum in substantiā membrorū transit, in pilorum nutrimentum consumerentur: quam sententiam neque laudo, neque vitupero: facti etiam sunt

Pili pro secundo tegumento.

*Vnde oriuntur.**Ex qua trahant
alimentum.**Hispanum pilo-
sum.**Vestalem pilo-
sam.**Quare vola &
planta careant
pilu, alioru sen-
sentia reproba-
tur.*

pili ad ornatum. Ortus eorum hic est: è cute emergunt, eam totam perforantes: in radice crassiores pilū, quàm in reliquis partibus deprehendes, pinguedinēque illi affiguntur, quam inter cutē, membranāq; carneā sitam esse diximus, præterquam in scroto: propterea pili alimētū à pinguedine trahūt: itaque augescunt. eorū substantia sicca est, vt videtis in variis nostri corporis partibus: vix enim agrestem hominem inuenias, qui pilosus vndique cōspiciatur, vt in brutis cernimus. Ego tamē Hispanū quēdam vidi pilis refertissimum in omni corporis parte, præterquā in facie, & manū parte. Vidi etiam vestalē adēdō pilosam: sunt qui scribāt neque in planta pedis, neque in manus vola, pilos oriri posse. Causam in latum tendinem reiiciūt cū nullo pacto sit causa: sed depiles hæ partes factæ sunt tum ob vsum, tum ob motū. Quod autem hæ pilorum carentia (vt ita dicamus) in latum tendinem reiici nequaquam debeat, instantiam in promptu habeo plantæ, volæque leporis, quæ depilis non est, sed pilis referta: licet lati tendinis expertis non sit. quas partes in lepore natura sagax pilis munivit leuitatis gratia, quæ res in animali adēdō timido ob fugam necessaria erat. Sed iam de pilis satis.

De Periofstio.

CAP. III.

Substantia.

PERIOSTION membrana est neruea, tenuisque, quæ ossa ambit, illisque valde, atque adēdō validē adhærescit, multo sensu prædita.
pro-

propterea multi decepti sunt huius membranæ
 ignoratione ossa sentire existimantes. Hanc in
 interna caluaria ne quærito : nam ibi nulla est,
 quamuis sub pericranio inueniatur: neque den-
 tes periostio inuestiuntur. Quid enim dentibus
 opus erat periostio ? neque illud in articulatio-
 nibus ossium spectatis : quod si adesset, miros
 dolores excitaret in illorum motu.

*Periostrum in
 interna calua-
 ria nō reperiri.*

*Dentes vacant
 periostio.
 Cursu articulis
 non inueniuntur.*

REALDI COLVMBI

CREMONENSIS,

DE RE ANATOMICA

Liber Decimusquartus.

DE VIVA SECTIONE.



DV M Anatomes cogni-
 tioni studiosè incumbi-
 mus, velis (vt aiunt) &
 equis : nōnulla quando-
 que occurrunt, quæ nos
 in ipso cursu remorâtur,
 quorum actionem scire
 nullo pacto possumus,
 nisi viua sectione vtatur, nō hominis quidem,
 vt veteres vsi sunt, quod nefas, atq; impiū Chri-
 stiano Medico nō videri nō posset: sed brutorū,
 cū præsertim animaduertere liceat, ob viuam

Viua sectio.

*Cur viua vta-
 mur sectione.*

*Galenus cur nō
secuit homines.*

*Nō debbat Ga-
lenus antiquū
contradiscere.*

*Ex simia sectio
ne perfectē hu-
mans corporis
Anatome ac-
quirere non potest
contra Galeni
ordinem.*

*Non licet homi-
nes viuos secare*

humani corporis Anatomem, qua prisci medici utebantur, aded malè audisse, vt nō modò viuos homines secare, sed ne hominis quidē cadauer liceret. Atque hanc vnā ob causam Galenū adductum puto, vt ab humani corporis Anatome abstineret. Sed bone Galene si tibi crudele nimis videbatur viuū hominē secare, si animus horrescebat, si reformidabas, vel si tibi neq; vel mortuū hominem secare per Principū edicta, aut inueteratā consuetudinē nō licebat: quo pacto licebat tibi simias secanti veteribus cōtradiscere, quos hūmāa corpora secuisse, tu ipse testis es locupletissimus? Profectò hodie cū ob cōmunem viuorū vtilitatem cōcedant Pontifices, Reges, atq; Imperatores, vt in publicis Academiis quotānis Anatomici reorum cadaueribus secandis Anatomem profiteantur, facilè est cōtrouersias istas diiudicare. Multis in locis veteres reprehendis, cū tute maiore his dignus sis reprehensione. Nam etsi simia simile quid habeat homini, simia tamen est, non homo: neque eius compago hominis fabricæ omni ex parte respondet, partēsque nōnullas in homine conspicias, de quibus veteres Anatomici loquebantur, quibus simia caret, sed ad rē redeamus. Cū viuos homines secare Christiana Religione prohibeamur, si neque simiæ, neque vrsi, aut leonis copia suppetat, cuius fabrica humanæ proximè accedit, quorū etiam viuorū sectio, quòd fera sint, licet mansuefactæ, cū irritantur difficillima esset,

esset, de viui canis sectione loquamur. Canem igitur deligito, seu marem illum, seu fœminam mauis, iuuenem. catelli namque, dum secantur, vociferantur magis, quàm senes: oblonga etiam sit ceruice. Canem propono viuum secandum potiùs, quàm suem, quòd pro reuersuorù neruorum vsu dignoscendo fues. minus a ccommo di sunt, tum ob pinguedinem exuberantem, tū ob eorum ingratum nimis auribus clamorem, & grunitū, quod ego Cremonæ expertus sum, vt præcellenti medicorum collegio in hoc quo que satisfacerem, præsertim Bonhomini Ofredo, Hieronymo Macagno, Petro Manax, Ioanni Baptistæ Picenardo, Ioanni Francisco Borgia, Ioanni Baptistæ Bonetto. Cùm enim totius Anatomes historiam ex humanis cadaueribus accuratè me dissecante conspexissent, efflagitarunt, vt viui canis Anatomen pro vocis organo præcipuo illis in iuvene sue ostèdere ne grauarer. Quod lubens feci, neque sine frustrati sumus, sed nimis obstrepebat. Dimisso itaque sue, canis iuuenculus in promptu sit longo (vt diximus) collo. (est enim canis animal, quod latratu vocem effingit, atque efformat) Tabella ad sit necesse est suprà, infraq; foraminibus eo ordine distincta, vt iis vinculis suscipièdis sat sint, quibus quatuor canis crura vincias: ita tamen, vt explicata sint, & distincta. Caput itè eo modo deligandum est, vt canis quidem vociferari possit: at non mordeat. In cuius viua sectione,

*Cur in iuueni
cane tractanda
viua sectio.*

*Quare nō in sua
tractanda viua
sectio.*

*Canis potius
quàm aliud a-
nimal in viua
sectione capi de-
bet.*

*Quomodo con-
stitui debeat ca-
ni pro sectione
viua.*

*Qua considerā-
da in viua se-
ctione.*

*Diaphragmatis
motus contem-
platio.*

*Vina sectionis
summa utilitas.
Motus arteria-
rum ex viua a-
natomie.*

*Cordis constri-
ctio, & dilata-
tio qui fiat.*

Cordis systole.

*In detecto corde
pulsus differen-
tias dignosci.*

priusquā ad eam accedas, illud primò animad-
uertendum est, in quo vox consistat, quod ad-
mirabile est: deinde pulmonis motum cōtem-
plaberis: deinde quo pacto pulmo cor ample-
ctatur: deinde cur fiat, vt altera thoracis parte
laxa, illa altera perster. Vnde mediastini utili-
tas elucet. Præterea diaphragmatis motum con-
templari potest, quod inspirādo dilatatur, & ex-
pirando cōstringitur: quod cū fit, sursum agi-
tur, cū verò dilatatur, deorsum fertur. Ad hæc
pulcherrima visu illud quoque accedit, motus
scilicet cordis quemadmodum amplificetur, at-
que arctetur: item qualis sit motus arteriarū in
viua Anatomie, si lubuerit, conspiceris: nun-
quid idem sit, vel oppositus motui cordis. Cō-
peries enim dum cor dilatatur, constringi arte-
rias, & rursus in cordis constrictione dilatari.
Verū animaduertas, dum cor sursum trahi-
tur, & tumesceri videtur, tunc constringitur.
cū verò se exierit, quasi relaxatus deorsum ver-
git: atque eo tempore dicitur cor quiescere: est-
que tunc cordis systole, propterea quòd faciliùs
suscipit, minorēque labore: at cū transmittit,
maiori opus est robore. Neq; hoc floccifacias:
etenim nō paucos reperias, qui eo tempore cor
dilatari certò opinantur, quo verè cōstringitur.
Illud insuper adnotare debes omnē pulsus dif-
ferentiam detecto corde cōspici posse: ita vt ex
hac viui canis sectione plus vna diecula discas,
quàm multis mensibus ex pulsu arteriarum: ne
que

lium lædis, latrat, vociferatur: sin illum ori illius admoues, fileat, atque magna pietate lambit. Quòd si aliud, nō catellus ori eius, quam secas, matris accedat, rabie percita mordet, quem naturæ amorem, atque adedò parentum in liberos incredibilem charitatem in publicis theatris maxima spectantium admiratione sæpius ostendi, Patauij præsertim, cūm adesset Illustrissimus ac Reuerendissimus Rainutius Farnesius, tūc Venetiarum prior, nunc Cardinalis S. Angeli nuncupatus, quem honoris, & obseruantix gratia nomino. Aderat item Bernardus Saluiatus Romæ prior, nunc Episcopus * & Aluissius Ardinghellus Episcopus Forosempronienfis. Aderat Felix Acrambonus, Ioannes Baptista Vrsinus nunc Archiepiscopus, Eques Vgolinus Farnensis, Bernardinus Thilesius, omnes tunc iuuenes magnæ eruditionis, & expectationis, qui expectationem, quam de se Patauina Academia conceperat, longo interuallo superarūt. Hi omnes, item alij multi summa cum voluptate huic viuæ canis sectioni interfuerūt, & illud insigne exemplum de ingenti amore vel brutorum in filios se nunquam oblituros asseuerabant: neque has duntaxat discendi voluptates, quas hactenus memorauimus, ex viuâ canis sectione percipies sed cognosces, quàm in hoc longa errauerit via Peripateticorum princeps Arist. cūm ausus est dicere tres ventres inesse cordi in quorū dextro sanguis adsit calidissimus in sinistro frigidissimus,

*Aristotelis error de cordis vā
ariculis.*

mus, in medio mediocris. Tu verò dextro cordis ventriculo inciso, si digitum immiseris, calor tepidus tibi occurret: at in sinistro tantus, ut ferre vix possis. Illud insuper, quod sæpe in disquisitione venit, quo pacto verè se habeat experieris, an in arteria venali aer, & vapor ille, quæ capinosum quasi fumidum dicunt, vel sanguis contineatur. Caue autem putes Anatomicum tot, tantæque spectatoriis ex vnius viui canis sectione ostendere posse, sed plures adsint necesse est: nam animâ prius efflasset canis, quàm hoc vel illud observare potuisses. Postquàm igitur canem, ut diximus, tabellæ affixeris, nouacula, cuius acies pulchrè abradat, colli cutem rectè aperi, à larynge initio sumpto, & penè ad summum vsque thoracè peruenito: deinde profundiori sectione musculos, qui asperæ arteriæ imminet, parumper secato: deinde dimisso rasorio cultro, vel digitis potius ab aspera arteria musculos sciungito, idq; ita dexterè, ne reuersiuos nervos, qui ibi in conspectum venturi sunt, vlllo pacto lædas. Hi reuersiui, seu recurrètes, seu vocales nerui sursum reuertuntur asperæ arteriæ adhærentes, atque in laryngam immittuntur: recurrentem neruum ita fecilè agnosces, tum quia albicat, tum quia instar fili videtur esse: hunc eleuato, nam si illum digitis compresseris, dictum, ac factum misero cani vox imminuitur: si manum detrahas, ita ut animalibus spiritibus aditus pateat, vox denuo reuertetur: sin dextrum

*Improbatur
dicula de capi-
noso vapore sen-
sentia.*

*Plures canescō
parentur in vs-
na sectione opor-
tet.*

*Quomodo tho-
rax aperi de-
beat in vna se-
ctione.*

*Recurrètes ner-
ui quo pacto in-
ueniantur, &
trahantur.*

*Quomodo vox
amittitur & mi-
nuitur.*

*Vocem nō à cor-
de, ut Aristote-
li visum est pro-
ficisci.*

*Aristotelis er-
roris causa.*

neruum abscindas, prorsus amittitur. Nunc de sinistro reuersiuo neruo dicamus. Administra-
tio eodem modo fiat, quo in dextro dictū est,
si neruum vinculo excipias & coarctes, statim
mutus efficietur: si dissoluas, semilatrabit, ob
dexteri nerui abscissionem, sin transuersum dis-
secaueris, mutus in æternum fiet: superuiuere ta-
men posset, si dimitteretur cum tanto vulnere,
nisi alia afflictio afflicto adderetur. Profectò
pulchrū est spectatu, consideratūque pulcherri-
mum, quo pacto duo neruuli adeò paruuli tam
bellam edant actionem, qualis est vocis ipsius
efformatio, nemòque est, qui non obstupescat.
hanc rem non poterat non satis mirari doctus,
atque insignis philosophus Hieronymus Pon-
tanus, & excellentissimus pontificius Medicus
Paulus Manilius, necnon excellens Ioānes Val-
uerdius Anat. artis admodū studiosus, meique a-
mātissimus: cū præsertim Aristot. scirent sen-
tire vocē à corde proficisci. Quod si quis obsti-
natè Aristot. sententiā tueri velit, inquiring arte-
riis carotidibus deligatis vocem amitti, is sciat
nisi vnā neruum recurrentem vincias, quod sæ-
pe vsu venit, id nullo pacto factū iri. Verisimi-
léque est eos, qui Aristoteli imposuerunt de vo-
cis origine, quod à corde oriebatur ea coniectu-
ra, neruum reuersiuum vnā cum carotide arte-
ria vinculis excepiisse, & hāc præcipuè fuisse er-
roris causam: cū veritas hæc sit, neruis, quos
diximus, sectis, vocē omnino tolli, compressis
non

non tolli quidem, sed animal semiuocale reddi.
 Postquàm iam mutus canis prostat, septi trans-
 uersi motum tibi licebit contemplari, si abdo-
 mine à summo ad imum secto, contractisque *Septi transversus
motus consen-
platio.*
 tum intestinis, tum ventriculo, & deorsum de-
 trusis, & si opus fuerit sectione facta, iuxta co-
 starum inferiorum deductum. Deinde pulmo-
 nis motum cõtemplaberis thorace anteriùs re-
 serato, & ex altero latere costarũ cartilaginibus
 cultro excisis: nam hic non est nouaculae locus
 tutus. Caue autem, dum id ages, ne pulmones, *Cautio à pulmo-
ne.*
 aut cor vsquam offendas: nam tanta sanguinis
 copia exiliret, vt videre ampliùs, quod cupie-
 bas, nullo pacto posses: abscissis, quæ diximus,
 thoracem manu dilatato, & binas spongi-
 as frigidiuscula aqua prius madidas, deinde expres-
 sas in illum immittito: tu alteram, alteram verò
 minister, qui tibi opitulatur, cartilaginibùsque,
 quas abscidisti, admoueto, vt sanguinẽ à venis,
 & arteriis intercostalibus manantem, neq; cun-
 ctantẽ desinant, & remorẽtur, comprimantue:
 itaque compressas tandiu detineto, vt pulmo-
 num motũ spectare, ac speculari possis: quo fa-
 cto pericardium aperi, & aquam in viuentem ad-
 huc animante intueberis: licet non desint qui *Aquæ humor
in pericardio, &
visceti, & mor-
tui inesse.*
 affirmare audeant in cadaueribus duntaxat ani-
 malium aquam in pericardio contineri. Si post
 tot infelicitatis canis cruciatus, vel felicitatis potiùs,
 qui ob rerum pulcherrimarum agnitionem spe-
 ctaculũ de se præbuit, superuixerit, omnes vel

plurimas saltem pulsuum differētiās observare poteris: cor illius conspīcatus reliquas differētiās in alio cane conspīcaturus, qui an catellus sit, vel plurium mensium, tunc nihil interest. Nam iam vocis originem in alio cane tuis oculis intuitus fueras, & latrantem primo magno eiulatu, deinde voce imminuta, postremò amissa ob eam, quam diximus, causam considera veras. Thorace igitur huius secūdi canis primum aperto per rectam lineam in cartilaginem: sed illum confestim aperi, atque vnà pericardion: deinde abdomine quoque aperto magnæ arteriæ manum admoueto: diligentēque, quoad eius feri poterit, cōsidera an illa dilatetur, dum constringitur cor: vel opposito modo se res habeat, ibiq; differētiās omnes pulsuum sub oculos intueberis in rem præsentē deductus magnos, longos, latos, veloces, latosceleres, frequentes, paruos: neque hos modò, sed veloces quidem tardosue, aut frequentes, sed interpolatos, item frequentissimos, minimos, tardissimos, vndosos, & formiculares. Aliud præterea spectaculum iucundum, quod ad cognitionem attinet, de se præbere miser canis poterit. Nam si arteriam asperam inter anulum, & anulum secueris, & arundinem immiseris, si eam ori admoueris, & buccis infles, pulmones illicò attolluntur, & cor ipsum amplexabuntur, & paulò post pulsus immutabitur se ipso maior factus, quo viso sat scio obstupesces. Quòd si tertium ca-

Pulsus contemplatio.

Quomodo cor à pulmonibus amplexatur, & ex pulmonibus pulsus augetur.

nem

nem viuum fecare in animum induxeris : thoracē eo quo diximus pacto aperire poteris, motūque pulmonum denuo diligētius considerare: deinde dextro cordis ventriculo adaperto in illum digitum immittito, vt certior fias, nunquid sanguis ille calidissimus exstat, statimque sinistro cordis ventriculo secto, animaduertere tuo periculo poteris, tantum caloris ibi adesse, vt manus illum ferre nullo pacto possit, tātum abest, vt iuxta Aristotelis sententiam, frigidissimus exstat. Rursus in quarto alio cane arteriā venalem referabis, sed procul à corde, vt certò discas sanguisne, an aër in illa contineatur. Quòd si es indefessus lector optime, & sciendi cupiditate flagras: quint⁹ adhuc adsit in promptu canis, vt rem admirabilem, neque omnibus obuiam contempleris thoracem cultro, vt diximus ocyùs aperi, còrque apprehēdito: minister verò tuus diligens atq; expertus, mira celeritate acu crassā, & contorta, quam manibus gerebat, in qua còtortum filum immissum est, quatuor cordis vasa arctè colliget: deinde cor abscindat, eodémque tempore vincula abscindantur, quibus crura quatuor iuncta erant, & in pedes proiiciatur. Canem absque corde vociferari audies, progredi videbis: qua re nihil magis admirabile cōspicari poteris & hac re visa desinas adeò obstinatè in omnia Aristotelis verba iurare, qui licet magnus Philosophus fuerit: scire tamen omnia solus nullo pacto potuit. In sexto

Utrinque ventriculi cordis sanguis exposita aduersus Aristotelis sententiam.

Probationū sanguinis, an aer in arteria venali contingatur.

Quomodo abscindi possit cor a cane, et adhuc illi vita parumper superesse.

Mirum non esse Aristotelis cuncta non nouisse.

*Cerebri motus
contemplatio.*

præterea cane aliud, ne pigeat, cernito: cranio
namque excoriato eius partē frāgere celerrime
poteris, mēbranisq̃ue duris incilis cerebri mo-
tum contemplari. Quod cerebrū ita mouetur,
vt ipsum cor moueri omnes fatētur, motu scili-
cet dilatationis, & constrictionis. neque aliter
fieri poterat ob animalium spirituum genera-
tionem, quam cerebro acceptam ferūt omnes
pēnē tum Philosophi, tum Medici.

REALDI COLVMBI

CREMONENSIS,

DE RE ANATOMICA

Liber Decimusquintus.

DE IIS QUÆ RARO IN ANA-
TOME REPERIUNTUR.

*Medici super-
rioru aetatis
quales.*



*Satiū est igno-
rare quam scire
perperam.*

ROFECTO miseret
me vicē superioris ætatis
Medicorū, qui in friuo-
lis, & dialecticis quæstio-
nibus die noctūq; tēpus
cōterentes, de his rebus
absq; quarū exquisita co-
gnitione ne noscere qui
dē morbos ipsos vllō pacto possumus, nihil do-
cebāt, discebantṽe, vel adeò cōfūse, & indistin-
ctē, &

Atè, & infidè, vt ignorare satiùs fuisset, quàm
 perperâ scire. Et de materia medicinali nûc ni-
 hil dicam, quâ omnem ad pharmocopolas reii-
 ciebant: Anatomicæ rei vel prorsus ignari erât,
 vel quod tonsoribus quoque notissimû erat, id
 tantum sciebant. Itaq; cùm Anatomicam disse-
 ctionè publicè profitebantur, sitû quærebât in-
 testinorû, ventriculi, iecoris, lienis, vesicæ, renû,
 cordis, pulmonisq;: deinde caluaria disrûpta,
 cerebrû ibi cõtineri videbant, reliqua oscitâter
 sanè, & suis cum Arabibus cæcutiètes. Quòd si
 quicq; illis occurrebat præter hæc, aut quod cû
 Mundini, aut Auicennæ scriptis nõ conueniret,
 id omne tanquã môstrum naturæ in illius indi-
 uidui fabrica ostètabant, adedò vt cõplura mō-
 strofa in singulis cadaueribus esse existimarèt.
 Ego verò licet ab ineunte ætate innumera cor-
 pora dissecuerim, & ab hinc quindecim annos,
 & amplius cõplura cadauera Patavij, Pisij, Ro-
 mæq; in corona frequētis Academiæ, tamẽ hæc
 duntaxat rara visu, & à cæteris discrepantia ob-
 seruare potui, quæ reticere nullo pacto possum,
 vt hoc exéplo obseruare alia quoq; possint post
 hac diligentiores Anatomici. Prius verò quàm
 de rebus raris historiã exordiar, hoc vnû te ex-
 cellens Iacobe Bone admonitû volo, nullû ge-
 nus hominû mihi dissecadû defuisse, nisi mutû
 hominè ab ortu, quousquẽ anno vnò qua-
 tuordecim cadauera mihi dissecare contigerit.
 Hinc igitur de rebus in Anatome hominis ra-

*Cognitionē sim-
 pl. med. non de-
 bent medici in
 pharmacopolas
 reuicere.*

*Anatome quo-
 modo olim tra-
 ctaretur.*

*Ridiculû, mon-
 strum esse quod
 cum Mundini
 scrip: u non cõ-
 uenit.*

*Anatomen pu-
 blice xv. annos
 professus.*

*Iacobus Bone
 Dissecuit omne
 genus hominum
 præter mutuum
 abortiu.*

*In capitis futuro
quid varium
videt.*

*Galenus & Hip-
pocrates. error.*

*In dentibus quid
varium.*

*In maxilla infe-
riore quid rarum.
Caput gigantum.*

*Maxilla infe-
rior capitis con-
nata.*

*De vertebra pri-
ma occipitis ad
harente.*

*De vertebrarum
numero.*

Vertebra colli.

*Vertebra tho-
racis.*

*Vertebra lum-
borum.*

ris, & animaduertendis à capite incipiā. Capitis futuras vario modo se habere cōperi. nā in quibusdā nullo pacto erāt cōspiciē, aliis futura recta decrat: huic erāt ossa triangula, illi quadrangula: alij sagittæ specie, aliisq; id genus figuris futura: circumdatis. Eam tamen figuram, quæ X Græcam literā imitetur, de qua Hippocrates, & Galenus meminerūt, fateor me nunquā vidisse: licet lynceis penè oculis sæpenumero inquisuerim. Magnā quoq; in dentibus diuersitatē obseruauī, tum quo ad numerū dentium, tum quo ad dentium radicum numerū in nōnullis præterea dentes maxillis adedò nixos obseruauī, vt diuelli nullo modo possent, nisi maxilæ ossis frustū insigne vnā abstraheretur. De maxilla inferiore hoc in Summi Pont. penu videre est, caput Gigantis [maximū enim est omnium capitū quæ hactenus viderim] in quo maxilla inferior capiti adedò connata, & cōiuncta est, vt omni motu prorsus careat atq; in viuente nō carere nō potuerit. Primam quinetiam vertebram occipitis ita adherentē hisce oculis vidi, vt moueri neuiquam posset. Vertebrarum numerus in quibusdā immutatus cernebatur. Nam quod attinet ad vertebrae colli, hæ in omnibus penè septem sunt: ego verò nunc sex, nūc octo ceruicis vertebrae cōperi. Vertebrae thoracis tū vndecim, tum tredecim. Vertebrae lumborum interdum sex, interdum quatuor. Os sacrum nonnunquā ex quinque, aliās ex sex ossibus constare vidi.

Costas

Costas item viginti duas, viginti quinque & viginti sex. Quandoque duas ex his, tréſve admodum connexas: at in aliis in notatu dignum tumorem excreuiſſe. ſternū ex duobus oſlibus, & ex tribus, & ex quatuor. Os Ileon vnitū ſacro eſſe deprehendi. Femur proceſſus quorūdam ad palmi longitudinem, acutōſque: itidem in tibia, ſed non tam proceros. Vidi femur cum tibia, molāque vniri: femur, tibiā, in incredibilem tumorem excreuiſſe. ſex in manu digitos: extremus etenim po'licis articulus in duos diuidebatur. Sed quāuis hæc, quæ hæctenus memorauimus, memoranda videātur eſſe, & admiranda, admirabilius tamen erit, quod mox audies. Excellēs medic⁹ Io. Bertonius ab Auricula mihi amiſſiſſimus, ſceletō mihi dedit, quē ego domi ad ſtudioſorū vtilitatē diligenter adſeruo, in quo oſſa omnia. i. omnes totius corporis articuli à capite ad extremos vſq; pedis digitos vniti cōſpiciuntur. huic quatuor dentes deſunt, bini ſuprà, totidē infrà ex illorum regione, qua via cibus, & potus intromittebatur. Romę in Xenodochio diui Iacobi incurabiliū diu vitā traxit: viuēs autem, quem ſenem vidit, & inuiſit ſepe Ioannes Auricula, nihil aliud mouebat, quàm oculos, linguā, penem, abdomen, thoracem. nam cartilagineſ quidē coſtis articulatae erant, ſed nondum coaluerāt: reliquæ corporis partes omnis motus expertes relinquebantur. Alios ſecui, quibus brachia ab ortu deerāt: alios quibus de-

*Coſta.**Sternon.**Ileon.**Femur proceſſus.**Tibia proceſſus.*
*Femur, tibia & mola vnita.**Sex digiti in manu.**Pollicis extremus articulus biſidus.**Ioanni Bertonij ſkeleton admirabile viſu deſcribitur.**Monſtra.*

erant crura. Præterea corpus integrum intuitus sum, cui dimidium alterius cohærebat. Auriculas instar brutorum in hominibus, cæcos iam inde ab incunabulis, & similia. sed quod maiore admiratione me affecit, fuit inspectio Lazari vitri voracis vulgo dicti, quem patritij

*Lazarus vitri
vorax quidam
catens.*

omnes Veneti, immò Veneti omnes, omnes Ferrarienses de facie nouerant. Hic nullo prorsus gustu, dum viueret, præditus erat, nullam in edendo voluptatem, nihil iniucundum persentiebat: insipida, amara, dulcia, pingua, falsa, acria, non distinguebat: vitrum, saxa, lapides, ligna, viua animalia, carbones, pisces è viuario extractos adhuc salientes vorabat. Vorabat lutum, lineos, laneosque pannos, fœnum, stipulam, & vt breui omnia complectar, quidquid homines, quidquid animantia vorant, quidquid illi edendum, seu deglutendum porius offerebatur, mercede propolita, dictum, ac factum ingurgitabat. Testis est inter reliquos Martinus Aromatarius Patauij ad Angeli insigne cui sacculum carbone refertum, & saccum insuper deuorauit. quo viso persoluit, quod pollicitus fuerat, comminatus ne ad pharmacopolum amplius accederet: veritus ne se cum taberna, & vasis esitaret. Cum igitur hoc naturæ monstrum mihi disseccandum esset Patauij, capî huiusce rei diligenter, quoad eius fieri potuit, causam venari, quam me tandem Deo duce ex particulari illius structura assecutum esse confido.

confido . Nam quarta neruorum coniugatio *Quarta neruorum coniugatio*
 quæ gustus gratia in aliis hominibus à natura *in Lazaro vitri*
 producta est, in hoc Lazaro vitri vorace neque *vorace ad palatum & linguam*
 ad palatum, neque ad linguam reptabat, sed ad *non tendebat.*
 occipitium reflectebatur. sed de hoc Lazaro satis, superque. In musculis verò equidem varietatem percepi, at non multā. Erant aliqui, quibus in facie musculus abundabat, aliis in thorace, aliis in extrema manu . Vidi & nonnullos, quibus aliqui musculi deficiebant, vt in nonnullis furibus illustribus, in quibus dissecandis oculatissimus fui . obseruavi in his deesse musculū illū, à quo latus tendo in vola proficiscitur, quo lato tendine non carebant, sed non à dicto, verum à brachialis ligamēto exoriebatur. In cruribus item , pedibusque aliquam diuersitatem inueni, sed hæc mea sententia non multi faciēda erant . In venis autem miram nactus sum sæpenuerò varietatem, in internis inquam, atque externis . Nam in eodem latere duas internas iugulares venas deprehendi, duas, tres, quatuorque, & plures eodem latere, emulgentes binas, item eodem latere seminarias venas: Vreteres quatuor, venas in abdomine, & cruribus varicofas maximæ molis . Vidi etiā renem vnum duntaxat, eūmq; maximū. Animaduerti intestinorū tenuium mutuū ingressum, spatio ampliore, quàm sit digiti longitudo, præsertim in nonnullis, quos dolor iliacus enecauerat. Iecur quandoque mihi se obtulit inspiciendum *Iecur.*

*In musculū quā
 differētiā inueniis.*

*In furibus illustribus quid rarum obserua.
 notis.*

Crura.

Pedes.

Vena.

Vreteres.

Renes.

Lienes.

*Cartilago circa
lienem.*

*Antonius Mi-
randulanus.*

*Iustinianus Fi-
netius.*

*Franciscus
Sanfonius.*

Omentum.

Pulmo.

*Omne vulnus
thoraci pene-
trans extrà spi-
rare fñsum est.*

*In pulmonibus
scatmata &
ascheromata.*

*In Francisco Ca-
pello os in pul-
mone.
Paulus iij. pon.
max.*

peritonæo adnexum: adnexam item vidi peri-
tonæo lienem. Adde lienes adeò grandes, vt vi-
ginti librarum pondus vnusquisq; ex his longè
excederet, quos cartilago exterius obuoluebat.
Quæ res cum ab Antonio Mirandulano, quem
nostri temporis philosophorum principem ap-
pellare meritò possumus, & ab excellentissimo
Iustiniano Finetto, & Francisco Sanfonio dili-
genter spectaretur, non poterât satis mirari no-
uitatem tantæ molis primùm, deinde illius par-
tis extrinsecæ cartilagineæ. Conspicatus sum o-
mentum peritonæo, nec nō abdominis muscu-
lis adnexum. Præterea omenti selibram extra
umbilicum, & in scroto omenti libram, & am-
plius. Pulmonem in pluribus pleuræ cōnexum:
nunc in altero latere: nunc in vtroque, atq; hæc
pulmonum in nonnullis cum pleura connexio
in causâ plerunq; est, vt Medici decipiantur pe-
netrâtia thoracis vulnera nequaquam agnoscē-
tes, quippe qui hoc Chirurgorum axioma pu-
tent, omne thoracis vulnus penetrans extrà spi-
rare: at in illis, quibus hæc pulmonum con-
nexio cum membrana succingente contingit,
possunt vulnere, thoracem perforante, labora-
re, neq; tamen respirare vulnus cernitur. Quid?
quòd tum in pulmonibus, tum in iecore ipso
στασμάτὰ comperi, nec non ἀσπεσμάτὰ. Vidi &
in pulmonibus ossa non parua, vt superiore an-
no in Francisco Capello, quem Paulus i i i i.
Pontifex Maximus, è Verona Româ accersuit,
vt Sancti

ut Sancti spiritus hospitalis commendator, seu præceptor esset. cuius sectioni tu Iacobe Bone interfuisti. In thorace magnā aquæ copiā vidi.

Iacobus bone.

Thorax.

Vidi in corde vlcera, & tumores duros præter naturam, præsertim in sinistro cordis vētriculo.

Cor.

Vidi in nonnullis septum, quo cordis vētriculi distinguuntur, cartilagineū: alios in quibus sinister ventriculus cordis deesse videbatur, tā exiguæ molis erat: Discipulū item in Romana A-

Septum cordis.

Ventriculus sinister.

cademia mortuum secui (aderat excellens Medicus Alexander Traianus Petronius à ciuitate

Alexāder Tra-

Castellana, acris iudicij vir) huic misero iuueni pericardium deerat, itaq; subinde in syncopen

ianus Petronius

Rarus admodū

casus.

incidebat, subinde mortuo similis conspiciebatur, quo genere morbi exanimatus est. Inueni

Pericardium.

quoq; partē thoracis pulmone destitui, hoc est, minimā pulmonis portionē adesse: quod verò

*In thorace pul-
monis portio mi-
nima.*

reliquū erat cavitatis, ab aqueo humore occupabatur. Dissecui non semel, qui ob fortē Apoplexiam obierant, in quorum cerebro magnam

*Sectio apople-
ctici.*

aquæ copiā reperi: perspicuam quidē, sed glutinosā. Monstrū mihi oblatū est Patauij disse-

Monstrum Pa-

candum, erat infans semestris ætas, ut alij mares sunt, cui alius imperfectus infantulus anteriore

tauij dissectum

maru semestru.

cui alius ante-

parte incumbebat, cruribus, brachiis, dorso, abdominis parte, pene, medióq; collo. videbatur

riore in parte

incumbebat.

autem caput huius imperfecti puelli in thoracē perfectioris intrusum. Hoc monstrum vixit aliquādiu. Quamobrem inter studiosos viros lis

orta, & quæstio, utrū cor vnicum illi adesset, vel duplex, idem de iccore, cerebróq; quæsitum est,

*Marcus Antonius
Ianna.*

*Quid in mōstri
seſſione inuenit*

*Membrana
Idymen.*

*Antonius Fra-
canzanus.
Paulus crassus.*

& de aliis internis membris. Marcus Antonius Ianna illustris philosophus, vnicā in illo subiecto animā esse opinabatur. Nam si quis imperfectam illam appendicē, & pondus inutile attigisset, ille, quē integrum membrorū omniū diximus, statim perſentiscere animaduertebatur. Non deerant tamē, quibus oppositū videretur. Hoc itaque mōstrum, vbi diem suam obiit, ego rei nouitate allectus libēter secui. quā autē obseruauī, hęc fermē sunt. In imperfecto, quē dixi, nōnulla intestina aderant, ex quorū vnius portione tum vesica, tum anus cōstruebantur. nulum ibi aderat iecur, neque cor, neq; cerebrum, sed ren permagnus, quē ego hepatis penē munere fungi sum opinatus. nā ab extremo iecore perfecti infantis crassa vena, durāq; instar arteriæ deducebatur ad renem illum insignem: atq; inde venæ alię cōplures passim distribuebātur. at ab arteria dextra axillari perfecti puelli arteria ortū ducebat, quę postmodū per vniuersam partem monstri imperfectioris deducebatur. Item à neruis dextri brachij exhibant, qui per reliquum corpus imperfecti homunculi disseminabantur. atq; hactenus de monstro Patauino. Nūc de mēbrana hymene quid obseruauerim, dicam tibi: licet vulgus hominū putet nullā esse virginem, quā hyemena non habeat. Ter dūtaxat illā inueni, bis in duabus paruulis puellis, semel in natu maiore, quā cū dissecares, intererat excellētissimus Antonius Fracanzanus Vicētinus, & Paulus Crassus Patauinus, & vnā cū
his

his Ioannes Caius Anglus. Est hymen mēbra-
na quēdā sub nymphis ante ceruicem vteri vni-
co foramine prēdita superiore parte, vt menses
effluere possent. atq; hæc illa est eadem mem-
brana, quæ ingressum penis quamuis mēbrofi
hominis prohibet.

*Ioannes Caius.
Quid sis hymē.*

Lapides autē innumerabiles penè hisce ma-
nibus extraxi, inuentos in renibus colore vario,
in pulmonibus, in iecore, in vena portæ, vt tu
tuis oculis vidisti Iacobe Bone in Venerabili
Egnatio Generali congregationis Iesu. Vidi et-
iam lapillos in vteris, in vesica, in intestino
colo, in venis hæmorrhoidibus, atq; in vmbi-
lico. In bilis quoque vesicula, quod tamen exci-
derat, varij coloris, variæq; figuræ lapillos, & in
nōnullis complures inueni: vidi abscessum. De
abscessibus autem quid attinet dicere? Inter re-
liquos sæpe simillima materia refertissimū ab-
scessum in omento, & peritonæo cuiusdā mu-
lieris extraxi: quæ ob harū partiū abscessum in
hydropem inciderat: & mirū mihi visum fuit,
cū eiusdem iecur, & lien, neq; in colore, neq;
in substantia præter naturam affecta esse vide-
rentur, in illius tamen abdomine aquæ incredi-
bilē copiā adfuisse. Hanc hydropicā, dum ego
Romæ dissecarem: intererat excellens Cosmus
Iacomellus, nunc Romæ Archiatros. Innotuit
mihi ex Anatome abscessus cor vndiq; circum-
plectens & cor illius iam fermè putrescēs, quā
rem excellens Medicus Marcus Appogius ab
Oximo magna admiratione intuebatur. Præ-

*Lapides in re-
nibus.*

*Lapides in pul-
monibus.*

*Lapides in ieco-
re.*

*Egnatius Gene-
ralis congrega-
tionis Iesu ha-
bebat lapides in
vena portæ.*

*Lapides in vte-
ris.*

Vesica.

Vmbilico.

Venis hæmorrh.

Vesica bilis.

De abscessibus.

*Hydropicus cui
iecur, & lien in
colore & sub-
stantia non erat
præter naturā.*

*Cosmus Iaco-
mellus.*

*Abscessus in
corde.*

*Marcus Appo-
gius.*

Iecur scirrhum.

Lien scirrhusa cartilagine obducta.
Stephanus Cerasius.

In Cardinali Gābara tumor durus oui magnitudine in sinistro ventriculo cordis.

In Cardinali Cibo cur ventriculus & intestina sanguine repleta.

Antonius Musa Brasauolus.
In Cardinali Cāpegio intestina ad hypochondria redacta.

terea iecur, quod toties scirrhum deprehēdi, lienem quoq; nō modò scirrhus laborātem, sed extrā cartilagine obductum, quod summa cū voluptate vidit excellētissimus Stephanus Cerasius. Multa alia minoris momenti, rara tamen obseruari, quę, ne tractatus hic nimis excresecat, missa faciā. Non possum tamen abstinere, quin tibi explicē breui quoad eius fieri potest, quid in tribus Cardinalibus Romę, quid Patauij in Hermaphrodito deprehēderim, quā hystoriā postquā absoluerō finem faciā. In Cardinali Gambarā Brixiano tumorem prædurum, & ad oui magnitudinem in sinistro cordis vetriculo Romę vidi, vbi illum in affiniū gratiam disseccarem. In Cardinali Cibo vena, quę à liene ad os ventriculi tendit, insignis erat magnitudinis: quę quum primū ob anastomosim, vel fracturā referata est, illicò ventriculus sanguine repletus fuit, & nō modò ventriculus, sed intestina omnia: licet, dum adhuc viueret, in morbo ipso libras aliquot tū per vomitum reieciisset, tum per secessum deieciisset. Quam sectionem dum ego summa diligentia peragerē ob subiecti dignitatē, & ob morbi raritatē, aderat excellentissimus Antonius Musa Brasauolus Ferrariensis, quem honoris gratia nomino. In Cardinali Campegio intestina omnia ad hypochondria redacta erant, propterea cavitās inferior abdominis intestinis destituta erat, & spina detecta. Quamobrem Medico licebat abdomen Cardinalis atrectātī magnę arteriæ motū persentire, & vna cū

cùm illa durities persentiebatur. Illa verò durities nihil aliud erat, quàm vertebrarum corpora. cuius rei nouitatem non poterat satis mirari excellens Augustinus Riccus Lucēsis. Sed profectò mi Bone, vel Optime potiùs Iacobe, inter tot admirabilia, & rara, quæ in humani corporis fabrica diuersis tēporibus obseruauī, nihil admirabilius, nihil rarius cēleo, q̃ quod de neutra natura diligenter inuestigauī. Proposito enim mihi androgyno, seu hermaphrodito, subiecto inquam eodem mare, & fœmina. superioribus etenim annis fœminā mihi videre cōtigit, quæ præter vuluam, membro quoq; virili prædita erat, quod tamen non erat admodum crassum. Quamobrē in eius Anatome generationis vasa accuratè admodum peruestigauī: vasa seminaria, testēsq; considerans. nunquid vlla inter hæc cōmunio, & consensus adesset: tandem hoc cōperi, vasa quidem præparantia, ab aliarum fœminarū præparantibus vasis nō differre: sed differentia differre. nam bipartita erant, & ex binis quaterna natura genuerat, ex quibus duo, quæ etiam maiora erant, ad matricis concauum destinabantur, reliqua duo ad penis radicē, qui glandularum parastātum expers erat. Hoc tam admirabile visu, & speculatu erat quàm quod maximè: quo pacto natura prudens, sagaxq; locum satis tutum selegerat, per quod vasa hæc ad penem deferri possent: & quemadmodū meatum, qui in ipso est pene, perforarent: qui meatus in aliis tū semini, tum lotio cōmunis existit.

*Augustinus
Riccus.*

*Fœmina andro
gynæsecta quid
varum.*

hic verò vrinæ nihil quicquam opis afferebat. nam instar aliarū mulierū vrina exhibat. Vterus autem, necnō vteri ceruix & cæterarum fœminarum matrice, collóq; nihil distabat: sed in testibus discrimen erat. nam testes in hac crassiores erāt, quàm in reliquis mulieribus: sed quoad situm ipsorum, nullum discrimen deprehendi. Peni scrotum contiguum, non erat, immò verò scroto prorsus carebat, & duobus musculis præditus erat huius fœminæ penis non quatuor, vt in maribus perfectis. Præterea penis huius hermaphroditi tenui pelle integebatur, nullū aderat præputium, sed duo spongiosa corpora, per quæ duæ arteriæ ferebantur, ab illis ortæ, quæ ad vesicam tendebant. Atq; hæc sint satis de hermaphrodito, quem mortuū secui. Duos deinde Hermaphroditos viuentes consideraui, in quibus alter mas, fœmina altera erat (dicuntur autem à superabundanti vel mares, vel fœminæ, vt vel plantandis hominibus, vel homini suscipiendo sunt aptiores, vel aptiores creduntur.) Fœmina erat æthiopica mulier earū, quas Cingaras appellant Longobardi. hæc neque agere, neque pati commodè poterat. nam vterq; sexus imperfectus illi cōtigerat suo magno malo: penis nanque minimi digiti longitudinem, crassitiemque non excedebat: vuluæ autem foramen adeò angustum erat, vt minimi digiti apicē vix intromitteret. optabat misera, vt hunc illi penem ferro euellerem, quippe qui sibi impedimento esse diceret, dum cum viro coire exoptabat

Hermaphroditus quomodo dicatur mas aut fœmina.

Cingara hermaphrodita vincta quid rariū.

bat. optabat etiam, vt vuluæ foramen illi amplificare, vt viro ferendo idonea esset. Ego vero, qui horum vasorum discriminē intueri sæpius cupiebam, verbis detinui. Non enim sum ausus aggredi illius cupiditati satisfacere, quoniam id absque vitæ discrimine fieri non posse existimabam. Hermaphroditus vir, quē viuum summa diligētia inspexi, hoc modo habebat. penis aderat cum scroto, testibúsque, sub quibus in petineo seu tauro, quo loco (inter anum scilicet, & testes) fit sectio pro extrahendo vesicæ lapide: foramē quidem perstabat in vuluæ morem, sed non penetrabat. atque hi sunt quos vidi, Hermaphroditi. Sed priusquam finem huic tractatui imponem: libet recensere, quid monstrosū in muliere animaduenterim. Fœmina erat, cuius vulua ab aliarum fœminarum vuluis nihil, peculiare, & diuersum habebat: & matricis colli portio prominebat, vel matricis collo simile. matrix autem nulla aderat in abdomine, neque vasa seminaria, neque testes. & quoties cum viro coibat (coibat autem sæpe) mirandum in modum conquerebatur.

Vir hermaphroditus quomodo haberes.

Vulua rata.

F I N I S.







